

মহাস্থবির জাতক

মহাস্থবির জ্যোতক

(তৃতীয় পর্ব)

“মহাস্থবির”



রুজুন পাবলিশিং হাউস
৫৭, ইন্ডিয়া বিশ্বাস রোড কলিকাতা-৬৭

প্রচ্ছদপট : শ্রীঅণু বন্দ্যোপাধ্যায়

প্রথম সংস্করণ : আষাঢ় ১৩৬১

মূল্য পাঁচ টাকা

শনিরঞ্জন প্রেস, ৫৭ ইন্ড্র বিখাস রোড, কলিকাতা-৩৭
হইতে শ্রীরঞ্জনকুমার দাস কর্তৃক মুদ্রিত ও প্রকাশিত

১১—১২. ৬. ৫৪

নিবেদন

‘মহাস্থবির জাতক’ লিখতে ‘আরম্ভ ক’রে মনে হয়েছিল তিন চাব বছরের মধ্যেই কয়েক পর্ব লেখা সম্পূর্ণ করতে পারব। কিন্তু তা হয় নি—অর্থাৎ আর একবার প্রমাণ হয়ে গেল, যা মনে করা যায় সব সময়ে তা হয়ে ওঠে না। দ্বিতীয় পর্ব লেখবার সময়েই আমার দেহ ব্যাধি দ্বারা ‘আক্রান্ত হয়। কিছুকাল পরে একটু স্বস্থ হয়েই তৃতীয় পর্ব লিখতে শুরু করি। তৃতীয় পর্ব যখন মাসে মাসে ‘শনিবারের চিঠি’তে প্রকাশিত হচ্ছিল, তখন আবার ব্যাধিগ্রস্ত হয়ে পড়ি। সেই সময়েই মাসে মাসে নিয়মিতভাবে ‘জাতকে’র আবির্ভাব হয়তো বন্ধ হয়ে যেত যদি না স্নেহাস্পদা কবি উমা দেবী তাঁর সাহায্যহস্ত প্রসারিত করতেন। তিনি প্রতি মাসে পাণ্ডুলিপি থেকে আমার দুবোধ্য তস্তাস্কর উদ্ধার ক’রে নিয়মিতভাবে প্রেস-কপি তৈরি ক’রে দেওয়ায় ‘জাতক’ প্রকাশের ধাবাবাহিকতা অক্ষুণ্ণ ছিল—এজ্ঞে এখানে তাঁর ঋণ স্বীকার করছি।

“মহাস্থবির”

উৎসর্গ

হৃদিনে দুর্গম পথের সহযাত্রী

বন্ধু

উষাকান্ত চট্টোপাধ্যায়ের স্মরণে

মহাশ্বির জাতক

তৃতীয় পর্ব

কবি বলেছেন, স্বথ-দুখ দুটি ভাই। কি রকম ভাই? মায়ের পেটের ভাই, কি চোরে চোরে মাসতুতো ভাই—সে বিষয়ে তিনি নীরব। ভাই স্বথ ও দুঃখ সম্বন্ধে এইখানে তেড়ে একটি ভাষণ ঝাড়বার প্রলোভন হচ্ছে। কিন্তু ভয় নেই, সংযত হচ্ছি। আপনারা শুধু একবার মনশ্চক্ষু উন্মীলন ক’রে দেখুন, স্ববিধ শর্মা চটিজুতো পায়ে দিয়ে চ্যাটাং চ্যাটাং করতে করতে চলেছে কর্নওয়ালিশ স্ট্রিটের ফুটপাথ দিয়ে ইস্কুলের দিকে। বগলে তার খানকয়েক বই, তাতে অনেক জ্ঞানগর্ভ কথা আছে; কিন্তু যে অভিজ্ঞান তাব মাথায় বোঝাই করা হয়েছে তাব তুলনায় সে সব জ্ঞান অতি তুচ্ছ। কিন্তু সন্সার তা স্বীকার করলে না, ভাই আবার এট কিছু সাধনের অভিনয়—

বাড়িতে ফিরে আসবার পর বাবা কোনও কথা বললেন না—না বকুনি, না প্রহাণ। শুধু বললেন—কাল থেকে আবার ইস্কুলে যেতে আরম্ভ কর।

আমি আশঙ্কা করেছিলুম, বাড়ি ফিরলে বাবা মেরে একেবারে পাট বিছিয়ে দেবেন। কিন্তু পাছে আবার পলায়ন করি, এ জ্ঞাত্তে তিনি কিছু বললেন না। প্রহারের হাত থেকে অব্যাহতি পেয়ে আমিও ভালমানুষের মত ইস্কুলে ঘেতে আরম্ভ ক’রে দিলুম। আমি মনে করলুম, বাবা কি ভালমানুষ; আর বাবা মনে করলেন, আমার ছেলে কি বাধা! কিন্তু আমরা দুজনেই ভুল করলুম, কারণ বাড়ি থেকে পালানো আমার বন্ধ হ’ল না। বাবাকেও দীর্ঘকাল ধ’রে আপসোস করতে শুনেনি যে, প্রথমবারের পলায়নের পর বেশ উত্তম-মধ্যম পেলে আমি আর কখনও পালাতে সাহস করতুম না। আর আমার দিক দিয়ে আমিও বহুকাল আপসোস করেছি এই ভেবে যে, প্রথমবারেই যদি স্কুলে যেতে

অস্বীকার করতুম, তা হ'লে যা হবার তখনি একটা এস্পার-ওস্পার হয়ে যেত, কারণ প্রতিবারেই গৃহপ্রত্যাগমনের পর আবার আমায় ইঙ্কলে যেতে হয়েছে।

যা হোক, ইঙ্কলে যেতে হ'লেও পড়াশুনোর বালাই আর রইল না। স্বদেশীর বন্ধায় সারা বাংলা দেশ তখন টলমল করছে। ইঙ্কল, কলেজ ও বিশ্ববিদ্যালয়ের নতুন নামকরণ হয়েছে—গোলামখানা। এই স্বদেশীর কল্যাণে অনেক ছেলে ইঙ্কল-কলেজের কবল থেকে রক্ষা পেয়ে গেল, অনেক ধনী-অভিভাবক ব্যাপার হুবিধা নয় বুঝে ছেলেদের বিলেতে পাঠিয়ে দিলেন। বোম্বাইয়ের খলিফারা এই সুযোগে গরিব বাঙালীর পয়সায় বড়লোক হতে লাগল। বাঙালীরা বিলিভী মিলের ধুতি বর্জন ক'রে ডবল দাম দিয়ে বোম্বাই মিলের চট কিনতে লাগল। আর তার পরিবর্তে বোম্বাইয়ের মিলওয়ালারা বাংলা ও বিহারের কয়লা বর্জন ক'রে দক্ষিণ-আফ্রিকা থেকে কয়লা আমদানি ক'রে বাংলার ঋণ পরিশোধ করতে লাগল।

বাঙালীর জাতীয় জীবনে পূজা, দোল, দুর্গোৎসব, পরনিন্দা, ঘোঁট, কীর্তন প্রভৃতি উৎসবে উৎসাহ ছিল প্রচুর, কিন্তু এই স্বদেশী আন্দোলন তাদের জীবনে উৎসাহের সঙ্গে নিয়ে এল উত্তেজনা।

স্বদেশী আন্দোলনের ঘটনাপ্রবাহ আজ চলচ্চিত্রের মতন মনের পর্দায় একে একে ভেসে উঠছে। ভেসে উঠছে বাঙালীর সেই উন্মাদনার চিত্র, সেই ভাবের জোয়ার—যাতে একদিন তারা হাত পা ছেড়ে আপনাকে ভাসিয়ে দিয়েছিল। অদ্বৃত্ত এই বাঙালী-চরিত্র! তাবা পূজা কবে শক্তির, কিন্তু চচা করে মাধুর্য় রসের—তাই কাটলেট ও মালপোয়ায় তাদের সমান রুচি। এই স্বদেশীর দিনে তারা কীর্তনের সুরে যুদ্ধের গান গেয়ে সকলকে দেশাত্মবোধে অন্তপ্রাণিত ক'রে বেড়াতে লাগল।

সিপাহী-বিদ্রোহের পর ইংরেজবা কিছুকাল মুসলমান-দমননীতি চালিয়ে ও সঙ্গে সঙ্গে হিন্দুদের পিঠে হাত বুলিয়ে কিছুতেই এই মতিপূজকদের বাগে আনতে না পেরে হিন্দু-দমন ও মুসলমান-তোষণ নীতি অবলম্বন করলে—যার

ফলে হ'ল বঙ্গ-বিভাগ। ইংরেজরা পূর্ববঙ্গকে একটা ছোটখাট পাকিস্তানে পরিণত ক'রে হিন্দু ও মুসলমানের মধ্যে ভেদ বাড়িয়ে তোলাবার চেষ্টা করতেই বাঙালী নেতারা হিন্দু-মুসলমানের মিলনের চেষ্টা করতে লাগলেন। কয়েকজন মহাপ্রাণ মুসলমান ও হিন্দুদের দলে যোগ দিলেন বটে—কিন্তু অধিকাংশ মুসলমানই এই মিলনের শুধু বিপক্ষতা নয়, বিরোধিতা করেছিলেন। মুসলমানদের গ্রন্থাদি যাঁই বলুক না কেন, তাঁরা কখনও কোনও সময়েই অগ্রদূতমূল্যবানদের সঙ্গে স্বচ্ছন্দে একত্রে বাস কবেছেন— এমন নজির ইতিহাসে পাওয়া যায় না। তাই ইংরেজদের এই চালকে তাঁরা আগ্রহেব সঙ্গে বরণ করেছিলেন। ইংরেজদের এই অপচেষ্টা ব্যর্থ করবাব জন্তু সে সময় বাংলার নেতারা সমস্ত ভারতবর্ষের হিন্দু মুসলমানকে মিলিত করবার চেষ্টা করেছিলেন।

সে সময় উপযুক্ত স্থানের অভাবে সভা করবার খুবই অসুবিধা ছিল। হয় গোলা মাঠ কিংবা টাউন হল ছাড়া সভা কববার বড় জায়গা শহরে ছিল না। কিন্তু গডের মাঠ ও টাউন হল দুই-ই ছিল সরকারী আমলাদের কবজায়, ক জেই সরকারের বিবোধী কোনও সভা হওয়া সেখানে এক রকম অসম্ভবই ছিল। তাই স্বদেশীয়গণের আরম্ভেই নেতারা স্থির করলেন যে, হিন্দু-মুসলমানের মিলন মন্দির নাম দিয়েই একটা বড় সভা গৃহ নির্মাণ কবতে হবে। অবিষ্টি তাঁরা ঠিক করেছিলেন এই সভাগৃহের নাম হবে—দি ফেডারেশন হল। মাতৃ-ভাষায় কিছু বল্লাস করা তাঁদের পক্ষে দুর্বল ছিল কিনা।

আচ্চা। জগদীশচন্দ্রের বাড়িব সম্মুখে, ব্রাহ্ম-বালিকা-শিক্ষালয়ের ডান দিকে একটা বড় এবডো-খেবড়ো খালি জমি প'ড়ে ছিল। ঠিক হ'ল এই জমির ওপর প্রতীতি মিলন-মন্দির তৈরি করা হবে। তিবিশে আখিন রাখিবন্ধনের দিন এখানে বিরাট সভা হ'ল। সভায় বোধ হয় কুড়ি পঁচিশ হাজার লোকের সমাগম হয়েছিল। আজকাল একটা ফুটবল মাঠ দেখতে যেমন ছোট বলতে পঞ্চাশ হাজার লোক জমা হয়, তখন তা ছিল না। কোন সভায় বিশ-পঁচিশ হাজার লোক একত্র হওয়া অদ্ভুত ব্যাপার ব'লে বিবেচিত হ'ত।

সেদিন বেলা তিনটে বাজতে না বাজতে সেই পতিত জমিতে লোক এসে জমা হতে লাগল। নানান পাড়া, সংঘ, সমিতির শোভাযাত্রা আসতে লাগল স্বদেশ-সঙ্গীত গাইতে গাইতে। ‘বন্দে মাতরম্’ ধ্বনিতে আকাশ কেঁপে উঠতে লাগল। তখনকার দিনে সারকুলার রোডের ওই অঞ্চলটা ছিল বেশ নির্জন, বাড়ি-ঘরও বেশি ছিল না। যা ছ-চারখান। নতুন বাড়ি সে সময় তৈরি হয়েছিল, তারই ছাতে ছাতে লাগল মেয়েদের ভিড়—কলকাতায় সে দৃশ্য নতুন, এক নতুন ভাবের জোয়ারে নগরবাসী গা ঢেলে দিয়েছে, সে এক নতুন উত্তেজনা!

সভায় সেই কাল্পনিক মিলন-মন্দিরের ভিত্তি স্থাপন করা হ’ল। কার জমি, কে টাকা দেবে, কোথা থেকে টাকা আসবে—সে সব তুচ্ছ ব্যাপার কেউ গ্রাহ্যে মধ্যেও আনলে না। স্বগীয় ব্যারিস্টার আনন্দমোহন বসু মহাশয় ভিত্তি স্থাপন করলেন। তিনি তখন অত্যন্ত অসুস্থ ছিলেন—এই ব্যাপারের কিছুদিন পরেই তিনি দেহরক্ষা করেন।

আচার্য জগদীশচন্দ্র বসু মহাশয়ের বাড়ি থেকে তাঁকে তোলা-চেঁষারে বহন করে সভা-ক্ষেত্রে নিয়ে আসা হ’ল। সেই বিরাট জন-কল্লোল মুহূর্তের জগা শুরু হয়ে গেল। তার মধ্যে একতারার মত ক্ষীণ কণ্ঠে বেজে উঠল বসু মহাশয়ের প্রার্থনা—একখানি করুণ সঙ্গীতের মত। মুমূর্ষু দেশনায়কের সেই কাতর মর্মবাণী আজ অতীতের গর্ভ থেকে উঠে নতুন সুরে আমার কানে এসে বাজছে, And Thou, Oh God of this ancient land, the Protector and Saviour of Aryavarta and the merciful Father of us all, by whatever name we call upon Thee, be with us on this day, and as a father gathered his children under his arms, do Thou gather us under Thy protecting and sanctifying care.

কিন্তু ওই যে Thou, যিনি পুরুষের ভাগ্য এবং নারীর চরিত্র সৃষ্টি করেছেন, তিনি যে সবচেয়ে বেশি দুঃখের—সে কথাটা মানুষ যে জানে না তা নয়, কিন্তু

হৃদনে প'ড়ে মাতৃষ তাঁর কাছে সোনার পাথর বাটি চেয়ে বসে। হাত পাতলেই যদি তাঁর কাছ থেকে জিনিস পাওয়া যেত, তা হ'লে ঘরে ঘরেই বিরোধের অন্ত থাকত না। একথা ভুললে কিছুতেই চলবে না যে, আমাদের মঙ্গল মথক্ষে এই 'Thou' আমাদের চেয়ে ঢের বেশি সচেতন, এবং বোধ হয় সেই জন্তেই হিন্দু-মুসলমানে আজও মিলন হয় নি—মিলন মন্দির তো দূরের কথা।

সেই কল্পিত মিলন-মন্দিরের মাঠে এখন কতকগুলো বাড়ি তৈরি হয়েছে। এই বাড়িগুলোর পাশ দিয়ে একটা বাস্তা তৈরি হয়েছে, তার নাম ফেডারেশন স্ট্রট। যেখানে একদিন উচ্চচড় মিলন-মন্দিরের সম্ভাবনা হয়েছিল সেখানে আজ সদর রাস্তা হয়েছে—অর্থাৎ মিলনের আশা ধূলিসাৎ হয়েছে।

বহিঃপ্রকৃতির সঙ্গে সমান তালে আমার অন্তরেও তখন বিক্ষোভ, অশান্তি ও উত্তেজনার ঝড় বইতে শুরু করেছিল। স্বদেশীর বগায় গা ঢেলে দিয়ে মাঠে মাঠে মটীড়ে যাওয়া, দলবদ্ধ হয়ে গান গাইতে গাইতে শহরের রাস্তা পরিক্রমণ করা, কনটেবলের তাড় খেয়ে লগা দেওয়া, তার ওপরে ফুটবল খেলা ও গড়ের মাঠে ম্যাচ দেখতে যাওয়া—সবই চলছিল বটে, কিন্তু আমাব মধ্যে যে একজন চো'কিদার আছে সে কিছুতেই নিশ্চিত হতে দিচ্ছিল না। আমার খালি মনে হতে লাগল, এর পরে কি হবে। এই উত্তেজনার ঝড় শান্ত হয়ে গেলে—একদিন শান্ত হবেই—তখন আমাব কি হবে? কি আমাব ভবিষ্যৎ? আমি কি করব? লেখাপড়া শিখে নিজেকে ৬বিষয়তের জন্তে তৈরি ক'রে নিতে হ'লে যে বুদ্ধি, অধ্যবসায় ও পারিপার্শ্বিক অল্পকূল অবস্থার প্রয়োজন হয়, আমার তা ছিল না। তা ছাড়া কালনৈমিত্তিক নিয়মালুর্বর্তিতায় পড়াশুনো করবার আগ্রহ বহুদিন আগেই ছুটে গিয়েছিল। তার ওপরে কেন জানি না, সে সময় স্বদেশী নেতারা—বিশ্ববিদ্যালয়ের ভাল ভাল মার্কী যারা অঙ্গে ধারণ করতেন তাঁরা পশু—বিশ্ববিদ্যালয়ের প্রতি একটা আক্রোশ পোষণ করতেন এবং বক্তৃতায় ও লেখায় তা প্রকাশ করতেন। আন্ততঃ্য বিল্ডিং বা দাবভাঙ্গা বিল্ডিং তখনও

তৈরি হয় নি। সেনেট হলকে লোকে বিশ্ববিদ্যালয়ের বাড়ি বলে জানত। সেনেট হলের মোটা থামে শিগগিরই ‘To Let’ অথবা ‘বাড়ি ভাড়া’ লেখা স্কুলতে থাকবে—এ কথাও অনেক নেতাই বলতেন।

বিশ্ববিদ্যালয়ের নাম দেওয়া হয়েছিল—গোলামখান। তাঁরা বলতেন, এই বিশ্ববিদ্যালয়ের ইস্কুল ও কলেজগুলোতে এক গোলামি করতে শেখানো ছাড়া আর কিছুই শেখানো হয় না। ছাত্ররা যাতে সত্যিকারের শিক্ষা পেতে পারে সেজন্য স্বদেশী বিশ্ববিদ্যালয় খোলা হ’ল। অবিশিষ্ট এই স্বদেশী বিশ্ববিদ্যালয়ের সম্ভূতপন্ন কর্তারা নিজেদের ছেলেদের শিক্ষার জন্য বিদেশী বিশ্ববিদ্যালয়ের শরণাপন্ন হয়েছিলেন।

কলকাতা বিশ্ববিদ্যালয়ের প্রবেশিকা পরীক্ষায় ফেল-করা অনেক ছেলে ‘আসল শিক্ষা’ লাভ করবাব জগ্রে স্বদেশী বিশ্ববিদ্যালয়ে ঢকতে লাগল। ছেলেরা যাতে হাতে-কলমে ব্যবহারিক কোন শিক্ষা পায় সেজন্য স্বদেশী বিশ্ববিদ্যালয়ের অধীনে বেঙ্গল টেকনিক্যাল ইন্সটিটিউট খোলা হ’ল। সাবকুলার রোডে আজ যেখানে কলকাতা বিশ্ববিদ্যালয়ের সায়াম কলেজের বিরাট বাড়ি দেখা যাচ্ছে, সেখানে ছিল সার্ব তারকনাথ পালিত মহাশয়ের বাগানবাড়ি। সেই বাড়িতেই বসেছিল বেঙ্গল টেকনিক্যাল ইন্সটিটিউট। এখানেও দলে দলে ছেলে ভর্তি হতে লাগল। এই বেঙ্গল টেকনিক্যালই পরে খানবপুর ইঞ্জিনিয়ারিং কলেজে পরিণত হয়েছে।

সে সময় তাঁত শিল্পকে বাঁচিয়ে তোলবার খুব একটা হিড়িক পড়েছিল। ভদ্রলোকের ছেলেদের তাঁত চালাতে শেখাবার জগ্রে অনেকগুলি প্রতিষ্ঠান গ’ড়ে উঠেছিল। এই সব জায়গাতেও দলে দলে ছেলে এসে ভর্তি হতে লাগল। মোট কথা, ইস্কুল ও কলেজী শিক্ষা এ দেশে প্রবর্তিত হবার পর থেকে সেদিন পর্যন্ত এক ধারায় নিরুপদ্রবে চ’লে আসছিল যে প্রবাহ, তারই ধারাবাহিকতায় লাগল প্রচণ্ড আঘাত। তাব ফলে কত ছেলের জীবনতরী যে বানচাল হয়ে গেল, তার ঠিক-ঠিকানা নেই।

এই উত্তেজনার মধ্যে বাস ক'রেও আমার মনে হতে লাগল, আমার জীবনের ক্ষেত্র এ নয়। আমাকে যদি জীবনে উন্নতি করতে হয়, তবে আমাকে সব ছেড়ে বেরিয়ে পড়তে হবে। বাইরে থেকে একটা প্রবল আকর্ষণ আমাকে দিনরাত্রি টানতে লাগল। সেখানকার বৈচিত্র্য, সেখানকার সুখদুঃখ, অপরিচিতের সঙ্গে আত্মীয়তা, নিতান্ত নিশ্চিত জীবন একটানায় চলতে চলতে অপ্রত্যাশিত ভাবে বিপদ ও অনিশ্চয়তার আবর্তে প'ড়ে হাবুডুবু খাওয়া—এই জীবনের মধ্যে যে নেশা আছে, সেই নেশা আমাকে পেয়ে বসেছিল। গতবারে আমার জীবনে যে অভিজ্ঞতা হয়েছিল, লক্ষ মূদ্রা ব্যয় করলে অথবা বিশ্ববিজ্ঞানবাদের সমস্ত পরীক্ষা কৃতিত্বের সঙ্গে পাস করলেও তার সঙ্গে তুলনা হয় না। আমি স্থির কবলুম, আমি সেই জীবনেই ফিরে যাব। পরীক্ষা পাস ক'রে চাকরি নিয়ে নিশ্চিত জীবন যাপন করা আমার দ্বারা হবে না।

বাইরে চ'লে যাব অর্থাৎ এক কথায় যার নাম আবার বাড়ি থেকে পালাব। কিন্তু পালাব বললেই পালানো যায় না। এই পলায়ন ব্যাপারে গতবারে যে কতকগুলো অভিজ্ঞতা হয়েছিল, তার প্রথমটা হচ্ছে—অর্থ কিঞ্চিৎ বেশি চাই। সেবারে প্রথম থেকে অনেকে অস্বাচিতভাবে আমাকে সাহায্য করেছিলেন। ভাগ্য সুপ্রসন্ন থাকলে আমার জীবননদী অগ্ৰ থাতে প্রবাহিত হ'ত। কিন্তু যদি কেউ সাহায্য না করে! সেজগৎ অস্তুত কিছুদিনের জগ্গও তৈরি থাকা বুদ্ধিমানের কাজ। এই অর্থ যোগাড় করা আমার দ্বারা সম্ভব নয়; কাজেই এমন লোক সঙ্গী চাই যে, সেই প্রয়োজনীয় অর্থের যোগাড় সে করতে পারবে। পরিতোষকে সঙ্গে নেবার ইচ্ছে ছিল, কিন্তু সে দেখলুম ইঙ্কল-টিন্কল ছেড়ে দিয়ে তাঁতের ইঙ্কলে ঢুকে মনের আনন্দে মাকু চালাচ্ছে এবং স্থির ক'রে কেলেছে যে, ঐ তাঁতের মাধ্যমেই সে জীবনে উন্নতি করবে। যা হোক, সে দিক থেকে কোন সাড়া না পেয়ে আমি তকে-তকে ফিরতে লাগলুম—দেখি, কোথা দিয়ে কি হয়!

আমরা যেখানে পড়তুম, সেটা ছিল বোডিং ইঙ্কল। নতুন ইঙ্কল ব'লে

ছাত্রসংখ্যা ছিল খুবই কম এবং সে জন্তে আমরা প্রায় সকলেই সকলকে চিনতুম। বোর্ডিঙের বেশির ভাগ ছেলেই মফস্বলের, ও তাদের অধিকাংশেরই বাড়ির অবস্থা বেশ ভাল। একদিন বিকেলে খেলার পর মাঠে ব'সে গল্প হচ্ছে—গল্পের বিষয়বস্তু আমার পলায়নের অভিজ্ঞতা—এমন সময় শুকান্ত বললে, তোমার সঙ্গে আমাদের জনার্দনের দেখছি অনেক মিল আছে।

শুকান্ত ও জনার্দন দুজনেই বোর্ডিঙে থাকত এবং আমার চাইতে নীচের ক্লাসে পড়ত। কিন্তু তা হ'লেও শুকান্ত ভাল খেলতে পারত ব'লে আমার সঙ্গে তার খুব ভাব জ'মে গিয়েছিল। সে বললে, জনার্দন দু-দুবার বাড়ি থেকে লম্বা দিয়েছিল।

—বল কি। তা হ'লে তো ভাব করতে হয় তার সঙ্গে।

জনাদনের সঙ্গে আমার মৌখিক আলাপ ছিল মাত্র, এবার ভাল ক'রে ভাব জমল। মাস দুয়েক আগে সে ইস্কুলে ভর্তি হয়েছে। এব আগের পূর্ববঙ্গের কোন এক শহরের ইস্কুলে পড়ত। তাকে বাইরে থেকে একটু গম্ভীর প্রকৃতির ছেলে ব'লে মনে হ'ত। কিন্তু মিশে দেবলুম, সে দিব্যি হাসিখুশি দিলখোলা ছেলে। বাড়ি থেকে সে পালায় কেন—তাব কারণ জিজ্ঞাসা করায় সে বললে, দূর, এ সব কিছু ভাল লাগে না, তাই মাঝে মাঝে চ'লে যাই।

জিজ্ঞাসা করলুম, কি সব ভাল লাগে না?

—এই সব ইস্কুল, পড়াশুনো, বাড়িঘর, আত্মীয়, পরিজন—

মোট কথা, জনার্দন কেন যে বাড়ি থেকে পালায় তার কারণ তার নিজের কাছেই পরিষ্কার নয়। বর্তমান জীবন-যাত্রার মধ্যে কোথায় কি একটা খুঁত আছে, বা স্পষ্ট না হ'লেও তাকে খোঁচা দিয়ে বাড়ি থেকে বের ক'রে নিয়ে যায়। আমিও বাড়ি থেকে পালিয়েছিলুম শুনে সে বললে, বেশ হয়েছে, তোমার সঙ্গে আমার মিলবে ভাল।

শুনলুম, জনার্দন দু-দুবার পালিয়ে তিব্বতের দিকে রওনা হয়েছিল। একবার সিক্কিমের ভেতর দিয়ে খানিকটা অগ্রসর হয়েছিল আর একবার

নৈনিতাল না কোথা দিয়ে ভারতের সীমান্ত অবধি পৌছেছিল—সেখান থেকে মানস সরোবর আর দিন দুয়েকেব রাস্তা যাত্র। কিন্তু দুবারেই তাকে পুলিশে ধরে নিয়ে এসেছে।

জনার্দনকে জিজ্ঞাসা করলুম, এত জায়গা থাকতে তিব্বতের দিকে গেলে কেন ?

সে বললে, কেন ! তিব্বত তো ভাল জায়গা—রাজা রামমোহন রায় গিয়েছিলেন সেখানে—

বললুম, রামমোহন রায় গিয়েছিলেন তার কারণ আছে। সেখানে ধর্ম সম্বন্ধে অনেক বই-টাই আছে, সেই সব বই পড়তে গিয়েছিলেন। তার পর সেখানকার লোকেরা তাঁকে মেবে ফেলতে গিয়েছিল, তিনি কোন রকমে প্রাণ নিয়ে পালিয়ে এসেছিলেন।

জনার্দন জিজ্ঞাসা করলে, কেন, তিব্বত কি তোমার ভাল লাগে না ?

বললুম, না ভাই, আমার দুরাশা অত উচ্চ নয়। শেষকালে কি বেঘোরে প্রাণটা দেব ?

জনার্দন বেশ মুগ্ধবির চালে বললে, নাঃ, আজকাল আর তিব্বতে গেলে ওরা কিছু বলে না। তার ওপর সেখানে সব লামারা আছে, তারা খুব ভাল লোক। আমার তো তিব্বত খুবই ভাল লাগে। পয়সা-কড়ির স্রবিশেষ করতে পারলে আবার আমি সেখানে চলে যাব।

কোন কোন লোকের বিশেষ কোন রঙের প্রতি কিংবা খাবারের প্রতি বা বিশেষ কোন স্থানের প্রতি একটা অহেতুক আকর্ষণ থাকে। দেখলুম, আমাদের জনার্দনেরও তাই। ছনিয়ার এত সমতল ক্ষেত্র থাকতে হিমালয়ের উচ্চতার প্রতি তার এই আকর্ষণ আমার কাছে অদ্ভুত বলে মনে হ'ল।

একদিন কথায় কথায় জনার্দন আমাকে বললে, দেখ, যদি টাকার যোগাড় করতে পারি তো আমার সঙ্গে তিব্বত যাবে ?

—পাগল হয়েছ ! খামকা তিব্বত কেন যাব বল ?

—কেন, সেখানে সব লামা আছে।

—লামা আছে তো আছে, তাতে আমার কি? প্রথমে তিব্বতের পথ অত্যন্ত বিপদসঙ্কুল, সেখানকার লোকেরা বাইরের লোককে তাদের দেশে ঢুকতে দেয় না, অনেক সময় মেরেই ফেলে। তার পরে ভয়ানক শীত সেখানে—সবার ওপরে সেখানে গিয়ে কি করব বল? বরঞ্চ আমি চ'লে যাব দিল্লী কি বোম্বাই কিংবা অল্প কোন শহরে। সেখানে গিয়ে ব্যবসা করব। পয়সা যদি বেশি পাই তো চ'লে যাব ইউরোপ কিংবা আমেরিকায়—কোথাও কিছু নেই, তিব্বতে যেতে যাব কেন?

অহো! দিল্লী নামের কি মহিমা! শুধু ভারতবর্ষেই নয়, স্বদূর অতীতেও দূর-দূরান্তরের দুর্ধর্ষদের উত্তেজিত করেছে এই নামের মোহ, এই নামের রহস্য। কেউ এসেছে একলা, কেউ বা এসেছে সদলবলে। কেউ জিতেছে, যাবাব কেউ বা পশিয়েছে দিল্লীর লাড্ড, আশ্বাদন ক'বে। জনার্দন তো ক্ষীণজীবী বাঢ়ালী বালকমাত্র। নাম শুনেই সে তিব্বত থেকে গড়াতে গড়াতে একেবারে সমতল ভূমিতে এসে পড়ল।

জনার্দন বললে, আচ্ছা, কুছ পরোয়া নেই, দিল্লীই যাওয়া যাবে। টাকার জগ্গে ভাবনা নেই, টাকার যোগাড় হয়েই যাবে। যে দিন টাকা পাওয়া যাবে, সেই দিনই যেতে পারবে তো?

—নিশ্চয় পারব।

আমাদের ছেলেবেলায় কলকাতা শহরে গুজব সম্রাটের আধিপত্য ছিল খুবই বিস্তৃত। ফুটবল, হকি, ক্রিকেট প্রভৃতি খেলা সে সময় এখনকার মত জনপ্রিয় ছিল না। সিনেমা, রাজনৈতিক সভা ও নানা মতের প্রতিষ্ঠান, রেডিও প্রভৃতি আমাদের উপাদানগুলি তখনও আবিষ্কৃত হয় নি। এই গুজব-সম্রাটেরাই তখন ছিল এক রকম সাধারণ প্রমোদ-পরিবেশক। এরা অদ্ভুত অদ্ভুত সব গুজব আবিষ্কার করে বাজার সরগরম রাখত। ওদিকে বটতলার প্রকাশকেরা মাঝে মাঝে এক ফরমা পাতলা কাগজে মুদ্রিত গুজব-পুস্তিকা বাজাবে ছাড়ত।

হকাবেরা চীংকার ক'রে হাঁকতে হাঁকতে গলি দিয়ে চলত, ১৮২২ সালে—কি জানি কি আছে কপালে—একটি পয়সা খরচ ক'বে ইত্যাদি।

হু হু ক'রে সেই সব বই বিক্রি হ'ত।

মনে আছে, একবার গুজব বটল—পৃথিবী ধ্বংস হবে। অবিশ্রি পৃথিবী ধ্বংস হবার গুজবটা প্রায়ই বটত, কিন্তু সেগুলো ছিল অত্যন্ত ক্ষণ। এবারকার গুজবটা বটল খুব জোর। অমুক দিনে রাত্রি একটাব সময় এবার পৃথিবী নিশ্চয় ধ্বংস হবে। বাড়িতে বাড়িতে ইঙ্কলে আপিসে ওঠে একটু আলোচনা চলল দিনব্যাপি ধ'বে। কি ভাবে ধ্বংস হতে পারে, তা নিয়ে হরেক বকমের গবেষণা হয়। বহা, ভূমিকম্প, পৃথিবী ফ'ড়ে অগ্ন্যব্ক্ষেপণ—এব কোনও একটা কিংবা সব কটাই একসঙ্গে হতে পারে। মোট কথা, কলির শেষ হয়েছে, এবার পৃথিবী লংগ হয়ে আবার সত্যযুগ আরম্ভ হবে।

মনে পড়ে, নির্দিষ্ট বাহির সন্ধ্যাবেলা অভিভাবকেরা পড়তে বসবার তাগাদা দিলেন না। খাওয়া দাওয়া শেষ হবার পর আমাদের বিজ্ঞানায় বাবাব শুরু হ'ল। মা বললেন, বারোটা নাগাদ সব ঘুম থেকে তুলে দেওয়া হবে।

সন্ধ্যাই রাত্রি পাগোটার সময় আমাদের ঘুম থেকে তুলে দেওয়া হ'ল। উঠে দেখি চারিদিকে হৈ হৈ ব্যাপার চলছে। বাড়িতে বাড়িতে ছোটরা কেউ পুমোর নি, সাঁচেচামেচি করছে, কোন দল বা লুকোচুরি খেলছে। পৃথিবী ধ্বংস হবার উপলক্ষ্যে ছেলেদের উৎসাহ ও ফুটি বোড গিয়েছে। নির্দিষ্ট সময়ের কিছু আগে বাড়ির পুরুষেরা বাইরের রকে এসে বসলেন, মেয়েরা সদর দরজার ঠিক পেছনেই পান দোজা মুখে ঠেসে কলবব করতে লাগলেন অর্থাৎ বিপদের সূচনা হ'লেই 'অ্যাকশন' শুরু হয়ে যাবে। ভূমিকম্প যদি হয় তবে তারা রাত্তাষ বেরিয়ে পড়বেন, আর যদি জলপ্রাবন হয় তবে পুরুষেরা বাড়ির মধ্য টুকে ছাতে চড়বেন। কিন্তু ক্রমে ঘড়ির কাঁটা ঘুরতে ঘুরতে একটা দেড়টা ছোটোর ঘব পেবিযে গেল—কিছুই হ'ল না। যে যাব বিজ্ঞানায় সকলেই

কিবে গেল—পৃথিবী ধ্বংস হ'ল না, কলিরও অবসান হ'ল না, অপ্রতিহত প্রভাবে তিনি আজও রাজত্ব ক'রে চলেছেন।

আধুনিকেরা প্রশ্ন করতে পারেন, এই সব গাঁজাখুরি গুজবের মধ্যে কোনও সত্য নেই—এ কথা কি শহরবাসীরা বুঝত না? তার উত্তর হচ্ছে, খুবই বুঝত। বড়দের কথা ছেড়েই দেওয়া যাক, আমরা বালকেরাও তা বুঝতে পারতুম। কিন্তু রক্ত যেমন নিজের সৃষ্ট মায়াব মনো লীলা করেন, শহরবাসীরাও তেমনই নিজেদের কল্পিত বিপদ নিয়ে দিন কয়েক লীলানন্দ উপভোগ করতেন। তাঁদের সঙ্গে তাল রাখতে গিয়ে লীলাসঙ্গিনীদের যে অবস্থা হ'ত, সে কথা উল্লেখ ক'রে আর কাজ নেই।

সেবার আমাদের পূজোর ছুটি আরম্ভ হবার কিছু আগেই ছেলে ধরার গুজব উঠল বড় জোর। মাবপিটের চোটে শহর সরগরম হয়ে উঠল। শোনা গেল, মারাতে রেল-কোম্পানি যে নতুন পুল করছে সেখানে ঠিকাদারেরা নাকি একশো ছেলেকে বলি দেবে ব'লে ঠিক করেছে। প্রমত্তা পদ্ম! মানুষের রক্ত চায়, তা না হ'লে সে বন্ধনে ধরা দেবে না ব'লে স্বপ্ন পাওয়া গেছে। ঠিক সেই তালে দু-চারটি খলিফা ছেলে বাড়ি থেকে লম্বা দেওয়ায় অগ্নিতে স্নাতোত্তি পড়ল। খবরের কাগজওয়ালারা এই নিয়ে আন্দোলন শুরু করে দিল। তখন সবেমাত্র স্বদেশী যুগ আরম্ভ হয়েছে, একটা কিছু পেলেই গভর্নেন্টকে তুড়ে গালাগালি দেওয়া হ'ত। কাগজে পুলিশ-বিভাগের অযোগ্যতা সম্বন্ধে খুব লেখালেখি চলতে লাগল। বোজাই সত্য মিথ্যা ছেলেধরার গুজব উড়তে লাগল শহরময়। কোনও ব্যক্তির ওপরে কোনও কারণে রাগ থাকলে একবার তাকে বাস্তব ধ'রে এই ব্যক্তি 'ছেলেধরা' ব'লে চোঁচালেই হ'ল। কোথায় ছেলে, কার ছেলে, সে সম্বন্ধে খোঁজের কোনও প্রয়োজন নেই—আগে তাকে প্রহার দাও।

শহরের হালচাল তো এই দাঁড়িয়ে গেল। তখন মোটর গাড়িও বিশেষ প্রচলন হয় নি। ধনীর ছেলেরা বাড়ির ঘোড়ার গাড়িতেই ইস্কুলে যাতায়াত করত। এরই মধ্যে একদিন একজনদের বাড়ির ছেলেরা ইস্কুল থেকে গাড়ি

ক'রে কর্নওয়ালিস স্ট্রীট দিয়ে বাড়ি ফিরছে, এমন সময় কালীতলার কাছাকাছি ঘোড়াটা কি কারণে ভড়কে গিয়ে মারলে দৌড়। গাড়োয়ান গাড়ি সামলাতে পারে না, ভেতরে ছোট ছোট ছেলে, তারা কাঁদছে, গাড়ি থেকে লাফিয়ে পড়বার চেষ্টা করছে, এমন সময় কে বব তুলে দিলে—ছেলেধরার গাড়ি ক'রে ছেলে তুলে নিয়ে পালিয়ে যাচ্ছে। যাহাতক এই কথা শোনা, অমনই রাস্তার লোক হৈ-হৈ ক'রে উঠল। নিজের জান-প্রাণ তুচ্ছ ক'রে সেই উদ্ভস্ত ঘোড়াকে ধ'রে ফেলা হ'ল। কোথায় গেল কোচোয়ান আর কোথায় গেল তার সহিস! ছেলেরা বাইরে লাফিয়ে পড়ল। কেউ তাদের জিজ্ঞাসাও করে না—কি হয়েছে? ঘোড়াটা ছাড়া পেয়ে উদ্‌ব্বাসে আবার দৌড় মারলে। শেষকালে লোকেরা লাঠি, শাবল, হাতুড়ি এনে দডাদম মারতে মারতে গাড়িখানাকে ভেঙে একেবারে চুরমার ক'রে ফেললে। এখন কর্নওয়ালিস স্ট্রীটে যেখানে শ্রীমানী বাজার আছে, আগে সেখানে সব খোলাব চালের বস্তি ছিল। এই বস্তিতে পালদের মস্ত বড় এক মন্দির দোকান ছিল। উন্নত জনসংঘ গাড়িখানাকে চুরচুর ক'রে ভেঙেও নিশ্চিন্ত হতে পারলে না, যদি গাড়ির সেই ভয়স্বপ্নে মধ্যে কোথাও ছেলেধরার বীজ লুকিয়ে থাকে—এই ভয়ে তারা সামনের সেই মন্দির দোকানে ঢুকে কেবোসিন তেলের কানেস্তারা টেনে বার ক'রে সেই চূর্ণ গাড়ির ওপরে ছড়িয়ে দিয়ে দিলে তাতে আগুন ধরিয়ে। আশ ঘণ্টার মধ্যে হাজার টাকার গাড়িখানা চার আনার কাঠকয়লায় পরিণত হয়ে বাস্তায় প'ড়ে রইল

বেশ মনে পড়ে, সেদিন আনন্দমোহন বঙ্গুর মৃত্যুদিন। সকালবেলা তাঁর দেহ শোভাযাত্রা ক'রে নিমতলার শ্মশানে নিয়ে যাওয়া হ'ল। সেখান থেকে বেলা বারোটা নাগাদ বাড়িতে ফিরে আহারাদি ক'রে বেকস্মি, এমন সময় দরজার সামনেই দেখি, জনার্দন ও আমার অগ্রতম বন্ধু সুকান্ত দাঁড়িয়ে। দেখলুম, জনার্দনের মাথা ছাড়া। সে বললে, ছুটির মধ্যে হঠাৎ তার বাবা

মারা গিয়েছেন, দিনকতক আগে শ্রাদ্ধশাস্তি চুকিয়ে আজ সকালে সে কলকাতায় ফিরেছে।

কথা বলতে বলতে আমরা অগ্রসর হতে লাগলুম। স্বকাস্ত বললে, জনাদন কাজের ছেলে। বাড়ি থেকে শুধু-হাতে ফেরে নি, কিছু মালও নিয়ে এসেছে।

—তার মানে ?

স্বকাস্ত বললে, চল না, বোড়িঙে গেলেই বুঝতে পারবে।

বোড়িঙে গিয়ে দেখা গেল, জনাদন তিনটি লম্বা 'জেম' বিস্কুটের টিন ভর্তি টাকা নিয়ে এসেছে দেশ থেকে। টাকা বললে ভুল হবে, তিনটি টিন শ্রেফ সিকি দুয়ানি ও আগুলিতে ভর্তি—বিপ্লবসম্মতকতা কবব না, ড-চাবটে টাকাও তাতে ছিল।

ইস্কল খুলতে তখনও একদিন কি দুদিন দেবি ছিল। জনাদন বললে, টাকা নিয়ে বাড়িতে থাকলে যদি ধবা প'ড়ে যায়, তাই ইস্কল খোলবাব আগেই চ'লে এসেছি।

তার বুদ্ধির তাবিফ ক'রে বললুম, বেশ কয়েক বাবা জনাদন। ভবিষ্যতে এমন বিবেচনাশীল হবে বুঝতে পেরেই বাপে তোমার নাম বেখেছিল— জনাদন।

তাড়াতাড়ি বোড়িঙের একটা ঘবে গিয়ে রেজকিগুলো গুনে ফেলা গেল। সবস্বন্ধ তিন শো টাকার কিছু বেশি হবে—তার মধ্যে আবার টাকা পচিশেকের সিকি দুয়ানি ছিল অচল ও কোডামারা। তাব মনে টাকা দশেক একেবারেই অচল আব বাকিগুলো 'চেষ্টা ক'বে দেখা যেতে পারে' গোছেয়।

এত সিকি দোয়ানি জুটল কি ক'রে জিজ্ঞাসা করায় জনাদন আকাশের দিকে মুখ তুলে বুক কর বুক ঠেকিয়ে পবলোকগত পিতার উদ্দেশ্যে নমস্কার ক'রে বললে, বাবা যাবাব সময় দিয়ে গিয়েছেন।

—তোর বাবার সিকি দোয়ানি জমাবার শখ ছিল বুঝি ?

জনার্নান হ্যা কিংবা না কিছুই বললে না। শেষকালে জেরা করতে করতে বেরিয়ে পড়ল যে, বাপের শ্রাদ্ধের সময় তাদের এক এক ভাইয়ের হাতে এক-একটা কাজের ভার পড়েছিল। তার ওপর পড়েছিল ব্রাহ্মণ বিদায়ের ভার। তা থেকে সে নিজের ভাগে এই টাকাটি ফেলেছে। যা হোক, কি ক'রে অর্থ এসেছে সে বিষয়ে গবেষণা বন্ধ রেখে এন কোথায় যাওয়া হবে তাই স্থির করতে মনোনিবেশ করা গেল। বলা বাহুল্য যে, শুকান্তও আমাদের সঙ্গে ভিড়ে গেল। আমরা স্থির করলুম যে, আমরা আগ্রায় যাব, তার পর সেখানে কিছু স্থবিধে হ'লে সেখানেই স্থিতি, নয়তো অল্প কোথাও যাওয়া যাবে। তখনকার দিনে আগ্রা যাবার বেল ভাড়া ছিল প্রায় আট টাকা, কিছু কম-বেশি হতে পারে। কিন্তু ওই সিকি দোয়ানি নিয়ে তো আর টিকিট কিনতে যাওয়া চলে না। এন্টালির এক পোদ্দারের দোকান থেকে একশো টাকার সিকি দোয়ানি দিয়ে নব্বইটা টাকা পাওয়া গেল। তার পর একটা হোটেলে দমভোর খেয়ে রাত্রি প্রায় আটটাব সময় দিল্লীযাত্রী একটা এক্সপ্রেস গাড়িতে চড়ে আমরা আগ্রার দিকে রওনা হলুম।

পরের দিন ছপুর নাগাদ এলাহাবাদে গিয়ে পৌছনো গেল। স্টেশন থেকেই টাকা ক'রে ছুটলুম সঙ্কম দর্শন করতে। সেখানে গিয়ে নোকো ক'রে সঙ্কমে গিয়ে মাথায় জল দিয়ে ফিরে কেল্লার মধ্যে অক্ষয়বট ইত্যাদি দেখে বাজারে যাওয়া গেল। আমরা তিনজনেই একবস্ত্রে বেরিয়েছিলুম। জনার্দন বাড়ি থেকে আসবার সময় খানিকটা গাওয়া ঘি এনেছিল। কি জানি কি মনে ক'রে সেই বোতলটা সে সঙ্গে নিয়েছিল। আর কিছুই আমাদের সঙ্গে ছিল না। বাজার থেকে তিনজনের জন্তে তিনখানা ধুতি ও একখানা লাল কবল কেনা গেল।

কাপড়ের দোকানে নানা রকমের কাপড় ও কবল দেখতে দেখতে প্রায় সন্ধ্যা হয়ে এসেছে, এমন সময় বাজারের মধ্যে একটা সোরগোল প'ড়ে গেল— মারো, মারো, পালাও ইত্যাদি। দেখলুম, লোকজন সব ঠিকরে ঠিকরে পালাচ্ছে। কি ব্যাপার! দোকান থেকে বেরিয়ে দেখা গেল, তিনজন গোরো সৈনিকের সঙ্গে মেওয়াওয়ালাদের মারপিট বেধেছে। এক পক্ষে তারা তিনজন, আর অন্য পক্ষে বাজারের দোকানদারেরা এবং যারা বাজার করতে এসেছে তাদের মধ্যে অতি সাহসী যারা, তারা। দোকানদারেরা গোরাদের লক্ষ্য ক'রে ইট-বাটখারা প্রভৃতি ছুঁড়ে, আর তারা এক একদিকে তাড়া ক'রে যাচ্ছে, আর হৈ-হৈ ক'রে দিগ্বিদিকে লোক ছুটছে। আমরা যে দোকানে জিনিসপত্র কিনছিলুম, সেখানেও হুড়মুড় ক'রে লোক ঢুকতে লাগল। দোকানী ছিল ভয়তরাসে লোক, সে ব্যাপার সুবিধের নয় দেখে বাইরের লোকেদের তাড়িয়ে দিয়ে একটা দরজা বন্ধ ক'রে দিলে। এদিকে গোরারা ছুটতে ছুটতে সেই দোকানের সামনে এসে দাঁড়াল। তাদের মাথার টুপি উড়ে গেছে, পেটলান জামা ছিঁড়ে ফদাফাই। মুখ, মাথা ও দেহের অনেক জায়গা দিয়ে রক্ত ছুটছে— সে এক ভয়াবহ দৃশ্য! আমরা ভয় পেয়ে দোকানের মধ্যে ঢুকতে যাচ্ছি, এমন সময় দোকানদার আমাদের ঠেলে বার ক'রে দিয়ে দরজায় তালা লাগাতে

আরম্ভ ক'রে দিলে। সূকান্তর বগলে সওদা, আমার কাছে ছিল টাকা। পাঁচ টাকা না মাড়ে পাঁচ টাকা জিনিসের দর হয়েছিল। সিকি দুয়ানি গুনছি—এর সঙ্গে জুটো কৌড়ামার নিকি ভিড়িয়ে দেব কি না ভাবছি, এমন সময় গোবরা একটা চলতি টাঙ্গা খামিয়ে তাতে উঠে পড়ল। টাঙ্গাওয়ালার সঙ্গে তাদের কথাবার্তা চলছে, এমন সময় একটা গোঁগাপান্য লোক পাশের সড়ক গলি থেকে বেগিয়ে এসে টাঙ্গার পেছনে যে দুজন গোরা বসে ছিল তাদের একজনের পেটে বাঁকবে ছোব' বসিয়ে দিয়েই কোথায পালিয়ে গেল—বক্ত একেবারে কিন্‌কি দিয়ে বেকতে লাগল। বাস্! টাঙ্গাওয়ালাকে আর নির্দেশ দিতে হ'ল না যে, কোথায যেতে হবে। সে উপস্থানে ঘোড়া ছুটিয়ে দিলে, খুব সম্ভব হাসপাতালের দিকে।

ব্যাপাবটা এতই অভাবনীয় যে, প্রথমটা আমরা হকচকিয়ে গিয়েছিলুম, কিন্তু তথানি সন্নিহিত কিলে আসতেই মনে চ'ল, এখানে দাঁড়ানো আর কর্তব্য নয়। চাবিনিকে একবার চেয়ে দেখলুম, মুহূর্তকাল পূর্বে যেখানে বাজার ছিল, এখন মুকভূমির মতন নির্জন। সমস্ত দোকানপাট বন্ধ। আমাদের কাপড়ওয়ালারও কোনও উদ্দেশ্য নেই। তার অন্তরঙ্গানে আর তথা কালবিলম্ব ন ক'রে জিনিসগুলি সন্ধানের পন্থা লাভ হয়েছে মনে ক'রে তৎক্ষণাত্ সেখানে বেকে স'বে পড়লুম।

দেশেব যাদৌশালার লাল কদল পেতে তাবট ওপরে রাতি যাপন করা গেল। পর্বদিন সকালবেলা থসকাবাগ দেখলুম। আমি এর পবেও অনেকবার থসকাবাগে গিয়েছি, কিন্তু নেবাবে সেখানে যে ফলের বাহার দেখেছিলুম তা আর কখনও দেখি নি। সেথানকার সমস্ত জমিতে অসংখ্য পঙ্কের মোস্তমী ফল ফুটে বাগানটাকে একেবারে আলো ক'বে ছিল। এর পবে এলাহাবাদ গেলেই ফলের লোভে মোস্তমী থসকাবাগ দেখতে গিয়েছি, কিন্তু সে একমুঠি আর দেখি নি। সেই ফলের বড় অল্পবসে আমার মনে এমন রঙ ধরিয়ে দিয়েছে যে, আজও টেনে ক'ল বোথাও যেতে যদি পথে এলাহাবাদ

স্টেশন পড়ে তো ধাঁ ক'রে তার সঙ্গে সেই প্রথম পরিচয়ের কথা মনে পড়ে যায়।

যা হোক, সেদিনটা সারা দিনই খসকুবাগে কাটিয়ে দিলুম। কখনও বা বাগানে শুয়ে, কখনও বা খসকুর সমাধিতে। সমস্তক্ষণটাই যে ভয়ে ভয়ে কাটল, তা বলাই বাহুল্য। পরোক্ষে ডবল অপরাধী হয়ে আছি—প্রথম, গোরাকে ছুরি মারা দেখা—রাজার জাতকে মারতে দেখাও সে সময়ে অপরাধ ছিল কিনা। দ্বিতীয়ত, দোকানদার দাম না নিয়ে পালিয়েছে, সেও দেখতে পেলে হাঙ্গামা বাধাতে পারে। কিন্তু সঙ্গমন্ডান ও অক্ষয়বটবৃক্ষ-দর্শনের পুণ্যে সে সব কিছুই হ'ল না। আমরা নিরাপদে বাত্রি দশটা নাগাদ একথানা দিল্লীযাত্রী ট্রেনে সওয়ার হলুম।

আমার জীবনদেবতা মাঝে মাঝে অসময়ে যবনিকাপাতের ঘটনা বাজিয়ে যে রসিকতা ক'রে থাকেন, তার ইঙ্গিত ইতিপূর্বে দিয়েছি। এবারেও কোথাও কিছু না, অতর্কিতে সেই ঘটনা বাজিয়ে তিনি একটু মজা ক'রে নিলেন। আমাদের কাছে আগ্রা ফোর্টের টিকিট ছিল। বেলা সাড়ে নটা কি দশটার সময় টুণ্ডা জংশনে গাড়ি পৌঁছবার কথা। সেখানে নেমে অগ্নি গাড়ি চ'ড়ে আগ্রায় যেতে হবে। কিন্তু আর একটু হ'লে তার অনেক আগেই আমাকে আগ্রার চাইতে অনেক দূরে যে পাড়ি জমাতে হ'ত, সেই ঘটনাটা মনেব পদায় উজ্জ্বল হয়ে ফুটে উঠছে।

বাত্রিবেলা এলাহাবাদ স্টেশনে যখন ট্রেনে চাই, তখন সে কামরায় ভিড় মোটেই ছিল না। বড় কামরা, দু-তিনজন লোক এখানে সেখানে প'ড়ে আছে দেখেছিলুম। আমি জানলার দ্বারে একটা লম্বা বৈষ্ণবিত্তে শুয়ে পড়েছিলুম। ভোব হয়ে যাবার কিছু পরে, দুম ভেঙে গেলেও শুয়ে শুয়ে আলস্ত কাটাচ্ছি, হঠাৎ এক হাত লম্বা ও ঝাঝ হাত চড়ডা একজোড়া শীচরণ আমার বুকের ওপর এসে পড়ল। জোরে পা দুখানা বুক থেকে ঝেড়ে ফেলে দিয়ে ধড়মড় ক'রে উঠে বসলুম। দেখি,

একটা লোক খুব লম্বা ও চওড়া হাডে-মাসে গঠিত দেহ, দেখলেই মনে হয় খুব শক্তিশালী—সামনের বেষ্টিতে বসে টাৱা চোখে রাগান্বিত ভাবে আমাব দিকে চেয়ে রয়েছে। কে এই ব্যক্তি! আমার প্রতি তার এই উদ্ভার কারণই বা কি? এ সব ভাবতে বোধ হয় মিনিট খানেক সময় লগেছিল। ইতিমধ্যে স্বকাস্ত অগ্ন জাযগা থেকে উঠে এসে তাকে বলতে লাগল, তুমি তো আছা লোক। মাণ্ড ৩য়ে আছে তার বৃকে পা তুলে দাও।

কামবার মধ্যে তখন অনেক লোক, তাদের মধ্যে অনেকেই সেই লোকটাকে দেখেতাই ক'বে গালাগালি দিতে লাগল। কিন্তু সে কাকর কথার প্রতিবাদ কবলে না, এমন কি কাকর দিকে ফিরে চাইলেও না, শুধু কটমট ক'বে সেই টাৱা চোখে আমাব দিকে চেয়ে বইল। কিছুক্ষণ সেইভাবেই কাটাৱার পর সে আবার সেই ছোড়ার মত পা দুখানা আমার বেষ্টিক ওপব তুলে দিলে, এবারেও তার একখানা পা আমার গায়ে বশ ভাবে ঠেকে বইল। গাডিস্ক লোক হাঁ ক'রে মজা দেখছে, কেউ কেউ রকম বেববমেব মস্তব্যও কবছে, এদিকে বেশ বোঝা যেতে লাগল লোকটা বনানা পা ক্রমেই আমার গায়েৰ সঙ্গে চেপে লাগিয়ে দিচ্ছে। আমি নিজেৰে দত্যস্ত অপমানিত বোধ করতে লাগলুম। কিছুক্ষণ এই রকম সহ্য ক'রে গামাব দুই পা সোজা একেবারে তার বৃকব ওপব চাড়িয়ে দিলুম। গাডিস্ক মবনাবা হো হো ক'বে হেসে উঠল। আমাদেব সামনেই সেশনের দিকে বেষ্টে একটা লোক সারা বেষ্টি জুড়ে বিছানা ক'রে শুয়ে ছিল। লোকটিকে বেশ ৬২ ব'লেই মনে হ'ল। সে আমাব এই বাণ্ড দেখে উঠে বলতে লাগল, সাৱাস বটা সাৱাস। তাবপব অগ্নাৱা যাত্রীদের দিবে চেয়ে বললে, আমি তখন থেকে এই লোকটার বেহুদাপনা দেখছি। এত বড বেহুদা যে, ধুমন্ত লোকের বৃকে পা তুলে দেব। তাবপব আমার দিকে চেয়ে বললে, ওটাৱ মুখে মাঝো তিন লাখি।

নিজের প্রশংসা শুনে মনে মনে বেশ গৰ্বিত তো বোধ কবলুমই, উপরন্তু লোকটার মুখে টেনে একটি লাখি ঝাডব কি না ভাবছি, এমন সময় সে অদ্ভুত

ক্ষিপ্ৰকারিতার সঙ্গে আমার পায়েৰ নড়া ভুটো চেপে ধ'রে আর এক হাতেব সাহায্যে গোলা জানলা দিয়ে আমাকে চলন্ত গাড়ি থেকে বাইরে ফেলে দেবার চেষ্টা করতে লাগল। কামরার সকলে চীংকার করতে লাগল, আমার বন্ধুদ্বয় তাকে বাঁধা দেবার চেষ্টা করতে লাগল, কিন্তু তাদের সাব্য কি তাকে ঠেকায়। সে অবলীলাক্রমে আমাকে ঠেলে কোমর অবধি বাইরে বার ক'রে ফেললে। আমার দেহের কোমর অবধি আধখানা বাইরে ঝুলতে লাগল, মাথাটা নীচু দিকে আর আধখানা নিয়ে গাড়ির মধ্যে লড়াই চলতে লাগল। বোব হয় আধ ক পোনে এক মিনিট এই অবস্থায় ছিলুম। ঝুলতে ঝুলতে একবার মনে হয়েছিল, সঙ্গমস্ত্রানের পুণ্যকল পেয়ে গেলুম বুলি। যা হোক, কামরার মধ্যে আমাকে টেনে নেবার পর দেখলুম, আট-দশ জন লোক মিলে লোকটাকে নিদম পিটচে, কিন্তু সে নিবিকার। হাত পা ও চালাচ্ছে না বা একটা ট শব্দও করছে না। লোকবাই পিটতে পিটতে ক্রান্ত হয়ে যে যাব জায়গায় চ'লে গেল। বলা বাহুল্য, আমিও আগেকার জায়গা ছেড়ে অস্ত্র নিয়ে বসলুম এবং দুর্জনকে সঙ্গে বেরে য'ত্ন করা আর উচিত নয় এই স্থির ক'বে কোন দৃষ্টোনে নেমে পড়া যাবে তাই নিয়ে বন্ধুদের সঙ্গে গভীরভাবে আলোচনা করতে লাগলুম। একটা দৃষ্টোনে গেস গাড়ি থামতেই আমরা নামবার বন্দোবস্ত করছি, এমন সময় আমাদের এতদন সহযাত্রী সেই লোকটাকে ডেকে বললে, তুমি এখান থেকে নেমে যাও, নহলে পুলিশ ডেকে ধরিয়ে দেওয়া হবে।

বলামাত্র লোকটা টপ্ করে গাড়ি থেকে নেমে গেল। সে চ'লে গেলে সকলে বলতে লাগল, লোকটা নিশ্চয়ই পাগল। তার হালচাল দেখেও তাই মনে হ'ল।

তিনি কখন যে কি ভাবে কি সঙ্গে আসেন কিছু বলা যায় না।

টুঙলায় নেমে ট্রেন বদলে আগ্রা ফোর্ট স্টেশনে যখন পৌছলুম, তখন বেলা প্রায় বারোটা। স্টেশনেই দলে দলে হোটেলের দালাল দাঁড়ছে, তাদের মধ্যে একজন আমাদের ধবলে। কাছেই হোটেল, সব রকম সুবিধা আছে সেখানে,

ছাতের ওপর চাবিদিব-খোলা চমৎকার ঘর, তার ওপর যেখানে যে দ্রব্যটি মানায় তাই দিয়ে সাজানো। খাট, টেবিল, চেয়ার, মেঝের সতবন্ধি পাতা— আর কি চাই? ভাড়া দৈনিক দু' আনা, চার আনা, আট আনা,—খাবারের বন্দোবস্ত তোমাদের নিজেদের করতে হবে।

আমরা এই লোকটার হোটেলেই থাকব ঠিক ক'রে তার সঙ্গে স্টেশন থেকে বেরনো মাত্র কয়েকজন লোক 'চুঙ্গা' 'চুঙ্গা' ক'রে হাঁক ছাড়তে ছাড়তে এসে জনাদনকে পাকড়াও করলে। আমরা তো ভাবাচাখা মেরে গেলুম। চুঙ্গী কি বে বাবা। শেষকালে হোটেলের সেই দালাল আমাদের বুঝিয়ে দিলে যে, ব্যবসাব জগে কোন মাল নিয়ে এলে এখানে অবুট্ট ট্যাক্স দিতে হয়। আমরা মনে করলুম, এলাহাবাদ থেকে যে নতুন ধুতি ও কমল এনেছি, তার জগা বোধ হয় ট্যাক্স দিতে হবে। কিন্তু প্রগ ক'রে জানা গেল, জনার্নিনেব হাতে যে ঘিয়ের বোতলটা আছে তার জগা ট্যাক্স লাগবে। অগত্যা যাওয়া গেল অবুট্ট ঠান্ডা।

স্টেশন থেকে পেরিয়েই বেলার সামনে যে জমি আছে, সেখানে চারটে বাগান খুঁটিব ওপর শন ন বি দিয়ে কোন রকমে একটু ছাউনি করা হয়েছে, সেই হচ্ছে অবুট্ট স্কিন। অর্ধসর চেহাবাব সঙ্গে মিলিয়ে অফিসানেরও স্টেশন মেকদম্বের চেহারা। আমাদের সেই ঘিয়ের বোতলটা নেড়ে চেড়ে বলল, নাঃ, 'ব' আর ট্যাক্স লাগবেন।

অবুট্ট অর্ধস থেকে রেহাই পেয়ে হোটেলে এলুম। স্টেশনের কাছেই বাড়ি। একতলাব ঘরগুলো অন্ধকার খুপুর্বি গোছেব, ভয়ানক ময়লা। একটা ক'রে দড়ির খাটিয়া আছে, ভাড়া দিন প্রতি দু' আনা। দোতলায় বড় চাত—ছাতের চাব কোণে চারখানি প্রশস্ত ঘর। চারদিক খোলা। ঘরের মেঝেতে একটা দরি পাতা। দেওয়ালের সঙ্গে একটি টেবিল ও তারই সামনে একখানি চেয়ার। আর এক পাশে একখানা নেয়ারের খাট প'ড়ে আছে, তাতে বিড়ানাপত্র কিছুই নেই। এই ঘরের ভাড়া দৈনিক চার আনা।

তেতলার ওপরে দুখানা ঘর, তার আসবাবপত্র ওই রকমই, তবে খাট ও চেয়ার দুখানা করে আছে, ভাড়া দৈনিক আট আনা।

আমরা দোতলায় দৈনিক চার-আনা ওয়ালা একখানা ঘর নিলুম। খাটের যে অবস্থা দেখা গেল তাতে কেউ শুতে পারবে না—ঠিক হ'ল মেঝেতেই দবির ওপরে শোয়া যাবে। টেবিল-চেয়ারে হাত দেওয়া মাত্র তারা ট'লে পড়লেন। কি অদ্ভুত উপায়ে যে সেগুলোকে খাড়া রাখা হয়েছিল তা হোটেলওয়ালারাই জানে, কারণ আমরা তিনজনে মিলে দিন আষ্টেক চেষ্টা করেও তাদের খাড়া করতে পারলুম না।

ঠিক করা গেল, বাজার থেকে খাবার না কিনে তখনকার মত আলু ভাতে ভাত চড়িয়ে দেওয়া যাক, তারপরে ও-বেলা দেখা যাবে 'খন।

স্বকাস্ত ও জনাদন বাজার করতে চ'লে গেল, আমি ঘর আগলানো জগে রইলুম। ওরা চ'লে যাবার পর আমি একটু এদিক-ওদিক দেখতে লাগলুম, একতলায় যাত্রী আসা-যাওয়ার ও দরদস্তরের চাঁকার হচ্ছে, আমাদেরই দোতলায় কোণের দিকের ঘরের একজন যাত্রী ছাতে জল তুলিয়ে স্নান করছে, ভদ্রলোককে দেখে মনে হ'ল, বোম্বাই অঞ্চলে তাঁর বাড়ি। এই রকম এদিক ওদিক দেখতে দেখতে হঠাৎ চোখ পড়ল আমাদের ঘরের একেবারে সামনের ঘরে, মাঝখানে লম্বা ছাত। সেই ঘরের জানলায় দাড়িয়ে একটি যুবতী আমায় দেখছে। যুবতীর বয়স পঁচিশ থেকে ত্রিশের মধ্যে, নিটোল স্বাস্থ্য, রঙ ফরসা, দেখতে বেশ সুন্দরী। জানলা দিয়ে তাব কোমর অবধি দেখা যাচ্ছিল, আমার চোখে চোখ পড়বার পরও কয়েক সেকেণ্ড দাড়িয়ে থেকে সে জানলা থেকে সরে গেল। একটু পরেই আবার চোখ পড়ল, যুবতী তাদের ঘরের দরজার পালা দুটো খুলে দাঁড়িয়েছে। আমাদের ঘর থেকে এবারে তার সম্পূর্ণ চেহারা দেখা যেতে লাগল। বেশ লম্বা চেহারা, কাপড় পরবার ধরন দেখে হিন্দুস্তানী বলেই মনে হ'ল। এবার সে অনেকক্ষণ আমাদের ঘরের দিকে চেয়ে রইল। একবার চোখে চোখ পড়তেই সে যেন একটু হাসলে।

ভাবতে লাগলুম—কি বকম হ'ল! চেনাশোনা নয় তো! কিন্তু কে হতে পাবে? ইত্যাদি প্রশ্ন নিয়ে মনেব মধ্যে আলাচনা করছি, তখনও সে ঠায় সেই ভাবে দাঁড়িয়ে। ইতিমধ্যে বন্ধুরা বাজাব থেকে ফিরতেই তাদের সাদা পেয়ে দরজাটা ভেজিয়ে দিলে।

বন্ধুরা বাজাব থেকে ঠাঁড়ি, উন্নন, চাল, কাঠ, আলু, ছুন ও আরও কি কি সব এনেছিল, তারা সে সব বেখে বল ব, চণ, যমুনা থেকে আগে স্নান ক'রে আসি, তার পরে রান্না চড়ানো যাবে।

আমি তখন সেই অপবিচিত্রাব নয়ন-ফাঁদে আবদ্ধ হয়ে ছট্‌ফট্‌ করছি, স্থান ত্যাগ করবাব ক্ষমতা কোথায়? তাদের বললুম, তোরা যা, আমি বাম্মার ব্যবস্থা করি, পরে এখানেই স্নান ক'বে নেব।

এদা স্নান করতে চ'লে গেল। ছাতেব একধাবে একটু ছায়া পড়েছিল, সেইখানেই বাম্মা চড়িয়ে দিলুম। বাম্মা হতে লাগল, কিন্তু আমার চোখ রইল সেই খোলা জানলাব দিকে। একটু যেতে না যেতে স্তম্ভরী আবার জানলাব পশ্চাতে উদ্ভিত হলেন। এবাব তার মুখে স্পষ্ট হাসি দেখতে পেলুম। আমি হাসতে সেও গার একটু হেসে স'বে গেল বটে, কিন্তু তখনি আবার সেখানে এস দাঁড়াল।

বন্ধুরা বাজাব থেকে কবকচ ছুন এনেছিল, কিন্তু সে তো পাতে থাওয়া চলবে না। আমার মনে হ'ল, ছুন গুঁড়ো করবার কিছু আছে কি না—এই ছুতোয় তার সঙ্গে কথা বলা যাক। ষাঁহাতক মনে হওয়া অমনই ছুনের মোড়কটা হাতে ক'রে জানলাব কাছে গিয়ে তাকে ব'লে ফেললুম, দেখুন, এই ছুন গুঁড়ো করবার কিছু—

এই অবধি শুনেই স্তম্ভরী ধাঁ ক'রে জানলা থেকে স'রে গেল। ব্যাপার দেখে আমার ভয় হ'ল, ভাবতে লাগলুম, স'রে পড়ব নাকি! ইতিমধ্যে সে দরজাটা খুলে একটা ছোট পেতলের হামানদিস্তে এগিয়ে দিয়ে বললে, কাজ হয়ে গেলে দিয়ে যেয়ো।

—নিশ্চয়, সে কথা আর বলতে।

অতি স্নমদুর হাসিতে মুখখানা উজ্জ্বল হয়ে উঠল, কিন্তু সে আর কিছুই বললে না।

হামানদিস্তে নিয়ে ছন গুঁড়ো করতে করতে ভাবতে লাগলুম, আরও কিছু কথা বললুম না কেন! মনের মধ্যে নানা রকম প্র্যান গজ্জিবে উঠতে লাগল—এই কথা বলা যেতে পারত, এই ক'রে ভাব আবও বাড়ানো যেতে পারত। মাহেন্দ্র স্বযোগ যদি বা এল, হেলায় হারালুম, ইত্যাদি।

ছন গুঁড়ো হয়ে গেল। ভাবতে লাগলুম, হামানদিস্তেটা ফেবত দেবাব সময় হয়েছে কি না! একটু পবেই দেখলুম, স্নন্দরা স্বাবাব এসে জানলায় দাড়িয়েছে। হামানদিস্তেটা ফেবত নিধে গিয়ে দরজাব সামনে দাডাতেই যুবতী দরজা খুলে হাত বাড়িয়ে সেটা নিধে নিলে। এবার সে হেসে উঠতে জিজ্ঞাসা করলে, রান্না হচ্ছে বুঝি?

—হ্যাঁ, রান্না করছি। কই, আপনারা রান্না করছেন না?

যুবতী আচলেব খোট মুখে চাপা দিয়ে থানিকটা হেসে নিলে। তার পবে বললে, নাঃ, পরদেশে এসে ওসব হাদ্বামা আর লাগাই নি। আমরা বাজাব থেকে খাবার এনে খাচ্ছি, ঘরওয়ালা খাবার বিনতে গেছে।

আব কি কথা বলব ভাবছি, হঠাৎ যুবতী মুখ তুলে চেয়ে কার দিকে যেন চোখ পড়তেই ঘরের মধ্যে আড়ালে স'বে গেল। আমি পেছন ফিরে দেখলুম, বোম্বাইয়ের সেই লোকটি তার ঘবেব দরজাব কাছে দাড়িয়ে আমাদের চোখ দিয়ে গিলছে। আর সেখানে না দাড়িয়ে ফিবে এসে ভাতে কাঠি দিতে লাগলুম—যুবতীও দেখলুম দরজা-জানলা সব বন্ধ ক'রে দিলে।

একটু পরেই লকুরা যমুনা-স্নান সেবে ফিবে এল। আমি হোটোলেই স্নান সেরে নিলুম। কাচা শালপাতায় ভাত ঢেলে জনাদনের আনা সেই গব্যস্থত ও আলুভাতে দিয়ে 'স্বাকর্ষ' ভোজন ক'রে মেঝের দরিতেই প'ড়ে রইলুম। ঠিক হ'ল, রোদ পড়লে তাজে যাওয়া হবে। দুপুরবেলা আমার যখন ঘুম ভাঙল

তখনও বন্ধুরা ওঠে নি, পাশ ফিরছে মাত্র। একবার দেখা পাওয়া যায় কি না দেখবার জন্যে ঘরের বাইরে উঁকি দেওয়া মাত্র দেখলুম, সুন্দরী জানলার ধার থেকে সট ক'রে স'বে গেল। পাশের দিকে চেয়ে দেখি, শুদিকেব ঘরে সেই বোম্বাইয়ের লোকটি দাঁড়িয়ে—আমাকে দেখে সে ধীরে হুস্বে স'বে গেল।

ভিজে পতিগুলো ঘরের মধ্যে টাঙিয়ে দেওয়া হয়েছিল, সেগুলো তুলে ভাঙ্গ কব'ত লাগলুম আব ওদিকে সুন্দরী যাবার এসে জানলায় দাঁড়ায় কি না সেদিকেও নজর রাখলুম। কিছু সে আব তো এলই না, উলটে ভেতরে অদৃশ্য থেকে আমাদের দিকের জানলাটা বন্ধ ক'রে দিলে। আর বাড়িতে বসে সময় নষ্ট ক'রে কি হবে ভেবে বন্ধুদেব ডেকে তুললুম। হোটেলওয়ালারাই একটা শুদ্ধতদর্শন তালা দিলে, সেই তালা দরজায় লাগিয়ে তাজ দেগতে যাওয়া হ'ল। বেশ মনে পড়ে, ফোশনের কাছ থেকে তাজ অবধি একাওয়ানা ভাড়া নিয়েছিল মাত্র দু'আনা। তাতেও সেদিন সে আমাদের ঢকিয়েছিল, কাবণ প'ব প্রতাহই ছ' পয়সা খরচ ক'রে সেখানে গিয়েছি এবং এসেছি পদব্রজে।

তাজমহল দেখলুম যখন, তখন ও'র আবখানায় ছায়া পড়েছে আর আবখানায় রোদে ঝকঝক করছে। তাজমহল অপূর্ব, অমাবনীয়। অভিধান ঘেঁটে অনেক বিশেষণ তা'র প্রতি প্রয়োগ করা যেতে পারে। কিন্তু আমি তা কবব ন। আমার দেশের রবীন্দ্রনাথ, দ্বিবেন্দ্রলাল, সত্যেন্দ্রনাথ ও আরও অনেক কবি তাজমহলের প্রশংসা গেয়েছেন। তারা ছাড়া দেশবিদেশেব খ্যাত অনেক কবি ও মনীষী তাজের রূপসুতি করেছেন—‘সেখা আমা'কি গাহিব গান’।

অ. শৈশব থেকে তাজমহলের কথা আমি বাবা'মার মুখে শুনেছি। ছোটবেলা পাঠ্যপুস্তকে তা'র কথা পড়েছি ও তা'র ছবি দেগেছি, বড় হয়েও ইতিশাসে পড়েছি তা'জের কথা। তা'জের জন্মেব পিছনে পটভূমিরূপ যে প্রেমের বকণ ইতিহাস তা'র সঙ্গে গাথা হয়ে আছে, তাও শুনেছি বহুবার বহু রকম। এই সব শুনে প'ড়ে ও দেখে আমার মনের মধ্যেও এতদিন ধ'বে আশ্রু আশ্রু তা'জের একটা রূপ তৈরি হয়ে উঠেছিল। কেউ যদি জিজ্ঞাসা

কবেন, কি রকম দেখতে সে রূপ, আমি তার স্পষ্ট জবাব দিতে পারব না। তার খানিকটা বাস্তব, খানিকটা কল্পনা, কতকটা আলো, বেশির ভাগই অন্ধকার। সত্যিকার তাজের সঙ্গে তার কিছু সাদৃশ্য আছে, কিছু নেই। প্রথমে তাজ দেখে মনে হয়েছিল, এর সঙ্গে তো আমার মনের সেই তাজের মিল নেই।—সত্যি বলতে কি, মনে আগাতই পেয়েছিলুম, নিরাশই হয়েছিলাম। হয়তো আমারই মতন সম্রাট সাজাহান প্রথম যেদিন তাজ দেখেছিলেন সেদিন নিরাশই হয়েছিলেন। হয়তো তাঁর একবার মনে হাযছিল, যে-প্রেমের স্বপ্নকে রূপ দেবার জগৎ এত আশাস স্বীকার কর হ'ল তা বার্থই হয়েছে। তাঁর স্বপ্নও ঠিক রূপ ধবে নি—কে বলতে পারে। হায! মাহমুদের মনের মধ্যে যে রূপ ফুটে ওঠে, অক্ষরের কিংবা প্রস্তরের ইমাবত তৈরি ক'রে তাকে ভবজ ফুটিয়ে তোলা যায় না। সে অনির্বচনীয় অসংবেদনীয়।

তবু তাজ কি সুন্দর নয়? নিশ্চয় সুন্দর। তাজের সৌন্দর্য কি রকমো, সেই কথাটা বলবার চেষ্টা করছি।

আগ্রা শহরে এই আমার প্রথম আগমন, পাবে আরও অনেকবার আগ্রায় আসতে হয়েছে এবং এখানে থাকতে হয়েছে কখনও অল্পদিন, কখনও বেশিদিন, কখনও বেকার অবস্থায়, কখনও বা চাকরি নিয়ে, কখনও বন্ধুবান্ধবের সঙ্গে, কখনও বা একা। কিন্তু তাজকে আমি চুলি নি। এখন যে অবস্থায় এসেছি—তা সে দু' ঘণ্টার জগ্গেই হোক কিংবা ছ' মাসের জগ্গেই হোক, ছুটে গিয়েছি তাজমহলে—কখনও কখনও তাজ আমাকে নেশাব মতন পেয়ে বসে'হ। এমনও হয়েছে যে, গ্রীষ্মকালে দিনের পর দিন শহর থেকে আগ্রার সেই বৌদ মাথায় ক'বে সেখানে গিয়েছি, একলা ঘুরে বেড়িয়েছি তার কত অনন্যাসিত গোপন কন্দরে। তাজের প্রবেশ-তোরণের অন্ধকারময় অলিন্দে যে সব ঘুলগুলি আছে, তাবই ফোকর দিয়ে রোদে জ্বলন্ত তাজের দিকে চেয়ে থাকতে থাকতে নিদ্ৰাভিভূত হয়ে তাবই স্বপ্ন দেখেছি। পূর্ণিমা প্রতিপদ দ্বিতীয়া, ওদিকে দ্বাদশী ত্রয়োদশী অর্থাৎ চন্দ্রালোকেও দেখেছি তাকে। নীলাকাশ

তার পটভূমিকা হ'লেও স্থিমিত চন্দ্রালোকে তাজকে মনে হয়, যেন নীল সমুদ্রে শ্বেত শতদল ফুটে উঠেছে। চন্দ্রালোকিত রাত্রে চলন্ত মেঘের মাঝে তাজের আর এক রূপ ফুটে ওঠে। এই রকম দেখতে দেখতে হঠাৎ তার আসল রূপ দর্শকের চক্ষে প্রতিভাত হয়। আগেই বলেছি, প্রথম দর্শনে তাজমহলের আসল রূপ চোখে পড়ে না, সে বীরে ধীরে আপনাকে প্রকাশ করে। তার কায়িক রূপের পেছনে লুকিয়ে আশ্চর্য সেই রূপ—প্রথম দর্শনের দিনে আমায় কাছে তা সংবৃত্তই ছিল। দুষ্কর রুদ্ধ সাধনের পর আমি তার অবগুপ্ত মৌচন ক'রে দেখেছি, সে রূপসী।

যাই হোক, রাত্রে তাজ খোলা থাকে কি না জিজ্ঞাসা করায় খাদিমরা বললে যে, সেই রাত্রে প্রথম দিকে চাঁদ উঠবে বলে রাত্রি দশটা অবধি তাজ খোলা থাকবে। শুনলুম যে, পূর্ণিমা-রাতে গারোটা অবধি তাজ খোলা থাকে।

রাত আটটা সাড়ে আটটা অবধি সেখানে কাটিয়ে হেঁটে শহরে ফেরা গেল। শহরে একটু ঘোরাফেরা ক'রে একটা ময়রার দোকানে ঢুকে বেণ ক'রে কচুরি, জিলিপি ও বাবডি আহার করা গেল। কলকাতার হিসাবে সে খাবার দামে সস্তা তো বটেই, খেতেও ভাল। বাবডির সের সে সময় কলকাতায় আট থেকে বারে। আনা ছিল, সেখানে তাব চেয়ে তের ভাল জিনিস পাওয়া গেল ৬ আনা।

আহারাদি শেষ ক'রে পরম পবিত্র হযে হোটেল ফিরে এসে নীচে যেখানে ম্যানেজার বসে সেখানে ঘড়িতে দেখা গেল, দশটা বেজে গিয়েছে। হোটেলওয়ালার আমাদের ডেকে বললে, আজকে রাতে আপনাবা দয়া ক'রে কোথাও বেরবেন না। সবক'র থেকে লোক আসবে রেজিস্টারি করতে।

সরকার, রেজিস্টারি প্রভৃতি কথা শুনে তো ভড়কে গেলুম। সে আবার কি রে বাবা!

হোটেলওয়ালাকে জিজ্ঞাসা করায় জানতে পারা গেল যে, সেখানে ও প্রত্যেক হোটেলই যত যাব্দী আসে পুলিশ তাদের নাম, ঠিকানা, কোথা

থেকে আসা হচ্ছে, কোথায় যাওয়া হবে ইত্যাদি লিখে নিয়ে যায়—এই নিয়ম আবহমান কাল থেকে চলে আসছে।

আব বেশি কিছু জিজ্ঞাসাবাদ করলে যদি হোটেলওয়ালার মনে সন্দেহ জাগে, তাই মনের ভয় মনেই চেপে দোতলায় ওঠা গেল। সেখানে উঠে দেখি, ভীষণ ব্যাপার। অনেক লোকজনই জটলা লেগেছে আমাদের ঘরের সামনের ঘবে—যেখানে দ্বিপ্রহরে সেই রহস্যময়ী স্তম্ভবীকে দেখেছিলুম।

দেখলুম, দু'দু' গুণামতন লোক আমাদের ঘরের সামনে ছাতে বসে আছে, তাদের একজনের হাতে একটা পাকা পাশের বড় লাঠি। ঘরের মধ্যে খুব ধমকধামক চলছে দেখে ঊঁকি দিবে দেখি যে, একটা কফলের পুপে দিনে বেলায় ওদিকবার ঘরের বোম্বাইয়ের যে লোকটিকে ঊঁকিঝুঁকি দিতে দেখেছিলুম, সে বসে রয়েছে। তার মাথার চুল উন্মোখকো, একটা খুব গুঁ-গোছের লোক সেই লোকটার কোঁচা বেশ বাগিয়ে ধরে সামনে বসে আছে। আব একটা ঘণ্টা লোক ঘরের মধ্যেই দাঁড়িয়ে আছে। পোলোকটিকে দেখলুম, কফলের এক কোণে সেই দেওয়াল ঘেষে বসে আছে—তার দু'খর ঘোমটা একেবারে হাটু অবধি ঝুলে পড়েছে—লজ্জায় কি চঞ্চল হয়ে ও বোকা মুশকিল। যে লোকটা আমাদের বেশন থেকে হোটেলের নিচে এসেছিল, দেখলুম ঘরের মধ্যে সেও দাঁড়িয়ে রয়েছে। যে লোকটা বোম্বাইওয়ালার কোঁচা ধরে ছিল সে পিরাটি একটা ওদার ছাড়ল। তার যতটুকু বুঝতে পারলুম তাতে মনে হ'ল, সে অগা ব্যক্তি হ'ল, ক'রে ফাসি খাবার ইচ্ছা প্রকাশ করছে।

কৌতূহল বেড়ে ওঠার সঙ্গে সঙ্গে আমরা তিন জনেই ভিড় করে জানলার আরও কাছে গিয়ে দাঁড়ালুম। ইতিমধ্যে হোটেলের দালালটাব সঙ্গে চোখাচোখি হওয়ায় সে বেরিয়ে এসে আমাদের বললে, বাবু, তোমরা জানলার কাছে দাঁড়িও না, নিজের ঘরে চলে যাও। এসব ঝামেলার মধ্যে কি শরীফ লোকদের থাকতে আছে ?

আমরা তাকে আমাদের ঘরে ডেকে এনে জিজ্ঞাসা করলুম, কি হয়েছে বল তো?

লোকটা চেষ্টা করে খুব গভীর বকম গম্ভীর হয়ে বললে, কি আব বলব বল। বুঝা কামকা ইয়েহি নতিজা হোত ছায়।

বললুম, বাপু, ঠেঁয়ালি ছাড় দিকিন। কোন্ বুঝা কামের কি নতিজা হয় তা আমরা ভাল রসম জানি। এখন বল তো কি হয়েছে?

লোকটা বললে, ওই ঘরে একজনেরা এসেছে কাল বিকেলে। আজ সকালবেলা সে তার গাঁকে রেখে কি কাজে বোঝিয়েছিল। রাত্রিবেলা ফিরে এসে দেখে যে, ওই ওদিককার ঘরের ঘাত্রী তার ঘরে ঢুকে দরজা বন্ধ করে তার গাঁব সঙ্গে প্রেম কবছে। বাস্, আব কি। সে তার লোকজন ডেকে এনে এখন বরোহে তাকে। হয় ওই লোকটা কিছু ঢাকা দিয়ে ব্যাপারটা মিটিয়ে দেয়ক, আব না হয় আহাম্মায়ে থাক।

লোকটাকে জিজ্ঞাসা করলুম, আনামী এখন কি বলছে?

বলবে আবার কি। টাকা ওকে দিতেই হবে, নইলে বিদেশে এসে কি আন দেবে। থাকগে, খাবাপ কাজেব ওই বকম ফলই হয়ে থাকে। কিন্তু আমরা ও-সবের মধ্যে বেগুন। ও দিকে খাবাব দরকারই না কি?

আমাদের ঘর থেকে বেরিয়ে যাওয়া সময় সে নিজেই দরজাটা ভেজিয়ে দিয়ে গেল। সমস্ত ব্যাপারগাই যে বোগ মাজসে হয়েছে সে কথা বলাই বাছন্য। আমাদের বরেন নেহাত কম, তাব ওপব বাড়ি থেকে পলায়নের অপবাদ কাধের ওপরে রয়েছে, নইলে তথুনি পুলিশে খবব দিতুম। আমি সমস্ত দিন ধরে অনেকবার লক্ষ্য কবেছি, ওই ঘরের গোলোকটি বোপাইয়ের সেই গোলোকটিকে নানাভাবে প্রস্তুত করার চেষ্টা কবেছে। এমন হওয়াও অসম্ভব নয় যে, মক্ষার সময় দোতলাটা নির্জন দেখে ওই গুল্লোকটি সেই লোকটিকে ডেকে নিজের ঘরের মধ্যে ঢুকিরেছে। তাব লোকগুলো তকে তকে ফিরছিল, শিকার জানে পডতেই তাবা উপ করে এসে ববেছে।

একটা ময়লা চিমনি-ভাঙা কেরোসিনের লণ্ঠন মেঝের ওপরে জলছিল, সেটাকে নিবিয়ে দিয়ে মেঝেতেই শুয়ে আমরা লোকটার অবস্থার কথা আলোচনা করতে লাগলুম। পরস্পর সঙ্গে প্রেম করার খেশারতস্বরূপ তাকে কত টাকা দিতে হবে তারই একটা আন্দাজ করবার চেষ্টা করছিলাম, এমন সময় জনার্দন বললে, বাবা, প্রেম করেছ কি খেশারত দিতে হয়েছে। দেখলে না, নিজের স্থীর সঙ্গে প্রেম করে সম্রাট শাজাহানকে ন কোটি মতেরো লক্ষ টাকা দিতে হয়েছিল, ও-লোকটা সে তুলনায় আর কতই বা দেবে? যাই দিক, সম্রাতেই মেরেছে বলতে হবে।

রাত্রি বারোটার সময় হোটেলের একজন লোক এসে আমাদের নীচে ডেকে নিয়ে গেল, পুলিশের লোক এসেছে বলে। তাদের খাতায় নাম ধাম প্রভৃতি লিখিয়ে ওপরে উঠে একবার উঁকি দিয়ে সেই ঘরখানা দেখলুম—ভো-ভা, কেউ কোথাও নেই। একটু এগিয়ে দেখলুম, ও-ঘরখানাও ফাঁকা—

ভবিষ্যতে আবার কোন্ নাটক সেখানে অভিনীত হবে কে জানে!

এইখানে আগ্রা সম্বন্ধে কিছু বলা বোধ হয় অপ্রাসঙ্গিক হবে না। শুধু আগ্রা নয়, দিল্লী সম্বন্ধেও বলি। আগ্রা শহরে তাজমহল, ইন্ডো-মস্কোভা, সেকেন্দ্রা, কেল্লা এবং আগ্রার কাছেই ফতেপুর-সিক্রি প্রভৃতি দ্রষ্টব্য ঐতিহাসিক স্থানগুলি আছে। দিল্লীতেও কুতবমিনার, হিন্দু, পাঠান ও মুগলযুগের কেল্লা, প্রাসাদ, বিখ্যাত ও কুখ্যাত অনেক বাদশাহর কবর প্রভৃতি দ্রষ্টব্য স্থান আছে। এই দুটি শহরের মাঝামাঝি জায়গায় হিন্দুদের অতি পবিত্র তীর্থ মথুরা ও বৃন্দাবন। এই সবের আকর্ষণে বছরের প্রায় সব সময়েই এই দুই শহরে যাত্রীর ভিড় হয় খুব বেশি। শুধু ভারতবর্ষেরই নানা জায়গা থেকে যে এখানে লোক আসে তা নয়, পৃথিবীর নানা দেশ থেকে যাত্রী আসে সেই সব দেখতে। এই যাত্রীদের দোহন এবং শোষণ করে এখানে শত শত লোক জীবিকা উপার্জন করে থাকে। একদল লোক আছে, যারা গাইডের কাজ করে। লাইসেন্সধারী গাইড, যারা ঐতিহাসিক স্থানগুলির ইতিহাস, বিষয়গত প্রভৃতি বাল—এরা তাবানয়। এরা যাত্রীদের সঙ্গে গায়ে পড়ে ভিড়ে যায়, তারপরে তাদের গাড়ি ভাড়া করে দেওয়া থেকে আরম্ভ করে টিনিস কেনা, সঙ্গে সঙ্গে ঘোরা ইত্যাদি সব তাতেই কমিশন মাঝে। এদের কা কিছু নির্দিষ্ট নেই চাব আনা থেকে চাব শো টাকা, যার বাজ থেকে যেমন আদায় করা যেতে পারে। আশ্চর্যের বিষয় যে, কার কতখানি দেবার শক্তি আছে তা লোক দেখলেই তাবা ধরতে পারে—এন্টই বিচক্ষণ তাবা। বেশেতে ও বেশের আশেপাশে এরা ঘোরে। যাত্রী নামেই গায়ে পড়ে মুট টিক করে দেয়, গাড়ি টিক করে দেয়, তাবপর সঙ্গে সঙ্গে হোটেল আসে। তাদের যাও আবার বন্ধপুর্ন সিক্রিতেই যাও, সঙ্গে আঠাব মতন লেপটে থাকবে। কোনও জিনিষ কেনবার উপায় নেই—টিক এসে উপস্থিত। তাড়ালে দায় না, গালাগালি দিলে জবাব দেয় না, শেষকালে যাত্রীরা তাকে মেনেই নেয়। সব এসে কমিশন তো মাঝেই, যাবার সময় যাত্রীরা ও কিছু দিয়ে যায়। প্রায় অবিকাংশ যাত্রীরই এদের সম্বন্ধে কিছু না কিছু অভিজ্ঞতা আছে।

আগে যে হোটেলের কথা বলেছি, এই বক্স অনেকগুলি হোটেল এই সব যাত্রীদের অবলম্বন করেই তখন বেঁচে ছিল। তা ছাড়া আগায় নরম পাথর ও শ্বেতপাথরের কাজ হয় খুব ভাল। সেখানকার শতরঞ্চিও বিখ্যাত—যাত্রীদের দৌলতেই এই সব শিল্প এখনও টিকে আছে।

আমি যে সময়ের কথা বলছি, তখন প্রথম বিশ্বযুদ্ধও মানুষের কলনার অতীত ছিল। তারপরে অনেক কাল অতীত হয়েছে, ভারতবর্ষ স্বাধীন হয়েছে। আশা কবি, সেখানকার অবস্থা এখন অনেক উন্নত হয়েছে।

তারপর, সেই সব হোটেলে মানুষকে ফাঁদে ফেলে বেশ মোটা বক্সের কিছু আশ্রয় করবার যে কত বক্সের ব্যবস্থা ছিল তার আর ঠিকানা নেই। কাম, ক্রোধ, লোভ, মোহ, মদ, মাংস-মাংসের এই ঘড় বিপ্লবেই নিজেদের স্বার্থসিদ্ধির উপায়স্বরূপ কাজে লাগিয়ে কিছু উপার্জন করে নেবার যে অসামান্য কৌশল তারা গ্রহণ করত, তাতে আশ্চর্য হয়ে যেতে হয়। হোটেলের মালিকদেরও তার মধ্যে নিশ্চয় যোগ-মাঙ্গল থাকত, তা ছাড়া সমাবিকরণেও কি এ বিষয়ে কিছুই জানতেন না?

সে সময় এক শ্রেণীর লোক মাথায় শামলা চড়িয়ে একটা ছোট বাগ্ন নিয়ে রাস্তায় ও হোটেলে হোটেলে ঘুরে বেড়াত। এরা কান দেখতে অর্থাৎ কানের ভেতর থেকে পোল বার করতে গুস্তাদ। বাগ্ন দিয়ে হয়তো কোনও নতুন লোক চলেছে—বলা বাহুল্য, নবাগত দেখলেই এরা চিনতে পারে—তাকে ভেদে কোনও কথা বলবার অবকাশ না দিয়ে একেবারে তার কানটা টেনে ধরে ভেতরটা দেখেই শিউবে বলে উঠবে—আগে বাস রে! কতদিন এ বক্স হয়েছে?

স্বভাবত লোকের কৌতূহল জাগে। যাব আগে না, সে ব্যক্তি সে যাত্রা বেঁচে গেল। নবাগত হয়তো বললে, কেন, কি হয়েছে আমার কানে?

—কি হয়েছে! দেখবে তবে?

তখন সে তার বাগ্ন খুলে নরনের মতন চ্যাপ্টামুখো একটা ঘর বার করে

তার কানের মধ্যে সেটি সঁধিয়ে দিয়ে এমন একটি তাল খোল বের করবে, যা দেখলে যে-কোনও লোকের চক্ষু চড়কগাছে চড়বে। এর পর শুক হবে দর-দস্তুর। দরের কিছু টিক নেই, তু আনা থেকে পাঁচ টাকা, যাত্রীর দেবার ক্ষমতা ও লেকচার দিয়ে তার নেবার ক্ষমতার ওপর নির্ভর করছে।

একবার আমরা পরীক্ষা করবার ভেত্রে একই দিনে পাঁচ-ছজনকে কান দেখিয়েছিলুম। সকলেই কানের ভেতর থেকে প্রতিবারেই ডেলা ডেলা খোল বের করেছিল। এমন তাদের হাতমাফাই, কি ক'রে যে খোল বার কবে তা আমরা চেষ্টা ক'রেও ধরতে পারি নি।

আর একবারের কথা বলছি—আমাদের পরিতোষ বেচারীর কান ছিল খারাপ। সে বলত, কানের ভেতরে দিনরাত কি সব খটখট ঝন্ঝন্ করে। একবার আগ্রার একজন নাপিতকে ধ'রে বললুম, এর কানের মধ্যে কি হয়েছে দেখ তো! দিনরাত খটখট করে।

লোকটা অনেক কসরৎ ক'রে দেখে শুনে বললে, নল বসাতে হবে।

আমরা মনে করতুম, এদের সব বকমেব গোচ্চুরিই ধ'রে ফেলেছি, কিন্তু কোথায়? এই নল বসাবার কথা ইতিপূর্বে আর শুনি নি। জিজ্ঞাসা করলুম, সেটা কি বকম?

সে বললে, কানের ভেতরে পোকা হবেছে। নল বসিয়ে সেটাকে বাব ক'রে ফেলে দিতে হবে।

কথাটা শ্যামবা বিশ্বাস না করলেও পরিতোষ আগ্রহসহকারে নল বসাতে সাড়া জ'ল। লোকটি বাস্তব থেকে একটা মক পেতলের নল তার কান ঢুকিয়ে দিয়ে মুখ দিয়ে তাতে টান দিতে আরম্ভ করেন। তারপর মাথার পেছন দিকে বুড়ে আঙুল দিয়ে টিপে টিপে দেখে টিক কর্ণমলের কাছে এক জায়গায় পোকাটা যেন ধরা পড়েছে এই বকম অভিনয় করতে লাগল। তারপর মাথা টেপার পালা শেষ ক'রে আবার নল মুখে দিয়ে টানতে আরম্ভ করলে। টেনে টেনে শেষকালে নলচে কান থেকে থলে নিয়ে তার ভেতর থেকে ইয়া বড় একটা

পোকা বের করলে। লোকটার হাত-সাফাই দেখে আমরা খুশি হয়ে তাকে আট আনা বকশিশ দিয়ে ফেললুম।

হোটেলের কি বকম যাত্রীবধ করে টাকা আদায় করা হ'ত, তার কিছু নমুনা আগে দিয়েছি। এ ছাড়া আরও কত বকমে যে যাত্রীবধ করা হ'ত, তা লিখতে গেলে শুধু সেই বিষয়েই একপালা বড় বই হয়ে যাবে। এই সব ছাড়া যাত্রীদের আশ্রয় করে সেখানে যে আবশ্যিক শিল্প গ'ড়ে উঠেছিল, তার আর ঠিক-ঠিকানা নেই। তার মধ্যেও অনেকগুলি পুরোপুরি জোচ্চবি না হ'লেও আধা-জোচ্চরি বলা যেতে পারে।

দিল্লীকে এ বিষয়ে আগ্রার দাঁদা বলা যেতে পারত। মৈয়দ বন্দর ও আলেকজান্দ্রিয়া শহরের এ বিষয়ে খুব সন্ধান আছে। দিল্লী তাদের সঙ্গে পালা দিতে পাবে কি না বলতে পারি না, তবে ভারতবর্ষের অল্প কয়েক শহরই দিল্লীর সঙ্গে মুকাবিলা করতে পারত না। এই সম্পর্কে একটা গল্প চলতি আছে—অনেকে উপভোগ করবেন বলে এখানে উল্লেখ করছি।

বোম্বাই শহরের একজন নামজাদা পকেটম্যান সেখানে প্রতিযোগিতার টিকেতে না পেরে ব্যবসায়ে প্রতিদ্বন্দ্বী হয়ে ভেবে দিল্লীতে গিয়েছিল। কিছু কিছুদিন যেতে না যেতেই তাকে আবাব গুহানে ফিরে আসতে দেখে সমবাসদ্বারা জিজ্ঞাসা করলে, কি হে, কি হ'ল? ফিরে এলে যে?

লোকটি বললে, দেখানে কিছু প্রতিদ্বন্দ্বী করতে পারলুম না। আমাদের মত এলেমের লোক সেখানে পবে ঝাড় দেয়। সেখানেকাব গাঁটকাটা, পকেটম্যান ও জোচ্চোরদের হাল-চালই আলাদা।

কথাটা শুনে বোম্বাইয়ের একজন বড় পকেটম্যানের অভিমানে আদ্যাক লাগল। সংবাদটিব যাখাখ্য পরীক্ষা করার জন্যে সেইদিনই সে দিল্লী রওনা হ'ল। সেখানে পৌছে একদিন সকালের সময় সে ট্যাকে একপালা এক শো টাকার নোট গুঁজে চাদরীচক্রে অলিগলি, চৌরিবাগারের অন্ধিসন্ধি জায়গায় ঘুরে বেড়াতে লাগল। গাঁটকাটারের প্রতিদ্বন্দ্বী দেয়াব জন্যে কোনও জাবগায় সে আতর কিনলে,

কোথাও বা পান কিনে খেলে, কিন্তু সর্বদা সতর্ক হয়ে রইল গ্যাটটি না কাটা যায়। রাত্রি দশটা এগাবোটা অবধি ঘুরে যখন দেখলে ট্যাকের নোট ট্যাকেই আছে তখন তাব মনে হ'ল, এই তো দিল্লীর গ্যাটকাটাদের ক্ষমতা—দর থেকে অতি নগণ্য জিনিসেরও প্রশংসা শুনতে পাওয়া যায়। যা হোক, বাড়ি ফেরবার দুপো সে একটা বড় পান-সরবতের দোকানে বসে সরবৎ খাচ্ছে এমন সময় পানওয়ালা তাকে জিজ্ঞাসা করলে, কি ভাই বোম্বাইয়েব খবর কি? সেখানে অ'জকাল ব্যবসাপত্র কেমন চলে? অমুক থলিকা কি এখনও বেঁচে আছেন, না, দেহরক্ষা করেছেন?

পানওয়ালার কথাবাণী শুনে বোম্বাইয়েব লোকটি বেশ বুঝতে পারলে যে, সে তাবই সম্বন্ধী। এখন বেশ খোলাখুলিভাবেই কথাবার্তা আবিস্ত হ'ল। কিছুক্ষণ আলপ-পবিচয় ও উভয় পক্ষে আপ্যায়নের পব বোম্বাইয়ের লোকটি বললে, ভাই সাহেব, একটা কথা জিজ্ঞাসা করি—যদি কিছু মনে না কব।

দিল্লীওয়ালা বললে, সে কি। তুমি মেহমান স্বচ্ছন্দে জিজ্ঞাসা কর।

বোম্বাইয়েব লোকটি বললে, বোম্বাইয়ে দিল্লীব খুব নামডাক শুনেছিলুম। মিন চাণ দাটা ব'বে এই বাস্তব্য দুমতি, কিন্তু একটা চড়ুই পাখিব ঠোকবও তো বলাব পাববুম না।

এবার দিল্লীওয়ালা বললে, ভাই সাহেব, কিছু না মনে কব তো বলি।

—হা, নিশ্চয় বলবে, ভয় বিসের।

দিল্লীওয়ালা বললে, ট্যাকে জাল একশো টাকার নোট নিয়ে দ্বলে ঠোকর বলাব পাববে কি ক'বে?

বোম্বাইয়ের পবেটমার সেই বাবেই দিল্লীব গুস্তাদের কাছে শিফাত গ্রহণ করলে।

দিল্লী শহর এখনও সেই বকমই আছে—এ কথা খেন কেউ না মনে করেন। এ সব অমদ্য স্বাধীনতা পাবার পূবেব ইতিহাস। এখন দিল্লী আমাদের ভারতবাস্তব রাজধানী—সেখানকার ঢক ও চৌরিবাজাব চৌরস হয়ে গেছে।

সেখানকার জোঁকোরেরা কর্মক্ষেত্র পরিবর্তন ক'রে রাষ্ট্রের নানা বিভাগে ছড়িয়ে পড়েছে।

কিন্তু এই জোঁকোরদের ব্যাহ ভেদ ক'রে একটু ঝাড়া হাত পা হয়েই বৃকতে পারলুম, আগ্রা নেগাত খারাপ জায়গা নয়। প্রথমত, এখানে খুব সস্তায় জীবনযাত্রা নির্বাহ করা যায়। ইতিপূর্বে কাশীতে জিনিসপত্র খুবই সস্তা মনে হয়েছিল, কিন্তু দেখলুম, আগ্রায় সেখানকার চেয়েও সস্তায় জিনিস পাওয়া যায়। যদিও কাশী অথবা কলকাতার মতন এত রকমের তরি-তবকাপি সেখানে পাওয়া যায় না, কিন্তু যা পাওয়া যায় তা জীবনধারণের পক্ষে যথেষ্ট এবং তা অত্যন্ত সস্তা। মোট কথা, মাসে দশ-বারো টাকায় একজন লোক বেশ ভদ্রভাবেই সেখানে বাস করতে পারে। তবে এই দশ-বারো টাকা উপায় করার রাস্তা সেখানে খুবই কম—এমন কি, এক রকম নেই বললেই চলে। হয়তো একটা উপায় ভবিষ্যতে হবেই—এই আশায় আমরা স্থিব কবলুম, আগ্রাতেই থেকে যাব। আগ্রাতে আর একটা মশা স্থিধা ছিল এই যে, সে সময় সেখানে অল্পসংখ্যক বাঙালী বাস করতেন। আর কিছু না পোক, দেখা হ'লেই কোথায় বাড়ি, বয়স কত, কেন বাড়ি থেকে পালালে—ইত্যাদি জেরার হাত থেকে রক্ষা পাওয়া যাবে।

হোটেলের দিন দশ-বারো কাটবার পর, সেখানে প্রত্যহ চার আনা ক'রে দেওয়ার চেয়ে একটা বাড়ি ভাড়া করাই ঠিক করা গেল। অনেক খুঁজে-পেতে একটা বাড়ি ঠিক হ'ল। বেশ খোলামেলা, একতলা দেতলায় সবসময়ে চার-পাঁচখানা ঘর—মাসিক ভাড়া পাঁচ টাকা। সেখানে আবার শহরের মতো খোলামেলা বাড়ি পাওয়া মুশকিল। সড়ক সড়ক গলির মধ্যে খোলা বাড়ি তৈরি করাই যায় না। যা হোক, এদিকে বাড়িওয়ালার সঙ্গে কথা চলতে লাগল, ওদিকে আমরা বিড়ানা বালিশ প্রভৃতি তৈরি করাতে লাগলুম।

সেদিন আগ্রায় ছিল জলের উৎসব। এ ধরনের উৎসব বাংলা দেশে তো নেই-ই, অল্প কোথাও আছে কি না জানি না। দলে দলে লোক নানা

রকমের ভেলা, বড় বড় ধোপার গামলা, কেউ বা মশককে কি ক'রে ফুলিয়ে তার উপরে ধোড়ার মতন চ'ড়ে যমুনার স্রোতে ভেসে যায়। কত লোক নানা রকমের অঙ্গভঙ্গী করতে করতে, কেউ বা সারেকী বাজাতে বাজাতে অদ্ভুত ভেলায় চ'ড়ে শন্ শন্ ক'বে ভেসে চলেছে—দেখতে দেখতে কোথা দিয়ে সময় কেটে যায়। এই খেলা দেখবার জন্তে যমুনার দুই তীরে অসংখ্য লোকের ভিড় লাগে। বেলা দুটো আড়াইটে থেকে আরম্ভ ক'রে সন্ধ্যা অবধি খেলা চলতে থাকে।

আমরা তাজমহলের চত্বরে দাঁড়িয়ে এই তামাসা দেখছিলুম। সেখানে আরও অনেক হিন্দু-মুসলমান মেয়ে পুরুষ দাড়িয়ে সেই জলকেলি দেখছিল। কেউ হাসছে, কেউ হাততালি দিচ্ছে, কেউ কথা বলছে, আমবাও মাহুভাষায় ন'না বকম মন্তব্য করছি। হঠাৎ একটি লোক—এতক্ষণ সে আশপাশের লোকের সঙ্গে খুব কথা বলছিল, হাসি ঠাট্টা করছিল—বাংলা ক'ণা শুনে হাঁ ক'রে আমাদের দিকে চাইতে লাগল। লোকটির পরনে চুসত্ পাঞ্জামা, অঙ্গে স্ত্রীতিব সেবদ্ব্যানি, মাথায় গোল কেল্টের টুপি অর্থাৎ হিন্দু টুপি—বয়স তার পঁচিশের মধ্যে হবে, তবে বেশ কটপুষ্ট বলে দু এক বছর বেশি দেখায়। সক কেলোচা লোক, বেশ পরিপাটি ক'বে ছাটা। শুদ্রলোকই আগে কথা বললেন, তোমবা বাঙালী?

আজ্ঞে হ্যাঁ। আপনি?

আমি বাঙালী, ব্রাহ্মণ সম্ভান। আমার নাম পবেশচন্দ্র বন্দ্যোপাধ্যায়। বলুন, আপনাকে দেখে তো বাঙালী বলে মনে হয় না। তার ওপরে যা পোশাক পরেছেন—

শুদ্রলোক বললেন, বাড়িতে ও অল্প কোথাও যেতে হ'লে ধুতিই ব্যবহার করি, তবে আপিসের বেলায় এ দেশের পোশাকই পবতে হয়।

জিজ্ঞাসা করলুম, এখানে চাকরি করেন বুঝি?

—হ্যাঁ, এখানকার আদালতে কাজ করি। আমলে আম'র চাকরি-স্থল

দিল্লী—এখানে একজন ছুটি নেওয়া আসতে হয়েছে। তবে ছুটি ফুরিয়ে গেলে আমিও দিল্লী ফিরে যাব।

আমায় জিজ্ঞাসা করলেন, তোমার নামটি কি ভাই ?

নাম বললুম। একবারে বুঝতে পারলেন না, আবার বলতে হ'ল। ভদ্রলোক বললেন, বেড়ে নামটি তো তোমার !

বন্ধুরাও নাম বললে। ভদ্রলোক কোনো রকম ভণিতা না ক'বে একেবারে সোজা প্রশ্ন করলেন, বাড়ি থেকে কতদিন হ'ল পালিয়েছ ?

আমরাও সোজা উত্তর দিলুম, এষ্ট দিন পনেরো হবে।

বম্মনার তীর থেকে ম'বে এনে একটা নির্জন জায়গা দেখে গেল হয়ে বসে যাওয়া গেল। বিড়ি ও সিগারেট আদান-প্রদান হতে লাগল। ভদ্রলোক বললেন, তোমাদের চেয়েও আমি যখন ছোট ছিলাম, তখন একবার ভাই বাড়ি থেকে পালিয়েছিলাম।

স্বকাস্ত বললে, তা হ'লে আমরা তো একই গোত্রের লোক বলতে চাই।

পরেশনাথ হেসে বললেন, হ্যাঁ, নিশ্চয়ই। আর একই গোত্রের যখন, তখন আর আমাকে 'আপনি' ব'লো না।

বললুম, বেশ। আপনি আমাদের দাদা।

পরেশনাথ বললে, বেশ বেশ, যাব ভাল কথা। তার পরে এষ্ট শোন, পালিয়ে গিয়েছিলাম গয়া, গয়া থেকে রাজগীর। বাস্, ওই পদত

—আপনার বাড়ি কোথায় ?

—বাড়ি তো বাংলা দেশের চব্বিশ পরগনার কোন্ এক গ্রামে ছিল। কিন্তু আমার প্রপিতামহ ইংরেজ গবর্নমেন্টের কমিশনারিয়েটে চাকরি নিয়ে দেশ ছেড়ে চ'লে এসেছিলেন। তারপরে আমরা আশালা, সাহারানপুর, মীরট প্রভৃতি জায়গায় খেঁকেছি। শুনেছি, আশালায় আমাদের বাড়িঘরও ছিল। আমার ঠাকুরদাদা দিল্লীতে বাড়ি করেছিলেন।

জিজ্ঞাসা করলুম, তা হ'লে দিল্লীতেই বাড়ি ?

—হ্যাঁ, দিল্লীতে বাড়ি ছিল বলতে পার। সেখানেই জন্মেছি। লেখাপড়া কিছুই শিখি নি, তবু এনট্রেন্স্ ওইখান থেকেই পাস করেছি। দাহুব দকন বাড়িখানা ছিল, তা বাবুজী অর্থাৎ বাবা বেচে মেয়ে দিলেন। তিনি সারাস্বীবন ব'সে ব'সে খেতেন, কোনও কাজকর্ম করতেন না, শেষকালে মববার সময় বাড়িখানা বেচে দিবে আমাকে আব মাকে একেবারে পথে বাসিয়ে গেলেন।

এই অববি ব'লে পবেশদা মনেও দুখ হো-হো ক'রে হেসে উড়িয়ে দিলে। তাবপব একটান বেশ ভ্রমিয়ে বিড়ি টেনে ধোঁয়া ছাড়তে ছাড়তে বলতে লাগল, বাংলা দেশের একবকম কিছুই জানি না বললেই হবে। বাবা মারা যাবার পব মাকে নিয়ে একবার আমার বাড়ির গায়ে গিয়েছিলুম, সে একেবারে অছ পাড়ার। মামাবা কেড নেই, এক মামী থাকেন সেখানে ছেলপিলে নিয়ে। তা তিনি নিজেই খেতে পান না তো আমাদের খাওয়াবেন কি? দিন কতক সেখানে থেকে আবার দিল্লীতে কিবে আসতে হ'ল।

একট চুপ ক'রে থেকে পবেশদা বললে, তাবপব, আমি তো নিজের কথাই ব'ল যাচ্ছি, এবার তোমাদের কথা শুনি। শেমবা 'রকম দল বেবে পালালে কেন? কি মতলব তোমাদের? দেশ দেখা?

বললুম, আমাদের উদ্দেশ্য কার্যকর্ম ছুটিয়ে নিজদের উন্নতি করা। বাড়ি ভাল লাগে না, বাড়ির তাবেও থাকতে ইচ্ছা করে না, পড়াশুনো করতে ভাল লাগে না।

আমাব কথা শুনে পবেশদা উঠেইববে হেসে উল্লেন। বললেন, বল কি ভাব? বাড়ি ভাল লাগে না, পড়াশুনো করতে ভাল লাগে না তো জীবনে উন্নতি করবে কি ক'রে? বাড়ি ভাল লাগে না কেন?

এ প্রশ্নের আর কি উত্তর দেব—চেপে বাওয়াই সমীচীন বোধ কবলুম। পরেশদা বলতে লাগল, আমি কিছ ভাই বাড়িকে বদ্দ ভালবাস। বাড়ি বলতে এক ম—মাকে ছেড়ে এই বুঢ়া বয়সেও আমি কোথাও থাকতে পারি না।

বলতে বলতে কিছুক্ষণ চুপ ক'রে থেকে সে বললে, এবার বোধ হয় মাকে একেবারেই ছাড়তে হবে।

জিজ্ঞাসা করলুম, কেন দাদা?

—মার শরীর খুবই খারাপ হয়ে পড়েছে। আর কাজকর্ম করতে পাবেন না বললেই হয়।

পরেশদার সঙ্গে আরও অনেক কথা হ'ল। কথায়-বাতায় একবার বুক ঠুকে জিজ্ঞাসা ক'রে ফেলা গেল, আমাদের কোন চাকরি-বাংকরি জুটিয়ে দিতে পার কি না?

বেশ থানিকক্ষণ ভেবে পরেশদা বললে, দেখ, আথা তো আমার জানা-গোনা জায়গা নয়—তবে তোমরা যদি আমার সঙ্গে দিল্লী যাও তবে নিশ্চয়ই পারি। কিন্তু একসঙ্গেই তিন জনের পারাব না—এক-একজন ক'বে। তা মাস ছয়েকের মধ্যে তিন জনেরই হিঁচু ক'রে দিতে পারি বোধ হয়।

পরেশদাকে বললুম, আমরা তোমার সঙ্গে দিল্লীই যাব।

পরেশদা বলতে লাগল, একটা কথা তোমাদের আগে থাকতেই জানিয়ে রাখা ভাল ব'লে মনে হচ্ছে। তোমাদের চাকরি জোটবার আগেই মা যদি মারা যান, তা হ'লে তোমাদের জুড়ে কিছু করা বোধ হয় আমার দ্বারা সম্ভব হবে না। কারণ মা মারা যাবার পর আমাদেরই হয়তো সব ছেড়ে-ছুড়ে দিয়ে চ'লে যেতে হবে।

পরেশদার কথাগুলো কিছু রহস্যময় শোনালেও এ-বিষয়ে আব কিছু জিজ্ঞাসা না ক'রে তখনকার মত চেপেই গেলুম। জিজ্ঞাসা করলুম, তিনি আর কতদিন আগ্রায় থাকবেন? পরেশদা বললে, ছ মাসের প্রায় মাড়ে চার মাস কেটে গেছে—এখনও বুঝতে পারছি না কিছু। শুনছি, সে লোকটা নাকি ছুটি বাড়িবার জুড়ে লিখেছে। দেখা যাক, কয়েকদিনের মধ্যেই টের পেয়ে যাব। আমার মনে হচ্ছে, শীতটা পুরোই এখানে কাটাতে হবে।

সেইখানে বাঁসেই ঠিক ক'বে ফেলা গেল যে, পরেশদা যে কদিন আগ্রাতে

থাকবে, আমরাও সে কদিন এখানে থেকে তাব পরে তার সঙ্গে দিল্লী চ'লে যাব।

পরেণদা বললে, চল ভাই, এবার ফেরা যাক, সন্ধ্যা হয়ে এল।

উঠে পড়া গেল। অহুমান সুষের প্রভায় রঞ্জিত পশ্চিম-দিগন্তের মতন আমাদের মানসাকাশেও বিচিত্র রঙের খেলা শুরু হয়ে গেল। পরম উৎসাহে হোটেলের দিকে এগিয়ে চললুম।

পরেণদা আমাদের সঙ্গে গল্প কবতে কবতে হোটেল একেবারে আমাদের ঘরে এসে উপস্থিত হ'ল। আমরা দৈনিক চাব আনা ক'বে ঘর ভাড়া দিচ্ছি শুনে সে বললে, বাবা, এরা তো একেবারে ডাকাত দেখছি!

সে হোটেলের একটা চাকরকে ডেকে বললে, তোমাদের ম্যানেজারকে একবার ডেকে দাও তো।

কিছুক্ষণ পরে হোটেলের একজন লোক আসতেই পরেণদা বললে, দেখ, বাবু! কতদিন এখানে আছে তার একটা বিল তৈরি ক'বে নিয়ে এস—আমরা এখন চ'লে যাব।

বহু আচ্ছা।—ব'লে লোকটি চ'লে যেতেই পরেণদা বললে, চল আমাদের বাড়ি। এখানে এই চোব জোচোব ডাকাতদের মধ্যে থাকতে আছে! কখন কি ফাসাদে পড়বে আর মারা যাবে।

ইতিমধ্যে হোটেলওয়াল দশ দিনের ঘর ভাড়ার বিল নিয়ে এসে উপস্থিত হতেই পরেণদা ব্যাগ খুলে তাকে টাকা দিতে যাচ্ছিল, আমরা বাবা দিয়ে নিজেদের তবিল থেকে তাদের প্রাপ্য চুকিয়ে দিয়ে ধুতি কমল বালিশ প্রভৃতি নিয়ে পরেণদার বাড়ির দিকে রওনা হলুম।

শহরের ঘিন্জি থেকে বেশ খানিকটা দূরে এক গলির মধ্যে একটা বড় বাড়ির এক অংশে পরেণদা মাকে নিয়ে বাস করেন। বাড়িখানার মালিকও পরেণদার সঙ্গে কাজ করে। তিনি বাড়ির এক অংশ পরেণদাকে অমনিই থাকতে দিয়েছিলেন; কিন্তু পরেণদা মাসে তিন টাকা ক'রে ভাড়া জোর ক'বে

দিয়ে থাকে। একতলায় একটা বড় ও একটা ছোট ঘর, বেশ বড় একটা উঠোন। দোতলায় এই উঠোনেব চারদিকে ছাত ও ছাতেব একদিকে পাশাপাশি দুটো বড় ঘর—দিব্যা খোলামেলা। রান্না একতলাতেই হয়।

আমরা যখন পৌঁছলুম, তখন সন্ধ্যা হয়ে গেয়েছে। কাতিকের শেষাংশে। শীত খুব জাঁকিয়ে না পড়লেও বাংলা দেশে অত্নাণেব মাঝামাঝি যেমন ঠাণ্ডা পড়ে তেমনি শীত। সদর-দরজা ভেতর থেকে বন্ধ ছিল। পরেশদা অনেকক্ষণ ধরে ধাক্কাধাকি করার পর এক বৃদ্ধি যি দরজা খুলে দিলে।

দরজা খুলে—সিবে চ'লে এস—ব'লে পরেশদা এগিয়ে চলল, তাকে অনুসরণ ক'বে আমরা চললুম। উঠোন পেবিয়ে সিঁড়ি দিয়ে আমবা হাতে উঠলুম—ঘোর অন্ধকার। পরেশদা চেষ্টায়ে কি বলাব বড়াটা গুরুগুরু করতে কব'তে সিঁড়ি দিয়ে উঠে এসে পাশেব দর থেকে দুটো হাবিকেন লগন নিবে লে। পরেশদা লগন জালাতে জালাতে লালেন, যেদিন বাড়িতে এসে দেখি যে, আলো জ্বলে নি, সেই দিনই বুঝতে পারি মা বাবা'না নিয়ছেন। বুড়োব দিকে ইঙ্গিত ক'রে বললেন, ইনি আবাব লগন জালাতে পাবেন না—জালি কোথাকাব।

ইতিমধ্যে আলো জালানো হয়ে গেল একটা হাবিকেন নি' বড়া চ'লে গেল, আর একটা হাতে নিবে পরেশদা ঘর'ব ভেজানো দর'ব দ্বারা দিয়ে আমাদেব বললেন, এস।

আমরা ঘরের মধ্যে ঢুকতেই পরেশদা বললে, কাতিকের ম'ন না'ই এইখানেই জায়গা ক'বে গুতে হবে। বাল জিনিসপত্র সরিরে সব ব্যবস্থা কবা যাবে।

আমবা বললুম, তোমাকে কিছু ব্যস্ত হতে হবে না, সব আমরা নিজেই ঠিক ক'রে নিচ্ছি।

পরেশদা তার আপিসের বেশ ছেড়ে ওই ঘবেই বৃষ্টি জামা পবল। তারপর কোণ থেকে একটা কাঁটা নিয়ে সব পরিষ্কার করতে আস্ত ক'রে

দিলে। সুকান্ত তার হাত থেকে ছোঁব ক'বে বাঁটা কেড়ে নিয়ে নিজে কাঁট দিতে শুরু করায় পরেশদা বললে, আচ্ছা, তা হ'লে আমি ও-খবে একবার মাকে দেখে আসি।

যদু পবিত্রার ক'বে কখন বিছিয়ে একটু বসতে না বসতেই পরেশদা বিয়ে এসে গেলো, মাকে দেখে বিশেষ স্তব্ধের বাঁলে বোঁব হচ্ছে না।

—কেন, কি বকম দেখেনে।

কি বকম আচ্ছন্নের মত প'ড়ে আছেন। ডাকলুম, কিন্তু কোন সাড়া দিলেন না—কখনো এ বকম তো দেখি নি। সকাল বলা ব'লা করেছেন—যখন আপিসে বাই তখন পেনে দিয়েছেন।

—কতক্ষণ এ বকম হয়েছে।

—তা তো বুঝতে পাবতি না।—বাঁলে পরেশদা বিকে থেকে ছিজাশা করায় নে বালে বে, নে এসে দরজা ধাক্কাবাকি ক'বে দোল না পেয়ে বাড়িওয়ালাদের বাড়ি। ১৩তর দিয়ে ৭ বাড়িতে চুকছে। সে এসে অববি দেখে যে, মাইচু অমন ক'বে শু'ব আছেন।

পাশের ঘরে গিয়ে দেখলুম, পরেশদার মা একটা খাটে শুয়ে আছেন—দু'কন ওপর শাক ৩টি ছোড ক'রে বাবা। কোমর আদি একথানা নিশা ব'লে ঢাকা রয়েছে। অতি শীর্ণ দেখলেই বুঝতে পাওয়া যায় যে, দীর্ঘ দিন বোগ ভোগ করছেন। ঘরের মেঝেতে এমনটা বাথা ছিল, তাতে খাটের ওপর মা ভাল ক'বে নেখা বাচ্চিনা না। তবুও যা দেখলুম তাতে মনে হ'ল যে, বোগিগাব চেহারা ব'র্ব, চোখ বোকা থাকলেও তা কেটিরগত—কেবল টিকিলে নাকটা বিগত রূপের নিশানস্বরূপ তখনও খাড়া রয়েছে। হঠাৎ দেখলে মনে হবে, যেন নেচে প্রাণ নেই, কিন্তু কিছুক্ষণ লক্ষ্য ক'রে বোকা গেল, এবারীয়ে ধোঁবে নিখাস পড়ছে। পরেশদা একবার খুব আশে ডাক দিলে, মা।

কিন্তু কোনও সাড়া পাওয়া গেল না। পরেশদা ল'লনের আলোটা খুব

কমিয়ে ঘরের এক কোণে রেখে ইশাবা ক'রে আমাদের ঘরের বাইরে ডেকে নিয়ে গিয়ে বললে, রান্নার ব্যবস্থা ক'রে ডাক্তার আনা যাবে। কি বল ?

সে ঝিকে ডেকে আটা, ইত্যাদি বার ক'বে দিয়ে বললে, আটা মেখে ঘুঁটেগুলোতে আগুন বরিয়ে দিয়ে তুমি চ'লে যেতে পার।

পরেশদাকে বললুম, তুমি মুখ-টুখ ধোও। মাব কাছেই থাক আমবা রান্না করছি — শুধু কটি তৈরি কববার লমবে তুমি এলেই চলবে।

আমবা ডাল ধুয়ে চড়িয়ে দিয়ে আলু ও কুমড়া কুটতে আরম্ভ ক'রে দিলুম। কিছুক্ষণ বাদে পরেশদা হাত-মুখ ধুয়ে এসে বললে, এই ভাই আমার সংসার।

জিজ্ঞাসা করলুম, মা কি রকম ?

—সেই রকমই প'ড়ে আছেন।

বললুম, তুমি ডাক্তার ডেকে নিয়ে এস।

পরেশদা বললে, তাই যাই ভাই। আমি কেবলব আগে যদি তোমাদেব ডাল ও তরকারি বাস্না হবে বাব তো উঠনে বড় দেখে খান দুই গোবর ফেলে রেখে দিও। আমি এসে কটি তৈরি করব।

দেখানে এবটা স্তবধা 'ই দেখলুম যে, উঠন ধরাবাব হাদিমা পোয়াতে হ'না। তাল তাল গোবর যে অবস্থায় বাস্তায় প'ড়ে থাকে সেই অবস্থাতেই শুকিয়ে তা গুজনদবে বিক্রি করা হয় এবং তাই জালিয়ে রান্না চল। কতকগুণে উঠনে বেলে তাক্তে কেবোসিন তেল ঢেলে দেশলাই জালিয়ে দিলেই উঠন ধবানো হয়ে গেল।

বেরিয়ে যাবার আগে কোখায় কি দ্রব্য থাকে তা আমাদের দেড়িয়ে দিয়ে ঝিকে ডেকে পরেশদা বললে, তুমি আজ একটু দেবিতে বেবো। মার অস্থখ, দেখানে গিয়ে একটু ব'স, আমি ডাক্তার আনতে যাচ্ছি—আমি ফিরে এলে তুমি খেয়ো।

ঝিটা বদ্বক করতে করতে ওপবে উঠে গেল। পরেশদা বেরিয়ে যেতে দরজা বন্ধ ক'রে দিয়ে এসে আমবা সমাপোহে রাঁধতে আরম্ভ কবলুম। গল্প

করতে করতে সময় কোটে যেতে লাগল। রান্না করতে তখনও আমরা কেউ জানি না, রাধতে দেখেছি মাত্র। কখনও কোনও রকমে ভাত ও খিচুড়ি এর আগে পেরেছি। একবার হাতা দিয়ে তুলে দেখা গেল, ডাল যেন সেক হযে গেছে—এবাব নাবিযে সধবা দিতে হয়। কাঁচা মুগেব ডালে কি সধবা দেওয়া যায়। আমি বললুম, দুটো শুকনো লঙ্কা। জনাদন ও স্বকান্ত পূর্ববঙ্গের লোক, তাদের একজন বললে, সবসে কোমল দাঁও। খার একজন বললে, না, না, কালোজিরে দাঁও

কিন্তু পবেশদা বলে গেলেও নেই স্যায় আলোতে কোথায় যে কি আছে তা খুঁজে গেলুম না। ঝিকে জিজ্ঞাসা করলে সে বলে দিতে পারবে মনে করে ওপরে গিয়ে দেখে দে, মেরেব ওপরে ময়লা ওড়নাটা পেতে সেই সন্ধ্যারাত্রেই সে তোলা ঘুম লাগিয়েছে—অগত্যা নেমে আসতে হল। অনেক খোঁজাখুঁজির পর হুদ ৬ নম্বর ঘুঁড়ে আলিঙ্গন করা গেল। একটা বাটিতে ঘিয়ের মতন একটু তিল, তাই দিয়েই ডালের সধবা দেওয়া হল—তখন খুঁজে পাওয়া গেল না, কাঁচাই দেওয়া হল না।

ডাল নামিয়ে আয়ু ৬ কুমড়া সেদ্ধ করতে চড়িয়ে দেওয়া গেল। স্বকান্ত জনাদন বাজারে ঘি ও তেল আনতে বেরিয়ে গেল। উল্লনটা নিবে এসেছিল বলে কয়েক খণ্ড শুকনো গোবর দিয়ে নীচু হয়ে জোরে ফুঁ দিতে লাগলুম, ঘর গোয়ায় অন্ধকার হয়ে উঠল। একবার আমি ক'রে ফুঁ দিয়ে মুখ তুলেছি এমন সময় দরবার সামনে দেখলুম, এক নারায়ণী দাঁড়িয়ে। সে এক অদ্ভুত মতি, ঠিক যেন একথানা সম্পূর্ণ নবকাল একটা ছেড়া ময়লা কাপড় জড়িয়ে দাঁড়িয়ে আছে। চোখ দুটো কোটিরগত হ'লও অপরূপ বেজ্জলো জলজল করছে। ওনিকে উঠোনের মধ্যে রূপপঙ্ক বারিষ অন্ধকার ও শাতের গোয়ায় এক ভয়াবহ পটভূমির সৃষ্টি করেছে, আব সামনে সেই কদাল। ঘরের মরোকাব উঠনের আগুন জনচে খার নিবহে, আব তাই সেই জলজলে চোখে প্রতিবিম্বিত হচ্ছে। সে এক ভয়াবহ দৃশ্য। সে মতি দেখে ভয়ে সেই শতকালেও আমার দাম

ছুটতে আবস্ত ক'রে দিলে। কিন্তু একটু পরেই কে যেন আমাব মধ্যে ব'লে উঠল—ইনি পবেশদার মা। তখন নিজে কে সামলে নিয়ে উঠে গিয়ে তাঁকে একটা প্রণাম ক'বে বললুম, মা, আপনি উঠে এলেন কেন? আমরা তো নিজেরাই সব ক'রে নিচ্ছিলুম।

মা ঠাপাতে ঠাপাতে বললেন, তোমাকে শো—চিনতে পারছি না—তুমি কে বাবা?

সব বললুম। আমাব কথা শুনে তিনি মাতৃহৃদয়ের সমস্ত মধু ঢেলে বললেন, অ'ম'রে বাই—ম'বে বাই বাজা আমাব। া আমাকে ডাকতে হয়। কোথায়—প'রু গেল কোথায়? অ'প'রু।

বললুম, পরেশদা ডাক্তারের বাড়ি গিয়েছেন।

—ওমা, কেন? তার শবীর ভাল আছে তো?

—তিনি ভালই আছেন। আপনি সন্ধ্যাবেলা অমন নিতুন হয়ে পড়েছিলেন, আপনাকে ডেকে সাড়া না পেয়ে তিনি ভয় পেয়ে ডাক্তার আনতে গিয়েছেন।

না বললেন, জোরে ডাকলেই হ'ল। আমাব কি ম'ব, অ'ছে বাবা—অ'স'। তোমাদের কত কষ্টই হ'ল!

পরেশদার মা উল্লস থেকে ক'টা নামিরে রীতিমত ব্যাধি শুরু ক'বে দিলেন। ইতিমধ্যে হুকাব ও জনাদিন বাজার বেবে দিবে এলে হাঁড়ের পরিচয় জানলেন। তরকারি নামিয়ে ক'টি করছেন, এমন সময় পরেশদা ডাক্তার নিয়ে এসে হাজির হ'ল।

ডাক্তার এসে দেখলেন যে, তাঁর মুম্বু ক'গী ক'টি ে ক'ছে। য'বে অ'ভাগ ত এসেছে—মববাব সময় তাঁব নেই।

পরেশদা ঠাকডাক ক'রে মাকে ওপরে নিয়ে গেল। ডাক্তার অনেকক্ষণ ধ'রে রোগিণীকে পরীক্ষা ক'বে প্রেসক্রিপশন লিখে দিয়ে যাবার সময় আমাদের সবাইকে ব'লে গেলেন যে, ক'গীর অবস্থা ভাল নয়। দিনরাত একেবাবে

বিজ্ঞানায় শুয়ে থাকতে হবে। ফল দুব ইত্যাদি পথ্য। কিন্তু পথ্য যাই হোক—বিশ্রামের দরকার। আপনাদেব ভরসা দিতে আমি পারছি না, তবে এরকম অবস্থা থেকেও স্বস্থ হয়ে উঠতে আমি দেখেছি—চিকিৎসা আরও অনেক আগে আরম্ভ হওয়া উচিত ছিল। কর্তব্য মানসিক শক্তি অসামান্য, কারণ তাঁর শরীরেব যে অবস্থা তাতে উঠে হেঁটে কাজ করা একরকম অসম্ভব।

ডাক্তারের সঙ্গে পরেশদাও বেরিয়ে গেল শুশ্রূষ আনতে। সেখানে আবাব নটা সাড়ে নটার মধ্যে সব ডাক্তারখানা বন্ধ হয়ে যায়, শীতের দিনে তো কথাই নেই। পরেশদা যাবার সময় মাকে শুইয়ে রেখে গেল। আমরা তিনজনে বামাধো ব'সে কটগুলো সেকঁক কি না ভাবছি এমন সময় দেখি, মা নেমে এসেছেন।

—এ কি, আপনি নামলেন কেন?

—আব খান কয়েক কটি আছে সেকঁক দিয়ে যাই।

—কিন্তু ভাণ্ডাবে যে আপনাকে শুয়ে থাকতে ব'লে গেলেন।

—বলুগে ডাণ্ডাব।—তিনি আব কিছু বলতে পারলেন না। বেশ বোকা গেল, অশ্রুত তাব কর্তব্য হয়ে ধল। বটি উজনে ফেলে সেকঁকব সময় নুখখানা আগুনের কাচে নিয়ে যাচ্ছিলেন সেই আগুনের আভাব আমি স্পষ্ট দেখলাম, এব দুই চোখ দিয়ে দুটি ধারা শুকনো গাল বেয়ে নামছে—ভাবতে লাগলাম, • অশ্রু উৎস কোথায়?

খানকয়েক মাঝ আব কটি ছিল, নেগুলো সেকঁক দিয়ে হাত মুখ বুয়ে মা ওপরে চ'লে গেলেন, আমবা উজনের ধাবে ব'সে হাত পা সেকঁকতে লাগলাম। দণ্টাখানেক পরে পরেশদা শুশ্রূষ নিয়ে ফিরে এল। মাকে শুশ্রূষ থাইয়ে সেই শীতে স্নান ক'রে পরেশদা আমাদেব সঙ্গে এসে খেতে বসল। ওপরে যখন উঠলাম তখন এগাবোটা বেচে গেছে—আগ্রা নগরী জগুপ্তিব কোলে চ'লে পড়েছে।

পরেদার মা সেই ঘে গিয়ে বিছানায় শুলেন আর তাঁকে উঠতে হ'ল না। ডাক্তারে ঠিকই বলেছিল। অসামান্য মানসিক শক্তিবলেই তিনি এতদিন উঠে হেঁটে কাজ করছিলেন—সে দিন শেষ শক্তিতুক ব্যয় ক'রে আমাদের জেগে রাগা ক'রে দিয়ে শয্যা গ্রহণ করলেন।

পরেব দিন সকালবেলা আমরা রাগা করলুম। বাগা এমন কিছুই না—ভাত, ডাল ও একটা আলু কিংবা কুমড়োর ঘ্যাট। সে কাজ করতে আমাদের ভালই লাগছিল, কিন্তু পরেদা শুনলে না। সে এক ব্রাহ্মণের মেয়েকে যোগাড় ক'রে নিয়ে এল, সে এসে দু বেলা রেঁধে দিয়ে যেতে লাগল। আমরা নিজেদের টাকা দিয়ে চাল ডাল ও জ্বিনিসপত্র কিনে আনতে লাগলুম। পরেদা সামান্যই মাইনে পেত—অবিশি তাতে তার সংসার সচ্ছল ভাবেই চ'লে যেতে পারত—আমরা আসা সবেও। কিন্তু মার স্বত্ত্বে একদিন অপর ডাক্তার ডাকা ও তা ছাড়া গুরুপত্নীর এবং অস্বাস্থ্য খরচের ঠেলায় সে বোচাটো বিব্রত হয়ে পড়ল। পরেদার আপিসেবও দু-একটি বন্ধু এই সময়ে দেগাপ্তনো ও খোঁজখবর করতেন।

এক ভদ্রলোক, তাঁর ওই দেশেই বাড়ি, তিনি প্রায় প্রত্যাহ সন্ধ্যাবেলায় আসতেন এবং আমাদের বলতেন যে, পরেশ হয়তো চমুলজার খাতিরে কিছু বলতে পারে না, কিন্তু তোমরা তা'ব ছোট ভাই, তোমাদের বলা রইল যখন যা প্রয়োজন হবে—অর্থ, লোকজন, সেবার জ্ঞান নাবা—যদি কিছু সাহায্যের প্রয়োজন হয় তো নিঃসঙ্কোচে আমরা বলবে।

অনেক চেষ্টা ক'রেও আজ লোকটির নাম মনে করতে পারছি না, হয়তো এমন সময় মনে পড়বে তখন আব কোন কাজে লাগবে না—স্মৃতি চিরদিন আমার সঙ্গে এমনি লুকোচুরি খেললে।

পরেদা প্রতিদিন সকালে মার সমস্ত কাজ ক'বে বেলা দশটার পর আপিসে বেরিয়ে যেত। খাওয়াদাওয়া শেষ ক'রে আমরা, এক-একজন পালা

ক'রে তাঁর কাছে গিয়ে বসতুম। সন্ধ্যার সময়ে পরেশদা আপিস থেকে ফিরে সমস্ত দিনের সংবাদ নিয়ে ডাক্তারের কাছে ছুটত—কারণ ডাক্তার ব'লে দিয়েছিলেন, প্রতিদিনের সংবাদ যেন তাঁকে দেওয়া হয়। সেখান থেকে ফিরে হাত মুখ ধুয়ে তিনি মাতৃসেবায় লেগে যেতেন আবার পরদিন ভোরবেলা অবধি।

প্রায় প্রতিদিনই সন্ধ্যাবেলাটায় আমি বোগিগীৰ কাছে ব'সে তাঁর সঙ্গে গল্পসল্প করতুম। বাইরে থেকে বুঝতে ন. পা'বা গেলেও ডাক্তার বলতেন যে, বোগিগীৰ অবস্থা উত্তরোত্তর মন্দের দিকেই চলেছে—কোনও ওষুধই ধরছে না। বোগিগী অবিকাশ সময়েই সেই আক্রমণ মত প'ড়ে থাকলেও হঠাৎ মাকে মাঝে বেশ সজীব হয়ে উঠতেন—তখন মনেই হ'ত না যে, ওই বকম একটা সাংঘাতিক রোগে তিনি ভুগছেন। যতটুকু সময় ভাল থাকতেন, শুধু কথা বলতেন একেবারে বিরাম বিহীন ভাবে। আমাদের উপদেশ দিতেন বা'ড়ি ফিবে যেতে। বলতেন, এ সংসার বড় খাবাপ জায়গা, কোথায় কি বিপদ লুকিয়ে ভাল পেতে ব'সে আছে, চপ ক'বে সেই ফাঁদে প'ড়ে যাবি আর সামলাতে পারবি না। কখনও বলতেন, আমি জীবনে কোনও কামনাই পোষণ করি নি, শুধু ৬৬টি মাত্র মাদ ছিল যে মরবার আগে পক্ষর বিয়ে দিয়ে তাকে সমসাবে স্থিতি ক'বে যাব, কিন্তু সে ৬৬ই তোদেরই মত মার আশ্রয় হ'লে পালিয়ে গিয়ে এমন ফাঁদে প'ড়ে গেল যে, তা থেকে আর পালানোর পথ রইল না—সবই আমাব বরাত। তা না হ'লে পক্ষর মত ছেলে মাকে ছেড়ে পালানো কেন? বালক সে বুঝতে পারবে নি যে, মা'ব কোলের চাইতে নিবাপদ আশ্রয় আর নেই।

বললাম, কিন্তু পরেশদা তো মার দুখ ঘোচাবে ব'লেই বা'ড়ি থেকে চলে গিয়েছিল।

আমার কথার আর কোনও উত্তর না দিয়ে তিনি চুপ ক'রে রইলেন। অনেকক্ষণ কেটে যাবার পর তিনি আপন মনে বলতে লাগলেন, আমাব আবার দুখ কি বাব। আমি জ্বপেই আছি—তোমবা জ্বগে থাকলেই আমাব জ্বখ।

সেদিন মার কথায় মনে হ'ল, পরেশদার জীবনের সঙ্গে নিশ্চয় কোনও রহস্য জড়িয়ে আছে, যার জন্তে বিয়ে করা তার পক্ষে সম্ভব নয়। প্রেমঘটিত কোনও ব্যাপার মনে করে সে সম্বন্ধে পরেশদাকে ও আর কোনও কথা জিজ্ঞাসা করি নি।

আর একদিন সন্ধ্যাবেলা মার ঘরে তাঁর চৌকির সামনেই পরেশদাব চৌকিতে বসে আছি, স্বকান্ত ও জনার্দন দুজনেই পরেশদার সঙ্গে সেই ক্যান্টনমেন্টে ডাক্তারের বাড়ি গিয়েছে। নীচের তলায় মধ্যে মধ্যে রাঁধুনী ও বিয়ের গলার আওয়াজ পাওয়া যাচ্ছে। মার দিকে চেয়ে আছি—খুবই ধীরে ধীরে তাঁর নিশ্বাস পড়েছে। সাধারণত এই সময়টা তাঁব আচ্ছন্ন ভাব কিছুক্ষণের জন্তে কেটে যায়, কিন্তু সেদিন তখনও কাটে নি। তাঁব দিকে একদৃষ্টে চেয়ে আছি, হঠাৎ দেখলুম তিনি চোখ খুলে মাথা ঘুবিয়ে একবার আমার দিকে চাইলেন। কিন্তু আমাকে কোনও কথা না বলে দৃষ্টি ফিরায়ে নিয়ে সামনের দিকে কি দেখতে লাগলেন। কিছুক্ষণ এইভাবে দেখতে দেখতে অতি ক্ষণস্থরে যেন কি বললেন।

আমি চৌকিতে বসে বসেই জিজ্ঞাসা করলুম, মা, কী বললেন?

দেখলুম, আবার তিনি চোখ বুজে ফেললেন। কিছুক্ষণ সেইভাবে কেটে যাবার পর আবার চোখ চেয়ে কি যেন বললেন। তার আমি চৌকি থেকে নেমে তাঁর কাছে গিয়ে জিজ্ঞাসা করলুম, কি বললেন মা?

অতি ক্ষণস্থরে তিনি বললেন, ঘরে যিনি এসেছেন তিনি বে।

আমি চাবিদিক চেয়ে দেখলুম, কেউ বোখাও নেই। বললুম, কই, কেউ তো আসে নি মা।

মা বললেন, দেখতে পাচ্ছিস না, এই যে সামনে—মাথায় জটওয়ালা এক সন্ন্যাসী—এই যে একেবারে তোর পাশে এসে দাড়ায়েছেন।

আমার সবাত্তে কাঁটা দিয়ে উঠতে লাগল—এমন কি পাশের দিকে চাইতেও সাহস হচ্ছিল না। শেষকালে জোর করে মন থেকে ভয় বোড়ে

ফেলে পাশেব দিকে চেয়ে দেখলুম, কেউ কোথাও নেই। মা কিংব দুই হাত যুক্ত করে কাকে বার বার নমস্কার করতে লাগলেন।

কিছুক্ষণ কেটে যাবার পর আমি জিজ্ঞাসা করলুম, বাতিটা কি একটু বাড়িয়ে দেব মা ?

মা বললেন, না, ঠিক আছে।

আবার জিজ্ঞাসা করলুম, মা, সম্মোসীসে কি এখনও দেখতে পাচ্ছেন ?

মা বললেন, না, তিনি চ'লে গেছেন। কালও অনেক রাতে একবার তাকে দেখেছিলুম। একেবারে আমার বিছানা ঘেষে দাঁড়িয়েছিলেন। আমি নমস্কার কবতেই তিনি হেসে চ'লে গেলেন।

সেদিন রাতে খেতে খেতে মার কথা ওঠায় পরেশদাকে এই সম্মোসীব কথা বললুম। পরেশদা কিছুক্ষণ চুপ করে থেকে বললে, লক্ষণ ভাল নয়। ম শাগগিবাই চ'লে যাবেন—এ সব হচ্ছে তারই ইঙ্গিত।

যাদুকেব এই বিবরণ শো শুধুমাত্র অশৌভেব সেই সন্ধ্যাটির কথা ভাবতে ভাবতে খাব একটি সন্ধ্যার চিহ্ন আমার স্মৃতিপটে স্পষ্ট হয়ে উঠেছে—এই দিনটির ঠিক দশ বছর পরে প্রাৰণেব এক ঐক্য ভরা সন্ধ্যায় তেমনি এক অন্ধকার ঘরে এব বঙ্গাব পাশে বসে ছিলুম। রুগী আব বেউ নয়, আমারই ছোট ভাই ওস্তিব। কয়েকদিন থেকে তাব জব চলোছ কিছুতেই ছাড়ে না। আমাব সামনেই মেঝেতে টুটু গদির ওপরে যে শুয়ে রয়েছে—চোখে আলো লাগে ব'লে য'ব বাতি নিবিযে দিয়ে বারান্দার বাতি জালিয়ে দেওয়া হয়েছে। দুই ভাইয়ে গল্প হচ্ছে—আস্থব বলছিল, ওই টোব্যাক মিন্‌চারগুলো আর পাকাত্তে ভাল লাগে না। তিনটা তুই নিয়ে য', কাল সকালে আমাব সঙ্গে এক টিন ভাল তৈরী সিগারেট এনে দিস।

এমনিধাবা হালকাভাবে এ-কথা শে-কথা চলেছে, এমন সময় কথার মাঝখানে অস্থিব ব'লে উঠল, দেখ্‌ শুবরে, এই বড়োটাকে চিনিম ?

—কে রে। কে বুডো ?

—ওই যে আলমারির পাশে ব'সে রয়েছে।

অস্থিরের শয্যার পাশে প্রায় পায়ের কাছে একটা আলমারি ছিল, আমি সেটার আশেপাশে বেশ ক'রে দেখলুম, কিন্তু কিছুই দেখতে পেলুম না। অস্থির বললে, আজ দু দিন ধ'রে লোকটা দিনরাত ওইখানে ব'সে আছে ভাই। আমি এত চেষ্টা করছি, কিন্তু কিছুতেই চিনতে পারছি না—তুই চিনতে পারলি ?

বললুম, কই ভাই, আমি তো কারুকে দেখতেই পাচ্ছি নে

—দেখতেই পাচ্ছি নে—কি আশ্চর্য

পরের দিনই অপ্রত্যাশিতভাবে অস্থিরের অসুখ সন্ধিন অবস্থায় দাঁড়াল—
ঠিক দু দিন পরে সে চ'লে গেল।

এবা সত্যিই কি সে সময় কারুকে দেখতে পেয়েছিল, না, সবই বোগাও মস্তিষ্কের বিকৃত কল্পনা মাত্র। কে এ প্রশ্নের জবাব দেবে ?

পরের দিন ডাক্তার এসে বেশ ক'রে পরীক্ষা ক'রে ব'লে গেলেন, বোগিগীণ বৃকের দু দিকেই সদি জমেছে বটে, কিন্তু দু-একদিনের মধ্যে কিছু হবে ব'লে মনে হয় না। এই ভাবে রোগ বৃদ্ধি পেতে থাকলে সাত আট দিন পরে মারা যাবার সম্ভাবনা।

পরদিন থেকে মার সেই আচ্ছন্ন ভাবটা পুই বেড়ে গেল। দিনে বাতে প্রায় সমস্তক্ষণই সেইভাবে প'ড়ে থাকতেন। যতক্ষণ পরেশদা বাড়ি না থাকতেন, ততক্ষণ আমরা তিন জনেই পালা ক'রে তার কাছে থাকতুম। সুকান্ত ও জনার্দন বিকেলে বেড়াতে যেত ব'লে সেই থেকে রাতি অবধি আমাদেরই রোগিগীর কাছে থাকতে হ'ত।

আজ অতীতের সেই সব ছবি ধীরে ধীরে মানসপটে ফুটে উঠছে। সেই শীতের সন্ধ্যাগুলি, সেই ছোট ঘরে পাছে একতলার ঘোঁষা এসে ঢোকে, তাই জানলাগুলো ভাল ক'রে বন্ধ করা, ঘরের এক কোণে মত্ত জালা হ্যানিকেনটা রাখা হয়েছে। তার শিথাকে যতদূর সম্ভব নাবিঘে দেওয়া হয়েছে, তা থেকে আবার ঘেটুঝু আলো বেরুচ্ছে তাও একখানা বইয়ের ছেড়া মলাট দিয়ে আড়াল

করা হয়েছে। সামনেই চৌকির ওপর যে রোগিণী নিঃশাড অবস্থায় পড়ে রয়েছে, তার জীবন-প্রদীপও ওই দীপশিখারই মত স্তিমিত।

নিশ্চর সন্ধ্যাকালে আমি সেই চৌকিতে বসে বসে ভাবতে থাকি—আমার স্বৃতিকে নামিয়ে দিতে থাকি বিস্মৃতির গভীরে, জন্ম-জন্মান্তরের পাবে। মৃত্যুপথযাত্রী কে এই নারী, যাকে আমি আজ মা বলে ডাকছি, যাকে সেবা করছি—বিনা দ্বিধায় যিনি আমার সেবা গ্রহণ কবছেন! এঁব সঙ্গে কি আমি জন্ম-জন্মান্তরের কোনও সম্বন্ধে বাঁধা আছি, না, সমস্তটাই অকস্মাতের খেলা! অকস্মাতেব খেলাও তো স্তম্ভক নিয়ম মেনে চলে—এমনি সব কল্পনায় সময়টা ও হ'ল কেটে যায়।

এমনি একদিন নক্সাবেলা মার দুখের দিকে চেয়ে বসে আছি, চঠাং চোখ চেয়ে তিনি যেন কাকে খুঁজতে লাগলেন। আমি জিজ্ঞাস করলুম, মা, কিছু বলছেন?

তিনি একখান হাত তুলেই আমি হাতখানা ধরে আস্তে আস্তে নামিয়ে নিলুম। মা পূব দিকে দাঁবে বললেন, এইখানে বস, আমার খাটে—এই আমার পাশে।

যদি সেই অপবিসদ জায়গায় কোনও রকমে হুকড়ে বসলুম। মা ধুকতে ধুকতে বলতে লাগলেন, তোদের হাতের এই সেবাটুকু পাবাব জন্তে এতদিন অপেক্ষা কবতিলুম—তা না হ'লে অনেক আগেই আমি ম'রে যেতুম। এই মাকে মনে থাকবে বাবা? চঠাং এই কথা শুনে আমি অশ্রু বোধ করতে পাবলুম না। জিজ্ঞাস করলুম, তোমাব সঙ্গে কি আমার জন্ম-জন্মান্তরের সম্বন্ধ? কি সে সম্বন্ধ আমার বল না মা?

একটুখানি সম্মতিসূচক হাসিতে সেই রোগক্লিষ্ট বিবর্ণ মুখখান উদ্ভাসিত হয়ে উঠল—হতে পাবে সে আমার দৃষ্টিবিভ্রম।

সেই বাত্রে আহাবাদি সেরে যবে আমরা ঘুম দিচ্ছি, বোধ হয় রাত্রি তখন বারোটা পবেশদা দরজা খাকা দিয়ে আমাদের তুলে বললে, মা মারা গেলেন।

পরেদাদেব বাড়ি থেকে শ্মশান বোধ হয় চার মাইল দূরে, যমুনার ধারে। সেই শীতের রাত্রে আমরা চাবছনে মৃতদেহ সেই চার মাইল দূরের শ্মশানে নিয়ে গিয়ে দাফ করলুম—আমার জীবনে এই প্রথম শববাহন

পরের দিন থেকেই পরেশদাও মর্যে একটা অদ্ভুত পবিত্রতন লক্ষ্য করতে লাগলুম। মায়ের মৃত্যুতে তাকে এক ফোঁটা চোখের জল ফেলেতে দেখি নি। নীরবে সে আমাদের সঙ্গে শব বহন করে শ্মশানে গেল, মুখাঙ্গি ও অগ্ন্যাগ্ন কল্যাণ কিছু করে ফিরে এল। কোনও একম হা-হতাশ বা শোকেব কোনও প্রকাশ তার মধ্যে দেখতে পেলুম না। আমাদের সঙ্গে কথাবাতা হাসি অংগেও যেমন করত তেমনি বরতে লাগল—তবুও যেন মনে হতে লাগল, সে আমাদের কাছ থেকে অনেক দূরে স'বে গিয়েছে। শ্মশান থেকে ফিরে আসবার কিছু পরে আমাদের সেই ব্রাহ্মণী এসে পাখবার ব্যবস্থা করতেই শুরু করল। একে বললে, আর আর রান্না করে কাজ নেই, আমরা বাজার থেকে কিছু আনিব খেয়ে নেব 'খন—কি বলেন পরেশদা ?

পরেদাদা আমাদের তিনজনকেই ওপরে মা ঘে ঘরে মাথা গিঁয়তিলেন। সন্ধ্যা ঘরে ভেঙে নিয়ে গিয়ে বললেন, দেখ চাই, আমাদের একটা 'খা বলি। আমাদের মার স্বাস্থ্য কোনদিনই ভাল ছিল না, বিশেষ করে এই শেষ দশ বৎসর। তান মুম্ব অবস্থাতেই ছিলেন বললে হয়। কিন্তু এবারক বরন মো'মন হ'ল দেবি হ'ছিল কেন জান ?

—কেন দাদা ?

—তোমাদের জগে। তোমরা ছিলে তাঁর পূঁ পূঁ জগের সন্তান। কেন তা বলতে পারি না, তবে কোন বিশেষ কারণে তোমাদের জগেই তাঁর এতদিন মৃত্যু হয় নি। তোমরা আসবে, তোমাদের সেবা নিয়ে তবে তাঁর প্রাণ বেকবে—এই ছিল নির্দিষ্ট বিধান। আমার ইচ্ছা, আমার সঙ্গে তোমরাও তার জগে অশৌচ গ্রহণ কর। এতে তাঁর শান্তি হবে।

তারপরে হেসে বললে, ভাই, জানই তো মেয়েদের সংস্কার। আমার সংস্কার তোমবাও যদি তার আঁধা কর, তা হ'লে তিনি হাল্কা হবেন—মুক্তি পাবেন।

আমাব বেশ মনে আছে, পরেশদা বিশেষ ক'বে ওই 'হাল্কা' শব্দটো ব্যবহার ক'রেছিল।

পরেশদার অঙ্কবোরে আমরা তখনই আমাদের পর্বজন্মের মায়ের আখ্যার চিত্রের ভুল অশোচ বারণ করলাম। রাঁবুনী ব্রাহ্মণকে তাব প্রাপ্য চুকিয়ে দিয়ে বলা হ'ল, আঁকশাস্তি হয়ে বাবাব পব সে খেন দেপা করে। তখন সবাই বাজারে গিয়ে নতুন ব্রতী কেনা হ'ল। পরেশদা আমাদের তিনজনকে তিনখানা গবম ঘোষণা কিনে দিলে—পবদিন থেকে আঁকের যোগাড়ে মন দেওয়া গেল।

মায়ের সম্পত্তির মধ্যে দু'তিনটে খানব্রতী ও একখানা অতিভিন্ন গরম গায়েব কাপড় ছিল। ঐ তিনটে পরেশদা একে একে সেগুলো বিলিয়ে দিল। বাবাবের তেঁতী একখানা ভালোভাটা পাশ ছিল মায়ের ঘরে—বিয়ের পর বা পব বাড়ি চলে সেটা খেনেছিলেন। সংসার-খরচের পয়সাকড়ি যখন বা পব নন তখন তাকে দি'লেন। ওই বাড়িটা বাড়ি মোছা কবতে করতে এক ছোঁড়া মোনাব মাকড়ি পাওয়া গেল সেই পুবনো দিনের বাংলা পাঁচের মতন আকৃতি মাকড়ি।

পরেশদা বললে, মায়ের বিয়ের সময় বাপের বাড়ি থেকে দেওয়া এই মাকড়ি। কিন্তু বাবার হাত থেকে এ ছোটোকে তিনি বক্ষা করলেন কি ক'বে। নিশ্চয় তাব মনে ছিল না।

পরেশদাই হবিজ্ঞান র'বে আমাদের ভাগ ক'রে দিয়ে নিজেও বসতেন। বাব্রিবেলা দুখ আব মিষ্টি পাওয়া হ'ত। প্রতিদিন সন্ধ্যাবেলা শীতের অন্ধকার বেশ ঘনিয়ে ওঠাব পব পরেশদা আমাদের নিয়ে যে ঘরে মা মারা গিয়েছিলেন, সেই ঘরে গিয়ে বসতেন। মায়ের শূন্য চৌকিখানাব ওপরে একটা বেড়ির

তেলের প্রদীপ জ্বলত, আর আমরা সেটাব সামনেই পরেশদার চৌকিখানায় বসতুম—পরেণদা মাঘের গল্প কবতে থাকত। পরেশদা বলত, মা আমার চিরহুঃখিনী ছিলেন। আট-ন বছর বয়সে বিয়ে হয়ে যাবার পূর্ব ঠাকুরদা মাকে নিয়ে এসেছিলেন। ঠাকুরদাব সংসারে কোনও স্বীলোক ছিল না—সেই অল্পবয়সে মা আমার বাংলা দেশ থেকে হুদূর পশ্চিমে এসে সংসারেব হাল ধরেছিলেন। ঠাকুরদা যতদিন বেঁচে ছিলেন, ততদিন এক বকম চলেছিল, কিন্তু তিনি মারা যাবার পূর্ব বাবা নিজমুষ্টি ধারণ কবলেন। দিল্লী যত গুণ্ডা বদমায়েস ছিল তাঁর বন্ধু। দিনরাত মদ, ভাং প্রভৃতি নানা একমেব নেণা কবতেন—বলতে গেলে কোন সময়েই তিনি প্রকৃতিস্থ থাকতেন না। শুধু তাই নয়, সংসারেব প্রতি তাঁর আদৌ মন ছিল না। কি ক'বে যে সংসার চলে অথবা চলবে, সে বিষয়ে কোনও হুঁশই তাঁর ছিল না। ঠাকুরদাব কিছু টাকা ছিল—বাবা তা দু দিনেই ফুঁকে দিলেন। তারপরে তাঁর নজর পড়ল মাঘের গয়নাগুলোর দিকে। সেজগ্রে প্রতিদিন মাঘধোর চলত—এক একদিন মাঘে মঙ্গ্রে মঙ্গ্রে আমাব ওপবেও গ্রহাচ চলত। আমরা মাঘে-পোয়ে কতদিন যে অনাহাবে ব'সে ব'সে কেঁদে দিন কাটিয়েছি, তা আর কি বলব।

পরেণদা প্রতিদিনই অত্যন্ত দরদ দিয়ে মাঘের কথা বলতে থাকত। ম কত সহ্য কবতেন, তাঁর যে কত গুণ ছিল, সে কথা বলতে বলতে কখনও কখনও অশ্রুতে তার কর্ণ কদ্ব হয়ে যেত, আর কথা বলতে পারত না। দুপে ও সহাহুভূতিতে আমাদের দুকের ভেতরটা মোচড় দিতে থাকত, কোনও প্রশ্ন করতে পারতুম না, চুপ ক'বে অশ্রু বোধ করবার চেষ্টা করতুম। এক-একদিন এমনও হয়েছে, আমবা দু পক্ষই চুপ ক'রে ব'সে আছি, শুদিকে সেই ক্ষীণপ্রভ প্রদীপশিখাও নিবে গিয়েছে, অন্ধকারের মধ্যে আমরা চারজন চুপচাপ ব'সে আছি। শেষকালে পরেশদাই নিস্তব্ধতা ভঙ্গ ক'রে উঠে গিয়ে বাতিটা জালিয়ে দিত।

ক্রমে শ্রীদ্বের দিন এগিয়ে আসতে লাগল। পরেশদার আপিসের ডউ-

একটি বন্ধু, তার বাড়িওয়ালা—এরা সব এসে পরামর্শ দিতে লাগল। সেখানে যে দু-চারজন বাঙালী ছিলেন, পরেশদার সঙ্গে তাঁদের পরিচয় ছিল না। এই সময় তাঁদের শবণাপন্ন হওয়ার কথায় পরেশদা বললে, এখানকার এই বন্ধুরা স্বতঃপ্রসূত হয়ে যখন তাকে সাহায্য কবতে এগিয়ে এসেছে, তখন আমাদের এদের মতেই চলা উচিত। বাঙালীরা এসেই এখন পাঁচ শো একমের ফ্যাকড়া তুলবে—এটা কব, ওটা ক'বো না, এ কি কবচ হে! ইত্যাদি। এদের মতের সঙ্গে তাদের মতের মিল হবে না, মাঝে থেকে আমার মাতৃশ্রাদ্ধ পণ্ড হবে। দিল্লীতে দেখেছি কিনা! দুই তরফ রক্ষা করতে গিয়ে অনেক শ্রাদ্ধই সেখানে পণ্ড হয়েছে--দিল্লীতে থাকলে এদের কাছে ঘেঁষতেই দিতুম না।

যা হোক, শেষে ঠিক হ'ল ওই দেশেবই ছাদশটি ব্রাহ্মণকে খাওয়ানো হবে এবং এখানকারই ভাল ব্রাহ্মণ পণ্ডিতকে দিয়ে শ্রাদ্ধ কবানো হবে।

মাতৃশ্রাদ্ধ যতই এগিয়ে আসতে লাগল, পরেশদা ততই ব্যস্ত হয়ে পড়তে লাগল। সে বাটবে গেলেই আমরা তিনজনে পরামর্শ করতে থাকতুম—মায়েব শ্রাদ্ধ হয়ে গেলে এখানে থাকা আব আমাদের সমীচীন হবে কি না। যদি এখান থেকে চলেই যেতে হয়, তা হ'লে আমরা আগ্রা থেকেই চ'লে যাব ব'লে স্থির করলুম। দিল্লীতে যাবাব ইচ্ছা ছিল, কিন্তু সেখানে আমাদের তিন জনেবই জানাশোনা লোক থাকায় যেতে মন সরছিল না। যদি পরেশদার এখান থেকে স'রে পড়তেই হয় তো কবে নাগাদ যেতে হতে পারে, তা জানা দরকার। শ্রাদ্ধেব ঠিক দিন দুই আগে সন্ধ্যাব পর আমরা রোজ যেমন মায়েব ঘরে গিয়ে বসি, সেদিনও তেমনি বসেছি। এ-কথা সে-কথা চলেছে, এমন সময় একটু ফাঁক পেতেই আমি পরেশদাকে জিজ্ঞাসা ক'রে ফেললুম, ই্যা দাদা, মায়েব শ্রাদ্ধ হয়ে গেলেই কি আমরা চ'লে যাব?

আমার প্রশ্ন শুনে পরেশদা অনেকক্ষণ চুপ ক'রে থেকে বললে, না, তোমরা চ'লে যাবে কেন? হয়তো আমাকেই চ'লে যেতে হবে।

রহস্যটা আরও গভীর হয়ে উঠল বুঝতে পেরে পরেশদা বললে, ব্যাপারটা

তোমাদের খুলে বলাই উচিত, এব আগে এক মা ছাড়া এ কথা আর কেউ জানত না।

পরে শদা বলতে আরম্ভ করলে, তোমাদের তো আগেই বলেছি আমার বাবা মার ওপরে ভয়ানক অত্যাচার করতেন। একটি পয়সাও তিনি বোজগার করতেন না, অথচ তাঁর নেশা ইত্যাদির জগ্রে রোজ পয়সা চাই। মার কিছু গহনা ছিল, কিছু বাপের বাড়ি থেকে পেয়েছিলেন আর চাকুরদাও অনেক কিছু করিয়ে দিয়েছিলেন। এই গয়নাগুলোর জগ্রে বাবা প্রায়ই মাকে মারবোর ক'রে একটা একটা নিয়ে যেতেন। মার কান্না আমি সহ্য করতে পারতুম না, আমিও বঁাদতে থাকতুম। মার সঙ্গে কান্না দেথলে আমার ওপরেও বাবাব রাগ হ'ত, আর সেই সঙ্গে আমাকেও নিদ্রম ঠেড়ানি দিতেন।

বাবা যখন মার গেলেন, আমার বয়স তেরো-চৌদ্দ। কয়েক দিন পরেই পাওনারদারেরা এসে আমাদের বাড়ি থেকে তাড়িয়ে দিলেন। পাওনা একজনো আমাদের একখানা ঘর ছেড়ে দিল, বল'ল, ভাড়া লাগাব না, থাক তোমরা।

সেই সময়ে মা যে কি ক'রে দিন চালাতেন জানি না। মাকে রাষ্ট্র দেখতুম, একলা ব'সে ব'সে কাঁদতেন। আমি ঠিক করতুম, চাকরি করতুম মার দুখ কিছু ঘুচতে পারে। একস্থ দিবা শহরে কে আমার চাকরি দেবে? ঠিক করলুম, কলকাতায় গিয়ে লোকেব বাড়িতে চাকরি করলেও তো তু পয়সা পাব। মাইনের টাকাটা মাকে পাঠিয়ে দিলে তবু তিনি দু বেলা খেতে পাবেন। পৈতের সময় আমি গোটা তিনেক সোনার আংটি পেয়েছিলাম - সেইগুলো মার বাস্ত্র থেকে চুবি ক'বে এক সোনারকে গোচে গোটা পঁচিশেক টাকা পাওয়া গেল। এই টাকা ভরসা ক'রে একদিন সন্ধ্যাবেলায় কলকাতা থেকে এক ট্রেন বিনা টিকিটে সওয়াব হওয়া গেল।

কিন্তু গাড়ি ভাড়া মাত্র আমার ভয়ানক কান্না পেতে লাগল। এতক্ষণে মা আমার দেখা না পেয়ে কি রকম উতলা হয়েছেন ভেবে আমার ভয়ানক কষ্ট

হতে লাগল। ভেবে-চিন্তে ঠিক করলুম, একটা কোন বড় জায়গায় নেমে মাকে একথানা চিঠি লিখে আবার যাত্রা শুরু করা যাবে।

পরদিন গয়া স্টেশনে নেমে পড়লুম। সেখানে এক পাণ্ডার বাড়িতে উঠে মাকে চিঠি লিখে ডাকবাগলে ফেলে দিয়ে স্টেশনে যাবার উজোগ করছি, এমন সময় পাণ্ডাজী বললেন, সে হতে পারে না, গয়াতে এসে মৃত বাপের পিণ্ডি না দিলে মহাপাপ হবে।

তার পবে ভাই, সেই মহাপাপ থেকে উদ্ধার পাবার জন্তে পঁচিশ টাকা থেকে পাঁচটি টাকা খরচ ক'বে বাপের পিণ্ডি দিলুম—যে বাপ শিশু-বয়স থেকে উঠতে বসতে আমাকে ঠেঙিয়েছে, আমার আত্মীয়স্বজনহীনা কণা মাঘের ওপর অকথ্য অত্যাচার করেছে। স্বামী, পিতা কিংবা পুত্র কোন হিসাবেই যে কখনও কোনও ক'লা পালন করে নি তাকে স্বর্গে পাঠাবার ব্যবস্থা ক'বে গয়া থেকে স'বে পড়ব, এমন সময় এক স্ত্রীদ্বা জুটে গেল।

আমি ঘাসবাব আগের বাব্রে পাণ্ডাদের বাড়িতে একটি ভদ্রলোক বসেছিলেন। তিনি পাণ্ডাদের পুত্রনো যতমান, অনেকদিন থেকেই জানাশোনা—বাবা মায় পিণ্ডি দিতে গরায় মেসেছিলেন। ভদ্রলোক আমার মস্ত গায়ে পড়ে অ লাগ করলেন। কাথায় বাড়ি, কি বস্ত্র ইত্যাদি জিজ্ঞাসা করায় আমি অকপটে তাকে আমার সব কথা ব'লে কেলেলুম। আমার কথা শুনে তাঁর দয়া হ'ল। তিনি বললেন, ভাই, তুমি আমার সঙ্গে কলকাতায় চল। সেখানে আমার বাড়িতে তুমি থাকবে, আমি তোমার লেগাপড়ার ব্যবস্থা ক'রে দেব। তোমার মাকেও কিছু ক'রে পাঠাবার বন্দোবস্ত করা যাবে—যদি তাব দিক দিয়ে কোন বাবা না থাকে, তবে তাকেও কলকাতায় নিয়ে আসা যেতে পারে। কি বল? আমি তখনি বাজী হয়ে গেলাম। তিনি বললেন, তাঁরা বাজগীবে বেড়াতে এসেছেন। তাঁর স্ত্রী অস্থস্থ ছিলেন, এখন ভাল হয়ে উঠেছেন, আর দিন পনেরো বাদেই কলকাতায় যাবেন।

আমরা আরও দিন দুই গয়াতে কাটিয়ে পাটনায় এলাম। সেখান থেকে

অনেক ঘোরপ্যাঁচ খেয়ে বাজগীয়ে পৌছলুম। ভদ্রলোকের গিন্নীটি তাঁব চাইতেও ভাল মানুষ। আমাকে পেয়ে খুবই খুশি হলেন। তাঁদের সম্ভানাদি ছিল না, ভদ্রমহিলা দুঃখ ক'রে বলতে লাগলেন, পরের ছেলে মৃত্যু করতেই পৃথিবীতে এসেছিলুম—

ষাই হোক, রাজগীর জায়গাটি আমার বড় ভাল লাগল। সুন্দর নির্জন জায়গা, কাছে দূরে—যত দূর দেখা যায় পাহাড়ের পর পাহাড়। দুপুরবেলা বাড়ি থেকে বেরিয়ে গিয়ে আমি এই সব পাহাড়ে পাহাড়ে ঘুরে বেড়াতুম, বড় ভাল লাগত। মার জন্তে মন-কেমন করলেও শীগগিরই আমাদের ভাল একটা কিছু হবে—এই আশায় মনটা খুবই উৎফুল্ল থাকত। এই সব পাহাড়ে মাঝে মাঝে অনেক সন্ন্যাসী, যোগী, ফকির ইত্যাদি দেখতুম। ছেলেবেলা থেকে কেন জানি না, ফকির সন্ন্যাসীদের ওপর আমার প্রবল ভক্তি ছিল। আমার ঠাকুরদার এক সন্ন্যাসী-গুরু ছিলেন, ঠাকুরদার এক শাই সন্ন্যাসী হয়ে সংসার ত্যাগ করেছিলেন। মার কাছে শুনতুম, ঠাকুরদার এই গুরু মাঝে মাঝে আমাদের বাড়িতে আসতেন—তিনি নাকি অনেক অলৌকিক ক্রিয়া করতেন। ঠাকুরদা মারা যাবার পূর্বে তিনি আর আসেন নি। মার কাছে সন্ন্যাসীদের সম্বন্ধে আরও অনেক গল্প শুনে তাঁদের ওপর ভক্তির মাত্রা অমাব আরও বেড়ে গিয়েছিল। এই সব পাহাড়ে সন্ন্যাসী-ফকির দেখলেই তাঁদের কাছে গিয়ে বসতুম। কেউ কিছু জিজ্ঞাসা করতেন, কেউ চুপ ক'রে থাকতেন, কিছুক্ষণ ব'সে ব'সে আমিও উঠে যেতুম। আমি মনে করতুম, এই বকম বসতে বসতেই হয়তো কোনদিন অলৌকিক ক্রিয়া কিছু দেখবার দৌভাগ্য হয়ে যাবে।

একদিন আমার আশ্রয়দাতা ও তাঁব স্থী পাটনায় তাঁদের এক আত্মীয়ের সঙ্গে দেখা করতে চ'লে গেলেন। কথা হ'ল, তাঁরা পাটনায় তিন-চারদিন থেকে ফিরে আসবার দু-তিনদিন পরেই আমরা কলকাতায় যাব। বাজগীয়ে তাঁদের দুটি চাকর আর আমি রইলুম বাড়িতে পাহারা দেবার জন্তে।

সেদিন বেলা নটা বাজতে না বাজতে আমি বেরিয়ে পড়লুম। আমাদের বাড়ি থেকে অনেক দূরে একটা পাহাড় দেখা যেত। আমি ঠিক করলুম, সেদিন সেই পাহাড়টাতে যাব। এর আগে কয়েক দিন সেটাতে যাবার চেষ্টা করেছি, কিন্তু সক্ষ্য হয়ে যাবার ভয়ে তাড়াতাড়ি কিরে আসতে হয়েছে। সেদিন বাড়ি থেকে বেরিয়ে কিছুক্ষণ চলতে না চলতেই আমি বুঝতে পারলুম, কি যেন একটা শক্তি আমার দেহ-মনে সঞ্চারিত হয়েছে। আমি যেন দৌড়ে চলতে লাগলুম সেই পাহাড়টার দিকে। মনে পড়ে, রাস্তায় একবার কি ছুবার বিশ্রামের জগ্গে বসতে হয়েছিল, কিন্তু বেলা একটা বাজবার আগেই আমি পাহাড়টার তলায় গিয়ে উপস্থিত হলাম।

পাহাড়ে অনেক ঘুরে ঘুরে উপরে উঠতে লাগলুম। এক জায়গায় একটা গুহার মতন দেখে দাডালুম। সেটার মধ্যে যে কেউ থাকে তা বাইরে থেকে দেখেই বোঝা যায়। আমার যেন মনে হ'ল, ভেতর থেকে একটু একটু ক'রে ধোঁয়া বাইরে বেরিয়ে আসছে। জায়গাটা ভারি সুন্দর। গুহার সামনেই অনেকখানি পবিচ্ছন্ন সমতল জায়গা দেখে সেখানে গিয়ে বসলুম। ঠাণ্ডা বাতাস বইছিল, অতক্ষণ হাঁটা ও পাহাড়ে ওঠার জগ্গে পরিশ্রান্ত হয়েছিলুম—কিছুক্ষণ বসে থেকে হাতে মাথা বেখে সেইখানেই লম্বা হয়ে পড়লুম। শব্দ ছিল ক্রান্ত, যেমনি শোয়া অমনি ঘুম।

ঘুমিয়ে ঘুমিয়ে ভাই স্বপ্ন দেখছিলাম, আমি যেন কলকাতায় গিয়ে ব্যবসা ক'রে অনেক অর্থ উপার্জন করছি—মা সেখানে রয়েছেন, তিনি যেন কাঁপে কি বলছেন আর হাসছেন। সেদিন স্বপ্নে সেই প্রথম দেখলুম মার মুখে হাসি আর সেই শেষ। বেশ আনন্দে সময়টা কাটাছিল, এমন সময় আসরে উদয় হলেন এক সন্ন্যাসী। তাঁর যেমন লম্বা চওড়া চেহারা, তেমন লম্বা ঝট মাথায়, চোখ দিয়ে যেন ককণা ঝ'বে পড়ছে। কিছুক্ষণ সেই দৃষ্টিতে আমার দিকে চেয়ে থেকে অতি স্নিগ্ধ ও স্নেহাঙ্গ স্বরে সন্ন্যাসী বললেন, 'বেট' পবেশনাথ, আ গ্যা তুম্'।

তখুনি ঘুম ভেঙে গেল। ধড়মড় ক'রে উঠেই দেখি, স্বপ্নে-দৃষ্ট সেই সন্ন্যাসী সামনে দাঁড়িয়ে আমার দিকে চেয়ে মুহু মুহু হাসছেন। প্রথমটা হকচকিয়ে গিয়েছিলুম, সম্বিত ফিবতেই আমি একেবারে ভ্রমিষ্ট হয়ে তাঁকে প্রণাম করলুম।

সন্ন্যাসী আমাকে তুলে তাঁর বৃকে জড়িয়ে ধরলেন, তাব পরে আমার হাত ধ'বে সেই অন্ধকার গুহাব মধ্যে নিয়ে গেলেন। অনেকখানি সৰু পথ দিয়ে গিয়ে একটা ঘরেব মতন জায়গা—গুহার পক্ষে সেই স্থানটুকুকে বেশ বড়ই বলা যেতে পারে। স্থূয়ের আলো সেখানে সামান্যই পৌছয়। এক কোণে কাঠ জালিয়ে ছোট একটি ধুনি কবা হয়েছে। গুহার মধ্যে হ'লেও কিছু জায়গাটা গুপ্সি নয়। সেখানে বেশ হাওয়া বইছিল, কারণ দেখলুম ধুনি থেকে যে বোঁয়া উঠছে তা বাইরের দিকে উড়ে যাচ্ছে—তবে কোথা দিবে যে বাতাস আসছে তা বুঝতে পারলুম না।

এক জায়গায় বোঁয়া ওঠা কেটা চামড়া প'ড়ে ছিল। সন্ন্যাসী সেই আসনে ব'সে আমাকে আদব ক'রে পাশে বসিয়ে বললেন, আমি আশা করেছিলুম, তুমি এব আগেই এখানে এসে উপস্থিত হবে। তুমি গয়াতে এলে, তাবপন বাজগীবে এসেছ, তাও জানতে পেরেছিলুম।

আমি মনে মনে ভাবলুম, কে ইনি? কি ক'বেই বা আমার সব এর জানতে পাবলেন?

আমি চূপ ক'রে আঁচি দেখে সন্ন্যাসী বললেন, বাবা পরেশনাথ, তুমি বোধ হয় আমাকে চিনতে পাবছ না?

পরেশদা ব'লে চললেন, তোমাদের আগেই বলেছি যে, আমার ঠাকুরদা বা জুই ভাই ছিলেন। আমার ঠাকুরদার নাম ছিল নবনাথ বাড়ুচ্ছে, তাঁর বড় ভাইয়ের নাম ছিল দীননাথ। এই দীননাথ কিশোর বয়সেই গৃহত্যাগ ক'রে সন্ন্যাসী হয়ে চ'লে গিয়েছিলেন। সন্ন্যাসী হবার পর ইনি ছবার বাড়িতে এসেছিলেন। মাঝ মুখে তার চেহারার যে বিবরণ শুনেছিলুম তা অনেকটা এর

সঙ্গে মেলে। এঁর কথা শুনে চট করে আমাব সেই সন্ন্যাসী ঠাকুরদার কথা মনে পড়ে গেল। জিজ্ঞাসা করলুম, আপনি কি আমার দৌলদাদা?

সন্ন্যাসী অপূর্ব মধুর হাসি হোস বললেন, নেহি বেটা, মায় তুম্‌হার। দৌলদাদা নেহি হঁ।

সন্ন্যাসী বললেন, আমি তোমার পূর্বজন্মের গুরু—ভাল করে মনে করবার চেষ্টা কর।

পবেশদা আমাদের বলতে লাগলেন, একবার ভেবে দেখ আমার অবস্থা। সেই বিদেশে, অপরিচিত জায়গায়, চারিদিকে পাহাড় আর পাহাড়, তারই এক গুহায় সন্ন্যাসীরা সামনে বসে আছি, বয়স চোদ্দ কি পনেরো। কিন্তু আশ্চর্যের বিষয়, আমার কিছুই ভয় হচ্ছিল না, বরং মনে হতে লাগল—এখানে আমি ব কোন অনিষ্ট হবে ন, আমি যেন আতি আপনার লোকের কাছে রয়েছ।

সন্ন্যাসী আবাব বীণ মদ্যন হোস বললেন, বেটা, মনে করবার চেষ্টা কর।

আমি বহুদূর সমুদ্র মনকে কাগ্ন করবার চেষ্টা করতে লাগলুম, কিন্তু কিছুই মনে পড়ল না। সন্ন্যাসী আবাব জিজ্ঞাস করলেন, কিছু মনে পড়েছে?

বললুম, বস, না, কিছুই তো মনে করা পাবছি না।

তখন তিনি আনাকে আদ্য কাছ এস বসতে বললেন। আমি যেষে ঘেষে তার কাছে এগিয়ে গেলুম। তিনি বললেন, চোখ বন্ধ কর।

চোখ বন্ধ করতেই তিনি তাঁর প্রকাণ্ড একখানা হাত দিয়ে আমার চোখ দুটে কিছুক্ষণের অন্তরে তেঁকে রেখে হাত তুলে নিয়ে জিজ্ঞাসা করলেন, এবার কিছু মনে পড়েছে?

- পাচ্ছি প্রু।

কদ নিখাসে আমব তিনজনেই বলে উঠলুম, কি দেখলে!!!

আমাদের প্রশ্ন শুনে পবেশদা কিছুক্ষণ চুপ করে রইল। তারপর বললে, সে কথা থাক। তবে এইটুকু শুনে বাৎ যে, আমি আমাব পূর্বজন্মের রূপ

দেখলুম, বাড়িঘর দেখলুম, আর দেখলুম একটা নির্জন জায়গায় এই সন্ন্যাসীই আমাকে দীক্ষা দিচ্ছেন।

গুহার এক কোণে এতক্ষণ একটা লোক বসে ছিল। লোকটার মাথা মুখ সব একটা ময়লা কাপড়ে ঢাকা, শুধু চোখ দুটো আর নাকটা বার করা—
ঠিক ধূনির পাশেই সে বসে ছিল। দেখলুম, পূর্বজন্মে আমার দীক্ষার সময়েও সেই লোকটা দূরে বসে আছে। যে জায়গাটাতে আমাব দীক্ষা হয়েছিল, তার একটু দূরেই একটা বড় নদী দেখতে পেলুম।

অল্পক্ষণ পরেই দৃশ্যপট বদলে গেল। চোখের সামনে ফুটে উঠল সেই গুহা, সেই অর্ধনিবৃত্ত ধূনি, আমাব সামনে বসে আছেন সেই সন্ন্যাসী, অদূরে সেই মুখ-ঢাকা লোকটি।

সন্ন্যাসী বললেন, বৎস, যদিও তোমার আসল দীক্ষা হয়ে গেছে, তবুও জন্মে জন্মে দীক্ষার অন্তষ্ঠান করতে হয়। আজই তোমাকে আমি সেই দীক্ষা দেব—প্রস্তুত হও।

তোমরা হয়তো বিশ্বাস করবে না, সন্ন্যাসীদের ওপরে আমার যতই ভক্তি-
শ্রদ্ধা থাকুক না কেন, সেই চোদ্দ-পনেরো বছর জীবনের মধ্যে কোনদিনই সন্ন্যাসী হবার আকাঙ্ক্ষা মনেব মধ্যে জাগে নি। অজ্ঞাত মানসলোকের কোন আত্মানও কখনও জানতে পারি নি। কিন্তু গুরু যখন বললেন—
বৎস, প্রস্তুত হও, তখন আমার স্তম্ভ মন হঠাৎ ভেঙ্গে উঠে বললে, আমি প্রস্তুত।

তারপরে গুরু আমাকে একখানা ছোট গেরুয়া রঙের কাপড় দিলেন পরতে। আমার অঙ্গে একটা পিরান ছিল, তার পকেটে সেই আংটি বেড়া টাকাগুলো ছিল, সব গুরুর হাতে তুলে দিলুম। তিনি সেগুলো নিয়ে সামনের দিকে হাত বাড়াতেই সেই লোকটা ধূনির পাশ থেকে উঠে এসে সেগুলো তাঁর হাত থেকে নিয়ে গুহার আর এক কোণে অন্ধকারে মিলিয়ে গেল।

আমাকে সামনে বসিয়ে গুরু কিছুক্ষণ মন্ত্র পড়ালেন। শেষকালে একটি নাম দিয়ে বললেন, পাঁচশো বার একাগ্র হয়ে ওই নাম জপ কর।

আমি গুরুর সামনে থেকে উঠে গিয়ে একটা আলো-আধারি জায়গায় বসে নাম জপ করতে আরম্ভ ক'রে দিলুম। কিন্তু কিছুক্ষণ জপ করতে না করতে আমি সংজ্ঞাহীন হয়ে পড়লুম। কতক্ষণ সেইভাবে ছিলাম বলতে পারি না, তবে জ্ঞান ফিরে আসবার পর অতীত করতে লাগলুম যে, একটা অপূর্ব আনন্দে আমার মন কাণায় কাণায় ভ'রে উঠেছে। গুরুদেব কাছেই বসে ছিলেন, তারই একটু দূরে সেই লোকটা—আমি ঠিক গুরুকে প্রণাম ক'রে গুহার বাইরে চলে গেলুম।

বাইরে এসে যে দৃশ্য দেখলুম, তা জীবনে এব আগে কখনও দেখি নি। দেখলুম, তখন রাত্রির অন্ধকার নেমেছে পৃথিবীতে, কিন্তু দূরে কাছে সব গাছগুলো জ্বলেছে। দাউ দাউ ক'রে জ্বলেছে না—প্রতিটি পাতা ঘিরে একটা সফ আলোর রেখা। কখনও প্রত্যেক পাতা থেকে বিদ্যুৎ বিচ্ছুরিত হচ্ছে, কখনও বা সেই আলো স্নিগ্ধ স্থির হয়ে যাচ্ছে। সে দৃশ্য বর্ণনা করা তো দূরের কথা, কল্পনা করা যায় না।

থব বীরে বীরে বাতাস বইছিল। বাতাসের মতো খেন গান শুনতে পেতে লাগলুম। ক্রমে আমার চারিদিকের গাছ, পাথর, বাতাস সবই যেন জীবন্ত হয়ে উঠে বিবিনিয়মার প্রশন্ডি গাইতে আরম্ভ ক'রে দিলে। আমারও ইচ্ছা করতে লাগল, তাদের সঙ্গে ঈশ্বরের নামগান করি, কিন্তু আমি মোটেই গান জানতুম না। আমাদের ঈশ্বর বসবার আগে চাতুরী স্তব ক'রে একটা সংস্কৃত শ্লোক পড়ত, আমি সেইটেই গাইতে আরম্ভ ক'রে দিলুম। আনন্দে আমার শরীরটা থেকে থেকে থরথর ক'বে কাঁপতে আরম্ভ করল।

সে রাত্রি এমনি ক'রেই কাটল।

তার পরে রোজ সকাল সন্ধ্যায় প্রায় এক ঘণ্টা ক'রে গুরুর কাছে উপদেশ শুনতে হ'ত আর বিকেলে ঘণ্টাখানেক নামজপ—এই ছিল কাজ। আমি কোথা থেকে এসেছি, কে আমি, আমার নাম কি—কিছুই মনে নেই। আমার অতীত সম্পূর্ণরূপে মন থেকে মুছে গেল।

একদিন গুরু তাঁর সেই লোকটিকে বললেন, ওরে জুগুহু, এবার আশ্রমটা পরিষ্কার-কারিষ্কার কর, আমাদের ফেরবার সময় হ'ল। বরফ পড়া আরম্ভ হয়েছে কি না দেখিস।

জুগুহু চুপ ক'রে বইল।

গুরুদেবের এই জুগুহু লোকটি ছিল অদ্ভুত। আমি যে কদিন সেখানে ছিলাম, তাকে একদিনও কথা বলতে শুনি নি, কোনদিন তাকে স্নান করতে কিংবা খেতেও দেখি নি। দিনরাত গুরুদেবের সামনে ব'সে থাকত, কখনও ঘুমুতেও দেখি নি। গুরুদেব যদি তাকে কোন কাজে পাঠাতেন, সে চ'লে গিয়ে তখনি ফিরে এসে তাঁর সামনে দাঁড়াতেই তিনি বঝতে পারতেন, জুগুহু কি বলছে।

প্রতিদিন জুগুহু আমাদের খাবার নিয়ে আসত, কোথা থেকে আনত কে জানে। যেত আর দশ-পনেরো মিনিটের মধ্যেই কাঁচা শালপাতায় জড়িয়ে খাবার আনত, একেবারে গরম। অথচ সেখানে চার-পাঁচ মাইলের মধ্যে লোকালয় ছিল না। সকালবেলা একটি বড় কমণ্ডলু-ভরা দুধ, বোধ হয় দু সের হবে—কোথা থেকে এসে উপস্থিত হ'ত, তা জানি না। তারপরে বেলা প্রায় একটা দেড়টার সময় জুগুহু নিয়ে আসত গরম পুরি ও তরকারি। রাহে-তাই, কখনও কখনও গুর সঙ্গে কিছু মিঠাই বা চাটনিও থাকত।

এই রকম কতদিন কেটে গেল, তার সঠিক জ্ঞান ছিল না। পরে হিসাব ক'রে দেখেছি, এক মাস সাতাশ দিন আমি গুরুর কাছে ছিলাম।

একদিন পাহাড়ে এক জায়গায় ব'সে আছি। পশ্চিমে সূর্য চ'লে পড়েছে। আকাশটা অসম্ভব রকমের লাল হয়ে উঠেছে, সেই দিকে একমনে চেয়ে আছি, হঠাৎ আমার বিস্মৃতির আবরণ ভেদ ক'রে মাঝে মাঝে কানে এসে লাগল। স্পষ্ট শুনতে পেলুম, মা যেন আমায় ডাকছেন—ও বাবা পক রে!

নিমেষের মধ্যে স্মৃতিপটে সব ঘটে উঠতে লাগল। আমি তো ভয়ানক উত্তলা হয়ে উঠলুম—ভাবতে লাগলুম, মার দুখে দূর কববার জন্তে বাড়ি থেকে

বেরিয়েছিলুম, আর আমি কি করছি। আমার মনে হতে লাগল, মার প্রতি কর্তব্য সবার আগে। সেখান থেকেই উঠে চ'লে যাব, না, গুরুকে জিজ্ঞাসা ক'রে যাব ভাবছি, এমন সময় দেখলুম গুরু আমার সামনেই দাঁড়িয়ে রয়েছেন। আশ্চর্য। তাঁকে আমার কোন কথা বলতেও হ'ল না। তিনি আমার কাছে এসে সন্মুখে বললেন, কি বেটা, মার কথা মনে পড়ছে ?

বললুম, আমার মা বড় দুঃখিনী, আঁচি, ছাড়া তাঁর আর কেউ নেই।

গুরু বললেন, সে কি বেটা। তুমি যখন জন্মাও নি, তখন মার কে ছিল ? সবার চাইতে বড় মা যিনি, তিনি তোমাকে আমাকে তোমার মাকে—সবাইকে দেখছেন। তার ওপর নির্ভর কর, তাঁর ওপর বিশ্বাস রাখ।

কিন্তু গুরুর কথায় কোনও সাহুনাই পেলুম না, শেষকালে আমি কাঁদতে আরম্ভ ক'রে দিলুম।

সেদিন সন্ধ্যার পবে নাম জপ করতে অস্থবিধা হতে লাগল। যতবার একাগ্র হবার চেষ্টা করি, মার বিষন্ন মুখখানা চোখের সামনে ভেসে উঠতে থাকে, শেষকালে জপ বন্ধ ক'রে ব'সে রইলুম।

পরের দিন আবার গুরুকে আমার মনের অবস্থার কথা বললুম, তিনি কোনও কথা না ব'লে চুপ ক'রে রইলেন। গুরু কাছেই একটা বড় হরিণের চামড়ায় আমি শুতুম। সে বাঁএ শোবার আগে গুরুদেব হাসতে হাসতে জুগুত্বকে বললেন, জগন্নাথ, পরেশনাথের জামা কাপড় নিয়ে এসে গুকে দিয়ে দে, কাল সকালে ও চ'লে যাবে।

জগন্নাথ অদৃশ্য হতেই গুরু বললেন, বেটা পরেশনাথ, কাল সকালে তুমি মার কাছে চ'লে যোগো। কিন্তু যাবাব আগে তোমাকে একটি প্রতিজ্ঞা করতে হবে। তুমি পরমাশ্রয় কাছে নিবেদিত, সংসার তুমি করতে পাবে না। মার মৃত্যুর পরে তোমাকে আবার এই জীবনে ফিরে আসতে হবে।

আমি গুরুদেবকে বললুম, প্রভু, সংসাবে মা-ই আমার একমাত্র বন্ধন। মাকে হুখে রাখব—এ ছাড়া আমার অন্য কাম্য নেই। মার মৃত্যুর পর সেখানে

আমার কোনও আকর্ষণই থাকবে না। আমি প্রতিজ্ঞা করছি, তাঁর মৃত্যু হ'লেই আমি চ'লে আসব, কোথায় আপনার দেখা পাব ব'লে দিন।

গুরুদেব বললেন, সে তোমায় ভাবতে হবে না, দেখা ঠিক পাবে।

পরের দিন সকালবেলায় গুরু আমাকে আমার জামা কাপড় ও টাকা কটা দিয়ে বললেন, আমি তোমাকে যে মন্ত্র দিয়েছি তা প্রতিদিন রাতে শোবার সময় জপ করবে। খুব বিপদে পড়লে আমাকে ডেকো, আমি দেখা দেব।

গুরু আমাকে যে কাপড় দিয়েছিলেন তা ছেড়ে নিজেব পুঁতি জামা পরলুম, তারপর তাঁকে প্রণাম ক'রে বেরিয়ে পড়লুম। রাত্রেই মনে মনে স্থির ক'রে রেখেছিলুম, আর কলকাতায় না গিয়ে সিংহ দিল্লীতে মার কাছে চ'লে যাব। তবুও যাবার আগে আমার সেই আশ্রয়দাতার সঙ্গে দেখা ক'রে যাঁট মনে ক'রে প্রথমেই দেখানে গিয়ে দেখলুম যে, সে বাড়িতে অণ্ড ভাঙতে এসেছে। কাছেই এক মুদির দোকানের মালিকের সঙ্গে আমার আলোচ-পরিচয় হয়েছিল। তা'ব কাছে গিয়ে জানতে পারলুম যে, আমার সেই আশ্রয়দাতা ভদ্রলোক কদিন ধ'রে আমার অনেক খোঁজ ক'রে অত্যন্ত নিরাশ হয়ে কলকাতায় ফিরে গিয়েছেন। চিন্তাব ক'রে দেখলুম, সম্রাটের কাছে এক মাস সাতাশ দিন ছিলুম—এই সময়ের কোন জ্ঞানই আমার ছিল না।

সেই দিনই বিকেলের টেনে পাটনায় এসে রাত্রি এগারোটার টেনে চ'ড়ে দিল্লী রওনা হলুম।

এই অবধি ব'লেই পরেশদা চুপ করল।

কিছুক্ষণ কি যেন চিন্তা ক'রে পরেশদা আবার শুরু করলে, সে আজ দশ বছর কি তারও কিছু বেশি হবে। এই দশ বছর মাকে ছেড়ে আর কোথাও যাই নি। মা চ'লে গেলেন, পৃথিবীর সমস্ত বন্ধন থেকে আমাকে মুক্ত ক'রে দিয়ে গেছেন। আমি বিয়ে-থা করলুম না ব'লে মার মনে ক্ষোভ ছিল। কাল রাতে তিনি এসে আমার ব'লে গেছেন, তাঁর আর কোনও ক্ষোভ নেই।

জিজ্ঞাসা করলুম, শ্রাঙ্কের পর কি তুমি চ'লে যাবে ?

—কোথায় যাব ?

—তবে ?

—গুরুদেব বলেছিলেন, সে বিষয়ে তোমায় কিছু ভাবতে হবে না। তবে অ'মাকে সর্বদা প্রস্তুত হয়ে থাকতে হবে। আমায় যে যেতে হবে সে বিষয়ে আমি নিশ্চিত। আজ কাল কি হয়-তা দুদিন দেরি হতে পারে—এই অনিশ্চয়তার মধ্যে আমি কি ক'রে আর তোমাদের ভরসা দিতে পারি বল ? তোমাদের যখন প্রথম নিয়ে আসি, সেই দিনই এ কথা ব'লে রেখেছিলুম—কিন্তু আমার আশা ছিল, মা আরও কিছুদিন বাঁচবেন। তিনি আর বছরখানেক বাঁচলেও তোমাদের স্থিতি ক'রে দিয়ে যেতে পারতুম, কিন্তু ঈশ্বরের তা ইচ্ছা নয়।

এবার পরেশদা মিনতির সুরে বললে, তোমাদের কাছে আমার একটি অনুরোধ এই যে, আমার কিছু একটা হেগুনেস্ত হয়ে না যাওয়া পর্যন্ত তোমরা এইখানেই থাক। এবারের যাত্রায় যিনি আমার মা ছিলেন, পূর্ব পূর্ব কোন ভ্রমে তিনি তোমাদেরও মা ছিলেন। সেই সম্বন্ধে তোমরা আমার ভাই হও—তোমাদের কাছে আমার এইটুকু জোর নিশ্চয় খাটবে, কি বল ?

প্রতিজ্ঞা করলুম, তোমার কিছু না হওয়া পর্যন্ত আমরা এইখানেই থ'ব।

পরেশদা হেসে হেসে বললে, আশা করি, বেশি দিন তোমাদের থ'রে রাখব না।

শ্রাঙ্কের ব্যবস্থা হতে লাগল। কথা হ'ল ওই দেশীয় ব্রাহ্মণেরা যখন ভোজনে বসবেন তখন আমরা অর্থাৎ স্বেচ্ছ মছলি-খোর বাঙালী ব্রাহ্মণেরা কাছে আসতে পারব না। দূর থেকে ভোজনপর্বের তদারক করলে অবিশ্রি তাঁরা কোনও অপত্তি করবেন না। সেখানকার শ্রাদ্ধভোজী ব্রাহ্মণদের খবর দেবার ভার নিলেন পরেশদার ওই দেশীয় দুজন বন্ধু।

পরেদশা যার বাড়িতে থাকত, অর্থাৎ তার বাড়িওয়ালার কাছাকাছিই আর একটা বড় বাড়ি ছিল—সেই বাড়িটা খালি ছিল। ঠিক হ'ল সেইখানেই শ্রদ্ধ, ব্রাহ্মণভোজন ও খাবার-দাবার তৈরি সবই হবে। খাবারের মধ্যে পুরি, একটা আলু-কুমড়োর ঘ্যাট, হিং দিয়ে কাঁচা তেঁতুলের খাটু-মিঠু চাটনি আর লাড্ডু।

লাড্ডু কি বকমের হবে তাই নিয়ে কয়েক ঘণ্টা ধরে কি আন্দোলন! লাড্ডু তৈরি সম্বন্ধে অনেকগুলি বিশেষজ্ঞ এসে উপস্থিত হলেন। কারু বাড়ি আগ্রা, কেউ বা দিল্লীর ওস্তাদ, কেউ বা মথুরার, কেউ বা সাগুনার কারিগর—লক্ষ্যেয়ার কাছে সাগুনা ব'লে জায়গা আছে, সেখানকার লাড্ডু ভারতবিখ্যাত। যা হোক, সবাই মিলে অনেক তর্কাতর্কি আলাপ-আলোচনা করে স্থির হ'ল যে, এক পোয়া ওজনের এক হাজারটি লাড্ডু তৈরি হবে। এতে সওয়া শো থেকে দেড় শো টাকা খরচ হবে। লাড্ডু কি বকম হবে তার নমুনা একদিন ব্রাহ্মণেরা এসে বাড়িতে তৈরি ক'রে আমাদের খাইয়ে গেল।

শ্রদ্ধের আগের দিন পরেশদা মাথা নেড়া করলে। বললে, তোমাদের আর মাথা কামাতে হবে না, শুধু শ্রদ্ধ করলেই চলবে।

সেই রাত্রে সারারাত্রি ধরে আমরা পালা ক'রে ভিয়েনের কাছে ব'সে রইলুম। পরদিন খুব সকালে যমুনায় স্নান ক'রে আসা গেল। বেলা যখন আটটা—তখনও শ্রদ্ধের ক্রিয়াকর্ম শেষ হতে অনেক দেরি, তখন থেকেই ব্রাহ্মণেরা একে একে আসতে আরম্ভ করলেন। সাড়ে নটা দশটার মধ্যেই বারোটি বিরাট মন্তশ-পর্বত এসে হাজির হলেন।

কিছুক্ষণ পরেই ব্রাহ্মণেরা ভোজনে ব'সে গেলেন। তাঁরা আমাদের বলতে লাগলেন, আমরা অতি উদার মতাবলম্বী। তোমরা কাছে এলে আমাদের খাওয়া পণ্ড হবে না, অক্লেশে কাছে এসে আমাদের ভোজন দেখতে পার—তবে বাপু শাখড্রব্যে হাত-টাত দিও না যেন!

ব্রাহ্মণদের পরিবেশন করবার জন্তে আগে থাকতেই অল্প ব্রাহ্মণ নিযুক্ত করা হয়েছিল, তারা পরিবেশন করতে লাগল, আর আমরা দূর থেকে স্পর্শ বাচিয়ে তদারক করতে লাগলুম।

ঘণ্টা দুয়েক কেটে গেল, কিন্তু তখনও ব্রাহ্মণেরা সমান উৎসাহে লাড়ু ওড়াতে লাগলেন। বাংলা দেশে কে কবে আধ মণ খেতে পারত ব'লে যারা সেকালের গৌরব করেন, তাঁরা দয়া ক'রে একবার এখানকার ব্রাহ্মণদের খাওয়া দেখে আসবেন—বেশি খোজাখুঁজি করতে হবে না, খাওয়াবেন শুনলে তারা আপনিই এসে হাজির হবে।

পরেদার কাজ শেষ হয়ে গেলে সেও আমাদের পাশে এসে দাঁড়াল। ব্রাহ্মণেরা খেতে খেতে নিজেদের মধ্যে গল্প করতে লাগলেন—খালি খাওয়া গল্প। মথুরার চোবেরা কি রকম খেতে পারে, কোন্ কোন্ চোবে খেতে খেতে আসনে ব'সেই দেহত্যাগ করেছিলেন—সেই সব মহাত্মাদের চরিত্র-কথা।

একদিকে পুরি তরকারি, বিশেষ ক'রে লাড়ু, মণ মণ উড়তে লাগল, অঞ্চ তাদের ক্ষুধিরাতির কোনও লক্ষণই নেই। বেলা প্রায় ছুটো বাজল, তখনও তাঁরা খেয়েই চলেছেন—বোধ হয় তিন-চার শো লাড়ু চুপেই মেরে দিলেন। যদি খাবার কম পড়ে যায়—সেই ভয়ে কাছেই এক হালওয়াইকরের দোকানে কি মিষ্টান্ন মজুত আছে তার খোজ নিয়ে আসা গেল।

খাওয়া চলেছে—বেলা তখন প্রায় তিনটে। শীতের বেলা, রোদের ঝাঁজ ক'মে এসেছে। নিমন্ত্রিতদের কাছে বেইজ্জত হবার আশঙ্কায় আমরা সব কাটা হয়ে আছি। এমন সময় দেখা গেল দরজা দিয়ে মাথা নীচু ক'রে এক সন্ন্যাসী প্রবেশ করলেন। সন্ন্যাসীর বিরাট দেহ, বোধ হয় সাত ফুট উঁচু ও সেই অল্পপাতে দেহের পরিধি, তার ওপরে মাথায় প্রকাণ্ড জুটা। সন্ন্যাসীর পেছনে আর একজন চুকল—যার মুখখানা একটা কাপড় দিয়ে পেঁচিয়ে বাঁধা, শুধু চোখ ছুটো গোলা রয়েছে।

এই লোকটাকে দেখেই আমি বুঝতে পারলুম—এই হচ্ছে সেই জুগুত্স, যার কথা পরেশদার মুখে আগেই শুনেছি। পরেশদা আমার পাশেই দাঁড়িয়ে ছিল। তার দিকে চেয়ে দেখলুম, ঠিক সম্মোহিত ব্যক্তির মতন দৃষ্টিহীন চোখে সে চেয়ে রয়েছে। সম্মানসী চারিদিকে চেয়ে অতি মধুর কণ্ঠে বললে, কঁাহা হয় মেবা বেটা পরেশনাথ ?

পরেশদা বীরপদক্ষেপে এগিয়ে গিয়ে সম্মানসীকে সাষ্টাঙ্গ প্রণাম করলে। তার পরে সে উঠে দাঁড়াতেই সম্মানসী দু হাত বাড়িয়ে তাকে আলিঙ্গন করে আমাদের দিকে গেছন ফিরে দাঁড়ালেন, তারপরে দরজা দিয়ে বেরিয়ে গেলেন—জুগুত্স তাঁদের পেছ পেছ বেরিয়ে গেল। জুগুত্স চলন দেখে মনে হ'ল, সে যেন একটু খুঁড়িয়ে চলে।

উঠোন ভর্তি লোক খ হযে দাঁড়িয়ে দাঁল, কাকর মুখ দিয়ে চ'রক পযন্ত বেকল না।

ব্রাহ্মণভোজন তখনও চলেছে। আরও ঘণ্টাখানেক ধরে থেয়ে সমস্ত খাবার নিঃশেষ ক'রে পান চিবোতে চিবোতে যখন তাবা বেকলেন, তখন সন্ধা ঘনিয়ে এসেছে।

এ-বাড়ির কাজকর্ম মিটিয়ে ও-বাড়ি অর্থাৎ পরেশদা যেখানে থাকে সেখানে গিয়ে দেখি, সব ভোঁ-ভা—কেউ কোথাও নেই। আমরা আলো জ্বালিয়ে বাজার থেকে খাবার এনে খেলুম। আশা করেছিলুম যে, পরেশদা হ'র গুরুকে নিয়ে এখানেই এসেছে—অন্তত মাতৃশ্রাদ্ধের দিনটাতে সে চ'লে যাবে না! কিন্তু কোথায় সে? রাত্রি দ্বিপ্রহর অবধি অপেক্ষা ক'রে আমরা শুয়ে পড়লুম।

ভোর হতেই বাড়িওয়ালার সঙ্গে পবামর্শ করবার জগে তাকে ডাকা হ'ল। পরেশদা যখন সম্মানসী'র সঙ্গে বেরিয়ে যায়, সেও সেখানে উপস্থিত ছিল। আমরা তাকে বললুম, এবার আমরাও চলি। কারণ আমরা ছিলাম পরেশদার আশ্রিত লোক। সে-ই যখন চ'লে গেছে, তখন আর আমাদের এখানে থাকার কোনও মানে হয় না।

বাড়িওয়ালা জিজ্ঞাসা করলে, পরেশবাবু কি আর আসবেন না? আপনারা ঠিক জানেন?

—ঠিক জানি।

বাড়িওয়ালা বললেন, আচ্ছা, আপনারা যাচ্ছেন দিনটা তো থাকুন এখানে।

সেদিন বাড়িওয়ালা আপিস থেকে ফিরে আসবার পূর্বে তাকে ডেকে পরেশদার সমস্ত মালপত্র জিন্মা করে দিয়ে পরদিন সকালে আমরাও সেখান থেকে বেরিয়ে পড়লুম।

বেরিয়ে তো পড়লুম, এখন যাঈ কোথায়? যে বাড়িখানা আমরা ভাড়া নেব বলে ঠিক করেছিলুম, দেখলুম তখনও সেটার দবজায় তালা দেওয়া রয়েছে। বাড়িওয়ালার কাছে চাবি চাইতে গেলে এবাবে সে আর সহজে ছাড়লে না, একটি মাসের ভাড়া আগাম নিয়ে নিলে। যা হোক, আমরা বাড়িতে গিয়ে ধোওয়া-মোছা করে তিনজনের জন্তে তিনখানা দড়ি খাটিয়া কিনলুম। সেদিন আব বাগ্গাবান্নার হাঙ্গামা না করে একটা দোকানে কচুরি-জিল্পি মেবে মারাদিন তাজমহলে কাটিয়ে দেওয়া গেল। সন্ধ্যার একটু আগে পরেশদার বাড়িতে খবর নিয়ে জানা গেল, সে এখনও ফেরে নি। বাড়ির দিকে যেতে যেতে এক জায়গায় দেখলুম, একটা লোক রাস্তার ওপরেই একটা টেবিল পেতে তাতে চায়ের কাপ, বোতল-ভাতি বিস্কট প্রভৃতি সাজিয়ে রেখেছে।

আগে এসে অবধি চা পেটে পড়ে নি। এ সব জায়গায় সে সময়ে চা-খাওয়ার তেমন চলন ছিল না। শীতকালে কোনো কোনো ইংরেজী ভাবাপন্ন শেখিন মাঝে-মাঝে চা খেতেন বটে, কিন্তু রাস্তাঘাটে চায়ের দোকান বড় একটা পাওয়া যেত না। সে সময়ে কলকাতা শহরেই দু-চারটে মাত্র চায়ের দোকান দেখতে পাওয়া যেত। চা দেখে আমাদের মহাপ্রাণী উল্লসিত হয়ে উঠল। তখন দোকানদারকে তিন কাপ চায়ের ছকুম করে চেয়ারে বসে

পড়া গেল। একটু পরেই দোকানদার ঝকঝকে পাত্রে আমাদের চা এনে দিলে। বেশ আরাম করে চা খাচ্ছি ও রাস্তার নানারকম ফেরিওয়ালার মজাদার বুকনি শুনছি—এমন সময় এক বাঙালী ভদ্রলোককে দেখলুম গট গট করে হেঁটে যাচ্ছেন। ভদ্রলোক কিছুদূর এগিয়ে গিয়ে আবার ফিরে সোজা আমাদের কাছে এসে বললেন, মশাই, আপনাদের দেখে তো বাঙালী হিন্দু ব'লে বোধ হচ্ছে !

আমরা বললুম, হ্যাঁ, আপনার অঙ্কমান ঠিকই হয়েছে।

ভদ্রলোক কণ্ঠস্বরে একটু ধমকের রেশ মিশিয়ে বললেন, আপনাবা করছেন কি ? উঠে আসুন—উঠে আসুন—

বললুম, এখনও চা খাওয়া শেষ হয় নি যে !

—তা হোক, চলুন আমাদের বাড়িতে, সেখানে চা খাবেন।

এই ব'লে ভদ্রলোক পকেট থেকে চারটে পয়সা বের করে দোকানদারকে দিয়ে চোস্ত উত্থুঁতে তাকে বললেন, মাপ ক'রো ভাই, এরা আমার আপনাব লোক, এদের নিয়ে যাচ্ছি ব'লে কিছু মনে ক'রো না।

আমরা পুরো কাপ শেষ করতে পাবি নি—প্রত্যেকের কাপেই অর্ধেকটা চা তখনও রয়েছে।

আমরা শশব্যস্ত হয়ে উঠে পড়লুম। দোকানদার অবাক হয়ে একবার আমাদের দিকে আর একবার সেই ভদ্রলোকের দিকে চাইতে লাগল।

লোকটি দেখতে খুবই মোটা, লম্বাও মন্দ নয়। বয়স পরে শুনেছি ত্রিশ বৎসর, কিন্তু প্রথম দৃষ্টিতে চল্লিশের কম মনে হয় না। মাথার চুল উঠতে আরম্ভ করেছে। মুখে খুব বড় একজোড়া গোঁফ, দাড়ি কামানো। দৃতি মালকোঁচা করে পরা, কিন্তু দৈহিক স্থলঙ্ঘের দরুন তা প্রায় হাঁটুর ওপরে উঠেছে। গায়ে গেঞ্জির ওপরে খুব পাতলা মসলিনের মতন সাদা কাপড়ের টিলে-হাতা পাঞ্জাবি। জামাও কুঁচকে-কাঁচকে নানা স্থানের মাংসপিণ্ডের চাপে—মনে হয় ছোট হয়েচে। এর ওপরে পাট-করা একখানা সিল্কের চাদর

পৈতৈৰ মতন ক'ৰে বুকু বাঁধা। সেই পশ্চিমৈৰ শীতে ভদ্রলোকৈৰ অঙ্কে
ব্যাপাৰ তো নেইহী, বৰং দেখলুম তাঁৰ কপাল ও মুখ বিন্দু বিন্দু ঘামে ভৰ্তি।
এক মুখ পান বয়েছে—গালফোলা সে অবস্থা দেখলেই বুঝতে পাৰা যায় যে,
দোক্তা টানীৰ অভ্যেস আছে।

ভদ্রলোকৈৰ সঙ্কে কিছুদূৰ এগিয়ে বাবাৰ পৰ তিনি বললেন, আপনাদেৰ
দেখে মনে হছে এখানকাৰ লোক নন। এ হোক, ওখানে চা খেতে আছে!
জ্ঞানেন লোকটা মুসলমান।

তখন হিন্দু পানি-পাড়ে ও মুসলমান-ভিস্তিৰ যুগ। আমাদেৰ দেশোদ্ধাৰ-
কল্পে নেতাৰা হিন্দু-মুসলমান-মিলনেৰ প্ৰয়োজনীয়তা সন্ধান্তে যতই গলাবাজি
কৰুন না কেন, প্ৰকাশ্যে মুসলমানেৰ দোকানে ব'সে পানাহাৰ চালানো
তাঁৰাও তখন কল্পনা কৰতে পাৰেন নি। বিশেষ ক'ৰে যুক্তপ্ৰদেশেৰ মতন
জাঘগায় হিন্দুৱা হুদুৱভবিষ্ণুতেও এ ব্যাপাৰ সম্ভব হ'বে ব'লে মনে কৰতে
সাহসী হ'ত না। ভদ্রলোকৈৰ কথা শুনে আমাৰা বললুম, তাতে কি হয়েছে
মশায়! আমাৰা হিন্দু-মুসলমানে ভেদাভেদ মানি না। এই ক'ৰেই তো
আমাদেৰ দেশ উচ্ছন্ন গেল।

আমাদেৰ মুখ থেকে এমন উৰব ভদ্রলোক আশা কৰেন নি। তিনি
কিছুক্ষণ আমতা আমতা ক'ৰে বললেন, খুব সত্যি কথা, আপনাবা যা বলছেন
তা খুবই সত্যি কথা। কিন্তু আমি বেশ ভাল ক'ৰে জানি যে, ওই দোকানদাৰ
বিলিতী চিনি ব্যবহাৰ কৰে। আপনাবা বিলিতী চিনি নিশ্চয় ব্যবহাৰ
কৰেন না।

—নিশ্চয়ই না।

—যাক্ গে, যা তু-এক টোক পেটে গিয়েছে তাৰ আৰ কি হ'বে! অজ্ঞানতে
খেলে কোন দোষ নেই।

আৰও কিছুদূৰ এগিয়ে ভদ্রলোক বললেন, চলুন আমাদেৰ বাড়িতে, মেখানে
চা খাবেন।

চলতে চলতে ভদ্রলোকের বাড়ি গিয়ে পৌঁছনো গেল। সেখানে পরস্পরের পরিচয় গ্রহণ করা হ'ল। ভদ্রলোক তাঁর নাম বললেন, শ্রীমত্যস্বেবক চক্রবর্তী। তাঁর বাবা সরকারী উচ্চ কর্মচারী ছিলেন। তাঁরা পুরুষাণ্ডক্কে পশ্চিমেই বাস করেন। কাশীতে বাড়ি-ঘর আছে কিন্তু এ জায়গাটা বাবার ভাল লাগে আর জিনিসপত্রও কাশীর চেয়ে সস্তা, তাই এইখানেই তাঁরা বাস করেন। তাঁরা তিন-চারটি ভাই, কেউ এম. এ., কেউ বি. এ., দুজন এখানেই চাকরি করেন, তিনি কিন্তু কিছুই করেন না।

কিছুক্ষণ কথাবার্তার পর বুঝতে পারলুম অর্থাৎ তিনি বুঝতে দিলেন, আপাতত তিনি পরের উপকার ক'রে বেড়ান, স্বদেশসেবাও কিছু কিছু ক'রে থাকেন, তবে গোপনে। আমরা নেহাৎ সত্য বাংলা দেশ থেকে আসছি আর তিনি লোক দেখলেই চিনতে পারেন—এই কারণেই 'স্বদেশসেবা'র কথাটি আমাদের কাছে প্রকাশ করলেন।

কথাবার্তার মধ্যে ভদ্রলোক একবার বললেন, আপনারা আমার চেয়ে বয়সে অনেক ছোট, আমি আপনাদের 'তুমি'ই বলব—অবিশিষ্ট যদি কোন আপত্তি না থাকে।

এতে আমাদের আর কি আপত্তি থাকতে পারে! তখন থেকেই আমরা তাঁকে 'সত্যদা' ব'লে ডাকতে আরম্ভ ক'বে দিলুম, আর তিনি আমাদের নাম ধ'রে ডাকতে লাগলেন।

কিছুক্ষণ বাদেই চা আর তার সঙ্গে কিছু মিষ্টি এল। খাবার খেতে খেতে পরেশদার কথা উঠল—দেখলুম, পরেশদার সঙ্গে সেখানকার কোন বাঙালীর পরিচয় না থাকলেও তার বিস্ময়কর অন্তর্ধানের খবরটি সকলেই জানে। যা হোক, আহাঁরাতির পর আমরা তখনকার মতন বিদায় নিলুম। কথা রইল কাল বেলা সাড়ে তিনটের সময় আমরা তাঁর কাছে আসব, তিনি আমাদের সেখানকার কোন কোন বাঙালী বাসিন্দার সঙ্গে পরিচয় করিয়ে দেবেন।

পরের দিন সত্যদা আমাদের একটি আড্ডায় নিয়ে গেলেন। এখানে

আগ্না শহরের প্রায় অধিকাংশ বাড়ালীই সম্ম্যাবেলা এসে জমায়ত হন। সেদিন কি একটা ছুটি থাকায় আড্ডায় জনসমাগম অগ্না দিনের চেয়ে বেশি হয়েছে। আমরা যখন উপস্থিত হলুম, তখন তাঁদের মধ্যে সম্ম্যাসীৱ সঙ্কে পরেশদার অন্তর্ধান নিয়ে খুব জোর আলোচনা চলেছে। আমরা যাবার একটু পরেই সে আলোচনা থেমে গেল।

সেই সভায় উপস্থিত প্রায় সকলেই তাদার চেয়ে বয়সে অনেক বড়, কিন্তু সভাদা তাঁদের সঙ্কে বেশ সমানভাবেই কথাবার্তা বলতে লাগলেন। একটু পরেই একজন মুকুন্দী-গোছের ভজ্রলোক আমাদের দেখিয়ে সত্যদাকে জিজ্ঞাসা করলেন, তার পবে সত্য, এই বালখিল্যদের যোগাড় করলে কোথা থেকে ?

সত্যদা বেশ রহস্তপূর্ণ হাসি হেসে বললেন, অনেক দিন থেকেই এদের এখানে চ'লে আসবার জগ্গে লেখালেখি করছিলুম, কিন্তু বাবুরা আর সময় ক'রে উঠতে পাবছিলেন না। সম্প্রতি শ্বশুরবাড়ির লোকেরা বড়ই জ্বালাতন আরম্ভ করায় দিনকতক একটু গা-ঢাকা দেবার প্রয়োজন হয়েছে। লিখলুম, এখানে কোন শালা কিছু করতে পারবে না, পত্রপাঠ চ'লে এস। তাই চ'লে এসেছে। এখন কিছুকাল থাকবে এখানে।

সত্যদার কথায় উপস্থিত সকলে—আমবা স্বদ্ধু—চনমনিরে উঠলুম। আড্ডার বারো এতক্ষণ আমাদের উপস্থিতি সঙ্কে পরম উদাসীন হয়ে বসেছিলেন, তাঁরাও বিখ্যারিত লোচনে আমাদের দেখতে লাগলেন। সত্যদা গোপনে অথচ সশব্দে পাশেব লোকটিকে বলতে লাগলেন, ওদের কথা তো আগে কতবার বলেছি তোমাদের। কি সব ছেলে! এক-একটি হীরের টুকরো বললেই হয়। যেমন ঘোড়ায় চড়তে পারে, তেমনি দাঁতেরে শুস্তাদ। বন্দুক দাগ—একশোর মধ্যে একশোটাই 'বুল'স আই'-এ হিট করবে। তেমনি তীরধনুক বল, তলোয়ার বল—কিছুতেই কম যাবে না। ওই যে সেদিন—ব'লে সভাদা কণ্ঠস্বর একটু নামিয়ে বলতে লাগল, একজন পুলিশ অফিসার খুন হ'ল—ব'লেই সে চুপ ক'রে আকাশের দিকে চেয়ে রইল।

সকলে বিশ্বয়মিশ্রিত সঙ্কমের সঙ্গে আমাদের দেখতে লাগলেন। বোধ হয় তাঁরা আমাদের চেহারা ও বয়সের সঙ্গে সত্যদা-বর্ণিত গুণাবলীর মিল খুঁজতে লাগলেন। আড়ার দু-একজন লোক একটু একটু ক'রে আমাদের সঙ্গে কথাবার্তা বলতে আরম্ভ করলেন। একজন জিজ্ঞাসা করলেন, ই্যা মশায়, শুনেছিলুম যে কোন্ একজন বাঙালীর নায়কত্বে এক লক্ষ নাগা সন্ন্যাসী নাকি অস্ত্রশস্ত্র নিয়ে একেবারে তৈরী হয়ে আছে—এ কি সত্যি কথা?

সত্যদা একটু দূরে ব'সে আর একদলের সঙ্গে কি সব বলাবলি করছিলেন, সেই নাগা সৈন্যদের কথা কানে যাওয়া-মাত্র তিনি সেখান থেকেই ব'লে উঠলেন, ওদের কোনও কথা জিজ্ঞাসা ক'রো না, কারণ কোনও কথা প্রকাশ করা ওদের বারণ আছে। আমাকে জিজ্ঞাসা কর। তারপর বললেন, ই্যা, নাগা সন্ন্যাসীদের কথা যা শুনেছ, তার সবটা সত্যি না হ'লেও বারো আনা সত্যি—যা রটে তার কিছু বটে।

একটু চুপ ক'রে থেকে সত্যদা ব'লে উঠলেন, কিন্তু তোমাদেরও সব তৈরী হতে হবে। ঘরে ব'সে আরাম করলে আর চলবে না।

সবাই চুপ ক'রে রইলেন।

সত্যদা সেদিন সেখানে ব'সে আমাদের সম্বন্ধে এমন সব গাল-গল্প ছড়াতে লাগলেন যে, তাঁর উদ্ভাবনী-শক্তির প্রচণ্ড বিস্ফোরণে আমরা চমকে চমকে উঠতে লাগলুম। যা হোক, পরের দিন বিকেলবেলা আবার দেখা কল্পতে ব'লে সেদিন তিনি বিদায় নিলেন।

যত দিন যেতে লাগল, সত্যদার আসল পরিচয় পেয়ে আমরা ততই মুগ্ধ হতে লাগলুম। এমন সার্থকনামা ব্যক্তি ইতিপূর্বে অস্তুত আমার চোখে আর পড়ে নি। নাম ছিল তার সত্যসেবক, কিন্তু সত্যের ত্রিসীমানার মধ্যে সে চলাফেরা করত না। শুধু তাই নয়, এমন সবজ্ঞাস্তা ব্যক্তিও সংসারে দুর্লভ। সত্যদাকে যখন যা জিজ্ঞাসা করা যেত, অমনি সঙ্গে সঙ্গে তার উত্তর পাওয়া যেত। একটা দৃষ্টান্ত দিই, আগ্রার কেল্লার চারিদিকে গভীর পরিখা আছে। তার

পরেই খানিকটা ঘাসওয়ালা জমি ও তার পরে রাস্তা। পরিখার পরেই যে জমি আছে সেখানে এক জায়গায় লাল পাথরের একটা ঘোড়ার মূর্তি আধখানা পোতা আছে—এখন আছে কি না তা বলতে পারি না, অন্তত সে সময় ছিল। একদিন সত্যদাকে জিজ্ঞাসা করলুম, এই ঘোড়ার মূর্তিটা এখানে কেন সত্যদা ?

সঙ্গে সঙ্গে সত্যদা উত্তর দিলেন, সন্ধ্যাট আকবর প্রতিদিন সকালে কেল্লার ছাত থেকে ঘোড়ায় চড়ে লাফ মেরে নীচের রাস্তায় পড়ে বেড়াতে যেতেন। ঘোড়া একেবারে পরিখার এ পারে পড়ে মারত দৌড়—তার পরে পঞ্চাশ মাইল ঘুরে আবার তিনি কেল্লায় ফিরে আসতেন। একদিন এই রকম লাফ মারতে গিয়ে ঘোড়াটা আর পরিখা পার হতে পারলে না। পরিখার মধ্যে ছিল পাক, ঘোড়াটা সেই পাকের মধ্যে ডুবে ম'রে গেল আর সন্ধ্যা তার ওপরে ছিলেন ব'লে বেঁচে গেলেন। বিশ্বাসী ঘোড়ার স্মৃতিচিহ্নস্বরূপ তার পাথরের প্রতিমূর্তি তৈরি ক'রে তিনি ওইখানে স্থাপন করেছেন।

(সত্যদা বলতেন, আমি প্রতিদিন সকালবেলা ছাতের ওপর ব'সে সূর্যের দিকে চেয়ে যোগ করি—সূর্যের দিকে চেয়ে আমার গুরুর দেওয়া মন্ত্র উচ্চারণ করতে থাকি। অনেকক্ষণ মন্ত্র পড়তে পড়তে আমার মনে হয়, আমি যেন একটা বিন্দুতে পরিণত হয়েছি। তার পরে হ-ও ক'রে উড়তে উড়তে একেবারে চ'লে যাই সূর্যের কাছে। কখনও বা সূর্যটাই একটা বিন্দুর মত হয়ে ছুটতে ছুটতে চ'লে আসে আমার কাছে।)

একদিন সুকান্ত ত্রাকা সঙ্গে ব'লে ফেললে, আচ্ছা সত্যদা, সূর্যটা কি রকম ?

সত্যদা অমনি সঙ্গে সঙ্গে ব'লে উঠলেন, ওঃ, সে একেবারে জবাবুজ্জম সংকাশং—।

সত্যদা বলতেন, আগে আমাদের দেশে সূর্যে যাওয়ার ব্যাপারটা খুবই চলতি ছিল—তা না হ'লে কি সূর্যসিদ্ধান্তের মতন বই লেখা যায় ?

সে সময় তাজমহল ও কেল্লার পরিচর্যার জন্য একজন উচ্চশ্রেণীর কর্মচারী নিযুক্ত হতেন। সে সময়ে এই কাজে একজন ইংরেজ নিযুক্ত ছিলেন। তাজমহলের বাগানটি তাঁর দেখাশোনার ফলে খুবই সুন্দর হয়ে উঠেছিল। সে বাগানের গাছের ফুল ফল বা পাতা ছেড়া বারণ ছিল। যে সব জায়গায় গাছ ছিল না, সেখানকার ঘাস সবদা এমন পরিষ্কার ও সমান ক'রে ছাটা থাকত যে, সেদিকে চেয়ে দেখতে হ'ত। আমাদের দেশীয় লোকেরা তাড় দেখতে গিয়ে দলে দলে এই সব ঘাস জমিতে বসত আর চোঙা, পাতা, শিশুদের ময়লায় দ্বাখগাগুলো অত্যন্ত নোংরা ক'রে দিয়ে চ'লে যেত। সেই ইংরেজ পরিদর্শক এই সব নোংরামিতে আপত্তি করত এবং মাঝে মাঝে চাবুক হাতে লোক তাড়া করত—কখনো কখনো বা এর তার ঘাড়ে দু এক দাঁচাবুক বসিয়েও দিত।

একদিন সত্যদা বললেন, কাল তোমাদের রিভলভার দেব। এই লোকটা রোজ সন্ধ্যাবেলা যমুনার পোলের ওপর বেড়াতে আসে, ব্যাটাকে সাবড়ে দাও।

সত্যদাব প্রস্তাব শুনে বৃকের মধ্যে টিপটিপ করতে লাগল। মনে হ'ল, বেশ তো নাগা সন্ন্যাসী নিয়ে দিন কাটিছিল—কিন্তু এসব আবার কি। বললুম, অনেক দিন রিভলভার চালানো অভ্যাস নেই যে দাদা।

সত্যদা বললেন, আচ্ছা, আগে দিনকয়েক ভাল ব'রে অভ্যাস ক'রে নাস। কাল রিভলভার নিয়ে যাওয়া যাবে প্র্যাকটিস করতে

সেদিন বাড়ি ফিরে গিয়ে নিজের মধ্যে রিভলভার সশস্ত্রে পরামর্শ করি আর ভয়ে গায়ে কাঁটা দিতে থাকে। ভাবতে থাকি যে, আমরা কি মনে ক'রে বাড়ি থেকে বেরিয়েছিলুম আর কি হ'ল! দিবি চাকরি-বাকরি কবব, হুখে শান্তিতে খাব-দাব জীবনযাত্রা নিবাহ করব, তা নয়—রিভলভার কি রে বাবা! খুন-খারাপি রক্তপাত এ সবে প্রতী আমাদের কারোরই কোন আকর্ষণ ছিল না। মনে মনে আমরা যে খুব অহিংস অথবা বৈষ্ণবভাবাপন্ন ছিলাম তা নয়। আমরা কল্পনা করতুম, যুদ্ধের পোশাক প'রে, বন্দুক ঘাড়ে নিয়ে দল বেঁধে 'বন্দে মাতরম্' গাইতে গাইতে যুদ্ধে চলেছি, মেয়েরা এসে গলায় মালা পরিয়ে দিচ্ছে—দেশের জন্তে সে রকম ভাবে মরার মধ্যে সমারোহ আছে, মাদকতাও আছে। কিন্তু রিভলভার নিয়ে লুকিয়ে একজনকে হত্যা ক'রে পলায়ন করা, তারপরে ধবা প'ড়ে ফাঁসিকাঠে ঝোলা—সে কথা যে কল্পনা করতেও ভয় লাগে। অবিশিষ্ট অল্প কেউ সে কর্ম করলে তাকে প্রাণ খুলে তারিফ করতে পারি—কিন্তু নিজের হাতে হত্যা! বাস্ রে!

সত্যি কথা বলতে কি, রাত্রে বাব বাব ফাঁসির স্বপ্ন দেখে চমকে উঠতে লাগলুম।

পরের দিন ভয়ে ভয়ে সত্যদার গাড়িতে গেলুম। কিন্তু কোথায় কি? কালকের রিভলভার আজ গাঁজার কল্কেতে পরিণত হয়েছে। সত্যদার সে কথা মনেও নেই—আমরাও খুঁচিয়ে আর তা মনে করিয়ে দিলুম না।

দিনকতক চেপে থেকে একদিন জিজ্ঞাসা ক'রে ফেললুম, সত্যদা, সেই রিভলভারের কি হ'ল?

সত্যদা অমনি বললে, দেখ হে, ব্যাটার আয়ু কিছু বেড়ে গেছে। গুন্ডাদের রিভলভার চালাতে বারণ করেছেন। ওদের মাঝবার একটা নতুন কায়দা তিনি ব'লে দিয়েছেন। শুধু আগ্রায় নয়, সারা ভারতবর্ষে যেখানে যত ইংরেজ ও সাদাচামড়া আছে তাদের বাবুচাঁদের যোগাড় করতে হবে।

ব্যাটাদের খাবারের সঙ্গে বাঘের গোঁফ মিশিয়ে দিলে বক্র-আমাশা হয়ে ঠিক তিন দিনে সব সাক হয়ে যাবে—শিবের বাবাও রক্ষা করতে পারবে না।

যুদ্ধের এই অভিনব অঙ্গের কথা শুনে আমরা যে কি পবন্থ আশ্বস্ত হলাম তা কি বলব। যাক, বিভলভারের হাত থেকে আপাতত উদ্ধার পাওয়া গেল।

সত্যদা বলতে লাগলেন, ভারতবর্ষের সমস্ত দেশীয় রাজ্যে খবর পাঠানো হয়েছে—বাঘের গোঁফ যোগাড় হচ্ছে। এদিকে কনকাতা, দাশ্বাই, মাদ্রাজ ইত্যাদি ভায়গাঘ বড় বড় হোটেলের বাবুচাঁদের সঙ্গে শলা-পবামশা চলেছে—দেখ না কি হয়।

বিভলভার না পাওয়ার কারণ শুনে আমরা যে খবর মিশ্রিত ও আশ্বস্ত হলাম, তা বোধ হয় বঝিয়ে বলবার দরকার হবে না। সত্যদা বলতেন, তিনি গুরুব আদেশ ছাড়া কোন কান্ডই করেন না। গুরুদের থাকেন হিমালয় পাহাড়ের কোন শিখরে, নিশ্চয় এক গুহার মধ্যে। সে স্থান এতই দুর্গম, মানুষ তো দূরের কথা—এমন কি পিণ্ডে পবন্থ নেখানে পৌঁছতে পারে না। কিন্তু গুরুর রূপায় সত্যদার যখনই দরকার হয় তখনই এক নিমেষে সেখানে পৌঁছে যান—অবিশ্রি স্তম্ভ শরীরে। গুরু নাকি আরো যাবো স্বপ্নে তাঁকে দেখা নিয়ে থাকেন। তিনি একথাও বলে দিয়েছেন যে, ভারতবর্ষ স্বাধীন হতে আর দেরি নেই।

ওখানকার বাঙালীরা ছাড়া ওই দেশবাসী অনেক লোকও সত্যদাকে চিনত এবং অনেক ধনী ব্যক্তি তাকে পাতিরও করত। আমি এ পবন্থ অনেক বাঙালীকে ভাগ উহঁ বলতে শুনেছি, কিন্তু সত্যদা যখন ওই-দেশীয় লোকদের সঙ্গে হৈ-ঠে করে কথা বলতেন তখন বুঝতে পারা যেত না যে, উহঁ তাঁর মাতৃভাষা নয়।

ওই-দেশীয় লোকদের নানা আড্ডায় সত্যদা আমাদের নিয়ে গিয়ে আলাপ-পরিচয় করিয়ে দিতেন। কোথাও বলতেন—সরকারী কলেজের ইংরেজ অধ্যাপক ঠেঙিয়ে আমরা পালিয়ে এসেছি, কোথাও বা বলতেন—লেকটেন্যান্ট গবর্নর

ফুলাবক সেলাম কবি নি ব'লে ইঙ্কল থেকে তাড়িয়ে দিয়েছে। মোচ কথা, আমবা' যে কে ওকে ডা' লোক নই সে কথা অনেকেই জেনে গেল। সত্য ভাষণ সম্বন্ধে সত্যদাব মনোভাব খাটী হোক না কেন, এমনিতে তাঁর ব্যাখ্যা ছিল খুবই মিষ্ট ও অমায়িক। তা ছাড়া, আমাদের বড় ভালবাসতেন - বাচ্চাই কয়েক দিনের মধ্যেই আমরা ও তার খবরই অল্পগত হয়ে পড়লুম।

আমাদের মতনই ওই দেশের দুটি যুবক ছিল সত্যদাব মহাত্মা, তারা দুজনেই তিল কলেক্সেব ছাত্র। একজনের নাম বিরিজনাথ আর একজনের নাম হোতলাল। এরা যদিও খাসত, সেদিন আমরা অল্প কোথাও না গিয়ে সত্যদাব বৈঠকখানাতেই আসব জমাতম।

সে সময়ে বাংলা দেশের বাইরে বাঙালীদের খবর খাতির ছিল। বিশেষ করে 'স্বদেশ'র কোন কিছুতে যত্ন ব্যক্তিকে লোকে খুবই সম্মানের চোখে দেখে। সত্যদাব কাছে আমাদের ওই বকম পরিচয় পেয়েই হোক কিংবা বয়সের দৃষ্টি হোক, প্রথম দিনেই বিরিজনাথ ও হোতলালের সঙ্গে আমাদের খবর ভাব জমে গেল। আলোচনা দু'তিন দিন পরেই একদিন বিরিজনাথ আমাদের জিজ্ঞাসা করলে, যাচ্চা, বাঙালীরা তো বোড়া (বোমা) তৈরি করতে খুবই পটুদ - বসি, কিছু জানা টানা আছে ?

স্বকল বসলে, জানা নেই, তবে তোমার দরকার থাকে তো করণী' আনিয়ে দিতে পারি।

তাপরে শোনা গেল বিরিজনাথ বোমা তৈরি করতে একজন গুস্তাদ। শোনা গেল বিরিজনাথরা ছোটখাট জমিদার। শহবে বোমা তৈরি করে দেশে নিয়ে গিয়ে তার পরীক্ষা করে। তা'র তৈরী বোমায় একটা ছোট খোলা'র ঘর একেবারে নিশ্চিহ্ন হয়ে গিয়েছে। বিরিজনাথ কথায় কথায় বলত, মা'বু'চা শালেকো এক বোড়া ইত্যাদি।

ব্যাপার দেখে তো আমরা মনে মনে প্রমাদ গুণতে লাগলুম। আগ্রা শহরে কেবল ও ভাজমহলেব মাঝামাঝি জায়গায় একটা চমৎকার বাগান

আছে—বাগানটি সে সময় তৈরি হচ্ছিল। বাগানটির নাম ছিল ভিক্টোরিয়া গার্ডেন্স। ভারতবর্ষের অনেক শহরেই তখন ভিক্টোরিয়া গার্ডেন্স ছিল। এখনকার কথা বলতে পারি না, কিন্তু সে সময় আগ্রার ভিক্টোরিয়া গার্ডেন্সে চমৎকার একটি ভিক্টোরিয়ার প্রতিমূর্তি ছিল। প্রতিমূর্তির চারিদিকে ফোয়ারা, তারই মাঝখানে জলের মধ্যে মূর্তিটি খাড়া করা ছিল। একদিন বিরজনাথ কোথা থেকে হতুদন্ত হয়ে এসে বললে, আজ রাত্রে বোড়া মেয়ে ভিক্টোরিয়ার ওই মূর্তিটি সে উড়িয়ে দেবে। সে কোথা থেকে বোমা তৈরি করবার একটা নতুন ফরমুলা পেয়ে বোমা তৈরি করেছে, আজ রাত্রে তার পরীক্ষা হবে।

সর্বনাশ! বিরজনাথের সঙ্কল্প শুনে তো আমাদের চক্ষু চড়কগাছে উঠল। সত্যদা আধ মিনিট-টাক চোখ বুজে থেকে বললেন, গুরুদেবকে জিজ্ঞাসা না করে আমি হাঁ কিংবা না কিছুই বলতে পারি না।

হোতিলাল কিন্তু মহা আপত্তি কবতে লাগল। সে বললে, মিছিমিছি এ সব জিনিস নষ্ট করে কি হবে? কারণ একদিন না একদিন এখানকার সব ছেড়ে-ছুড়ে ব্যাটারদের লম্বা দিতেই হবে—তখন এ সব তো আমাদেরই হবে।

বিরজনাথ প্রায়ই বলত, আজ হাসপাতাল উড়িয়ে দেব, কাল সেশন উড়িয়ে দেব, ইত্যাদি। যমুনার ওপরে দোতলা পোলটার ওপর তাব আক্রোশ ছিল সব থেকে বেশি। কিন্তু হোতিলাল তাকে বাধা দিয়ে বলত, আরে ইয়ার, যানো দো—

আজ মনে হচ্ছে, হোতিলালের দূরদৃষ্টি ছিল প্রখর। কারণ সাজা হ'কো হাতে পেয়েও কর্তারা যা লম্বাকাণ্ড বাধিয়েছেন তাতে মনে হয়, তেলে সাজতে হ'লে না জানি এঁরা কি কেলেঙ্কারিই না করতেন! কিন্তু দূরদৃষ্টি প্রখর থাকলেও বন্ধু হোতিলালের নিকটদৃষ্টি কম ছিল, কারণ কয়েক বছর পরেই বিপ্লবীদের সঙ্গে মিশে কোথায় বোমা মেয়ে সে ধরা পড়ে, এবং ফলে তার দ্বীপান্তর না ফাঁসি হয়েছিল তা ঠিক মনে পড়ছে না।

সত্যাদার কল্যাণে আমাদের মান ইজ্জৎ ও যশের মাত্রা যেমন বাড়তে লাগল, সেই অল্পপাতে তবিলের সিকি-দুয়ানির সংখ্যা কমতে লাগল। বিস্কুটের টিন খালি হয় হয়—এমন অবস্থায় সত্যাদাকে একদিন ব'লে ফেললুম, এবার অর্থ উপায়ের একটা সুরাহা না করলে তো চলে না দাদা।

আমাদের কথা শুনে সত্যাদা বললেন, এর আর কি। তোমরা কিছু ভেবো না, আমি সব ঠিক ক'রে দিচ্ছি।

সত্যাদা পরামর্শ দিলেন, আগে তোমরা বাড়িটা ছেড়ে দাও। আমি একটা ডেরা তোমাদের ঠিক ক'রে দিচ্ছি, আপাতত সেখানে গিয়ে ওঠ। মাস পোয়ালেই বাড়ি ভাড়া ভাবনাটা তো আর ভাবতে হবে না। তার পরে ঘরে স্ত্রে একটা ব্যবসা ট্যাবসা লাগিয়ে দিচ্ছি।

পরদিন সত্যাদা আমাদের নিয়ে গেলেন তাঁর এক বন্ধুর বাড়ি। বন্ধুটি ওই দেশের লোক, একজন দানী ব্যবসাদার। সত্যাদা প্রথমে ভদ্রলোকের কাছে আমাদের খুব তারিফ ক'রে শেষকালে বললেন, এরা এখন কিছুকাল এ দেশে থাকবে। তোমার বাড়ির পেছন দিকে—সেই অমুক ব্যক্তি যেখানটায় থাকত—সেটা খালি আছে ৷

ভদ্রলোক বললেন, খালি নেই, কিন্তু তাতে কি। তোমার বন্ধুরা থাকবেন—এ তো আমার ভাগ্যের কথা। আমি এখনি খালি করিয়ে দিচ্ছি।

দিন দুই পরে আমরা ভাড়াটে বাড়ি ছেড়ে দিয়ে নতুন ডেরায় উঠে এলুম। একটা বড় ঘর। রাস্তার দিকে অর্থাৎ ঘরের সামনেই খানিকটা বারান্দা আছে। বাড়ির ভেতর থেকে এ ঘরে আসবাব দরজাটা বন্ধ ক'রে দেওয়া হয়েছে। একতলায় খানিকটা উঠোন ও একটা ছোট মতন ঘর, সেটাতে আমরা বাস করলুম। বাড়িতে ঢোকবার দরজা, সিঁড়ি সবই আলাদা। আসল বাড়ির খানিকটা অংশ হ'লেও ব্যয়স্তা সবই আলাদা।

আমাদের অর্থ ফুরিয়ে আসছে দেখে আমরা শুধু ঘি দিয়ে ভাত আর আলু-ভাতে খেতে আরম্ভ ক'রে দিলুম। কথায় বলে—বডলোকেব এবং

সেই বড়লোক যদি ভদ্রলোক হয় তবে তাব আওতায থাকলে মাণ্ডস্যর অনেক কষ্টের লাঘব হয়। আমরা গ্রামবাস পর প্র এই আমাদের জন্তে কখনো মিঠাই, কখনো নানা রকম খাচার, কখনো পুরি প্রভৃতি আসতে লাগল। সত্যদার কল্পিত আমাদের অশেষ শুণের কথা সে বাড়ির অষ্টপুত্র অধি পৌছেছিল এবং সেখান থেকে ককণার নিষ্কার থাকে অপাস্থিত হয়ে আমাদের কাছে এসে পৌছতে লাগল। মাঝে মাঝে আমরা মালিকের বৈঠকখানায় গিয়ে বসতুম। তিনি আমাদের খব খাতির করতেন ও কলকাতার স্বদেশী আন্দোলনের ঘটনাবলী শুনতে চাইতেন। মধ্য মধ্য গ্রাম্য তাকে 'বন্দে মাতরম্' গান শ্রাবুতি করে শোনাড়ুম। ভদ্রলোক বড় বড় ডিটাচমেন্ট ক'রে সেই রনি শুনতেন আব বলতেন - সাবাস্।

আমরা যে ঘরে বাস করতুম ঠিক তার পাশের ঘবখানিতে দুপুরবেলা বাড়িওয়ালা শেঠদের বাড়ি মেয়েদের মকলিস বসত। পাঁচ সাতটি মেয়ে দুপুরবেলা কলরোল করে আমাদের দিবানিহ্রাটি মাটি করত। আমরা তাদের কথাবার্তা কিছু বুঝতে পাবতুম, কিছু বুঝতুম না। তাদের দেখতে পেতুম না, কিছু তাদের কঙ্গরব ব'বে আন্দাজ করতুম কে কি রকম দেখতে - কার বত বসম হয়েচে। এই অদৃশ্য কুলবাণীদের নামবরণও ক'বচিন্তুম একটা একটা ক'বে। কেউ খন্থনে, কেউ ঝড়ুড়ে, কেউ পাঁচখাত, কাকর নাম বা মিষ্টিগা। মধ্য মধ্য বাড়িওয়ালাদের বাড়ি মেয়েবা দল দেখে বাড়ি থেকে বেরিয়ে বেড়াতে যেত—আমাদের চোখে পড়লে নিজেদের মধ্যে আলোচনা করতুম, কোনটি কে। সে ঘরে মাঝে মাঝে মেয়েরা দল-পাচি খেলতে বসত। মনে পড়ে সেই সব দিনে গোলমালের আব মাত্রা থাকত না। এই সময় কখনো কখনো খন্থনে সপে বাজখাইয়ের যেত ঝগড়া লেগে আর মিষ্টিগা তাদের মাঝে পড়ে থামিয়ে দেবাব চেষ্টা কবত—এবে আর বেরবে মিলে বিচিত্র রনিব তব উঠত সেদিন। কোন কোন দিন

ঘাণা নিঃশব্দে পড়ে ছাড়া করতে থাকত—সেদিন মনে হ'ত, আজ ছপুরটা বুধাই কাটল।

একদিন অনেক পড়ে চন্দান আমাকে ঠেলে ঘুম থেকে তুলে দিয়ে ফিস ফিস ক'বে বললে, কিছু শুনতে পাচ্ছ।

কিছুক্ষণ বান খাড়া করে থেকে কিছুটা শুনতে না পেয়ে বললাম, কই, 'কিছুটা' তো শুনতে পাচ্ছি না—বারিঃ জ্বালাও না।

চন্দান বললে, না, বারিঃ জ্বালিও না। কান পেতে থাক, এখনি শুনতে পাবে।

কি আব কনি। অন্ধকারে সজাগ হয়ে বসে রইলাম। কিছুক্ষণ বাদেই চন্দান আমার গা টিপে বললে, ওঠে শোন।

সত্যি কথা বলতে কি, আমি গতক্ষণ মনে বদলেছিলাম যেতে কোনো চারের পদধ্বনি কিংবা মিল কাটা বা সাধ-ভাঙার আওয়াজ পাব। কিন্তু সেই নব্বদ শব্দকালের বৃষ্টিতে অন্ধি ক্ষণ নাবীকণ্ঠের বেদনধ্বনি এল আমার শ্রবণে। অ'ি দুঃ—কখনো শোনা যায় কখনো শোনা যায় না এমন ধ্রুবে কোন নাবী ত'ব বুকেব বাবা উঠাও ক'বে দিচ্ছে। এ'টু প'বেই বৃষ্টিতে পারলাম যে, কান্নাব শব্দটা আসছে আমাদেরই পার্শ্বের ঘর থেকে—দিনের বেগে কলহাস্তে যে সব দুখাবিত হয়ে ওঠে। বসে বসে কিছুক্ষণ কান্না শুনে শুয়ে পড়া গেল। তখনো কান্না থামে নি, এক একবার সে শব্দ বেড়ে উঠে ককণ দৃশ্যপাণি ছড়াব ম'ন মনে হতে লাগল সেই একঘেয়ে ববণ স্রব শুনতে শুনতে ঘুমিয়ে প'লাম।

তার প'বেব প'বে সজাগ হয়ে রইলাম, কিন্তু কোনও শব্দ শুনতে পেলুম না।

আগ্রায় রা'ত্র শীতের ঠেলাঘ প্রায়ই আমার ভাল ক'বে ছুম হ'ত না। ভাল বিছানা তো দু'বেব কথা, বিছানা বলতে আমাদের কিছুটা ছিল না বললেই হয়। যদিও সে সময় আগ্রায় অ'ি সমান্ত্র প্রর'চই লেপে তো'ব ঠ'র করা যেত, কিন্তু আমরা ত'করি নি। কারণ আমাদের কখন কো'য় যেতে হয়,

কোথায় আশ্রয় পাই বা না পাই, বিছানার মত অত বড় লটবহর বাডাবাব দরকার কি। আমাদের তিন জনের জন্তে তিনটে মাথার বালিশ ও একটা পাতলা লাল কবল ছিল। কিন্তু ধরণীর বৃকে আগুন আছে বলে ভূতাব্বিকেরা যতই প্রচার ককন না কেন, প্রতি রাতে সেই পাথরের মেঝে ফুঁড়ে যে জিনিসটি উঠে আমাদের নিদ্রার ব্যাঘাত করত তা আগুন নয়, আগুনের উল্টোটি পিঠ। ঠাণ্ডা থেকে বাঁচবার জন্তে আমরা মেঝেতে পুতি জামা কাগজ ইত্যাদি পেতে বিছানা গরম করবার চেষ্টা কবতুম। ভাগো পরেশদা তিন জনকে তিনটে ধোনা কিনে দিয়েছিল—তাঁই চাপা দিয়ে শুয়ে পড়া যেত। প্রথম রাতে বয়সের ধর্ম্মে ঘুমিয়ে পড়তুম বটে, কিন্তু বাত বাড়ার সঙ্গে সঙ্গে শীতের ঠেলায় ঘুম ভেঙে যেত, বিশেষ ক'বে পাশ ফেরাব সময়।

এই রকম এক রাতে শীতের চোটে উশখণ করছি, জনাদন ও সুকান্ত দিব্যি ভোঁস ভোঁস ক'রে ঘুমচ্ছে, এমন সময় আবাব সেই নারীর কান্নার আওয়াজ কানে এল। বন্ধুদের না তুলে আমি দরজাব ফাঁক দিয়ে কান্নাকে দেখা যায় কি না তার চেষ্টা করতে লাগলুম, কিন্তু অন্ধকার ছাড়া আর কিছুই দেখা গেল না।

ওদিকে কান্না কখনো থামছে, কখনো বাড়ছে, কখনো বা একেবারে থেমে যাচ্ছে। একবার কানে এল—ও আমার প্রাণেব রাজা, ও আমার একমাত্র 'তুই'—আমায় ছেড়ে কোথায় আছিস। একবার কি তুলেও মনে পড়ে ন।

মনে মনে হিসাব ক'রে ঠিক করলুম, এ নারী নিশ্চয় পতিহাব বিধবা। কিন্তু দিন কয়েক চেষ্টা ক'রে সন্ধান নিয়ে জানতে পারলুম যে, ও বাড়িতে বিধবা কেউ নেই। এদিকে একদিন দুদিন অন্তর দু-তিন দিন উপরি উপরি সেই কান্না শুনতে পাই। কোনো দিন খুবই মৃদু, কোনো দিন ওবই মধ্যে একটু জোরে।

তারপরে একদিন শুনলুম—হে পরমাত্মা। সে যে মা ছাড়া আব কান্নাকেই জানত না—তুমি তাকে দেখে—

এবার স্পষ্ট বুঝতে পারলুম, সন্তান-শোকে আকুলা জননী এই নারী। সন্ধান নিয়ে জানতে পারা গেল, আমার অন্তরমান ঠিক। বছর দুয়েক আগে শেঠের একমাত্র ছেলে মারা গিয়েছে—অনেক পূজা, হোম, যজ্ঞ ক'রে, অনেক সন্ন্যাসীকে গাঁজা খাইয়ে মাদুলী ষোগাড় ক'রে নাকি সেই ছেলে হয়েছিল। দেবতা সন্তান দিয়েছিলেন বটে, কিন্তু সে কেবল পুত্রশোক দেবার জন্তে। ছেলেটি চার বছরের হয়ে মারা গিয়েছে।

এই সংবাদ পাওয়ার পূর্বে কি জানি কেন সেই অজানা অদেখা নারীর প্রতি সমবেদনায় আমিও ব্যথিত হয়ে উঠলুম—সেই রোদনের সুরে আমিও বাঁধা প'ড়ে গেলুম। নিশীথ রাত্রে সেই নির্দিষ্ট সময়ে তার কাশা শোনা আমার যেন একটা নেশার মতন হয়ে দাঁড়াল। যেদিন কান্নার সুর শুনতে পাওয়া যেত না, সেদিন আমার অস্থিতি বোধ হ'ত। মনে হ'ত, বিশ্বনিয়ন্ত্রার রচিত একখানি করণ কাব্য শুনতে শুনতে হঠাৎ যেন ছন্দপাত হ'ল। এক-একদিন এমনও হয়েছে—আমি আগে উঠে সেই বন্ধ দরজার কাছে গিয়ে বসেছি তার কিছুক্ষণ পরে কান্না আরম্ভ হয়েছে। পুত্রশোকবিধুরা সেই জননীর রোদন-ধ্বনির মধ্যে আমি যেন আমার নিজের জননীর রোদনধ্বনির আভাস পেতুম। আমার মনে হ'ত, আমার মাও নিশীথ রাত্রে তাঁর পলাতক পুত্রের জন্তে এমন ক'রে অশ্রু বিসর্জন করতেন। সে কথা মনে হওয়া মাত্র চোখে জল ঠেলে আসত—সেই অন্ধকারে ব'সে ব'সে আমিও অশ্রুপাত করতুম। এমনি ক'রে কেউ কারুকে না দেখে, বন্ধ দরজার দুপাশে দুজনে ব'সে কত রাত্রি আমরা কঁদে কাটিয়েছি তার হিসাব প্রকৃতির ভাঙারে জমা হয়ে আছে।

এই ভাবে আমাদের আগ্রায় দিন কাটতে লাগল। একদিন দুদিন অন্তর আমরা পরেশদার সেই বাড়িওয়ালার কাছে গিয়ে পরেশদার খবর করি। সে ভদ্রলোক বলতে থাকে, পরেশনাথ আমাকে মজিয়ে গিয়েছে। তার জিনিসপত্র প'ড়ে রয়েছে এখানে, বাড়িখানা ভাড়া দিতে পারছি না। জিনিসগুলো নিয়ে কি করব তাও বুঝতে পারছি না। দিল্লীতে তার কেউ

নেই, কার কাছে এখন এসব জিনিস তিন্মা ক'রে দিই—এ রকম ক্যাসাদে আজ পর্যন্ত কোনও বাড়িওয়ালা পড়ে নি।

আমরা তাকে কতবার বুঝিয়ে বললাম যে, পরেশদা আর ফিরতে না। সে কথা লোকটি কিছুতেই বিশ্বাস কবতে চায় না। সে বললে, ত হ'লে পরেশনাথ অন্তত একটা চিঠি লিখেও আমাকে জানিয়ে দিত।

একদিন সত্যদা বললেন, ওহে, স্থখবর আছে। প্রধানকার একজন ধনী জমিদার, আমার বন্ধুলোক সে—কয়েক প্রকয় ধ'রে লম্বায় কাবাব ব'রে অনেক টাকা করেছে। লোকটা কিছুদিন থেকে একটা ব্যবসা করবার তাতে ঘুরছে। কাল সন্ধ্যাবেলা সে আমার কাছে এসেছিল। তোমাদের কথা বলতেই সে লাফিয়ে উঠল। বললে—এই রকম লোকটী আমি খুঁজছি, এদের যদি পাই তা হ'লে আমি কাবাবের নামতে রাজী আছি। আমি বলেছি, তাদের যদি লাভেব অংশ দাও তা হ'লে তোমার খাতিরে তাদের ব'লে ক'য়ে তোমার সঙ্গে ব্যবসায় নামতে রাজী কবতে পারি।

প্রস্তাব শুনে তো আমরা আশায় উৎফুল্ল হয়ে উঠলুম। সত্যদা বললেন, কথা হয়েছে কাল সন্ধ্যাবেলা তোমাদের নিয়ে আমি তাপ কাছে যাব। কথাবাতাও হবে আর বাস্তব আশারও ওইখানেই হবে।

সেদিন বিদায়ের সময় সত্যদা বিশেষ ক'রে ব'লে দিলেন, ওহে, কোন একটা তাড়াতাড়ি এসো। সে আবার এখান থেকে অনেক দূর, একটা না হ'লে যাওয়া যাবে না।

মোটা ঝালু ব হ'লেও সত্যদা অসম্ভব হাটতে পারতেন—পাঁচ-সাত মাইল যাওয়া ও আশা তাঁর কাছে কিছুই ছিল না বললেই হয়।

আশার ও আনন্দের সাগরারি ভাগ ক'রে খুমই হ'ল না আমাদের। পরদিন ভূপূরেই সত্যদার ওখানে গিয়ে হাজির হ'লুম। তারপরে দুখানা একা ক'রে প্রায় ছ-ঘণ্টা বাদে আমরা এক গ্রামে, সেই জমিদারের বাড়িতে গিয়ে হাজির হ'লুম। জমিদার সাহেব মোটা-মোটো লোক, বাস্তব ওপবেই বড তক্তাপোশের

ওপব ব'সে ছিলেন, ছু-চার জন মোসাহেবও তাঁকে ঘিরে রয়েছেন, দেখলুম। জমিদার সাহেব বললেন, আপনাদেবটী অপেক্ষায় ব'সে আছি। ছু-পঞ্চ বোকে আপনার আপ্যায়ন হবাব পব সকলেই দেই চোকতে আসন নিলুম।

প্রথম দর্শনে জমিদার সাহেবকে ক্যাবল। ভোলা লোক মনে হ'লেও তার কথাবাতা শুনে মনে হ'ল, বেশ চতুর লোক। বিশেষ করে অর্থের লেন-দেন ব্যাপারে ভব্যতার নীমা লক্ষ্যন না করেও বেশ নাববানী। নিজের প্রাপ্য কড়িও বোল আনা করে নেবেন বটে, তবে অল্পে প্রাপ্য কড়িও এক পয়সাও তফকতা করবেন না বলেন। শুধু লোক হ'লেই জানেন এবং একথা না হ'লেও দৈনিকও নিয়ে থাকেন। অগাধ শহবেও কাজকে কলকাতার মতই করেই দৈনিক নিয়ে দেখি নি।

জমিদার সাহেব আমাদের সঙ্গে অত্যন্ত নম্রভাবে কথা বলতে আরম্ভ করলেন। আমাদের বয়স জানে মনেবে এবং জমিদারবাবুর বছর পয়ত্রিশ হবে। কিন্তু তিনি আমাদের শাবিক করবার জন্তে বলতে লাগলেন, আপনারা আমার চেয়ে বয়সে অনেক বড়-গা ছাড়া আপনাদেব বুদ্ধি জগাছপাশ, ইত্যাদি।

অত্বে বড় বয়সের লোকেরা শুধু কষ্টের হাঙ্গা লক্ষণ। যখন—
আপকা দৌলতখানা—

যা হোক সত্যটা আমাদের চক্ষু আমি তৈরী করেই বেখেছিলেন। আমরা যে দেশ-ভক্তি ও সংগ্রাম অবতাবিগণে, সে মধ্যক্ষে দেখলুম জমিদার সাহেবের সন্দেহ-দ্বারা নেই। যদিও সন্দেহ-নদেই তিনি প্রকাশ করলেন, বাবু সাহেব, টাকা বড় পারাপ জিনিস—তাঁকার লোভে অতি বড় মানুষকেও আমি পাকা চোখে পৰিণত হতে দেখেছি।

অত্যন্ত বিনয়ের সঙ্গে একথাও তিনি প্রকাশ করলেন যে, তাঁর নাত পুরুষ জমিদারিটী কবে এসেছেন—ব্যবসার মত হীনবৃত্তি তাদের বংশে কখনও কেউ অবলম্বন করেন নি। অবিজ্ঞ বিষয় অথবা অলঙ্কারাদি বন্ধক রেখে শুধু টাকা

খাটানোর ব্যবসাও তাঁরা ক'রে থাকেন। টাকা মারা যাবার সম্ভাবনা তাতে নেই বললেই চলে। কিন্তু আজকাল দুনিয়ার ঢং ফিরেছে। অনেক বড় বড় জমিদার ব্যবসায় নামছেন, এবং তাতে দেশের উপকারও হচ্ছে দেখে তিনিও ব্যবসা-রূপ হীনবৃত্তি অবলম্বন করবেন ব'লে স্থির করেছেন। এতে ওষুধ ও পথ্য অর্থাৎ একাধারে অর্থবান হওয়া এবং দেশের কাজ করা—এক ঢিলে দুটি পাখিই মারা হবে।—ব'লেই নিজের রসিকতায় নিজেই হেসে ফেললেন।

অতি বিনয়সহকারে জমিদার সাহেব আমাদের আবার বললেন, আপনারা গুণী এবং জ্ঞানী, বলুন, আমার এই খেয়াল ঠিক আছে কি না!

আমরাও তাঁর তারিফ ক'রে বললুম, আপনার এই খেয়াল খুবই ঠিক আছে। আপনি একজন এত বড় জমিদার হয়ে সামান্য ব্যবসাদারী করতে যে রাজী হয়েছেন, এতে আপনার মহানুভবতাই প্রকাশ পাচ্ছে। এখন কি ব্যবসা করবেন সে বিষয়ে কিছু চিন্তা করেছেন কি?

ভদ্রলোক একটু রহস্যপূর্ণ হাসি হেসে সত্যদার দিকে একবার চেয়ে বললেন, নিশ্চয়। সে একটা কিছু না ভেবেই কি আপনাদের এত কষ্ট দিয়েছি! দেখুন, আপনাদের দেশে বয়কট চালু হবার আরম্ভ থেকেই আমি এ বিষয়ে চিন্তা করছি। অনেক ভেবে স্থির করেছি, আপাতত মোজা ও গেঞ্জির কল আনিয়ে এখানে সেই সব তৈরি করবার ব্যবস্থা করা যাক। এই ব্যবসা চালাবার ভার থাকবে আপনাদের ওপর। আপনারা যদি এ ব্যবসাকে লাভবান ক'রে তুলতে পারেন, তা হ'লে পরে আমরা ব্যবসা আরও বাড়াব ও অগ্ৰাণ্য ব্যবসার জন্তেও টাকা ঢালব—আপনারাও তাতে থাকবেন।

আমরা বললুম, খুবই ভাল কথা। কলকাতায় কয়েক জায়গায় মোজা-গেঞ্জির কল বসেছে দেখেছি, কিন্তু তারা এখনও পর্যন্ত কেউ কিছু ক'রে উঠতে পারে নি।

আমাদের কথা শেষ করতে না দিয়ে ভদ্রলোক হাঁ-হাঁ ক'রে উঠলেন। বললেন, বাবু সাহেব, সে সবই আমি জানি এবং তারা কেন যে কিছু ক'রে

উঠতে পারে নি তাও জানি। ও-রকম দু-একটা কল কিনে ব্যবসা হয় না। এ সম্বন্ধে আমি জাপান, জার্মানি, আমেরিকা প্রভৃতি জায়গায় চিঠি লিখে ক্যাটালগ আনিয়েছি। সেখানকার অনেক কোম্পানির এজেন্ট আছে কলকাতা ও বোম্বাই শহরে। তারা বলেছে, কল বসিয়ে আমাদের লোককে শিখিয়ে দিয়ে যাবে। এখনও বাজারে অল্প কেউ আসে নি, আমার বিশ্বাস, এই সময়ে যদি আমরা বাজারে নামতে পারি তো কেল্লা ফতে করতে পাবব। আমি ঠিক কবেছি, প্রথম দফায় দশ হাজার টাকা ফেলব। এই টাকায় যন্ত্রপাতি কেনা হবে এবং কিছু টাকা অগ্রাগত কাজের জগ্রে রেখে দেওয়া হবে। ব্যবসা যদি ভাল চলে, ধরুন মাস ছয় পর থেকে এই দশ হাজার টাকার শতকরা সাড়ে বারো টাকা ক'রে সুদ এবং বছরে আড়াই হাজার টাকা ক'বে আমাকে শোধ দিয়ে দিতে হবে। টাকা ক্রমে ক্রমে শোধ হয়ে গেলে তখন লাভের শতকরা পঞ্চাশ টাকা আমার আর পঞ্চাশ টাকা আপনাদের। অবশ্য যতদিন আমার টাকা শোধ না হচ্ছে ততদিন সমস্ত সম্পত্তিই মালিক থাকবে আমি। অর্থাৎ আপনারা যদি ব্যবসা চালাতে না পারেন, তবে আমি আপনাদের সরিয়ে দিয়ে আবার অল্প লোকের সঙ্গে বন্দোবস্ত করতে পারি কিংবা যন্ত্রপাতি বিক্রয় ক'রে যতখানি সম্ভব আমার টাকা তুলে নিতে পারি। আপনারা এখুনি জবাব দেবেন না—তিন দিন ভেবে দেখুন, তা'র পরে এই শর্তে যদি বাজী থাকেন তা হ'লে বাবুজীকে অর্থাৎ সত্যদাকে জানিয়ে দেবেন, তা হ'লেই আমি টের পেয়ে যাব।

সেদিন আর কোনও কথা হ'ল না। আমরা সেখান থেকে উঠে অল্প একটা বাড়িতে থেতে গেলুম। শুনলুম, এই বাড়িটাই নাকি জমিদার সাহেবে'র আসল বৈঠকখানা।

কিছুক্ষণ রহস্যলাপের পর আমাদেরও থেতে দেওয়া হ'ল।

এর আগে সত্যদার কল্যাণে ও-দেশীয় দু-তিনজন ধনীর বাড়িতে নিমন্ত্রণ খাবার সৌভাগ্য আমাদের হয়েছিল।^১ বলা বাহুল্য, খাবার নিমন্ত্রণ করেছিলেন

তঁাবা সকলেই ছিলেন হিন্দু। স্নোকেব বাডিতে থেয়ে নিদে কবতে নেই, তবুও সত্যের খাতিবে বলতে হয় যে, সেই আমিষ-বজিত খানা থেয়ে আমাদের তৃপ্তি হ'ত না। তার ওপবে তরকাবি, আচার ও মিষ্টি নামে পাতে বা পড়েছিল তা আমাদের বসনায খুব স্বাদ ব'লে মনে হয় নি। এখানেও সেই রকম আত্মযেবই আয়োজন হয়েছে ব'লে মনে হয়েছিল, কিন্তু দেখলুম আমাদের এই জমিদার সাহেব হিন্দু হ'লেও আহাৰ সঞ্চক্ষে খুবই উদার ও শৌখিন। দেখা গেল, তিনি আমাদের চক্ক ভূবি ভোজনের আয়োজন কবেছেন। ছাগ-মাংসেব বিবিধানি ণ কাবাব, পরোটা ও স্বপা মুসগীর মাংস, তা ছাড়া বাবড়ি টিনাদি মিষ্টি।

অনেক দিন পরে মাংস পেয়ে তো খুব ঠান্ডা গেল। খেতে ব'সে নানাবকম গালগল্প হতে লাগল। সত্যাদা বললেন, বিবিয়ানি জিনিসট মুসলমানদের আমদানি।

শেঠজী সত্যাদাৰ এই কথাব ভীষণ প্রতিবাদ ক'বে বললেন, এ জিনিসটি আমাদের শাস্তীয় খাজ। আমাদের পুরাতন ধৰ্মধৰ্মে এই খাজেব খে খ আছে— আপনি খোজ ক'বে দেখবেন। হ্যা, তবে 'বিবিয়ান' শব্দটা হযতো মুসলমানদের, এ বিষয়ে ঠিক ক'বে কিছু বলতে পারব না।

জমিদার সাহেবের এই উক্তি আমি ভুলি নি। কারণ বিবিয়ানৰ মতন অমন একটা সখাজ ভারতের বাইবেব কোন জায়গা থেকে আমদানি হয়ে, এমন কথা সেই 'স্বদেশী'-যুগে শুনে আমাদের দেশাত্মবাবে আঘাত লেগেছিল। তাই কোন শাস্ত্রে বিবিয়ানির উৎপত্ত আছে সারাচরন তাব খোজ করেছি, পাই নি। শেষকালে বিবিয়ানি খাওয়া যখন শরীবে আর সহ্য হয় না, তখন তা আবিষ্কার করেছি। পাঠকদের কোতুল নিবৃত্তিৰ জন্তে এখানে তা উল্লেখ করছি।

বহুদারণ্যক উপনিষদে ঋষি যাজ্ঞবল্ক্য এক স্থানে কি রকম আত্মযেব কলে কি রকম সন্তান হবে উপদেশড়লে তার অবতারণা করেছেন। এইখানে এক জায়গায় তিনি বলেছেন—অথ য ইচ্ছন্ত পুত্রো মে পণ্ডিতো বিগীতঃ সমিত্ত্বমঃ

বাড়িওয়ালার বৈঠকখানায় গিয়ে বসতেই তিনি হাসতে হাসতে বললেন, কাল আপনারা অমুক জায়গায় নিমন্ত্রণে গিয়েছিলেন শুনলুম।

জিজ্ঞাসা করলুম, তাঁকে চেনেন না কি ?

—খুব চিনি। সে যে আমাদের আত্মীয় হয়। হঠাৎ সে আপনারদের নেমস্তম্ভ করলে কোন্ স্ববাদে ?

বললুম, তাঁর সঙ্গে মিলে আমরা ব্যবসা করব। সেই সম্পর্কে কথাবার্তা বলতে গিয়েছিলুম।

আমাদের কথা শুনে বাড়িওয়ালা দেখলুম দস্তুরমতন উৎসাহী হয়ে উঠলেন। আমাদের সঙ্গে কি রকম শর্তে সে ব্যবসায় নামতে রাজী হয়েছে, কথায় কথায় সে প্রশঙ্গও এসে পড়ল। সব শুনে ভদ্রলোক বললেন, আপনারা এই শর্তে ব্যবসায় নামতে রাজী হয়েছেন ?

বললুম, হ্যাঁ, এক রকম রাজী হয়েছি বইকি।

এবার তিনি বেশ গম্ভীর হয়ে বললেন, বাবুজী, আমি তোমাদের ভালর জন্তেই বলছি, ওর সঙ্গে কোনো ব্যবসা ক'রো না। তোমাদের ভালমাহুষ ও অনভিজ্ঞ পেয়ে ও তোমাদের দিয়ে নিজের ব্যবসাটি জমিয়ে নেবার চেষ্টা করছে। এই যে ব্যবসায় ও টাকা দিচ্ছে, তার হুদ নিচ্ছে টাকায় হু আনা ক'রে। ব্যবসা যতই চলুক, আমার বিশ্বাস এত হুদ দিয়ে কোনদিনই তার টাকা শোধ করতে আপনারা পারবেন না। তর্কের খাতিরে যদি ধ'রেই নেওয়া যায় যে, আপনারা হুদও দেবেন আসলও শোধ করবেন ; কিন্তু এই সময়টিতে আপনারদের খরচ কি ক'রে চলবে, সে কথা ভেবে দেখেছেন কি ? শেষকালে ব্যবসাটি যখন বেশ চালু হয়ে যাবে, তখন টাকা শোধ করতে পারছেন না ব'লে মেবে আপনারদের তাড়িয়ে।

সত্যি কথা বলতে কি, টাকা সম্পূর্ণ শোধ হয়ে যাবার আগে পর্যন্ত আমাদের চলবে কি ক'রে, সে কথাটা আমরা ভাবিই নি। এতদিন পরে একটা কিছু যে জুটল, সেই আনন্দেই একেবারে অভিভূত হয়ে গিয়েছিলুম। তা ছাড়া আমাদের মুকব্বী সত্যদাও যখন প্রকাশ কবলেন যে, তোমাদের বরাত খুবই ভাল, নইলে গায়ে প'ড়ে লোকটা ব্যবসা কবতে চাইবে কেন? তখন এই প্রস্তাবের মধ্যে কোনও গলদ থাকতে পারে, তা ধারণাই করতে পারি নি।

কিন্তু সত্যদাকে যখন আমরা ব্যাপারটা খুলে বললুম, তখন তিনিও হাঁ হয়ে গেলেন এবং বললেন, আজই গিয়ে লোকটার সঙ্গে একটা ফয়সালা ক'রে ফেলি।

ইতিমধ্যে আমাদের বাড়িওয়ালা শেঠ একদিন ডেকে বললেন, তোমরা যদি ব্যবসা কবতে চাও তো আমি একটা প্রস্তাব তোমাদের দিতে পারি, তোমরা ভেবে-চিন্তে দেখ।

তিনি বললেন, দিন্মতে তাব একটা বড় বাড়ি আছে, সেখানে আপাতত দশটা মোজা ও দশটা গেঞ্জির কল বসানো যাক। এর জুড়ে মলধন যা লাগে তা তিনি দেবেন। লাভের শতকরা পঞ্চাশ টাকা তিনি নেবেন আর শতকরা পঞ্চাশ টাকা আমরা পাব। পবে ব্যবসা ভাল চলতে থাকলে তিনি আরও টাকা ফেলবেন। এই ভাবে তিনি লক্ষ টাকা ফেলবেন। এর মধ্যে যদি ব্যবসা উঠে যায় কিংবা বিক্রি করতে হয়, তবে দেনা মিটিয়ে উদ্ধৃত টাকা ওই ভাবে ভাগ ক'রে নেওয়া হবে। আর বরাবর আমাদের তিন জনকে খাবার ও অগ্ন্যাগ্ন খবচেব জুড়ে একত্রে মাসে এক শো টাকা ক'রে দিয়ে যাবেন। ভদ্রলোক বললেন, আপনারা ভেবে-চিন্তে নিজেদের মধ্যে পরামর্শ ক'রে দেখুন।

হাতে চাঁদ পাওয়া আর কাকে বলে! এই প্রস্তাব শুনে তো আমরা একেবারে লাফিয়ে উঠলুম। আমাদের এত দিনকার পাথর-চাপা ববাত যে এবাব পাপড়ি বিস্তার করতে আবশ্য ববেছে, সে বিষয়ে একেবারে নিঃসন্দেহ

হওয়া গেল। নিজেন্দের মধ্যে পরামর্শ ক'রে ঠিক করা গেল যে, আমাদের আশ্রয়দাতা শেঠের প্রস্তাবের কথা সত্যদাকে এখন আর ব'লে কাজ নেই। আগেকার প্রস্তাবটার ফলাফল কি হয়, তাই দেখা যাক। আনন্দের আতিশয্যে সে রাতে এক দোকান থেকে কিছু রান্না-মাংস কিনে আনা গেল। কিন্তু একসঙ্গে অত সুখ সছ হ'ল না, কারণ ঝালের চোটে সে মাংস মুখে তুলতে পারলুম না। প্রসঙ্গক্রমে একটা কথা এখানে ব'লে রাখি যে, ঝাল খাওয়া সম্বন্ধে পূর্ববঙ্গের লোকের বৃথাই বদনাম হয়েছে—দিল্লী, আগ্রা ও পাঞ্জাবের লোকেরা যা ঝাল খায়, তার কাছে চট্টগ্রামের লস্করদেরও শিশু বলা চলতে পারে।

যা হোক, মাংসের হাঁড়ি আবার কৌচায় লুকিয়ে বাড়ি থেকে অনেক দূরে এক জায়গায় ফেলে আসতে হ'ল।

পরের দিন সত্যদার ওখানে যেতেই তিনি বললেন, কাল তোমাদের শেঠের ওখানে গিয়েছিলুম। লোকটাকে যত সিধে মনে হয়েছিল মোটেই তা নয়। তোমাদের কথা তুলতেই বললে, এখন ও-সব থাক, পরে হবে। ব্যাটা ন্যাজে খেলাচ্ছে ব'লে মনে হ'ল।

দিন দুই পরে সত্যদা আবার বললেন, না হে, লোকটাকে যত খারাপ মনে করেছিলুম সে তা নয়। কাল এসে সে বললে—আমি ভেবে দেখলুম, যতদিন না আমাদের কারবারে লাভ হচ্ছে ততদিন বাবুদের জন্তে একটা মাসোহারা ঠিক ক'রে না দিলে তাদের দিন চলবে কি ক'রে! আমাকেও তোমাদের এই কারবারে টানবার চেষ্টায় আছে—আজ আমার এক বন্ধু উকিলের কাছে যাব পরামর্শ করতে।

ওদিকে আমাদের বাড়িওয়ালা শেঠ ডেকে বললেন, আমাদের এস্টেটের উকিলকে ব্যবসা সম্বন্ধে লেখাপড়ার একটা খসড়া তৈরি করতে বলেছি। খসড়া তৈরি হ'লে সেটা তোমাদের উকিলকে দেখিয়ে একটা পরামর্শ ক'রে লেখাপড়ার তারিখটি ঠিক ক'রে ফেলা যাবে।

সব দেখে শুনে আমরা তো আনন্দে ক্ষিপ্তপ্রায় হয়ে উঠলুম। জনার্দন আনন্দের চোটে মাতৃভাষায় কথা বলাই ছেড়ে দিলে। সে বলতে লাগল—এবার বরাতসে পাখর হট্ গিয়ে ডেফিনিটলি বরাত খুল্ গিয়া।

আমাদের পাথর-চাপা বরাত যে সত্যিই খুলে গিয়েছে সে সম্বন্ধে সেদিন আমাদের তো কোন সন্দেহই ছিল না—সত্যদা, যিনি সব প্রস্তাবকেই সন্দেহের চোখে দেখতেন, তাঁরও ছিল না। এই জাতক যারা পড়ছেন তাঁদের মনে এ সম্বন্ধে যদি কোনও সন্দেহ জেগে থাকে—এবার তবে তারই নিরাকরণ করি।

কাশী প্রভৃতি ভারতবর্ষের অগ্রাগ্রা আরও অনেক শহরের মতন আগ্রা শহরেও বাদরের উৎপাত অত্যন্ত বেশি। সমস্ত দিনই পালে পালে বাদর ছাতে ছাতে ঘুরছে। ছাতে কিছু রাখবার জো নেই। চাল, ডাল, কাপড়, বড়ি, আচার বা জিনিসপত্র যাই কিছু রাখা হোক না কেন, সেখানে লাঠি হাতে কোনও পুরুষ যদি না থাকে তা হ'লে বাদরে তা নষ্ট ক'রে ফেলবেই। মজা এই যে, তারা একজন স্ত্রীলোক বা দু-চারজন বালক-বালিকাকে গ্রাহই করে না—বিশেষ যদি তাদের হাতে লাঠি না থাকে। আমাদের ঘরের সংলগ্ন একটু ছোট ছাত ছিল, কিন্তু বাদরের অত্যাচারে সেখানে কিছু রাখবার জো ছিল না। স্বকাস্ত বাদর দেখলেই তাড়া করত—একদিন বাগে পেয়ে সে একটা বাদরকে লাঠি দিয়ে এমন মেরেছিল যে, বাদরটা দোতলা থেকে রাস্তায় প'ড়ে গিয়ে একেবারে মৃতপ্রায় হয়েছিল। ভাগ্যে কেউ দেখে নি! পাড়ার লোকেরা কিছুক্ষণ হৈ-চৈ ক'রে সকলে বাদরের পরিচর্যায় মন দিলে। এত অত্যাচার করা সত্ত্বেও বাদরকে মারবার উপায় ছিল না। ওখানকার লোকেরা বলত যে, বাদর তো বাদরামি করবেই।

একদিন স্বকাস্ত ভুলক্রমে ঘরের বাইরে জুতো রাখায় এক পাটি জুতো বাদরে তুলে নিয়ে দিলে চম্পট। কি আর করা যাবে—একটুক্ষণ দেখে বাদরের হাত থেকে জুতো উদ্ধার করা অসম্ভব বুঝে স্বকাস্তর জ্ঞেহে সদলবলে জুতো কিনতে বেরুনো গেল।

আগ্রায় জুতো ছাড়া তখন কলকাতার তুলনায় অসম্ভব রকমের সম্ভায় পাওয়া যেত। পাঁচ সিকে দেড় টাকায় যে জুতো পাওয়া যেত, কলকাতায় তার দাম ছিল অন্তত শাড়ে তিন টাকা। সে কথা বাক, আমবা একটা বড় দোকানে ঢুকে নানা রকমের জুতো দেখছি, দর করছি—দোকানে আবণ্ড দু-তিনজন খদ্দের এখানে-ওখানে বসে জুতো পরছে। আমাদের পাশেই মাথায় গোল টুপি পরা এক ভদ্রলোক জুতো পরীক্ষা করছিল, এমন সময় আমাদের মুখে বাংলা কথা শুনে ফিরে দেখেই ছাড়লে—কেডা রে, ছোটকা নাকি! তুই এখানে কি করণ?

স্বকান্ত একমনে জুতো দেখছিল, সে মুখ ফিবিয় বললে, কে বাবা, রাশনাম ধরে ডাক ছাড়লে।

লোকটি মাথার গোল টুপিটা খুলে বললে, কি রে, আমরা চেনশ ন।

স্বকান্ত তখনও তার দিকে হাঁ করে চেয়ে আছে দেখে সে বললে, আমি তোরা দাদা সন্তোষের বন্ধু রণদা।

স্বকান্ত বললে, ও, এবার বুঝতে পেরেছি।

লোকটি আমাদের সঙ্গে গল্প জুড়ে দিলে। স্বকান্ত আমাদের ফিসফিস করে বললে, তার দূরসম্পর্কের এক পিসতুতো ভাইয়ের বন্ধু সে। বণদার কথাবার্তায় জানতে পারা গেল যে, বাব তিনেক বি. এস-সি. ফেল মেরে এবার তিনি আগ্রা কলেজের মুখোজ্জ্বল করতে এসেছেন।

আমাদের জুতো কেনা হয়ে গেলে রণদাও আমাদের সঙ্গে চলল। কথায়-বার্তায় তাকে বেশ মাইডিয়াস লোক বলে মনে হ'ল। সে বলতে লাগল, ভাই, কলকাতা ছেড়ে এই নির্বাসন পুরীতে এসে যে কি মুশকিলেই পড়েছি তা আর কি বলব। এমন একটা লোক পাই না যে মাতৃভাষায় দুটো প্রাণের কথা কই। তোমাদের দেখে বড় ভাল লাগল। এখানে কি করতে এসেছ?

স্বকান্ত বললে, আমরা বেড়াতে এসেছি। দিন দশেক পরে দিল্লী যাব। সেখানে যা দেখবার তা দেখে কলকাতায় ফিরব।

কথা বলতে বলতে রণদা একেবারে আমাদের বাড়িতে এল। সে খুব আত্মীয়তা দেখিয়ে বলতে লাগল, যে কটা দিন এখানে আছি, মাঝে মাঝে এসে বিরক্ত করব।

তারপর কিছুক্ষণ বসে কলকাতার সব খবরাখবর নিয়ে সেদিনের মতন সে বিদায় নিলে। পরদিন বিকেলবেলা বাড়ি থেকে বেরবার উদ্যোগ করছি, এমন সময় রণদা এসে হাজির। সে বলল, ওরে ছোট্টকা, কাল এখান থেকে ফেরবার পথে আমি সন্তোষকে তার করেছিলুম—ছোট্টকারা এখানে রয়েছে, কি করব? আজ সকালে সে টেলিগ্রামের জবাব এসেছে। ব'লে একথানা টেলিগ্রাম আমাদের দিলে। তাতে লেখা আছে—ওদের গ্রেপ্তার কর, আমরা আজই দিল্লী এক্সপ্রেসে রওনা হচ্ছি, পরশু এগারোটায় আগ্রা ফোর্ট স্টেশনে পৌঁছব, স্টেশনে এসো।

টেলিগ্রামখানি পাঠ ক'রে একেবারে গ্যাভ্ হয়ে যাওয়া গেল। প্রথম থেকেই এই রণদা লোকটিকে আমার পছন্দ হয় নি, তার গায়ে-পড়া ভাব দেখে। তার এই সব কাণ্ড দেখে আমার এত রাগ হয়ে গেল যে, আমি আর থাকতে না পেরে ব'লে ফেললাম, আপনি আবার ওস্তাদি ক'রে কলকাতায় তার করতে গেলেন কেন?

নির্লজ্জের মতন হাসতে হাসতে রণদা বললে, তার করব না? তোমরা পলায়ন করার পর থেকে সেখানে কি শুরু হয়েছে জান? মারপিট খুনোখুনি চলেছে প্রত্যহ—কাগজে কাগজে আলোচনা ঝগড়ার আর শেষ নেই। সকলেই বলছে—তোমাদের ছেলেধরায় ধ'রে নিয়ে গিয়ে বলি দিয়েছে। এই সব ব্যাপার আমি আগেই কাগজে পড়েছিলুম। তোমাদের সঙ্গে দেখা হবার অনেক আগেই আমি জানতুম যে, তোমরা বাড়ি থেকে লম্বা দিয়েছ। যা হোক, যা হবার তা তো হয়েই গিয়েছে, এখন ভালয় ভালয় ঘরের ছেলে ঘরে ফিরে যাও হুড়হুড় ক'রে।

রণদা আমাদের ওখানে বসে প্রায় রাত্রি আটটা অবধি আড্ডা দিলে।

যাবার সময় বললে, দেখ, কাল বেলা এগারোটার গাড়িতে ওরা আসছে। আমি এই বেলা দশটা নাগাদ এখানে এসে স্টেশনে নিয়ে যাব তোমাদের। ওরা বোধ হয় জন তিনেক আসছে, তোমাদের এখানে এসেই উঠবে। আগ্রায় আসছে, অন্তত সপ্তাহ খানেক ওদের ধ'রে রাখতে হবে, কি বল ?

আমরা বললাম, নিশ্চয়, নিশ্চয়, সে কথা আর বলতে :

স্বকাস্ত বললে, কাল তা হ'লে আপনিও আমাদের এইখানেই থাকেন।
অত বেলায় আর কোথায় যাবেন—

রণদা বললে, বেশ বেশ, সে ভালই হবে। দেখ, আগ্রা শহরে খুব চমৎকার বালুসাহি (টিকরি) হয়, কিছু আনিয়ে রেখো তো।

বললাম, বেশ, আমাদের চেনা দোকান আছে, সেখানে খুব ভাল বালুসাহি তৈরি করে।

রণদা আমাদের বাড়ি থেকে বেরিয়ে গলির মোড় পেরোতে না পেরোতে স্বকাস্ত উঠে কয়লাটা পাট করতে আরম্ভ ক'রে দিলে।

—কি হচ্ছে ?

—এই বালুসাহির অর্ডার দিচ্ছি।

তখনকার মত তাকে খামিয়ে পরামর্শ করা গেল, আগে স্টেশনে গিয়ে দেখা যাক, স্থবিধা মতন ভাগবার ট্রেন কখন আছে ! তখনি দরজায় তালা দিয়ে স্টেশনে গিয়ে জানলুম, ভোর পাঁচটায় একটা ট্রেন ছাড়বে ভরতপুরের দিকে। ঠিক করা গেল, ওই ট্রেনেই স'রে পড়া যাবে।

স্টেশন থেকে ফিরে এসে বাড়িওয়ালা শেঠকে বলা গেল, বিশেষ একটা গোপনীয় কথা আপনাকে বলব, কিন্তু কারুকে বলবেন না।

বাড়িওয়ালা বললেন, সে কি কথা ! গোপনীয় কথা যখন, তখন প্রাণ গেলেও কারুকে বলব না।

বললুম, কলকাতা থেকে আমাদের কাছে এই মাত্র খবর এল যে, আমরা অবিলম্বেই যেন আগ্রা থেকে স'রে পড়ি।

আমাদের কথা শুনে ভদ্রলোকের চোখ দুটো ঠিকরে বেরিয়ে পড়বার উপক্রম হ'ল। বললুম, উপস্থিত আমরা এলাহাবাদে যাচ্ছি ; কিন্তু কোনও লোক, সে পুলিশের হোক আর যেই হোক, যদি আমাদের কথা জিজ্ঞাসা করে তো বলবেন, তারা দিল্লী হয়ে পাঞ্জাবের দিকে যাবে ব'লে গেছে।

ভদ্রলোক বললেন, কোন ফিকির করবেন না, তাই ব'লে দেব।

একটু দম নিয়ে ভদ্রলোক জিজ্ঞাসা করলেন, আপনারা কি আর ফিরবেন না ?

—নিশ্চয় ফিরব। কিন্তু কবে ফিরব, তা এখন ঠিক ক'রে বলতে পারছি না। কাল বেলা দশটার গাড়িতে আমরা যাব, ফেরবার সময় হ'লেই আপনাকে জানাব।

দুঃসময়ে আশ্রয় দেওয়ার জন্তে যথেষ্ট ধন্যবাদ দিয়ে শেঠজীর কাছ থেকে বিদায় নিলুম। সেই রাত্রেই একবার পরেশদার খোঁজ নিতে যাওয়া গেল। সেখানে গিয়ে শুনলুম যে, এখনও পর্যন্ত তার কোনও খবর পাওয়া যায় নি। পরেশদার বাড়ি ওয়ালা বললেন যে, তিনি পুরো এক বছর দেখে তারপর যা হয় করবেন। আবার একবার তাঁকে পরামর্শ দিলুম—যা করবার এখুনি তা ক'রে ফেলতে পারেন, এক বছর অপেক্ষা করবার কিছু দরকার নেই।

সত্যদার কাছে বিদায় নিয়ে যাবার ইচ্ছা হতে লাগল। ভদ্রলোক বিনা স্বার্থে আমাদের জন্তে অনেক করেছেন। কিন্তু তাঁকে জানাতে গেলে হিতে বিপরীত হতে পারে ভেবে সেদিকে আর অগ্রসর হলাম না। সে রাত্রে আর রান্নাবাড়ার হাঙ্গামা নেই। বাজার থেকে খাবার খেয়ে বাড়িতে এসে যখন গা এলিয়ে দেওয়া গেল, তখন বারোটা বেজে গিয়েছে।

সারারাত্রি আধ-ঘুম ও জাগরণেই কাটল। তখন বোধ হয় রাত্রি চারটে, চারিদিক ঘোর অন্ধকার। শেষ রাত্রেই শীতে আগ্রা নগরী তখনও সুযুপ্তির কোলে প'ড়ে স্বপ্ন দেখছে, চারিদিক ঘন কুয়াশার জালে আচ্ছন্ন—সেই কনকনে ঠাণ্ডায় আমরা তিনজন রাস্তায় বেরিয়ে পড়লুম।

সেখান থেকে ইষ্টিশান অনেক দূরের পাল্লা। জামা, কাপড়, বালিশ, শতরঞ্চি ইত্যাদি নিয়ে তিনটি বোঁচকা তিন জনের কাঁধে ঝুলছে। বোঝার ভারে হেলে-তুলে সৰু সৰু গলিপথ দিয়ে আমরা চলেছি কখনও আগুে, কখনও জোরে, কখনও দৌড়ে—চল্—চল্, পালা—পালা—পূর্বজন্মের কোন্ খাতক কোথায় আয়ুগোপন ক'রে আছে, তাব কাছ থেকে যতখানি আদায় ক'রে নিতে পারা যায়। কোন্ জন্মের কোন্ মাতৃস্বর্গে বাঁধা আছি কোন্ নারীর সঙ্গে—কোন্ ভাই, কোন্ দাদা, কোন্ বোন কে কোথায় ছড়িয়ে আছে কে জানে, সে বন্ধন অক্ষয়। দৌড়—দৌড়—দৌড়—কোথায় কোন্ সন্তান-শোক-বিধুরা জননী গভীর নিশীথে ব'সে অশ্রুমোচন কবছে তার সঙ্গে অশ্রু মেলাতে হবে, চল্—চল্—এরই মধ্যে ধরা পড়লে চলে! জানি, নিশ্চয় জানি, আমার ভাগ্যাকাশে আজ যে মেঘসঞ্চার হয়েছে মৌভাগ্যেব অরুণোদয়ে কালই তা অপসারিত হবে। কণ্টকময় অন্ধকাব বিপদসঙ্কুল পথ বালাকর্ণরশ্মিপাতে আবার ঝলমল ক'রে উঠবে, ভবিষ্যতের আকাশে দিকবধূরা রামদত্তব রঙের গুড়না উড়িয়ে আবার হোরিখেলায় মেতে উঠবে, আবাব অতকিতে যতদিন না অশনি এসে পড়ে। পালা—পালা—দৌড়—দৌড়। অন্ধকারে কখনও মনে হয়, পুলিশে তাড়া করেছে—দূরে কোন গৃহস্থেব ঘরে মিটিমিটি প্রদীপ—আমাদেরই মনের আশার মতন কখনও জ্বলছে, কখনও নিবছে—এমনি কবতে করতে স্টেশনে এসে দেখলুম, আমাদের ট্রেনখানা দাঁড়িয়ে আমাদেরই মতন খুঁকছে—টিকিট করবার আর অবসর নেই—একখানা খালি কামরায় ঢুক 'য' হবার তাই হবে' ব'লে এলিয়ে পড়া গেল।

* * * *

ভরতপুর স্টেশনে গিয়ে যখন নামলুম, তখনও সূর্যাস্ত হতে প্রায় ঘণ্টা তিনেক দেরি আছে। আমাদের সঙ্গে আরও কয়েকজন যাত্রী নেমে স্টেশনের দরজা পার হয়ে চ'লে গেল। কিন্তু আমাদের কাছে টিকিট নেই ব'লে সেদিকে

না গিয়ে অগ্র কোনও রাস্তা দিয়ে স্টেশনের বাইরে বেকতে পারা যায় কি না তারই ঘোং-ঘাং খুঁজতে লাগলুম। কিন্তু রথাই আমরা ভয় পেয়েছিলুম, কারণ একটু পরেই বুঝতে পারলুম যে, টিকিট-চেকাব ব'লে কোনও লোক সেখানে উপস্থিত নেই। সেই আমাদের প্রথম পাপ ব'লে এত ভয় পেয়েছিলুম। কিছুদিন পরেই জানতে পারলুম, আমরা যাকে পাপ মনে করেছিলুম, সে পাপের প্রচলন ও-অঞ্চলে খুবই বেশি। সে যুগে ও-সব জায়গায় বিনা টিকিটে বেলে যাতায়াত করাকে বিশেষ অগ্রায় ব'লে মনে করা হ'ত না। সরকার তার প্রজাদের জন্যে রেল তৈরি ক'রে দিয়েছে, তাতে চ'ড়ে যাতায়াত করব, তা'র আবার পরশা দেব কি—এই বকম একটা মনোভাব সাধারণ অশিক্ষিতদের মধ্যে প্রচলিত ছিল। কত লোক যে সে সময় বিনা-টিকিটে রেলে যাতায়াত করত তার আব ঠিকানা নেই। অনেক বিনা-টিকিটের যাত্রীকে বেলের কর্মচারীরা যখন ধরত তখন তাদের মুখ দেখে মনেই হ'ত না যে, টিকিট-কাটা'ব মতন কোন অগ্রায় ও অসম্মত বিধান সম্বন্ধে তাদের কোনও জ্ঞান আছে। প্রায় ক্ষেত্রেই রেলের লোকেরা বিনা-টিকিটের যাত্রীদের তখনকা'ব মতন কিছুক্ষণ আটকে বেখে শেষে ছেড়ে দিত। মাধু-সন্ন্যাসী অর্থাৎ যাদের অঙ্গে গেকয়া-বসন অথবা হাতে কমণ্ডলু থাকত, তারা তো খোলাখুলিভাবে জোর ক'রে বিনা টিকিটে যাতায়াত করত। রেলকর্মচারীরা তাদের কাছে টিকিট চাইত না, আর যাত্রীরাও তাদের খাতিব ক'রে বসবার, এমন কি শোবার, জায়গা পর্যন্ত ক'রে দিত।

আমরা তো বিনা বাধায় স্টেশনের ফটক পার হয়ে এলুম। হৃকান্ত বললে, যা হোক, এতদিনে রেলভাড়া সমস্রাব একটা সমাধান হ'ল।

সকাল থেকে আহা'রাদি কিছুই হয় নি। স্টেশনের ছদ্দোর মধ্যেই এক ফেরিওয়ালার কাছ থেকে বগি-খালার মত বড আব পাতলা চাপাটি এক পরশায় একটা ক'রে আর এক পরশায় মহাশের মাছের ইয়া বড দাগা ও তৎসহ ঝোল কিনে পেট ভ'রে খাওয়া হ'ল। বাড়ি থেকে বেরিয়ে অবধি মৎস্ত-মুখ

করা হয় নি। খেতে খেতে জনার্দন বললে, ওরা বোধ হয় এতক্ষণ বালুমাছি খেয়ে দিবানিজ্জা উপভোগ করছে।

জনার্দনের কথায় অনেকক্ষণ পরে প্রাণ ভাঁরে হাসা গেল। যা হোক, অনেক কাল পরে পেট ভাঁরে স্ব-খাত্ত ও স্নখাত্ত খেয়ে পা বাড়ানো গেল অজানার পথে।

শহরের মধ্যে ঢুকে দেখলুম, সমস্ত জায়গাটা যেন থমথম করছে—নিজ্জীব, প্রাণহীন—শীতে যেন সব কুঁকড়ে গেছে। পথে অত্যন্ত ধূলো, লোকজন যা ছু-একটা চলছে তাদের মাথা থেকে পা অবধি ধূলোয় ধূসরিত। লোকগুলো বেশ লম্বা-চওড়া, দেখলেই মনে হয় শক্তিমান। প্রায় সকলেই মাথা মুখ পেঁচিয়ে খুঁতনি দিয়ে ঘুরিয়ে নিয়ে সাদা কাপড়ের পাগড়ি বেঁধেছে—অবিজ্ঞি পাগড়ির কাপড় সাদা কোনকালে ছিল, এখন ধূলি-মলিন। কান্নর পায়ে ছেঁড়া জুতো, এত ছেঁড়া যে তাকে আর জুতো বলা চলে না। বাড়িগুলোও সব ধূলোয় আচ্ছন্ন, উঁচু বাড়ি নেই বললেই হয়, বাড়িগুলোর অবস্থাও খাবাপ। বাড়িগুলোর ওপরে এমন ধূলোর প্রলেপ পড়েছে যে, সেগুলো ইটের না পাথরের তৈরী তা বোঝাই মুশকিল। বড় বড় আকাশচুম্বী গাছ, তাদেরও ওই দুর্দশা—পাতাগুলো সব শুকনো ধূলোমাখা, ডালগুলোর অবস্থাও তাই। পথে ছু-চারটে ছাগল দেখতে পাওয়া গেল, আকারে ৫ প্রকারে তারা আমাদের দেশের ছাগলের চেয়ে বড়, দুধও বোধ হয় দেয় বেশি, কিন্তু দেহ তাদের ধূলোয় ধূসরিত। আগেই বলেছি, চলতে চলতে মনে হতে লাগল, জায়গাটা যেন ধূলো মেখে কুঁকড়ি-সুঁকড়ি মেরে পুঁড়ে রয়েছে। বেলা তখন সাড়ে তিনটে কি চারটে হবে, কিন্তু তখনই মনে হ'ল যে পুরবাসীরা দোরতাড়া লাগিয়ে সব শুয়ে পড়েছে। ধর্মশালার খোঁজে খানিকটা ঘুরে বেড়ালুম, কিন্তু খুঁজে পেলাম না। ছু-একজনকে জিজ্ঞাসা ক'রেও কিছু সন্ধান করতে পারলুম না। তারা কি যে বললে, কোন্ ভাষায় বললে, তাও বোধগম্য হ'ল না। মনে হতে লাগল, আচ্ছা জায়গায় এসে পড়েছি যা হোক!

এদিকে বৌ-বৌ ক'রে বেলা প'ড়ে আসতে লাগল, তখনও মাথা গোঁজবার জায়গা ঠিক করতে পারলুম না, ওদিকে বৌচকা বইতে বইতে প্রাণান্ত হবার উপক্রম।

এমনি ক'রে ঘুরতে ঘুরতে প্রায় শহরের প্রান্তে এসে পড়া গেল। এক জায়গায় দেখলুম, একটা বড় ভাড়া একতল বাড়ির সামনে গোটা তিন-চার দড়ির খাটিয়া প'ড়ে আছে। গোটা পাঁচ-ছ কুকুর তাদের অসংখ্য বাচ্চা-কাচ্চা নিয়ে কাছেই শুয়ে ছিল, আমাদের দেখে তারা চোঁচাতে আরম্ভ ক'রে দিলে। কুকুরগুলোর কিছু দূরেই একটা লোক সেই রকম পাগড়িতে মাথা-মুখ ঢেকে কতকগুলো ছাগলের বাচ্চাকে ধ'রে দাঁড়িয়ে ছিল। তারই অদূরে দেখলুম, আর একটা লোক একটা বড় ছাগলের দুধ দুইছে—আর এক পাশে কয়েকটা ধাড়ী ছাগল মিলে এক আঁটি শুকনো ঘাস নিয়ে টানটানি করছে।

আমাদের দেখে কুকুরগুলো চোঁচিয়ে উঠতেই যে লোকটা ছাগলের বাচ্চাগুলোকে ধ'রে ছিল, সে সচকিত হয়ে ফিরে কটমট ক'রে আমাদের দেখতে লাগল। আমরা দাঁড়িয়ে ভাড়া বাড়িটা দেখছি—প্রকাণ্ড দরজা, তার পেছনে বিরাট ধ্বংসস্তূপ প'ড়ে রয়েছে একেবারে পাগড়ের মতন উচু—ইতিমধ্যে যে লোকটা দুধ দুইছিল সে উঠে দাঁড়াতেই এ লোকটা বাচ্চাগুলোকে ছেড়ে দিলে। এবারে বুঝতে পারা গেল, যে ছাগল দুইছিল সে স্ত্রীলোক। দুধের পাত্রটা নিয়ে সে সম্মুখের সেই প্রকাণ্ড দরজা দিয়ে ভেতরে গেল, আর এ লোকটা এগিয়ে এসে আমাদের জিজ্ঞাসা করলে, তোমাদের দেশ কোথায়?

—আগ্রা শহরে।

কিছুক্ষণ আমাদের আপাদমস্তক নিরীক্ষণ ক'রে লোকটা আবার জিজ্ঞাসা করলে, এখানে কি চাই?

বললুম, আমরা এখানে নতুন এসেছি, ধর্মশালা খুঁজে বেড়াচ্ছি। ধর্মশালা কোথায় বলতে পার?

লোকটা আবার একবার বেশ ক'বে আমাদের দেখে বললে, এই তো ধর্মশালা—এইখানে থাকতে পার।

জিজ্ঞাসা করলুম, এই ধর্মশালার মালিক কি তুমি ?

সে বললে, হ্যাঁ।

—তোমার নাম কি ?

—রামসিং।

বললুম, কোথায়, ঘর দেখাও তো।

সে আমাদের ডেকে সামনের সেই প্রকাণ্ড ভাড়া ঘরে নিয়ে গেল। মাঠের মতন বড় ঘর। দেড়শো ভুশো বছর আগে সেখানে হয়তো কোনও রাজদপ্তর ছিল, কারণ বাস করবার জন্তে মাত্র অত বড় ঘর কখনও বানায় না। ঘরের দেওয়ালের মাঝে মাঝে গর্ত। কোনও গর্ত পাথর, কাঠ, পাতা ইত্যাদি দিয়ে ভরাট করবার চেষ্টা করা হয়েছে, কোনও গর্ত এমনিই হাঁ হয়ে আছে। শেয়াল, বাঘ, নেকড়ে, গক, মোষ ও যে হাতী হস্তীমর্থ নয় সেও কাষদা ক'রে অনায়াসে সে গর্ত দিয়ে ঘরের বাইরে বাতায়ত করতে পারে। ঘরের এক দিকে ডটে। দড়ির খাটিয়া, তার ওপর কতকগুলো ছেঁড়া ময়লা ত্রাকড়া প'ড়ে আছে। এদিক ওদিক হাঁড়ি-পাতিলের মতও কিছু কিছু জিনিস ছড়ানো রয়েছে। বোঝা গেল, এগুলি সব রামসিং-দম্পতির সম্পত্তি। কিন্তু সেই মাকাতার আমলের ধুলোর ওপর কি ক'রে শোওয়া যাবে জিজ্ঞাসা করায় রামসিং বললে, খাটিয়া দিতে পারি, রোজ এক পয়সা ক'রে ভাড়া লাগবে। অর্থাৎ ধর্মশালাব জন্তে এক পয়সা, খাটিয়ার জন্তে এক পয়সা—একুনে তিন জনে ছ-পয়সা। আমরা বললুম, ধর্মশালার জন্তে ভাড়া দেব না, খাটিয়ার জন্তে তিনজনে দৈনিক তিন পয়সা দিতে পারি। দেখ, রাজী থাক তো বল ?

লোকটা সোজা ব'লে দিলে, না, হবে না।

আমরা চ'লে আসছি দেখে রামসিংহিনী কথো উঠল, কোথায় যাচ্ছ ?

—দেখি, অল্প কোথাও জায়গা পাওয়া যায় কি না।

সে জিজ্ঞাসা করলে, তোমরা কত বলছ ?

—আমরা বলছি খাটিয়া সমেত জনপ্রতি রোজ এক পয়সা ক'রে দেব।

—বেশ, তাই দিও। ব'লে সে বাইরে গিয়ে দু হাতে দুখানা রৌদ্রতপ্ত খাটিয়া তুলে নিয়ে এসে ঘরের মধ্যে এক জায়গায় রেখে বললে, শুয়ে পড়।

এরই মধ্যে শুয়ে পড়ব কি ! তবু যা হোক বোঁচকাগুলো নামিয়ে একটু হালকা হওয়া গেল। ইতিমধ্যে আর এ খানা খাট এসে পড়ল। কিন্তু সেগুলোতে কি ধুলো রে বাবা। যত ঝাড়ি তত পড়ে। শেষকালে আর চেষ্টা না ক'রে তিনখানা খাট ঠেকাঠেকি ক'রে তার ওপরে শতরঞ্জি বিছানো গেল। এক-একটা ধুতি পেতে চাদর করা গেল। রামসিংকে বললুম, আমবা বাইরে চললুম, খেয়ে দেয়ে সন্ধ্যার মধ্যেই আসব।

রামসিং কোনও কথা বললে না। তার গিন্নী বললে, বাস্তিরে বাস্তা দেখতে পাবে না, হারিয়ে যাবে। খেয়ে দেয়ে অন্ধকার হবার আগেই ফিরে এসো।

সেখান থেকে বেরিয়ে ঘুরে ফিরে শহরটাকে ভাল ক'বে দেখে বেড়াতে লাগলুম। আগ্রা, এলাহাবাদ, কাশী, পাটনার তুলনায় ভরতপুরকে শহরই বলা চলে না। এব অনেক দিন পরে আর একবার ভগতপুরে যাবার সুযোগ হয়েছিল। আগের চেয়ে শহরের অনেক উন্নতি হয়েছে দেখলুম বটে, কিন্তু সেই সময়ের মধ্যে অগ্রাণ্ড শহরেরও অনেক উন্নতি হয়েছে, কাজেই তুলনায় তার মাপ সমানই আছে।

একটু ঘোরাফেরা করতে না করতেই অন্ধকার হয়ে আসতে লাগল আর সেই সঙ্গে শীত পড়তে লাগল দারুণ। আমাদের অঙ্গে পরেশদার দেওয়া সেই বোশা ছিল। আগ্রায় কোনও রকমে তার দ্বারা শীত নিবারণ হ'ত, কিন্তু এখানে সন্ধ্যাবেলাতেই সেই বোশা ভেদ ক'রে ঠাণ্ডা যেন গায়ে বিঁধতে লাগল। রাস্তায় আলোর ব্যবস্থা দেখতে পেলুম না, তাই স্বর্ধের আলো থাকতে থাকতেই এক রকম ছুটে আমাদের সেই ডেরায় ফিরে এলুম। জায়গাটা একেই নির্জন

ছিল, সে সময় একেবারে ঘেন খা-খা করছিল। বাইরে কুকুর ছাগল কিছুই নেই, দরজায় একটা চটের পর্দা ঝুলছে, কারণ কপাটের বালাই নেই। কাঁপতে কাঁপতে ঘরের মধ্যে ঢুকে পড়া গেল।

ঘরের মধ্যে সেই প্রায়াস্কারে যতদূর দৃষ্টি চলে তার মধ্যেই দেখতে পেলুম যে, সেখানে ছোটখাট একটি চিড়িয়াখানা তৈরি হয়েছে। এক দিকে সিংহ ও সিংহিনী ছোটো খাটে প'ড়ে রয়েছে, তাদের আপাদমস্তক শতছিন্ন ময়লা কাপড়ে ঢাকা। বোধ হয় গোটা পঁচিশেক কুকুর স্থানে স্থানে কুণ্ডলী পাকিয়ে ঘুমচ্ছে। ধাড়ী ছাগলগুলো বড় বড় পাখরের সঙ্গে দড়িতে বাঁধা, বাচ্চাগুলোকেও একটু দূরে তেমনই ক'রে বেঁধে রাখা হয়েছে। ধাড়ী বাচ্চা সবাই ঘোর নিদ্রায় অভিভূত। আমরাও পা টিপে টিপে খাটের কাছে গিয়ে নিঃশব্দে শুয়ে পড়লুম।

ঘরের মধ্যে ক্রমেই অন্ধকার ঘনিয়ে উঠতে লাগল। দেওয়ালের বড় বড় গর্ত দিয়ে দেখতে লাগলুম বাইরে তখনও স্বল্প আলো আছে। তার ভেতর দিয়ে সেই বিরাট উচু-নীচু ধ্বংসস্থাপ দেখা যেতে লাগল। সেই ধ্বংসস্থাপের ওপরে বড় বড় গাছ লতা জন্মেছে। ক্রমে সেই নিস্তরূ বনস্থল ধীরে ধীরে মুখর হয়ে উঠতে লাগল। ঝিঁঝি পোকা ও অন্ত কি সব রাতপাখির অদ্ভুত চীৎকারে সমস্ত জায়গাটা ভয়াবহ হয়ে উঠতে লাগল। ক্রমে ধীরে ধীরে বাইরের আলোটুকু নিবে গেল।

আগের দিন রাতে ঘুম না হ'লেও সেদিন ট্রেনে প্রায় সব সময়টা ঘুমিয়ে কাটিয়েছিলুম। তা ছাড়া সন্ধ্যাবেলায় ঘুমোনা কোনদিনই অভ্যাস নেই। তার ওপর সেই অজানা শহর, অদ্ভুত আশ্রয় ও বিচিত্র পরিবেশ, এর মধ্যে নিদ্রাদেবীর মতন বেপরোয়া ব্যক্তিও প্রবেশ করতে ভরসা পান না। কাজেই সেই অন্ধকারে চোখ চেয়ে প'ড়ে প'ড়ে ভাবতে লাগলুম হাজার রকমের ভাবনা। কিন্তু প্রাণ খুলে যে চিন্তা করব তারই জো আছে কি! অন্ধকার হওয়ার সঙ্গে শীত বাড়তে লাগল। এমন সাংঘাতিক শীত আগ্রাতে

একদিনও ভোগ করতে হয় নি। তার ওপরে দেওয়ালের সেই বড় বড় ফুটো দিয়ে ছ-ছ ক'রে বাতাস ঢুকতে লাগল ঘরের মধ্যে। শীতে খালি এ-পাশ ও-পাশ ক'রে গরম হবার চেষ্টা করছি আর ভাবছি, সৃষ্টিকর্তা যদি পশুপক্ষীদের মতন মাস্তুষের অঙ্গেও শীতাতপ থেকে বাচবার জন্তে কোনও আবরণ দিতেন, তা হ'লে এই কষ্টভোগ আর করতে হ'ত না। এমন সময়ে সেই অন্ধকার ভেদ ক'রে জনার্দনের কণ্ঠ থেকে ঋষভ রাগে বেসুটে। প্রসবণ ছুটল—“আমায় কোথায় আনিলে—আনিয়ে, তরঙ্গমাঝে তরী ডোবালে!”

জনার্দনের গান শুনে হাসব কি কাঁদব তাই ভাবছি, এমন সময় স্নকাস্ত বললে, বৎস জনার্দন, ধৈর্য ধর, তরী তরঙ্গমাঝারে পড়েছে মাত্র, ডুবতে এখনও দেরি আছে।

কিন্তু কে কার কথা শোনে! জনার্দন এক মুহূর্ত চুপ ক'রে থেকে আবার ষাড়-চ্যাচানি চোঁচাতে আরম্ভ করলে, “কোথা রইল পিতা মাতা, কোথা রইল বন্ধু ভ্রাতা—আমার প্রাণপ্রিয়ে রইল কোথা বন্ধু সকলে”—ব'লে এমন এক তান চাড়লে যে কুকুরগুলো জেগে উঠে ধুমকের সুরে ‘চোপ্ চোপ্ চুপ রহো’ ক'রে চোঁচাতে লাগল, ছাগলগুলো শুরু করলে ব্যা-ব্যা, ওদিক থেকে মুহু সিংহনাদও শোনা যেতে লাগল।

চারিদিক থেকে ওই রকম প্রতিবাদ হতে থাকায় জনার্দন চুপ করল বটে। কিন্তু শীত তো আর সহ হয় না। শীতের চোটে শুয়ে থাকা আর সম্ভব হ'ল না। আগ্রায় রাতে আমরা মোমবাতি জ্বালাতুম, কয়েকটা মোমবাতি সঙ্গেও ছিল। তাড়াতাড়ি উঠে একটা মোমবাতি জালিয়ে কুকুড়ে-স্কুকে বসলুম। জনার্দন তো শীতের চোটে সশব্দে হি-হি করতে লাগল। শেষকালে সেই কম্পিত গলায় আবার সে গান ধরলে। তখুনি তার মুখে হাত চাপা দিয়ে থামিয়ে দেওয়া গেল। জনার্দন বলতে লাগল, ভাই, শীতের চোটে তো মারা গেলুম, তোরা দুজনে আমাকে জড়িয়ে ধর।

স্নকাস্ত বললে, উনি আবার তিরস্কেতে যেতে চাইছিলেন!

এমনি ক'রে হাসাহাসি করতে করতে এবার বাতি নিবিয়ে শুয়ে পড়া গেল। কতক্ষণ ঘুমিয়েছিলুম জানি না, একবার ঘুম ভেঙে যেতে দেখলুম, দূরে রামসিংয়ের খাটের কাছে একটু ছোট্ট আলো জ্বলছে। দেখলুম, রামসিংয়ের বউ দুটো ভাঙা হাঁড়িতে দুটো আগুন ক'রে তাতে বাতাস দিচ্ছে। কিসের আগুন তা বুঝতে পারলুম না, তবে সিংহিনীর হস্ততাড়িত বাতাস লাগার ফলে সেই ভাঙা হাঁড়ির গম্বরদেশ লাল হয়ে উঠতে লাগল ও সঙ্গে সঙ্গে সেই জায়গাটা ঘোঁষায় ভ'রে যেতে লাগল। খানিক পরে আগুন বেশ লাল হয়ে উঠলে সিংহিনী একটা সিংহের খাটের নীচে ও একটা নিম্বের খাটের নীচে রেখে কোনও কথা না ব'লে আলোটা নিবিয়ে দিলে। অন্ধকারে সেই ভাঙা হাঁড়ির আগুন জ্বলতে নিবতে লাগল আর আমি শুয়ে শুয়ে গোপাল ভাঁড়ের গল্পের সেই ব্রাহ্মণের মতন চোখ দিয়ে আগুন পোয়াতে লাগলুম।

পরদিন সকালবেলা উঠে দেখা গেল, আমাদের সবারই মুখগুলো ফলে ঢোল হয়ে উঠেছে, শুণু তাই নয়, হাত পা ফেটে একেবাবে চৌচির অবস্থা। দেশস্বক লোক মাথা-মুখ ঢেকে থাকে কেন, এতক্ষণে তার একটা হৃদিস পাওয়া গেল। আমরা আর কালবিলম্ব না ক'রে বিছানা থেকে দ্রুত তুলে নিয়ে বেশ ক'রে মাথা-মুখ পেঁচিয়ে বেঁধে ফেললুম।

সকাল হতেই দেখা গেল, দলে দলে স্ত্রী পুরুষ নানা আকারের পাত্র নিয়ে রামসিংয়ের দরজায় হাজির হতে লাগল। দেখলুম, কর্তা গিন্নী উভয়ে খুবই ব্যস্ত হয়ে উঠলেন। একজন দুধ দোয় আর একজন মেপে মেপে দেয়। শুনলুম সেখানে ছাগলের দুধ ও মোষের দুধের একই দর—ত পয়সা সের। যাদের ছেলেপিলের ঘর তারা ছাগলের দুধই নেয়।

কিছুক্ষণ এই সব ব্যাপার দেখে আমরা চরা করতে বেরলুম। শহরে ঘুরতে ঘুরতে মনে হ'ল, কাল জায়গাটাকে যত দুঃখী মনে করেছিলুম আসলে সেটা তত নয়। সেখানে ভাল রাস্তা ভাল বাড়ি ঘর যে একেবারেই নেই তা নয়।

সেখানে একটি কেল্লা আছে, জবরদস্ত রাজা, রাজপুত্র ও রাজকর্মচারী সবই আছে, তবে বেশির ভাগ লোকের অবস্থাই আমাদের মতন।

শহরে ঘুরতে ঘুরতে অনেক জায়গাতেই দেখা গেল ছাগলের দুধ বিক্রি হচ্ছে। আমাদের জনার্দনের নানা রকম ব্যবসার প্র্যান মাথায় গজাত। সে থেকে থেকে বললে, এখানে থেকে ছাগলের দুধের ব্যবসা করা যাক।

জনাদন নানা রকম প্র্যান বাতলাতে লাগল, ছাগল থেকে গরু, গরু থেকে মোষ, বাচ্চা যা হবে তার মদ্যগুলো বেচে ফেলা হবে। তারপরে দুধ থেকে মাখন, পনির ইত্যাদিও হতে পারবে—তাথ্ তাথ্ ক'রে ব্যবসা ফলাও হয়ে পড়বে।

জনাদনের প্র্যানটা আমাদের নেহাত মন্দ লাগল না। আশাকুহকিনী আবাব কানের কাছে গুঞ্জন শুক ক'রে দিলে।

আমরা স্টেশনে যে দোকানে রোজ খেতে যেতুম, সেই দোকানে চা বিক্রি হ'ত। একদিন তাকে জিজ্ঞাসা করা গেল, তুমি কোথা থেকে দুধ কেন?

সে বললে, এখান থেকে মাইল তিনেক দূরে শহরের এক জায়গা থেকে।

—আচ্ছা, আমরা যদি রোজ তোমায় এখানে দুধ দিয়ে যাই, তবে আমাদের কাছ থেকে নেবে?

লোকটা বললে, চায়ের জন্তে আমরা ছাগলের দুধ নিই—ও-জন্তে ছাগলের দুধই ভাল। আমাদের সারা দিন-রাতে পাঁচ সেরেরও বেশি দুধের দরকার হয়।

আমরা বললুম, তাই দেব, কিন্তু নগদ দাম দিতে হবে।

লোকটা রাজী হয়ে গেল। সে বললে, তোমাদের আরও খন্দের যোগাড় ক'রে দিতে পারি।

লোকটার কথা শুনে আমরা খুব উৎসাহিত হলুম। ভাবলুম, সত্যিই ছাগলের দুধের ব্যবসা করলে তো মন্দ হয় না। আমরা ব'সে ব'সে তার সঙ্গে এই সম্বন্ধে আরও অনেক আলোচনা করতে লাগলুম। কোথায় ভাল ছাগল পাওয়া যায়—কোথাও ঘর ভাড়া পাওয়া যায় কি না, ইত্যাদি আরও অনেক কথা হ'ল।

দিন দুয়েক আলোচনা ক'রে এই দোকানদারের কাছ থেকে অনেক সম্মান পাওয়া গেল। সে বললে, স্টেশনের কাছেই একটা খোলার বাড়ি খালি ছিল, সেটা পেলে তোমাদের ছাগল রাখাও চলবে, খাকাও চলবে। অনেকখানি খোলা জায়গাও আছে সেখানে। সেটা এখনও খালি আছে কি না তার খোঁজ করতে হবে।

আবার উৎসাহ ও আশায় বুক দশ হাত হয়ে উঠল। আমরা ব'সে থাকবার ছেলে নয়—মোজা-গেঞ্জির কারবার ফেল হয়ে গেছে ব'লে কি জীবনে হতাশ হয়ে ব'সে থাকতে হবে! দুধের কারবার ক'রে বড়লোক হয়েছি শুনলে

হয়তো অনেকে নাক সিঁটকোবে—তা সিঁটকোক গে, আমরা তাদের গ্রাহ্য করি না। ব্যবসায়ে ছোট বড় নেই, এই ক'রেই তো বাঙালী জাতটা গেল!

সেদিন তাডাতাড়ি ফিরে রামসিংয়ের জ্বীকে বললুম, দেখ, রাত্রে তো শীতের চোটে ঘুমুতে পারি না; আমাদের জন্তে একটা ক'রে আঙ্গুঠি জালিয়ে দিতে পার?

সে বললে, একটা তো সারারাত্রি জ্বাবে না—তোমাদের একটা ক'রে দিচ্ছি, রাত্রে যখন শীত অসহ্য হবে তখন উঠে জালিয়ে নিও।

সে তিনটে ভাঙা হাড়িতে শুকনো ছাগলের নাদি ভ'রে দিলে। দেখলুম, ঘরের এক দিকে পাহাড়ের সমান উঁচু ছাগলের নাদি জমা ক'রে রাখা হয়েছে—একটি নাদি তারা নষ্ট হতে দেয় না। সারা বছর ধ'রে নাদি জমা হয়।

এবাব তাকে জিজ্ঞাসা করলুম, তোমার নাম কি?

সে বললে, সুরঘ।

জিজ্ঞাসা করলুম, সুরঘ কি? তোমায় কি ব'লে ডাকব? সুরঘবাই?

সে একটু লজ্জিত হয়ে বললে, হ্যাঁ, ওই নামেই ডেকো—সুরঘবাই।

একটু পরে সুরঘবাই বললে, আঙ্গুঠির জন্তে একটা ক'রে পয়সা দিতে হবে।

শীতের ঠেলায় পয়সা দিতে রাজী হতে হ'ল। সেই হরে-দরে দৈনিক ছ-পয়সা ক'রেই লাগতে লাগল।

স্টেশনের সেই দোকানদার খবর দিলে, সেই বাড়ির বাড়িওয়ালা এখানে নেই, দিনকতক পরে আসবে—তবে বাড়িটা এখনও খালি আছে।

যা হোক, আমরা অল্প বাড়িও দেখতে লাগলুম। ছাগলও দু-চারটে দেখা গেল, দরদস্তুরও চলতে লাগল। স্টেশনের কাছের বাড়িটার জন্তে অপেক্ষা করতে লাগলুম। কারণ স্টেশনের একজন হকারের সঙ্গে ঠিক হয়েছিল যে, সে কিছু কমিশন নিয়ে যাত্রীদের গরম দুধ বিক্রি করবে।

যাত্রীদের দুধ বিক্রি করতে পারলে খুব লাভ হয়। কারণ এক সের দুধে এক সের জল মিশিয়ে রঙটা শুধু সাদা রাখলেই হয়। দুধটা এমন গরম করতে হবে যে, স্টেশনে যতক্ষণ গাড়ি থাকবে ততক্ষণ গরমের চোটে খন্দের তা মুখে দিতে পারবে না। তারপরে গাড়ি ছেড়ে দিলে আর কি! ছাগল ও বাড়ি দেখার সঙ্গে এই সব ব্যবসার মারপ্যাচও শেখা চলতে লাগল।

রামসিং ও তার স্ত্রীর সঙ্গে একটু একটু ক'বে ভাব হতে লাগল। অতি দরিদ্র তারা, কিন্তু এক সময়ে নাকি তাদের পূর্বপুরুষেরা রাজা ছিল। একদিন এখানে তাদের প্রকাণ্ড প্রাসাদ ছিল। সেই প্রাসাদেরই অবশিষ্ট একমাত্র এই ভাঙা ঘরে রাজবংশের শেষ স্ত্রী-পুরুষ বাস করছে। তাদের এখনও কিছু জায়গা-জমি আছে, কিন্তু অর্থ ও লোকের অভাবে সে জমি নিজে চাষ করতে পারে না। অল্প লোকে চাষ ক'রে তাদের দয়া ক'রে যা দেয় তাই নিতে হয়। তারা স্বামী-স্ত্রীতে মিলে খেতে এই দুধের ব্যবসা করে। তাও যদি ছাগলগুলোকে ভাল ক'রে খেতে দিতে পারত তো দুধ কিছু বেশি পাওয়া যেত। কিন্তু তারা নিজেরাই পেট ভ'রে খেতে পায় না। সকালবেলা এক-একজনে খান-ঘোলো ক'রে মোটা রুটি তুল দিয়ে খায়, তার সঙ্গে একটা কি দুটো পিঁয়াজ জুটল তো ভূরি-ভোজন হয়ে গেল। বিকেলেও তাই, তবে কোন কোন দিন ওরই মধ্যে এক-আধ ফোঁটা দুধ জুটে যায়। খাও অতি সামান্য, অথচ মোটা না হ'লেও তাদের চেহারা ছিল বিরাট। আমরা ভাবতুম, এই সামান্য বাড়ে তাদের পুষ্ট হয় কি ক'রে!

রামসিং ও তার স্ত্রী, তারা দুজনেই ছিল স্বল্পভাষী। নিজেদের মধ্যেও তারা খুব কমই কথাবার্তা বলত। সকালবেলা সেখানে অনেক খন্দের এসে জুটত বটে, কিন্তু তাদের সঙ্গেও যতদূর সম্ভব কম কথা কহিত তারা। সকাল থেকে স্বামী-স্ত্রীতে যে যার বাঁধা কাজ ক'রে যেত। তার পরে বিকেল হতে না হতে খাওয়া-দাওয়া চুকিয়ে ঘরের মধ্যে ঢুকে কাপড় চাপা দিয়ে লাগাত ঘুম।

একদিন সকালবেলা উঠে এক আশ্চর্য দৃশ্য দেখা গেল। দেখলুম যে, রামসিং ও সুরঘবাইয়ের মধ্যে খুব কথাবাতা চলেছে। সুকান্ত ঠাট্টা করে বললে, আজ যে সিংহ-সিংহিনীতে খুবই প্রেমভাব দেখছি।

তারা নিজেদের মধ্যে এক অদ্ভুত ভাষায় কথা বলত, যার একটি বর্ণও আমরা বুঝতে পারতুম না। দুজনে খুব কথা চলেছে দেখে আমরা তো বেরিয়ে পড়লুম। বিকেল নাগাদ ফিরে দেখি, তাবা তখনও যে যার খাটে বসে উচ্চৈঃস্বরে প্রেমালাপ কবছে। রামসিং মাঝে মাঝে শুয়ে পড়ছে আবার উঠছে—এই বকম প্রায় ঘণ্টাখানেক চলল, তার পরে দুজনেই কাপড় চাপা দিয়ে শুয়ে পড়ল। অল্প দিন ফিরে এসে বরাবর দেখেছি, তারা দুজনেই খুশ্ছে।

কিছুক্ষণ বিডি-টিভি টেনে আমরাও শোবার ব্যবস্থা করতে লাগলুম। সেখানে এসে অববি আমাদেরও সন্ধ্যার আগেই শুয়ে পড়া অভ্যাস হয়ে গিয়েছিল। বিছানাপতন ঝাড়া হচ্ছে এমন সময় আবিষ্কার করা গেল, সেদিন সুরঘবাই প্রেমালাপে মত্ত থাকায় আমাদের আঙুলিগুলোতে ইন্ধন দেখ নি। নিজেরাই আঙুলি ভরে নিয়ে শুয়ে পড়া গেল।

বাগ্রি কত হায়েছিল তা বলতে পারি না, জনার্দন জোরে ধাক্কা দিয়ে আমার ঘুম ভাঙিয়ে বললে, ওঠ, ওঠ, শীগগির ওঠ।

ধড়মড় করে উঠে দেখি, সিংহ ও সিংহিনীতে যুদ্ধ শুরু হয়েছে। অল্প দিনের মতন সেদিকে একটা বাতি জ্বলছে, আর স্বামী পীতে নিঃশব্দে মারপিট চলেছে। স্বামী স্ত্রীকে প্রহার করছে—সে দৃশ্য এর আগেও দেখেছি এবং সেইটেই শাপ্তসম্মত বলে এতকাল জেনে এসেছিলুম, কিন্তু এখানে যা দেখলুম তা অভূতপূর্ব। দুজনেই—একে অতকে ধুষো, কিল, চড়, লাথি লাগিয়ে যাচ্ছে, কিন্তু মুখে কোনও শব্দ নেই। বোধ হয় আমরা ঘরে রয়েছি বলে কেউ টুঁ শব্দটি করছে না। ঘুষোঘুমি, ঠুস্‌সা-ঠাস্‌সা চলতে চলতে হঠাৎ একবার সুরঘবাই তাব শোবাব খাটখানা তুলে ঝেড়ে দিলে স্বামীর মাথার ওপরে। সে

আঘাত বাঁচাতে গিয়ে রামসিং নিজের খাটে পা লেগে গেল প'ড়ে। ষাঁহাতক সে প'ড়ে যাওয়া, অমনি কুস্তিগীরের তৎপরতায় স্রষবাই লাফিয়ে পড়ল তার ওপর। কাছেই একটা বড় পাথর প'ড়ে ছিল, সেখানা সে তুলে নিয়ে রামসিংয়ের মাথায় দমাদম ক'রে মারতে শুরু ক'রে দিলে। শীতের চোটে আমাদের শরীরে কাঁপন তো ধ'রেই ছিল, এই দৃশ্য দেখে তার সঙ্গে ভয়ের কাঁপনও এসে যোগ দিলে। মনে হতে লাগল, সকালবেলায় এদের একটার সঙ্গে আমাদেরও তো খানায় টেনে নিয়ে যাবে। তারপরে দিশী রাজ্যের কাজীর বিচারে এই স্ত্রে চরম দণ্ড হয়ে যাওয়াও বিচিত্র নয়।

ওদিকে স্বামীর মাথায় স্রষ পাথর ঠুকেই চলেছে। ভাগ্যে তার মাথায় মোটা ক'রে কাপড় জড়ানো ছিল, তা না হ'লে তার খুলিটি বোতলচূরে পরিণত হ'ত। চোখের সামনে যখন এই খুনোখুনি অথবা কে খুন হয় কাণ্ড চলেছিল, তখন আমার পুরুষের মন এই প্রার্থনা করতে লাগল যে, খুন যদি একটা দেখতেই হয় তবে নারীর হাতে পুরুষের কাত হওয়ার দৃশ্য যেন দেখতে না হয়। পুরুষের এত বড় অপমান সারা জীবন ধ'রে ব'য়ে বেড়ানো বড়ই দুর্বহ হবে।

ওদিকে সিংহিনী ক্ষিপ্রহস্তে সিংহের মস্তকচূর্ণের কাছে ব্যস্ত, এমন সময় রামসিং কি ক'রে ঠিকরে বেরিয়ে দাড়িয়ে উঠল। সঙ্গে সঙ্গে স্রষও উঠে যেমনি পাথরটা ছুঁড়ে তাকে মারতে যাবে, অমনি রামসিং টপ ক'রে তার হাতখানা ধ'রে অগ্নি হাত দিয়ে স্রষের গলাটা চেপে ধ'রে তাকে দেওয়ালের দিকে ঠেলে নিয়ে চলল। মেঝেতে কুকুরগুলো! নিশ্চিন্ত হয়ে ঘুমুচ্ছিল—এ রকম দৃশ্য দেখে দেখে বোধ হয় তাদের গা-সওয়া হয়ে গিয়েছিল। ইতিমধ্যে সেই ছটোপুটিতে কার একখানা পা একটা কুকুরের পেটে পড়তেই সেটা কঁাক ক'রে একবার চৌঁচিয়ে উঠেই আবার অগ্নি জ্বায়ায় গিয়ে কুণ্ডলী পাکیয়ে শুয়ে পড়ল। ওদিকে রামসিং স্রষকে ঠেলতে ঠেলতে দেওয়ালে নিয়ে গিয়ে ঠেসে ধ'রে গায়ের জোরে মুখে দশ-বারোটা ঘুষো মারতেই স্রষের দীর্ঘ ঋজু

দেহ ঝালবেলে হয়ে দড়াম ক'রে মাটিতে প'ড়ে গেল। তার পড়বার ধরন দেখে মনে হ'ল, সে ম'রে গেল।

স্বরষ তো ওই রকম ভাবে প'ড়ে রইল। রামসিং সেদিকে গ্রাহ্য না ক'রে বেশ নিশ্চিত মনে ইতস্ততবিক্ষিপ্ত জিনিসগুলোকে গুছোতে আরম্ভ করলে। স্বরষের খাটিয়াখানা এক পাশে আকাশের দিকে চার পা তুলে প'ড়ে ছিল। রামসিং সেখানা তুলে স্বস্থানে ঠিক ক'রে রে : নিজের খাটে গিয়ে মুড়ি দিয়ে শুয়ে পড়ল।

প্রদীপটা সেইভাবে জলতে লাগল।

ব্যাপার দেখে আমরা তো স্তম্ভিত! এর পর আঙ্গুঠি জালানো ঠিক হবে কি না তাই পরামর্শ করতে লাগলুম। জনার্দন বললে, আর আঙ্গুঠি জালিয়ে কাজ নেই, কারণ রামসিংয়ের যা মেজাজ হয়ে আছে, ধোঁয়া নাকে গেলে কি হবে বলা যায় না। কাল সকালে পুলিশের লোকেরা রামসিংয়ের সঙ্গে আমাদের কোমরেও দড়ি বেঁধে কেমন ক'রে রাস্তা দিয়ে নিয়ে যাবে—সেই দৃশ্যটা মনের পটে আঁকবার চেষ্টা করতে লাগলুম।

স্বকাস্ত বললে, তারপরে আমরা তিনটিতে এক নারীহত্যার ব্যাপারে জড়িত হয়েছি—খবরটা কাগজে প'ড়ে বাড়ির লোকে কি গ্ল্যাডই হবে!

—কিন্তু যেতে দাও, ভবিষ্যতের গর্ভে যা আছে তাই ঘটবে, এখন তো শুয়ে পড়।

রাত্রে ওই সার্কাস দেখে পরের দিন খুম থেকে উঠতে দেরি হয়ে গিয়েছিল। বাইরে বেরিয়ে এসে দেখা, ঠিক অল্প দিনেরই মত ছুধের খন্ডে জায়গাটা ভতি। স্বরষ ছুধ দুইছে, আর রামসিং মেপে মেপে ছুধ দিচ্ছে। রামসিংয়ের দিকে চেয়ে দেখলুম, তার মুখ ও কপালের দুই-এক জায়গায় কালশিরে পড়েছে—মুখের বাকিটা দাড়িগোঁফ ও কাপড়ে ঢাকা।

স্বরষের মুখখানা দেখবার ইচ্ছা করছিল, কিন্তু সে এমন ক'রে মাথা গুঁজে দোহন-কার্ঘ্যে ব্যস্ত ছিল যে, ভাল ক'রে দেখাই গেল না। যাক বাবা! সে

যে প্রাণে বেঁচে আছে—এই আমাদের ভাগ্য মনে ক’রে দৈনিক চারণের কাজে বেরিয়ে পড়া গেল।

সেদিন কি একটা কাজে আহারাতির পরে বাসস্থানে ফেরবার প্রয়োজন হয়েছিল। ফিরে এসে দেখি যে, রামসিং তার খাটে এক দিকে পা ঝুলিয়ে বসেছে আর সুরষ তার কোলে মাথা রেখে শুয়ে আছে, রামসিং তার মাথার উকুন বাছছে। দৃশ্যটি দেখে সত্যিই চোখ জুড়িয়ে গেল। ঝড়ের পরে প্রকৃতির শান্ত অবস্থা একেই বলে। কাল যে সুরষ পরমানন্দে স্বামীর মাথা চুর করতে ব্যস্ত ছিল, আজ সে পরম নির্ভরে তারই কোলে মাথা পেতে দিয়েছে। কাল ছিল তারা পশুর পষায়ে, আজ তারা মানুষের পষায়ে উঠে গেছে। আর একদিন দেখেছিলুম তাদের অগ্র রূপ—সে ঘটনাটি ব’লেই তাদের কথা শেষ করব।

সুরষ ও রামসিং যে রাত্রে ঘনোখুনি ক’রে মরছিল, তারই কয়েক দিন পরের কথা। সকালবেলা ঘুম থেকে উঠে দেখা গেল, চারদিকে খুব মেঘ জমেছে, রোদের দেখা নেই, মাঝে মাঝে ফোঁটা ফোঁটা বৃষ্টিও পড়তে লাগল। বাইরে বেরিয়ে মনে হতে লাগল, শীতে যেন হাত-পা অসাড় হয়ে যাচ্ছে—একটু একটু ঠাণ্ডা বাতাসও বইছিল। নেহাত খাওয়ার জন্য স্টেশনে যেতেই হবে, তাই আমরা সেই ঠাণ্ডাতেই অগ্রসর হতে লাগলুম। পথে লোক-চলাচল বিশেষ দেখলুম না। স্টেশনে গিয়ে শুনলুম যে, শীতকালে নাকি এখানে এই রকম হয়ে থাকে—এই রকম হাওয়াই নাকি ভাল, তা না হ’লে শস্তের অপকার হবে। তারা বললে, শীত এ আর কি দেখছ! আরও বাড়বে। মাঝে মাঝে এই সময় নাকি এমন ঝড়-বৃষ্টি হয় যে, লোকে ঘর থেকে বেরতে পারে না।

শীতের ঠেলায় আমাদের মনে হতে লাগল, শস্তের উপকার করতে গিয়ে দেবতা এই যে মানুষ মারবার ব্যবস্থা করেছেন—এটা বিশেষ বিবেচনার কাজ হয় নি। যা হোক, স্টেশনে আহারাতি সেরে আমরা বৃষ্টিতে ভিজতে ভিজতে

ও শীতে শীংকার সহযোগে কাপতে কাপতে বাসস্থানে ফিরে এলুম। ভিজে পরদা ঠেলে ঘরের মধ্যে ঢুকে দেখি, সেই বেলাবেলিই রামসিং ও সুরষ তাদের সংসার-পাট সব ঘরের মধ্যে ঢুকিয়ে ফেলেছে। ছাগলদের খাড়া বাচ্চা সব বাধা হয়ে গেছে—অল্প দিন কুকুবগুলো এদিক ওদিক চলে যায় খাচ্চা অশেষণে, কিন্তু সেদিন দুখোঁগ দেখে এরই মধ্যে ডেবাষ ফিরে এসে তারা যে ঘর জায়গায় কুঙলী পাঁকিয়েছে।

দেখলুম রামসিং পাটে বসে তার বিরাট হাতের চেটোয় গাঁজা ডলছে, আব সুরষ তাদের আঙ্গুঠি দুটোতে আগুন জ্বালাবার চেষ্টা করছে। আমরা হি-হি করতে করতে ধুতি জামা বদলে ঘরের মধ্যেই ছাড়া কাপড়গুলো শুকোতে দিয়ে খাটে বসে কাপতে লাগলুম। ওদিকে রামসিং গাঁজা মেজে আঙ্গুঠি থেকে একটু আগুন তুলে কল্কেতে দিয়ে লাগালে দম—বাবা! ঘব একেবারে অন্ধকার হয়ে গেল। গোটা দু-তিন দম লাগিয়ে সে কল্কেটা সুরষকে দিলে। সেও যে দম লাগালে তাকেও রামদম বলা যেতে পারে। তারপর ফাঁকা কল্কেটা স্বামীব হাতে দিয়ে দুজনের খাটের নীচে দুটো আঙ্গুঠি ঠেলে দিয়ে দুই খাটে বসে তাবা গল্প করতে লাগল।

ওদিকে আমাদের অবস্থা ক্রমেই শোচনীয় হয়ে উঠতে লাগল। ভাবতে লাগলুম, দিনেই যখন এই অবস্থা তখন রাত কাটবে কি ক'রে! উঠে গিয়ে সুরষকে বললুম, দেখ, আমাদের বড় শীত করছে, দিনেই বেলায় আঙ্গুঠি জ্বালাব?

সুরষ বললে, হ্যাঁ হ্যাঁ, জ্বালিয়ে নাও না।

আমি ফিবে আসছিলুম, এমন সময় সে বললে, আমি জেলে দেব আঙ্গুঠি?

দেখলুম, তার মেজাজটা খুবই শবীক বয়েছে। বললুম, দাও না দয়া ক'বে।

সুরষ আমাদের আঙ্গুঠিগুলো তুলে নিয়ে এল। আমি নিজের খাটের কাছে যাচ্ছি এমন সময় রামসিং বললে, দেখ, আগুন জ্বালিয়ে কাঁহাতক শরীর গরম রাখবে? তার চেয়ে এক কাজ কর।

—কি কাজ ?

—কিছু গাঁজা আনিয়ে নাও। শীত যখন অসহ্য হবে তখন মাঝে মাঝে গাঁজায় দম লাগাবে—শরীর একেবারে গরম হয়ে উঠবে।

ফিরে এসে বন্ধুদের কাছে রামসিংয়ের প্রস্তাব পেশ করা গেল। পরামর্শ চলল—শেষকালে গাঁজা খাব! না না বাবা, মাথা-টাথা খারাপ হয়ে শেষে পাগল হয়ে রাস্তায় নেচে নেচে বেড়াতে হবে।

আমি আর রামসিংয়ের কাছে ফিরে গেলুম না। একটু বাদে সূর্য তিনটে আঙুঠি ভাঁরে এনে দিলে। আমরা তাতে আগুন ধরিয়ে নিজের নিজের খাটের নীচে রেখে ঠিক তার ওপরেই উবু হয়ে বসে আগুন তাপতে লাগলুম। কিন্তু ছাগলের নাদির আর তেজ কতটুকু! কষ্টে-স্টে ঘণ্টাখানেক তাপ বিকিরণ ক'রেই সেগুলি ভস্মে পরিণত হ'ল। এই ভাবে শীত চললে রাতে কি অবস্থা হবে ব'সে ব'সে তাই ভাবছি, এমন সময় রামসিং—যে এতক্ষণ মাথা-মুড়ি দিয়ে পড়েছিল, সে ধড়মড় ক'রে উঠে ব'সে আবার গাঁজা তৈরি করতে আরম্ভ ক'রে দিলে। সূর্যবাই এতক্ষণ এদিক ওদিক কি ক'রে বেড়াচ্ছিল, শুভকার্ণের সূচনা দেখে সে গুটিগুটি স্বামীর পাশে এসে বসল। কিছুক্ষণ বাদে রামসিং কল্কেতে গাঁজা ঠেসে সেটাকে টানবার জোটে বাগিয়ে ধরলে, আর সূর্য উঠে তাতে দেশলাই জ্বলে আগুন দিতে লাগল।

আমরা ইঁা ক'রে তাদের এই কসরৎ দেখছি, এমন সময় কোথাও কিছু নেই আমাদের জনার্দন টপ্ ক'রে উঠে কোনও কথা না ব'লে তাদের কাছে চ'লে গেল। সেখানে পৌঁছে সে সূর্যকে কি জানি বললে। সূর্য তার মুখের দিকে চেয়ে দেশলাইটা তার হাতে দিতেই সে একটা কাঠি জালিয়ে রামসিংয়ের করধৃত কল্কের ওপরে ধরতেই রামসিং মারলে টান—তারপরেই মুখ দিয়ে বার করলে রাশিকৃত ধোঁয়া। এর পর রামসিং কল্কেটা দিলে জনার্দনের হাতে। জনার্দনও বিনা দ্বিধায় সেটাকে বাগিয়ে ধ'রে টান মেরে প্রায় রামসিংয়ের মতনই আর এক রাশ ধোঁয়া বের ক'রে কল্কেটা সূর্যের হাতে দিলে।

এই ভাবে পালা ক'রে টেনে টেনে তারা তিনজনে মিলে সেই ক্ষুদ্রকায়া কল্কে থেকে একটি মেঘলোক সৃষ্টি ক'রে তার মধ্যে ব'সে রইল।

বাইরে তখন প্রবল ধারায় বৃষ্টি চলেছে—সঙ্গে সঙ্গে হাওয়া, সে ঝড়েরই নামাস্তর।

আমি ও সূকান্ত ব'সে ব'সে তাদের দেখতে লাগলুম। প্রথমে কিছুক্ষণ তারা তিনজনেই স্থির হয়ে ব'সে রইল। তার পরে জনার্দন উঠে স্রবষের খাটে গিয়ে বসল। একটু পরেই স্রবষ এসে বসল তার পাশে। শেষে তারা তিনজনে কি সব কথাবার্তা বলতে লাগল। হিন্দী উর্দু বলতে পারে না ব'লে এতদিন জনার্দন রামসিং কিংবা স্রবষ কাকুর সঙ্গেই কথা বলত না। এখন দেখলুম, গাঁজার কল্যাণে সে হাত নেড়ে তাদের সঙ্গে খুব কথা বলছে। জনার্দনের কথাগুলোও বুঝা যাচ্ছে না, কারণ তার কথা শুনে কখনও স্রবষ হাসছে, কখনও রামসিং হাসছে। রামসিংয়ের পোড়ার মুখে আমরা এতদিন কখনও হাসি দেখি নি। সেই রামসিংয়ের মুখে হাসি দেখে মনে মনে জনার্দনকে তারিফ ক'রে তাকে ডাক দিলুম।

জনার্দন কাছে আসতেই বললুম, কি রে, গাঁজা খেলি শেষকালে ?

জনার্দন বললে, কি করব! শেষকালে কি শীতে মারা যাব নাকি ? গাঁজা গ্র্যাণ্ড জিনিস রে! এহ দেখ, আমার আর কিছু শীত লাগছে না।

এই ব'লে জনার্দন গায়ের কাপড়খানা খুলে ছুঁড়ে খাটে ফেলে দিয়ে বলতে লাগল, শীত তো লাগছেই না, তা ছাড়া যা চোখে পড়ছে তাই স্তম্ভর ব'লে মনে হচ্ছে। মাইরি, তোরাও এক এক টান খেয়ে দেখ।

গাঁজা খাওয়ার বিরুদ্ধে আমাদের মনে প্রথমে যত প্রবল আপত্তিই থাকুক না কেন, জনার্দন কল্কে ধ'রে টান মারতেই তার প্রাবল্য অনেকখানি ক'মে গিয়েছিল। তারপর জনার্দনের যুক্তি ক্রমেই আমাদের আপত্তির ভিত টলিয়ে দিতে লাগল। শেষকালে যখন সে বললে, আমরা তো আর নেশা বা ফুটি

করবার জন্তে থাচ্ছি না, শীত থেকে রক্ষা পাবার জন্তে কখনো কেনবার পরমা নেই, তাই গাঁজা খেয়ে শীত নিবারণ করছি, শ্রেফ প্রাণের দায়ে—

বাস, আর বেশি যুক্তির প্রয়োজন হ'ল না। এখন গাঁজা পাওয়া যায় কোথায়? এই শীত ও জল-ঝড়ের মধ্যে সে জিনিস আহরণই বা করবে কে!

জনাদন বললে, সে আমি সব ঠিক ক'রে দিচ্ছি।

সে আবার রামসিংয়ের কাছে গিয়ে তাকে কি সব ব'লে আমাদের কাছে এসে বললে, দু'আনা পরমা দাও।

পরমা নিয়ে গিয়ে রামসিংয়ের হাতে দিতে সে মাথায় গায়ে ভাল ক'রে কাপড় জড়িয়ে নিয়ে সেই জল-ঝড়ে গাঁজা কিনতে বেরিয়ে গেল।

জনাদন আর আমাদের কাছে ফিরল না, সে ওদিকেই র'য়ে গেল। আমরা ব'সে ব'সে দেখতে লাগলুম, গাঁজা খেয়ে তার কর্মপটুতা যেন বেড়ে গেছে। সে সূর্যের সঙ্গে নানা কাজ ক'রে ক'বে দূরতে লাগল। শুধু তাই নয়, দেখলুম, তার সঙ্গে জনাদনের হাসি-ঠাট্টাও চলেছে। কিছুক্ষণ পবে সূর্য ছাগল দুইতে আরম্ভ করলে আর জনাদন ছাগলের বাচ্চা ধ'রে ব'ইল। তাদের ব্যালাপও খুব চৈচিয়ে হচ্ছিল বটে কিন্তু ঘবখানা এত বড় যে, এক দিকে কিছু বললে অল্প দিকে আওয়াজ শোনা যায় মাত্র, তার ওপরে বায়ু ক্রমেই অসম্ভব বকমের ক্ষিপ্ত হয়ে উঠছিলেন ব'লে তাদের কথা আমরা কিছুই বুঝতে পারছিলুম না।

এইভাবে কিছুক্ষণ কাটবার পব বাইরের ঝড় যেন আরও উদ্দাম হয়ে উঠতে লাগল। আমাদের সেই জায়গাটা ছিল শহরের এক প্রান্তে। বাড়ি-ঘর বেশি না থাকায় স্থানটি একটু জংলী গোছের। ঘরের দু'দিকের দেওয়ালে খুব বড় বড় দুটো গর্তের কথা আগেই বলেছি। সেই ফুটো দিয়ে এখন কামানের মতন গর্জন করতে করতে হাওয়া ও জল ঘরে ঢুকতে আরম্ভ করলে। ক্রমে ক্রমে শীতও হয়ে উঠতে লাগল অসহ্য। মেরুপ্রদেশ ছাড়া শীতকালে সমতল ভূমিতেও যে এমন দুঃখোগ হতে পারে তা আমাদের জানা ছিল না। হা-পিত্যেশ ক'রে আর কতক্ষণ গাঁজার আশায় ব'সে থাকব? ভাবছি, প্রাণটা

থাকতে থাকতে রামসিং এখন ফিরে এলে হয় ! এদিকে একটা একটা ক'রে সূর্য চার-চারটে ছাগল ছুয়ে ফেললে । তার পরে একটা বড় আঙ্গুঠি জ্বলে তার ওপরে দুধ-ভর্তি পেতলের একটা বড় লোটা বসিয়ে সেটাকে নিজের খাটের নীচে রাখলে—তারপরে সে আর জনার্দন পা তুলে খাটে ব'সে রইল ।

সেই যুগল মূর্তি দেখতে দেখতে আমাদের দুঃসময় কাটতে লাগল ।

খানিকক্ষণ বাদে রামসিং ছুটিতে ছুটিতে এসে হাজির হ'ল ।

এতক্ষণে এলি বাপ !—ব'লে আমরাই ছুটে তার কাছে এগিয়ে গেলুম । দেখলুম, ঝুটিতে তার সর্বাঙ্গ ভিজ্জে গিয়েছে, বেচারী শীতে ঠক্ঠক্ ক'রে কাঁপতে লাগল । তাড়াতাড়ি ক'রে সে জামাটা খুলে ফেলে মাটিতে ব'সে প'ড়ে জলন্ত আঙ্গুঠি থেকে দুধের গরম খটটা নামিয়ে আগুন পোয়াতে আরম্ভ ক'রে দিলে । মিনিট পাঁচেক আগুন পোয়াবার পর সে ট্যাঁক থেকে একটা কাগজের মোড়ক বার ক'রে সূর্যের হাতে দিয়ে বললে, তৈরি কর ।

সূর্য কাগজের মোড়কটা খুলে তার কুলোর মত হাতের চেটোয় কিছু মাল তুলে নিয়ে ডাঁটি বিচি ইত্যাদি ফেলে দিয়ে সেগুলোকে কুচি-কুচি ক'রে ছিঁড়ে তাতে কয়েক ফোটা জল দিয়ে বুড়ো আঙুল দিয়ে টেপাটেপি আরম্ভ ক'রে দিলে । তারপরে বিধিমনেত পেষণ ও ক'র্তন ইত্যাদির পালা শেষ হয়ে গেলে কল্কেতে ঠেসে আমাদের দিকে এগিয়ে দিয়ে সূর্য বললে, নাও—পিও ।

সে কি কথা ! তুমি এত কষ্ট ক'রে তৈরি করলে, আগে তুমি টান ।

আমাদের অস্থরোধে সূর্য সলজ্জ বধুর মত একটু হেসে লজ্জিত হয়ে কামানটকে বাগিয়ে ধরলে, আর আমরা ওপর থেকে দেশলাই মারতে লাগলুম । সূর্যের পর আমার ও সূকাস্তের হাতে-খড়ি হ'ল । প্রথম সেবকের পক্ষে আমরা ভালই উত্তরে গেলুম ।

প্রথম ছিলিমে আমাদের দু টান ক'রেও হ'ল না । রামসিং অস্থমতি চাইলে, শীতে কালিয়ে গিয়েছি, একটা বড় ক'রে কল্কে সাজব ?

—নিশ্চয়, নিশ্চয় । অত কিস্তি হচ্ছে কেন ভাই ?

অবিলম্বে দ্বিতীয় ছিলিম তৈরি হ'ল। আরও তিনটি ক'রে টান মেয়ে নেশায় বুদ্ধ হয়ে গেলুম।

নেশার প্রথম দিন, ঠিক যেন ফুলশয্যার রাত্রি। সে অল্পভব করা যায় মাত্র, তার আর ব্যাখ্যা করা চলে না। ছনিয়ার রঙই গেল বদলে। সেই ভাঙা ঘরখানাকে মনে হতে লাগল—যেন দেওয়ান-ই-খাস। দড়ির ঝোলা খাটকে মনে হতে লাগল—তখত্-এ-তাউস্। রামসিং, সুরব ও আমাদের মধ্যে যে জাতি, ধর্ম, সংস্কার ও শিক্ষার প্রাচীর ছিল তা ধোঁয়ার ফুংকারে কোথায় মিলিয়ে গেল। মনে হতে লাগল, এই ছনিয়ায় তারাই আমাদের পরম বন্ধু। সাম্যবাদকে ধারা গাঁজাখুরি ব্যাপার ব'লে থাকেন—তাঁদের কথা যে একেবারে অসত্য নয়, তার প্রমাণ আমরা ব্যক্তিগত জীবন থেকে দিতে পারি। সরাব ও সিদ্ধির নেশার অভিজ্ঞতা ইতিপূর্বে হয়েই গিয়েছিল, এইবার গাঁজায় হাতে-খড়ি হ'ল।

ধারা যোগ-যোগ ক'রে থাকেন এমন অনেকের মুখেই শুনেছি যে, আমাদের এই দৃশ্যমান জগতের মধ্যেই এবং এর অতীতে আরও কয়েকটি জগৎ আছে—অনেকে এগুলিকে বলেছেন, সূক্ষ্মজগৎ। সাধনার পথে অগ্রসর হতে হতে যোগী এই সব জগৎ দেখতে পান। কিন্তু গাঁজার গুণে এই দৃশ্যমান জগৎই সেবকের চোখে অল্প রূপে ধরা দেয়। অরূপকে দেখে সে রূপময়, নিগূর্ণকে দেখে গুণময়। অসুন্দর তার চোখে সুন্দররূপে ধরা দেয়। অমন যে জাঠের মেয়ে সুরববাই—আমাদের চেয়ে মাথায় আধ হাত উঁচু—যার চলনে ফেরনে বলনে কখনও কোন সময়ে একটু মাধুর্যের লেশ চোখে পড়ে নি, তাকেই সুন্দরী ও মাধুর্যময়ী ব'লে মনে হতে লাগল—ধন্য গাঁজা, তুমি গুণ কহই না পার।

একটুখানি খোশগল্প ও হাসাহাসি চলবার পর রামসিং আবার আগের মতন মাথায় কাপড় মুড়ি দিয়ে গুয়ে পড়ল। সুরব গাঁজার মোড়কটা আমাদের হাতে দিয়ে গুয়ে পড়বার যোগাড় করছিল, কিন্তু আমরা তাকে শুতে না দিয়ে এক রকম টেনেই নিয়ে গেলুম আমাদের খাটের কাছে।

চারজন মুড়ি-ঝুড়ি দিয়ে বেশ জমাটি হয়ে ব'সে গল্প শুরু ক'রে দেওয়া গেল। কিছুক্ষণ থেকে বাতাসের সেই উদ্দাম ভাব ক'মে গিয়ে চেপে বৃষ্টি নেমেছিল। সুরষ বলতে লাগল, এই বৃষ্টিতে এখানকার শস্যের খুব ভাল হবে।

আমরা বললাম, শস্যের ভাল হ'লে আর তোমাদের কি লাভ বল? তোমরা তো আর চাষবাস কর না।

সুরষ বললে, আমরা চাষ নাই বা ক'লুম, যারা করবে তাদের তো ভাল হবে। তা ছাড়া আমাদের যে জমিতে অল্প লোক চাষ করে, তারা বেশি শস্য পেলে আমরাও তো তার ভাগ পাব।

চাষবাস জমি-জায়গার কথা হতে হতে সুরষ আবার আগের মতন গভীর বিষন্ন ও মৌন হয়ে পড়ল। আমাদের সামনের দেওয়ালে সেই প্রকাণ্ড গর্ত দিয়ে বাইরে দেখা যাচ্ছিল—বিরাত ভগ্নস্তূপ, ছোট বড় নানা আকৃতির টিপি—যত দূর দৃষ্টি চলে। তার ওপরে রাজ্যের জঙ্গল জন্মেছে। বড় বড় গাছ বেয়ে লতা উঠেছে, তাতে নানা রঙের ফুল ধরেছে। আবার অনেকখানি জায়গায় গাছপালা শুকিয়ে গেছে। আমরা এসে অবধি দেখেছি, এই ভগ্নস্তূপে, এমন কি উঁচু উঁচু গাছের ডগা অবধি ধুলোর আন্তরণে ঢাকা। বৃষ্টিতে সেই আবরণ ধুয়ে গিয়ে জঙ্গলের এক নতুন রূপ আমাদের চোখের সামনে ফুটে উঠতে লাগল।

সেই ভগ্নস্তূপের দিকে চেয়ে থাকতে থাকতে আমাদের মৌন সুরষ আবার মুখর হয়ে উঠল। সে বলতে লাগল—এই যে ভাঙা বাড়ি দেখা যাচ্ছে—একদিন, সে বোধ হয় তিন-চার শো বছর আগে হবে, ছিল এক বিরাত প্রাসাদ। তারা ছিল এই অঞ্চলের রাজা। প্রাসাদ যেমন বড় দেখেছ, ঐশ্বর্যও তাদের কম ছিল না। হাতী ঘোড়া, গরু মহিষ, দাস দাসী, সৈন্য সামন্ত সবই ছিল, কিন্তু সে সবই ধীরে ধীরে চ'লে গিয়েছে—সেই বিরাত প্রাসাদের মধ্যে এই ভাঙা ঘরখানি মাত্র অবশিষ্ট আছে। আর সেই রাজবংশে বাতি দিতে আছি ওই রামসিং আর আমি। ছাগলের দুধ বেচে জীবিকা নির্বাহ করছি, তাও দু-বেলা পেট ভরে অন্ন জোটে না।

বলতে বলতে সূর্যের চক্ষু সজল হয়ে উঠল। তাকে সান্ত্বনা দেবার জগে বললাম, দুঃখ ক'রো না। আমরা শুনেছি ভারতবর্ষের সম্রাটের বংশধরেরা আজ রেজুনে দপ্তরীগিরি করছে, চিরদিন সমান যায় না।

সূর্যকে জিজ্ঞাসা করলুম, তুমিও কি এই রাজবংশেরই মেয়ে?

সূর্য বললে, ই্যা। কয়েক পুরুষ আগে আমরা এই ভাঙা বাড়ি ছেড়ে দিয়ে রাজপুতানায় গিয়ে বাসা বেঁধেছিলুম। কিন্তু এই জঙ্গলের সঙ্গে জনমে জনমে বাঁধা প'ড়ে আছি, যাব কোথায়! রামসিংয়ের বাপ তার ছেলের সঙ্গে আমার বিয়ে দিয়ে এখানে নিয়ে এল—আমার স্বামী ও আমি, আমরা একই বংশের ছেলে মেয়ে।

গল্প বলতে বলতে সূর্য বেশ একটা করুণ আবহাওয়া সৃষ্টি করলে। সে আবার শুরু করলে, আমাদের শিরায় রাজবক্ত বইছে—বলতে গেলে আমরা রাজার মেয়ে ও রাজাপ ছেলে, আজ ছাগলের দুধ বেচে জীবনযাত্রা নির্বাহ করছি।

প্রসঙ্গটা বদলে ফেলবার জগে বললুম, আচ্ছা, তোমরা কখনও ওই ভগ্নস্তম্ভের মধ্যে গিয়েছ?

সূর্য উদাসভাবে বললে, যাই, দরকার পড়লে যেতে হয় বইকি।

বললুম, কি সর্বনাশ! ওই জঙ্গলের মধ্যে আবার দরকার কিসের?

সূর্য একটু হাসবার চেষ্টা ক'রে বললে, যখন ছাগলের দুধ খাকে না, দু-বেলা দুখানা ক'রে রুটিও বন্ধ হয়ে যায়, তখন আমরা স্বামী স্ত্রীতে চ'লে যাই ওই জঙ্গলের ভেতরে, আমাদের বজ্রুগ্দের কাছে—তারা যা দেয় তাই দিয়েই দিন চলে তখন।

বলে কি রে বাবা! তখন নেশার শেষ অবস্থা, একটু ঘুম-ঘুম লাগছিল, শরীরটা আলস্তে ভেঙে পড়ছিল, কিন্তু সূর্যের এই শেষ কথাটা যেন কেমনধারা লাগল। চমকে উঠে জিজ্ঞাসা করলুম, তার মানে? ওর ভেতর গুপ্ত ধন-টন আছে নাকি?

স্থব বললে, আরে, সে তো আছেই। আমাদের পুরুষাহুক্রমে সঞ্চিত ধন ওইখানে পৌঁতা আছে। পূর্বপুরুষেরা ম'রে যাবার পর দেও হয়ে সেই সব ধন আগলাচ্ছে। আমরা ম'রে গেলে আমাদেরও সেই কাজ করতে হবে। কারও সাধ্য নেই সেই সব টাকাকড়ি-জহরতে হাত দেবার। তা হ'লে তৎক্ষণাৎ সেই ব্যক্তির মৃত্যু হবে। কত লোক, কত চোর-ডাকাতের দল যে সেই সব গুপ্তধনের সন্ধানে ওখানে গিয়েছে তার ঠিক-ঠিকানা নেই, কিন্তু কেউ কিছুই পায় নি। যারা সন্ধান পেয়েছে, দেওরা তাদের মেয়ে ফেলেছে—ওখানে গেলে দেখতে পাবে চারিদিকে সেই সব মৃত মানুষের কঙ্কাল ছড়ানো রয়েছে।

—তবে! কি ধন তোমরা আনতে যাও ওখানে?

স্থব বললে, আমাদের প্রাসাদের সবটাই কিছু পাথর দিয়ে তৈরি ছিল না, তার মধ্যে কাঠের দরজা জানলা কড়ি বরগাও ছিল। বজ্রকুগেরা সেই সব কড়ি বরগা দরজা জানলা এখনও পর্যন্ত সযত্নে রেখে দিয়েছেন। দুঃখের দিনে আমরা স্বামী-স্ত্রীতে মিলে সকালবেলা কুড়ুল হাতে ক'রে চ'লে যাই ওই গহন রহস্যের মধ্যে। খুঁজে খুঁজে বড় দেখে একথানা কড়ি সারাদিন ধ'রে দুজনে মিলে চেলা ক'রে সেই সন্ধ্যাবেলা নিয়ে ফিরে আসি—পরদিন বাজারে সেই কাঠ বিক্রি ক'রে আবার যতদিন চলে—আবার যাই, আবার নিয়ে আসি—এমনি ক'রেই তো আমাদের দিন চলে। ছাগলের দুধ বিক্রি ক'রে বা তোমাদের মতন যাত্রী রেখে বছরের আর কটা দিনই বা চলে?

জিজ্ঞাসা করলুম, আচ্ছা, ওখানকার কাঠের সন্ধান আর কেউ জানে না?

—জানে বইকি। কিন্তু সে সব জায়গা এমন ভয়ানক ও দুর্গম যে লোকে যেতে সাহস করে না। তা ছাড়া সে সব কাঠ তো আমাদের সম্পত্তি। বড় বড় সাপ জড়িয়ে আছে সে সব কাঠে। তারা সব দেও, আমাদেরই পূর্বপুরুষদের লোকজন। পাপ-কাজ করেছিল ব'লে সাপ হয়ে আমাদেরই সম্পত্তি আগলাচ্ছে। আমরা ম'রে গেলে তারা সব মুক্তি পাবে।

—তারা তোমাদের কিছু বলে না ?

—কেন বলবে ! তারা তো আমাদেরই লোক ছিল আর আমাদের জন্মেই ওখানে রয়েছে । আমরা গেলেই তারা স'রে যায় । তা ছাড়া সব সময়েই যে আমরা কড়ি বরগা দরজা জানলা নিয়ে আসি তা নয়, দেখতে পাচ্ছ ওখানে কত বড় বড় গাছ জন্মেছে, এই সব গাছ কেটেও মাঝে মাঝে বিক্রি করা চলে, রাজার বংশের লোক আমরা, পরের নোকরি তো আর করতে পারি না । পরমাস্থার কৃপায় এই ক'রেই দিন গুজরান হচ্ছে । শীতকালে ওখানে বাঘ এসে লুকিয়ে থাকে, তারা মাছুষ গরু প্রভৃতি মেরে ওইখানে টেনে নিয়ে যায় । তা ছাড়া কত রকমের শের ও শের-এ-বকর বাস করে ওই ভাড়া প্রাসাদে তার আর ঠিক-ঠিকানা নেই, কিন্তু বজ্রুগদের দয়ায় তারা আমাদের কিছুই বলে না । এই সব দেওয়ালে এত বড় বড় যে গর্ত রয়েছে, বাঘ ইচ্ছা করলেই এর মধ্য দিয়ে ঢুকে আমাদের টেনে নিয়ে যেতে পারে, কিন্তু দেওরা রক্ষা করে ।

এবারে সত্যিই আমাদের নেশা একেবারে ছুটে গেল । গাঁজা সস্তার জিনিস, তার আর জান কতটুকু ! তার পেছনে এমন ক'রে শের, শের-এ-বকর প্রভৃতি জানোয়ার ও দেও লাগলে কতক্ষণ তাদের সঙ্গে লড়াই করতে পারে ! রামসিং ও সুরমের বজ্রুগদের দেও তাদের রক্ষা করে ব'লে তারা যে আমাদের ওপরেও দয়া করবে এমন কোনও কথা নেই ।

আমাদের চারিদিকে অন্ধকার ঘনিয়ে আসতে লাগল । অন্ধকারের সঙ্গে সঙ্গে হাওয়ার জোরও বাড়তে আরম্ভ করল । সুরম আমাদের কাছ থেকে উঠে গিয়ে আক্কেঠিগুলো সব ভ'রে প্রত্যেক খাটের নীচে একটা ক'রে রেখে গেল ।

রাত্রে আহারের কি হবে ! এই দুর্ঘোণে ঘর থেকে বেরুনো অসম্ভব । সকালবেলা যা পেটে পড়েছিল গাঁজার ধোঁয়ায় কখন তা উবে গিয়েছে, ক্ষিধের চোটে পেট চোঁ-চোঁ করতে লাগল । রামসিং সেই যে আমাদের সঙ্গে টেনে বিছানা নিয়েছিল, সে তখনও প'ড়ে আছে । সুরম তাদের সেই প্রদীপ জালিয়ে তারই ক্ষীণ আলোয় এদিক ওদিক কাজ ক'রে বেড়াতে লাগল ।

সে ছাগলগুলোকে বাচ্চা ও ধাড়ী হিসাবে স্থানে স্থানে বেঁধে তাদের সামনে চাট্টি ক'রে শুকনো ঘাস ছড়িয়ে দিলে। কুকুরগুলো ইতিমধ্যে কোথায় চরতে গিয়েছিল, তারা একটা একটা ক'রে পরদা ঠেলে ঘরে এসে জমতে লাগল। আমরা স্রবকে ডেকে জিজ্ঞাসা করলুম, তোমরা রাত্রে কি খাও ?

স্রব বললে, রাত্রে খাবার আমাদের কিছুই ঠিক নেই, আজ আর কিছুই খাব না। নেহাত ক্ষিধে পেলো আটা মেখে গুড় দিয়ে খেয়ে নেব। আমার ঘরে আটা গুড় আছে, মেখে দেব, খাবে ?

—না বাবা ! কাঁচা আটা আমরা হজম করতে পারব না। কালই গুর নাম কি হয়ে যাবে !

জিজ্ঞাসা করলুম, এ বেলায় তো দুধ বিক্রি হয় নি, দুধ আছে না ?

স্রব বললে, হাঁ হাঁ, দুধ আছে।

বললুম, আমাদের এক-একজনকে আধ সের ক'রে গরম দুধ দিতে পারবে না ?

স্রব খশি হয়ে বললে, হাঁ হাঁ খুব পারব—কেন পারব না ? আধ সেরের দাম চার পয়সা, তিনজনের দেড় সের, তা হ'লে তিন আনা দাও।

আমরা তখনি স্রবকে তিন আনা পয়সা দিলুম। সে আলাদা একটা ছোট মাটির কঁড়ে-গোছের পাত্রে দেড় সের দুধ ঢেলে একটা আঙুঠি জেলে তার ওপরে কঁড়েটা বসিয়ে দিলে।

দুধ জ্বাল হতে লাগল। সেই ফাঁকে জনার্দন কাগজের মোড়কটা ট্যাক থেকে বের ক'রে বললে, তা হ'লে আর এক ছিলিমের বন্দোবস্ত করা ষাক।

স্রবকে ডেকে অনেকখানি গঞ্জিকা তার হাতে দিয়ে জনার্দন বললে, তৈরি কর।

স্রব বললে, সবটা এখনই সেজে কি হবে ? এত বড় রাত এখনও সামনে প'ড়ে রয়েছে, আজ রাত্রে দেবতার কি মজি আছে কে জানে !

—কেন বল দিকিন ?

স্বরঘ বললে, আজ রাতে খুব ঝড় হবে বলে মনে হচ্ছে। এরকম ঝড় আর একবার হয়েছিল, তাতেই তো পাশের ঘরখানা ও এই ঘরের ওই কোণের দিকটা পড়ে গেল। এবার ঘরখানা সবটা না পড়লেই বাঁচি।

—বল কি! তা হ'লে তো আর কিছু বাড়াবাড়ি হবার আগেই ইষ্টিশানের দিকে পাড়ি ভ্রমতে হয়।

স্বরঘ অভয় দিয়ে বললে, কিছু করতে হবে না, দেবতা আছেন, সব ঠিক ক'রে দেবেন।

তার পরে চারদিকে চেয়ে পরম উদাস্তভরে বললে, প'ড়েই যদি যায়, এবার তবে ওই কোণটা প'ড়ে যাবে, তাতে আমাদের কিছু হবার ভয় নেই।

সত্যি কথা বলতে কি, স্বরঘের অভয়-বাণীতে ভরসা কিছু পেলুম না। ঘরের খানিকটা প'ড়ে যাবে, বাকি খানিকটায় আমরা থাকব, সেই ব্যাপারের পরেও আমাদের থাকা সম্বন্ধে একেবারে নিশ্চিত হতে পারছিলুম না।

রামসিং তখনও মাথা মুড়ি দিয়ে ঘুমুচ্ছিল। ইতিমধ্যে গাঁজা তৈরি ক'রে স্বরঘ তাকে ডেকে তুললে। তারপরে গোল হয়ে ব'সে আবার আমরা মেঘলোক সৃষ্টি করলুম। বেশ নেশা হ'ল, আনন্দও কিছু কম হ'ল না; কিন্তু ওই ঘর চাপা পড়ার আশঙ্কায় থেকে থেকে মনটা বিগড়ে যেতে লাগল। দু-একবার রামসিংকে এ বিষয়ে জিজ্ঞাসা করায় সে বললে, হাঁ, দেওতার যা মর্জি আছে তাই হবে।

ছাত চাপা পড়বার আশঙ্কা নেই—এমন কথা রামসিং বললে না। কত বড় দার্শনিক হ'লে তবে আসন্ন বিপদে আত্মরক্ষার কোনও চেষ্টা না ক'রে তাকে পরাশক্তির লীলা বলে গ্রহণ করা যায় তা বিপদের সম্মুখীন না হ'লে বোঝা যায় না।

রামসিং এবার আর না শুয়ে আমাদের সঙ্গে গল্প করতে লাগল। স্বরঘের মুখে ঘর পড়ার কথা শুনে আমরা ভয় পেয়েছি বুঝতে পেরে দু-একটা অভয়-বাক্যও শোনালে। ইতিমধ্যে স্বরঘ একটা ছোট লোহার কড়াইতে

ক'রে তিনবারে আমাদের তিনজনকে দুধ খাইয়ে বাকি দুধটুকু তারা স্বামী-স্ত্রীতে খেয়ে ফেললে।

গাঁজার ওপরে গরম খাঁটি দুধ পড়ায় ঘর চাপা পড়ার আশঙ্কা কিছু দূর হ'ল বটে, কিন্তু ঝড় ক্রমেই যেন বাড়াবাড়ি করতে শুরু ক'রে দিলে। ঝড়ের বাতাস কি রকম ঘুরপাক খেতে খেতে দেওয়ালের সেই সব বিরাট গর্ত দিয়ে ঢোকবার চেষ্টা করতে লাগল, আর সেই সঙ্গে কামান-গর্জনের মতন একটা নিরবচ্ছিন্ন আওয়াজ হতে লাগল—বুম্-বুম্-বুম্। পিছনের সেই জঙ্গল, যাকে কয়েক ঘণ্টা আগেও শান্ত শ্রীমণ্ডিত ঘুমন্ত রূপসীর মতন মনে হচ্ছিল, ঝড়ের পরশ পেয়ে সে যেন সর্বনাশিনী মূর্তি ধ'রে জেগে উঠল। থেকে থেকে বিদ্যাতের চমকানিতে তার রূপ এক-একবার আমাদের চোখে প্রতিভাত হচ্ছিল—মনে হতে লাগল, গাছগুলো যেন অসংখ্য বাছ মেলে আকাশ স্পর্শ করতে উগত হচ্ছে, কিন্তু তখনি আবার কে তাদের খুঁটি ধ'রে মাটির দিকে নামিয়ে দিচ্ছে। কখনও বা মনে হয়, সুরষ-বর্ণিত সেই কালনাগিনীর দল শৌ-শৌ শব্দে আকাশে ছুটোছুটি করতে করতে সহস্র শাখায় তাদের অগ্নিজিহ্বা বিস্তার করছে আর সঙ্গে সঙ্গে আওয়াজ হচ্ছে—কড়-কড়-কড়াং। সঙ্গে সঙ্গে সেই নিরবচ্ছিন্ন আওয়াজ চলছে—বুম্-বুম্-বুম্! আমি কলকাতাবাসী জীব, প্রকৃতির আত্মঘাতিনী সেই স্বৈরিনী মূর্তি দেখা তো দূরের কথা, এক শো মাইল বেগে বাতাস বইলে আমার জানলায় ফুর-ফুর ক'রে দক্ষিণার আমেজ দেয়; কিন্তু জনার্দন ও স্বকান্ত দুজনেই তারা পূর্ববন্ধের ছেলে, ঝড়ের কোলেই তারা এক রকম মাতুষ হয়েচে—ব্যাপার দেখে তারাও বেশ ভড়কে গেল।

এদিকে আমাদের ঘরের প্রদীপটি একবার বাতাসের এক ঝটকায় নিবে গেল। ঘরের মধ্যে বাতাস এমন ছুটোছুটি করতে আরম্ভ করলে যে, প্রদীপ জ্বালানো আর সম্ভব হ'ল না। সেই অন্ধকারে ব'সে ঝড় সম্বন্ধে আরও কিছুক্ষণ আলোচনা ক'রে রামসিংহ তো লম্বা হ'ল। সুরষ আমাদের আশ্বাস

দিয়ে বললে, কোনও ভয় নেই। ওপরে দেবতা রয়েছেন, তাঁকে স্মরণ ক'রে শুয়ে পড়।

স্বরূপ শোবার যোগাড় করতে লাগল। আমরা দেশলাই জেলে জেলে নিজেদের খাটিয়ার কাছে এসে গায়ের কাপড় আড়াল ক'রে ধ'রে মোমবাতি জালিয়ে নিয়ে বসলুম। আমাদের শোবার জায়গাটায় বাতাস তত জোর ছিল না, তবুও ক্ষীণ মোমবাতির পক্ষে বেশিক্ষণ তার বেগ সহ্য করা সম্ভব হ'ল না। কি আর করি—নিরুপায় হয়ে সেই সন্ধ্যারাত্রেই শুয়ে পড়তে হ'ল।

শুয়ে তো পড়লুম, কিন্তু ঘুম কোথায়! সেই নিবিড় অন্ধকারের মধ্যে সহস্র নাগিনী ও সহস্র কামানের প্রতিযোগিতা চলেছে। এরই মধ্যে আবার নেশার ঘোরে কত রকমের চিন্তা মাথার মধ্যে জোট পাকতে লাগল। মনে হতে লাগল, কবে অতীতের কোন্ এক বিস্মৃত দিনে রাম-সিংয়ের পূর্বপুরুষের কে এই প্রাসাদ প্রতিষ্ঠা করেছিল—আজকের এই দিন যে ভবিষ্যতের গর্ভে লুকিয়ে ব'সে ছিল, সে কথা কি সে ব্যক্তি ভাবতে পেরেছিল! কত রকম চিন্তা ভিড় করতে লাগল মগজে—কখনও বা নিজের মনেই হাসি, কখনও মনে হয় নেশাটা বড্ড চেপে ধরেছে। নিজের মনে ভাবতে ভাবতে বাইরের সেই প্রচণ্ড শব্দ ক্রমেই যেন ক্ষীণ হয়ে আসতে লাগল। বড়ের সেই ভীষণ শব্দগুলো যেন দূরে চ'লে যেতে লাগল—দূর—দূর—দূরতর—দূরতর, তারপর কখন করুণাময়ী নিদ্রা এসে সকল চিন্তা দূর ক'রে দিলে।

কতক্ষণ ঘুমিয়েছিলুম জানি না, হঠাৎ বাহুতে একটা ধাক্কা পেয়ে ঘুমটা ভেঙে গেল। আমাদের খাট তিনটে একেবারে গায়ে-গায়েই পাতা ছিল। আমার পাশেই ছিল জনার্দনের খাট। তার ধাক্কা খেয়ে আমি ধডমড় ক'রে উঠে বসলুম। আমার সঙ্গে সঙ্গে সে-ও উঠে ব'সে আমাকে চেষ্টা করে কি যেন বললে। কিন্তু তখন কার সাধ্য কিছু শুনতে পায়! বাইরে ক্রুদ্ধ প্রকৃতির হুঙ্কার চলেছে অবিচ্ছিন্ন ধারায়, তা ভেদ ক'রে কোনও শব্দ কি আর কানে যায়! আমি চীৎকার ক'রে জিজ্ঞাসা করতে লাগলুম, কি রে, কি বলছিস?

জনার্দনও চেষ্টাতে লাগল।

মিনিটখানেক এই রকম চলবার পর জনার্দনের কণ্ঠস্বর কানে গেল। জনার্দন বললে, বাতিটা শীগগির জাল্—আমায় বোধ হয় সাপে কামড়েছে।

কি সর্বনাশ!

জনার্দন চীৎকার করতে লাগল, ওরে বাবা রে! ম'রে গেলুম বে! বাবা গো, আব পারি না।

বাস্! বাইবে ঝড়ের সেই ভীষণ আওয়াজ আমার শ্রবণে ক্ষীণ হয়ে গেল। জনার্দনের আতনাদ সব শব্দ ছাপিয়ে উঠতে লাগল। তক্ষুনি স্বকাস্তকে ঠেলে তুলে বললুম, শীগগির ওঠ, জনার্দনকে সাপে কামড়েছে।

মোমবাতি জ্বালাবার চেষ্টা করতে লাগলুম, কিন্তু ঘরের মধ্যে তখন ঝড় চলেছে, দেশলাই জ্বালাই আর নিবে যায়। শেষকালে একটা পাটিয়াকে পাশ ফিরিয়ে দাঁড় করিয়ে তার ওপর কাপড় দিয়ে একটা পর্দার মতন ক'রে তার পাশে মোমবাতি জ্বালালুম।

জনার্দন বললে, ওঠবার জন্তে মাটিতে পা রাখা মাত্র কিসে কামড়ালে, নিশ্চয় সাপ—অসহ্য যন্ত্রণা রে বাবা, আর সহ্য করতে পারছি না।

জনার্দনের কথা শুনেই স্বকাস্ত তো ভেউভেউ ক'রে কঁদে উঠল। কিন্তু

এখন কাঁদলে চলবে না, একটা কিছু চেষ্টা করা চাই। শুনেছিলুম যে, সাপে কামড়ালে দষ্ট স্থানের ওপরেই গোটা কয়েক বাঁধন দিতে হয়। কিন্তু দড়ি কোথায় পাই! ছুটে গিয়ে স্বরষকে ধাক্কা দিয়ে তুললুম। সে হাঁউমাউ করে ওঠার সঙ্গে সঙ্গে রামসিংও উঠে পড়ল। সব শুনে তারা ছুটে জনার্দনের কাছে এল। ডান পায়ের বুড়ো আঙুলে কামড়েছে শুনেই রামসিং সেই আঙুলটা মুখে পুরে দিয়ে চুষতে আরম্ভ করে দিলে।

ওদিকে জনার্দন চীৎকার করতে লাগল, ও বাবা! আর যে পারি না! ও বড়দা ও মেজদা ও সোনাদা রাঙাদা তোমরা কোথায় আছ, আমি যে মরি!

স্বরষকে বললুম, পায়ে দড়ি বাঁধতে হবে, দড়ি দিতে পার?

সে ছুটে গিয়ে ধাড়ী ছাগলগুলোর গলা থেকে সব দড়ি খুলে নিয়ে এল। আসবার সময় তাড়াতাড়িতে দু-চারটে কুকুরের পেটে পা দিতে তারা কেঁউকেউ করে চীৎকার শুরু করলে। ঘরের মধ্যে কুকুর ছাগল ও জনার্দন, আর বাইরে ঝড়ের আওয়াজ মিলে এক বীভৎস রঙ্গের সৃষ্টি হ'ল।

আমি ও স্বরষ মিলে জনার্দনের পায়ের গাঁট থেকে আরম্ভ করে হাঁট অবধি চার জায়গায় বাঁধলুম। ওদিকে রামসিং জনার্দনের পা চুষে চুষে বার তিন-চার খুঁত ফেলে বললে, সাপে কামড়ায় নি, মনে হচ্ছে বিচ্ছুতে কামড়েছে।

তারপরে সে আস্তে আস্তে বললে, সাপে কামড়ালেও মরে, বিচ্ছুতে কামড়ালেও মরে, তবে সাপে কামড়ালে এত যন্ত্রণা হয় না, এ বিচ্ছুতে কেটেছে ব'লেই মনে হচ্ছে।

রামসিংয়ের কথা শুনে জনার্দন আরও চেঁচাতে শুরু করে দিলে। সেই সঙ্গে তাল মিলিয়ে স্নকাস্তও শুরু করলে, ওরে বাবা! কি হবে রে!

ওদিকে জনার্দনের রজ্জুবদ্ধ পা-খানা দেখে দেখে করে ফুলে ঢোল হতে লাগল। স্বরষ তার পায়ের অবস্থা দেখে বললে, যখন বিচ্ছুতেই কেটেছে তখন বাঁধন দিয়ে ওর কষ্ট বাড়িয়ে লাভ কি, ওকে শান্তিতে মরতে দাও—

কিন্তু বাঁধন কাটি কি ক'রে! দেখতে দেখতে জনার্দনের পা-খানা ফুলে এমন অবস্থা হ'ল যে, বাঁধনের দুই পাশ ফুলে দড়িগুলো মাংস কেটে ব'সে যেতে লাগল। শেষকালে সূর্য তার বিছানার তলা থেকে ইয়া বড় চক্চকে এক খাঁড়ার মতন অস্ত্র টেনে বার করলে। সেই সাংঘাতিক জিনিস দিয়ে জনার্দন বেচারীর পা-খানা ক্ষত-বিক্ষত ক'রে বাঁধন চারটে কেটে ফেলা গেল।

বাঁধন খোলার পর বোধ হয় মৃত্যু অবধারিত বুঝতে পেরে জনার্দনের আক্ষেপ আরও বেড়ে গেল।

আমি ও সূকাস্ত ঠিক করলুম, এই ভাবে জনার্দনকে বিনা চিকিৎসায় মরতে দেওয়া হবে না। রামসিং ও সূর্যকে বললুম, তোমরা দুজনে একে দেখ, আমরা শহর থেকে একজন ডাক্তার ডেকে নিয়ে আসি। এখানে সব থেকে বড় ডাক্তারের নাম কি, কোথায় থাকেন তিনি?

রামসিং হেসে বললে, ডাক্তার! সে যত বড় ডাক্তারই হোক না কেন, কিছুই করতে পারবে না।

সূর্য বললে, এই ঝড়-তুফানে বাইরে গেলে বাঁচবে! গাছ চাপা প'ড়ে পথে ম'রে থাকবে। যে মরছে তাকে মরতে দাও, দেওতার যা ইচ্ছে তাই হবে, তাই ব'লে তিনজনে মিলে মরবে কোন্ বুদ্ধিতে?

তবে! বন্ধু বিনা চিকিৎসায় ম'রে যাচ্ছে তাই বা দাঁড়িয়ে দেখি কি ক'রে?

আমরা বেরুতে যাচ্ছি, এমন সময় সূর্য আমাদের একরকম বাধা দিয়ে বললে, দাঁড়াও। ডাক্তার কিছুই করতে পারবে না—

তারপরে সে তার পরনের কাপড়-চোপড়গুলো এঁটে পরতে পরতে পাশের সেই বিরাট ভগ্নস্তম্ভের দিকে আঙুল দেখিয়ে বললে, ওই জঙ্গলের মধ্যে একরকম লতা জন্মায়, সেই লতা বেটে দষ্ট স্থানে লাগাতে পারলে ও বেঁচে যেতে পারে, তা না হ'লে যে রকম লক্ষণ দেখছি তাতে মনে হচ্ছে, আর কিছুক্ষণের মধ্যেই ওর মৃত্যু হবে।

এই অবধি ব'লে সে নিজের ঠেট ভাষায় চীংকার ক'রে তার স্বামীকে কি বললে। স্বরঘের কথা শুনেই রামসিং বিনাবাক্যব্যয়ে উঠেই মাথায় কাপড়খানা বেশ ক'রে জড়িয়ে নিলে। তারপরে সেই অসভ্য নিরক্ষর জাঠ-দম্পতি—যারা ছাগলের দুধ বেচে জীবিকা অর্জন করে, দিন কয়েক আগেই যারা পরস্পরে খুনোখুনি ক'রে মরছিল, ছুটে ঘর থেকে বেরিয়ে সেই প্রভঞ্নের বৃকে ঝাঁপিয়ে পড়ল—যে সময়ে ক্ষুদ্রতম কীট-পতঙ্গও নিজের আশ্রয় ত্যাগ করে না, তারা গেল সেই অন্ধকারের মধ্যে, সেই উচু-নীচু ধ্বংসস্থাপে,—যেখানে বাঘ, শাপ, বিছু, শেয়াল—কি না আছে, চ'লে গেল এক অপরিচিতের প্রাণ বাঁচাবার জন্তে, সেই গুহধির সন্ধানে।

এদিকে জনার্দনের চীংকারেব বিরাম নেই। সে তারস্বরে চেঁচিয়েই চলল। আমি কিসে যেন পড়েছিলুম যে, সর্পদষ্ট ব্যক্তির কিছুক্ষণ পরে গলার স্বর ভেঙে যায়। অনবরত চীংকার ক'রেই হোক অথবা অগ্নি যে কোনও কারণেই হোক ক্রমেই যেন জনার্দনের কণ্ঠস্বর ভেঙে আসতে লাগল। সে চেঁচাতে লাগল, ওরা কি আমার বাড়িতে খবর দিতে গেল ?

—না, ওরা তোমার জন্তে গুহু আনতে গেল।

—আর গুহুে কি হবে! আমি বেশ বুঝতে পারছি, আমার হাত পা সব ঠাণ্ডা হয়ে আসছে। ও রাঙাদা—রাঙাদা গো—

বললুম, জনার্দন, চেঁচিয়ে নিজেকে কেন ক্লান্ত করছিস ভাই ?

জনার্দন হাঁপাতে হাঁপাতে বললে, মরবার সময় ভাইকে ডাকছি, যদি শুনতে পায়—

—কোথায় বিক্রমপুরের কোন্ গাঁয়ে তোর বাড়ি, আর কোথায় এই ভরতপুর! এখান থেকে চীংকার পাড়লে কি তারা শুনতে পায় কখনও ?

—হায় হায়! তবে মরবার সময় কারুকে দেখতে পেলুম না।

জনার্দন যত এই ধরনের কথা বলে, স্বকান্তর কান্নার বেগ ততই বাড়তে

থাকে। স্বকান্ত ও জনার্দন একই দেশের ছেলে। সে কাদে আর বলে, ওর বাড়িতে মুখ দেখাব কি ক'রে ?

এদিকে জনার্দনের কণ্ঠস্বর ভেঙে গেলেও তার চীৎকারের বিরাম নেই। সে বলতে লাগল, যে শাপটা তাকে কামড়েছে সেটাকে সে দেখেছে, একেবারে কালশাপ রে বাবা! ও বাবা, তুমি কোথায়? ব্রহ্মশাপ না হ'লে লোককে সাপে কামড়ায় না। হরিশ্চন্দ্রের ছেলে রোহি ঠাণ্ডকে সাপে কামড়েছিল, তাকে মাত্র একটা ব্রাহ্মণে শাপ দিয়েছিল, আর আমি দেশহুত্ৰ ব্রাহ্মণের দানের টাকা মেরে নিয়ে এসেছি, এতগুলো বামুনের অভিসম্পাত, ওরে কি হবে রে!

এই রকম সব বকতে বকতে ক্রমে সে নিজীব হয়ে পড়ল। আন্তে আন্তে তার কথা বলাও শেষ হয়ে গেল।

স্বকান্ত বললে, বাস! দেখছ কি? শেষ হয়ে গেল।

স্বকান্ত জনার্দনের মাথার কাছ থেকে উঠে নিজের খাটে গিয়ে বসল। আমিও সেখান থেকে উঠে মেঝেতে যেখানে মোমবাতিটা জলছিল, সেখানে গিয়ে বসে পড়লুম।

বাইরে তুফান গর্জাতে লাগল।

সেই প্রকাণ্ড প্রায়াক্ককার ঘরে আমরা দুজন জেগে, আর একজন নিদ্রিত কি মহানিদ্রাগত তা জানি না। কুকুর ছাগলগুলোও ঘুমিয়ে পড়েছে। এতক্ষণ পরে সমস্ত ব্যাপারটা ভাল ক'রে চিন্তা করবার অবসর পেলুম। বেশ বুঝতে পারলুম যে, জনার্দন যদি ম'রে গিয়ে থাকে তো কাল সকালেই পুলিশের লোক এসে তার মৃতদেহ আর আমাদের জীবন্ত দেহ নিয়ে একচোট টানা-পোড়েন করবে। পুলিশের কবল থেকে যদি ভালয়-ভালয় মুক্তি পাই তো প্রথমে জনার্দনের দেহের সংকার করতে হবে। তার পরে কি হবে?

ভাবতে লাগলুম, ব্রাহ্মণের অভিশাপে জনার্দন না হয় মারা গেল। কিন্তু এ কার অভিশাপ আমার জীবনকে এমন পাকে-পাকে জড়িয়ে ধরেছে! যেখানে যাই, যে কাজেই অগ্রসর হই ঠিক সাফল্যের পূর্ব-মুহূর্তটিতে অতর্কিতে বাধা এসে

সব পণ্ড ক'রে দেয়। এই তো বরাবরই দেখে আসছি। কোথায় জমা হয়ে আছে এই বাধা, কে প্রয়োগ করছে এই বাধা—আমার ইচ্ছাকে, আমার জীবনকে বিপর্যস্ত করবার এই চক্রান্ত প্রকৃতির মধ্যে লুকিয়ে রয়েছে কেন? কি আমার অপরাধ?

কার প্রতি জানি না—ধীরে ধীরে একটা অভিমান আমার অন্তরে জমা হতে লাগল। এই দুর্জয় অভিমানে আত্মহত্যা করবার প্রবল ইচ্ছা আমার মনের মধ্যে লাফালাফি করতে শুরু ক'রে দিলে। আমি ঠিক করলুম, জনার্দন যদি ম'রে যায় তো ওই টিনে যত অর্থ এখনও অবশিষ্ট আছে তা স্বকান্তর হাতে দিয়ে তাকে বাড়ি পাঠিয়ে দেব। আমি কিন্তু আর ফিরব না—ফিরব না বটে, কিন্তু জীবনযুদ্ধ থেকে একেবারে স'রে দাঁড়াব। কোনও চেষ্টা করব না জীবনে কোনও উন্নতি করবার। আমি খুঁজব তাঁকে, যিনি আমার ভাগ্যলিপি লিখেছেন। জিজ্ঞাসা করব তাঁকে, কেন তিনি দিলেন আমার মধ্যে এই আবেগ ও আকুলতা, অথচ সংসারের প্রতিটি জিনিসকে লেলিয়ে দিলেন আমার বিরুদ্ধে—যেন কোনও কাজেই আমি সাফল্যলাভ করতে না পারি। কেন! কেন! কি আমার অপরাধ?

আমার পাশের মোমবাতিটা ফুরিয়ে গিয়ে অনেকক্ষণ থেকে নোটিশ দিচ্ছিল—দাউদাউ ক'রে কিছুক্ষণ জ'লে সেটা নিবে গেল।

অন্ধকারে ব'সে ভাবতে লাগলুম, আস্তক ওই জঙ্গল ও ভগ্নস্তূপ থেকে বাঘ নেকড়ে—আস্তক বিচ্ছুর দল—কামড়ে মেরে ফেলুক আমাকে—আমি নড়ব না।

একটু পরে স্বকান্ত আর একটা মোমবাতি জালিয়ে আমার পাশে রেখে উবু হয়ে বসল। দেখলুম, তখনও তার চোখে জল রয়েছে। তাকে আমার সংকল্পের কথা বলায় সে ঘাড় নেড়ে বললে, আমিও তোমার সঙ্গে যাব, বাড়ি যাবার কথা আমায় ব'লো না। জনার্দন যদি মারা যায় তো কোন্ মুখ নিয়ে আমি বাড়ি যাব? তা ছাড়া বন্ধুকে এমনভাবে ফেলে সব টাকা নিয়ে মজা ক'রে আমি বাড়ি যেতে চাই না। তুমিও যেখানে যাবে, আমিও সেখানে যাব।

স্বকান্ত আমার আরও কাছে এসে তার একটা হাত দিয়ে আমার গলা জড়িয়ে ধরলে। স্বদূর অতীতে হৃদিনের সেই দারুণ রাতে সে আমায় কি কি বলেছিল তার খুঁটিনাটি কথা আজ আর ভাল ক’রে মনে পড়ছে না, কিন্তু সেই ঘটনাকে আশ্রয় ক’রে তার সঙ্গে আবার যেন নতুন ক’রে আমার বন্ধুত্ব হ’ল। যদিও ভবিষ্যতে তার জীবনের কর্মক্ষেত্র ছিল আলাদা—সে থাকত এক জায়গায়, আমি থাকতুম আর এক জায়গায়। তবুও যখনই যেখানে দেখা হয়েছে আমরা পরস্পরকে জড়িয়ে ধরেছি—অতীতের সেই ভয়ঙ্কর রাতে চোখের জলে আমাদের যে বন্ধুত্ব পাকা হয়েছিল হাসতে হাসতে সে কথা আলোচনা করেছি।

একবার অনেক দিন অসাক্ষাতের পর সকালবেলা প্রায় দশটার সময় এসে স্বকান্ত জিজ্ঞাসা করলে, ইয়া রে! ওই যে অমুক কাগজে ‘মহাস্থবির জাতক’ নামে একটা লেখা বেরুচ্ছে, সেটা নাকি তুই লিখছিস?

বললুম, ই্যা।

স্বকান্ত বললে, ও বাবা! তা হ’লে আমাদের সেই সব কথা ফাঁস ক’রে দিবি নাকি?

জিজ্ঞাসা করলুম, কেন, তোর আপত্তি আছে?

স্বকান্ত একটু ভেবে বললে, না, আপত্তি আর কি, তবে নামটা আর দিস নি। ছেলেপুলে বড় হয়েছে—নাতি-নাতনৌ আসছে, সে সব কেলেকারি—তুজনে একচোট খুব হাসা গেল।

বললুম, অনেক দিন পরে দেখা হ’ল—দু-দিন থাক্ না আমার কাছে।

সে বললে, না ভাই, এবার অমুক জায়গায় উঠেছি, সেখান থেকে হঠাৎ চ’লে এলে কি মনে করবে তারা? এর পরের বারে একেবারে তোর এখানে এসে উঠে কদিন থাকব।

ঘটাখানেক হাসি-গল্প ক’রে স্বকান্ত চ’লে গেল। বোধ হয় দু-তিন দিন পরেই শুনলুম, স্নানের ঘরে অস্বাভাবিক দেরি হচ্ছে দেখে তার আত্মীয়েরা দরজা ভেঙে দেখলে, তার প্রাণহীন দেহ বাথ-টবের পাশে প’ড়ে রয়েছে।

যাই হোক, আমরা তো জনার্দনকে নিয়ে সেইভাবে বঁসে রইলুম। প্রায় ঘণ্টাখানেক পরে রামসিং ও সুরষ ফিরে এল, তাদের মাথায় বড় বড় দুই লতার বোবা। বোবা নামিয়ে তখুনি ডাঁটা থেকে পড়পড় ক'রে রাশিকৃত পাতা ছিঁড়ে নিয়ে সুরষ বাটতে আরম্ভ ক'রে দিলে।

রামসিং বললে, এ লতার নাম বিশল্যকরগী, লক্ষ্মণজীর জন্তে মহাবীরজী এই লতা হিমালয় থেকে লঙ্কায় নিয়ে গিয়েছিল। তাঁদের সঙ্গে এ ওষধি অমোধ্যায় যায়—তার পরে ভরতজী যখন এখানে রাজ্য প্রতিষ্ঠা করেন, তখন তাঁর লুকুমে এইখানে বিশল্যকরগী লাগানো হয়েছিল। এ লতা জঙ্গলে জন্মায় বটে, কিন্তু যে-সে জঙ্গলে তা ব'লে হয় না।

ওদিকে সুরষ তাল তাল সেই পাতা বাটতে লাগল, আর রামসিং জনার্দনের পায়ের পাতা থেকে আরম্ভ ক'রে প্রায় কুঁচকি অবধি খেবড়ে খেবড়ে সেগুলো বসিয়ে দিতে লাগল। সব লাগানো হয়ে গেলে মেঝে পবিশ্বার ক'বে সেখানে জনার্দনকে শোয়ানো হ'ল। রামসিং ও সুরষ দুজনেই বেশ করে তাকে পরীক্ষা ক'রে বললে, এখনও প্রাণ আছে—বঁচে যাবে ব'লে মনে হচ্ছে।

এই সব করতে করতে ফরসা হয়ে গেল। সকালের দিকে বৃষ্টি একেবারে থেমে গেল বটে, কিন্তু তখনও হাওয়ার জোর ছিল, রোদ ওঠার সঙ্গে সঙ্গে হাওয়ার জোরও কমে গেল—প্রসন্ন সূর্যালোকে আবার পৃথিবী হাসতে লাগল।

এতক্ষণে জনার্দনকে তাল ক'রে দেখবার সুযোগ পেলুম। মনে হ'ল, তার মুখখানা যেন কালো হয়ে গিয়েছে। খুব আস্তে আস্তে সে নিশ্বাস নিচ্ছিল—সুরষ কয়েকবার নাকেব কাছে হাত দিয়ে দেখে বললে, ও এখন বিষের ঘোরে ঘুমচ্ছে, সেই বিকেল নাগাদ ঘুম ভাঙবে। পরমাশ্রা ওকে বাঁচিয়ে দিলেন—

সকালবেলা দুধের খন্দেররা এসে কেউ দুধ পেল না। রাত্রে ধাড়ীদের গলায় দড়ি খুলে জনার্দনের পায়ে বাঁধা হয়েছিল, সেই তালে তারা বাচ্চাদের কাছে গিয়ে দুধ খাইয়ে দিয়েছে। খন্দেররা দুধ পেল না বটে, কিন্তু মজা পেল। দুধ না পাওয়ার কারণটিকে তারা দেখে গেল। তারপর নিজ নিজ

মহল্লায় গিয়ে বেশ ফলাও ক'রে গল্প করার ফলে চার দিক থেকে দলে দলে লোক আসতে লাগল জনার্দনকে দেখতে। আমাদের উপকার করতে গিয়ে সেদিন তাদের সকালবেলার রোজগারটি নষ্ট হ'ল। তারপরে সেই দড়িগুলো কেটে ফেলায় ভবিষ্যতের অবস্থাও খারাপ হ'ল দেখে আমরা তাদের দড়ি কেনবার পয়সা তো দিলুমই, তা ছাড়া খোরাকি বাবদও কিছু দিলুম।

বেলা বাড়ার সঙ্গে সঙ্গে দর্শনার্থীর ভিড় ক'মে আসতে লাগল। সূর্য্য বললে, যাও, তোমরা খেয়ে এস। রুগীর অবস্থা দেখে মনে হচ্ছে, আর ভয় নেই। বিকেল নাগাদ ও ভাল হয়ে উঠবে, তখন একটু গরম দুধ খাইয়ে দেব, সব ঠিক হয়ে যাবে।

সেদিন বিকেল নাগাদ জনাদন সত্যিই ভাল হয়ে উঠল। চ'লে-ফিরে বেড়াতে না পারলেও, সে উঠে ব'সে আমাদের সঙ্গে হেসে কথা বলতে লাগল। জনার্দনকে বললুম যে, সূর্য্য ও রামশিং সেই দুযোগে প্রাণ তুচ্ছ ক'রে বেরিয়ে গিয়ে লতা এনেছিল ব'লেই সে বেঁচে গিয়েছে। নইলে—

জনাদন যখন সূর্য্যের হাত ধ'রে তাদের কাছে কৃতজ্ঞতা জানাতে লাগল, তখন তাদের স্বামী-স্ত্রী দুজনের চোখেই অশ্রু ফুটে বেরল। বাইরের আবরণটা কঠিন হ'লেও বুঝলুম, তাদের ভেতরটা তখনও দরদে ভরা রয়েছে।

সূর্য্য বললে, বৃষ্টি-বাদলের দিনে সব বিছু বেরোয়, তোমরা বিছানাপত্র ভাল ক'রে ঝেড়ে নাও।

আমরা বিছানা খাট ভাল ক'রে ঝেড়ে আছড়ে আবার বিছানা পাতলুম। জনাদনের বিছানা ঝাড়তে গিয়ে প্রায় এক পিৎস লম্বা ও সেই অল্পপাতে মোটা, গায়ে খাড়া খাড়া রোঁয়াওয়ালা একটা বিছু বেরিয়ে পড়ল। তখনি জুতোপেটা ক'রে তো সেটাকে মেঝে ফেলা হ'ল। ওরা বললে, একবার কামড়ালে সাত দিন আর ওদের বিষ থাকে না, কাজেই আজকে যদি ওটা কামড়াত তা হ'লে কিছুই হ'ত না। সঙ্গে সঙ্গে এ কথাও বললে যে, এই

শ্রেণীর বিচ্ছুর বিষ প্রায়ই মারাত্মক হয়ে থাকে। এরা যদি সাপকে কামড়ায় তো সাপ ম'রে যায়।

বিকেলবেলা জনাদনকে আধ সেরটাক দুধ দেওয়া হ'ল বটে, কিন্তু সে আরও কিছু খাবারের জন্তে এত গোলমাল আরম্ভ করলে যে তার জন্তে আবার স্টেশন থেকে রুটি মাছ কিনে আনতে হ'ল।

সেদিন সন্ধ্যায় জনার্দনের ভাল হয়ে যাওয়া উপলক্ষ্যে আগের অবশিষ্ট গাঁজাটুকু টেনে সবাই শুয়ে পড়া গেল, তারপরে এক ঘুমেই রাত কাবার।

দিন তিনেকের মধ্যেই জনার্দন বেশ সেরে উঠে আগের মতন আমাদের সঙ্গে স্টেশনে যাতায়াত আরম্ভ করলে। স্টেশনের কাছের সেই বাড়ির মালিক তখনও ফেরে নি। স্টেশনের দোকানদারটি বললে, আর আট দশ দিনেব মধ্যেই সে নিশ্চয় ফিরে আসবে। কিন্তু এদিকে আমাদের জনার্দন মহা হাদ্যমা জুড়ে দিলে। সে খালি বলতে লাগল, তার কি রকম মনে হচ্ছে—এখানে থাকলে সে ম'রে যাবে। সেদিন তো দক্ষিণ দরজা অবধি পৌছে গিয়েছিল—এবার চৌকাঠ পেরুতে হবে। জনার্দনকে বোঝাতে লাগলুম, এ রকম সম্ভাব জায়গা ছেড়ে অন্য কোথাও গেলে হয়তো মুশকিলেই পড়তে হবে। ওদিকে দুধের ব্যবসার জন্তে ভাল ভাল ছাগল ইত্যাদি দেখা হয়েছে, এই সব ছেড়ে দিয়ে চ'লে যাওয়া অত্যন্ত অবিবেচকের কাজ হবে।

জনার্দন কিন্তু কোনও যুক্তিই মানে না। তার যুক্তি হচ্ছে, যদি প্রাণেই না বাঁচি তো ব্যবসা দিয়ে কি করব।

এই রকম চলেছে। একদিন আমরা স্টেশন থেকে খেয়ে ভেরায় ফিরছি, বেলা তখন প্রায় দেড়টা হবে, এমন সময় একটা লোক দৌড়তে দৌড়তে এসে আমাদের বললে, তোমাদের ওই চৌকিতে ডাকছে।

চৌকি কি রে বাবা।

শেষকালে টের পাওয়া গেল যে, পুলিশের লোক খানায় আমাদের ডাকছে। লোকটার সঙ্গে সঙ্গে গেলুম। কাছেই একটা বড় গাছের নীচে একটা খোলার

ঘর। সেখানে টেবিল বোর্ড আছে। বৈষ্ণিতে চার-পাঁচজন লোক বসে রয়েছে, আরও কয়েকজন দাঁড়িয়ে আছে।

আমরা সেখানে গিয়ে উপস্থিত হতেই থানাদার খুব খাতির ক'রে বসতে ব'লে আমাদের জিজ্ঞাসা করলেন, কিছুদিন থেকে লক্ষ্য করছি, আপনারা এই পথে যাতায়াত করছেন, কে আপনারা ?

এই অবধি ব'লেই থানাদার আবার বললেন, আমার অপরাধ মার্জনা করবেন। জানেনই তো, এটা একটা রেয়াসত অর্থাৎ দেশীয় রাজ্য। এখানকার বাসিন্দা নয় এমন লোক এখানে এলে তাদের খোঁজ রাখতে হয় আমাদের।

আগ্রায় সত্যদার কাছে আমরা রেয়াসতের অনেক খবরই পেতুম। বাঙালীর ছেলে, বিশেষ কলকাতাব লোক এই স্বদেশীর সময় সেখানে গেলে যে খুব খাতির পাবে না তাও আমাদের জানা ছিল। থানাদার কিছুক্ষণ ধ'রে আমাদের আপাদমস্তক দেখে বললেন, আপনাদের দেখে তো বাঙালী ব'লে মনে হচ্ছে। বাংলা দেশের কোথায় আপনাদের বাড়ি, কোন্ জেলা কোন্ পোস্ট-অফিস, কোন্ গ্রাম, কোন্ থানা ?

বললুম, বাংলা দেশে আমাদের পূর্বপুরুষের বাড়ি ছিল, কিন্তু কয়েক পুরুষ থেকেই আমাদের আগ্রাতে বাস।

প্রশ্ন হ'ল—আপনাদের তিনজনেরই কি তাই ?

—আজ্ঞে হ্যাঁ।

—বেশ, আপনাদের নাম ধাম ঠিকানা ?

থানাদারের সঙ্গে আমার কথাবাতা হচ্ছিল। আমি তো যা-তা একটা নাম ব'লে দিলুম। ঠিকানাও একটা দিয়ে দিলুম। বললুম, আমরা সবাই একই মহল্লায় বাস করি।

আমার দেখাদেখি জনার্দন ও সুকান্তও নাম ভাঙালে। কিন্তু এতেও তারা রেহাই দিলে না। থানাদার আবার প্রশ্ন করলেন, কতদিন এসেছেন এখানে ?

—তা মাসখানেক হবে।

—কোথায় আছেন ?

—ধর্মশালায় ।

—কোন ধর্মশালায় ?

—ওই যে রামসিং ব'লে একটা লোকের ধর্মশালা আছে, সেখানে ।

আমাদের কথা শুনে থানাদার ও উপস্থিত সকলে হো-হো ক'রে হেসে উঠল । থানাদার বললেন, রামসিংয়ের ধর্মশালা ! বলেন কি ! রামসিং কি ধর্মশালা খুলেছে নাকি ?

উপস্থিত লোকদের মধ্যে একজন বললে, রামসিং মধ্যে মধ্যে লোক রাখে ব'লে শুনেছি ।

থানাদার আমাদের জিজ্ঞাসা করলেন, আপনারা কি ওকে পয়সা দেন ?

—হ্যাঁ, দিই ।

এবার থানাদার একটু গম্ভীর ভাব অবলম্বন ক'রে বললেন, ওই রামসিং ও তার স্ত্রী কি রকম চরিত্রের লোক, তা কি আপনাদের জানা আছে ?

বললুম, ওদের ভাল লোক ব'লেই তো মনে হয় । বেচারারা আজই গরিব হয়ে পড়েছে—শুনেছি, ওদের পূর্বপুরুষেরা রাজা ছিল । রাজত্ব চ'লে গেছে, কিন্তু ওদের ব্যবহারের মধ্যে আভিজাত্যের ইঙ্গিত পাওয়া যায় ।

আমার বক্তৃতার তোড় খামিয়ে দিয়ে থানাদার বললেন, বাবু সাহেব, আপনার কথা মেনে নিচ্ছি—এ কথা খুবই সত্যি যে, ওদের পূর্বপুরুষ রাজা ছিল । কিন্তু আমি এখনকার কথা বলছি । জানেন কি যে ওরা ডাকাত ! ওই রামসিং ডাকাতি ক'রে ধরা প'ড়ে পাঁচ বছর জেল খেটেছে । আর ওর বউটা—সেটারও দু বছর জেল হয়েছিল । রামসিং যে দলের লোক সে দলকে শুধু এখানকার নয়, এর চারপাশের তিন-চারটে রেয়াসতের লোক ভয় করে । ডাকাতি, নরহত্যা ও যে কত করেছে তার আর ঠিক-ঠিকানা নেই । আপনাদের কেন যে প্রাণে মারে নি, তা বুঝতে পারছি না । মেরে ওই জঙ্গলের মধ্যে ফেলে দিলে আর কারুর সাধ্যি নেই যে, ওদের ধরে । নিজের যদি মজল

চান তো এখুনি ওখান থেকে স'রে পড়ুন। এখানে ভাল ধর্মশালা আছে, সেখানে চ'লে যান—পয়সাকড়ি কিছুই লাগবে না।

সত্যি কথা বলতে কি, থানাদারের কথা শুনে আমরা দস্তুর মতন ভড়কে গেলুম। সঙ্গে সঙ্গে স্তম্ভান্ত বললে, কদিন থেকে ওরা স্বামী-স্ত্রী দুজনে প্রায়ই বিষ্ণুটের বাস্তের দিকে টেরিয়ে টেরিয়ে দেখতে আরম্ভ করেছে। তার ওপর সেদিন রাতে সূর্য তার বিছানার তলা থেকে যে অঙ্গটি বার করেছিল, তার দ্বারা আমাদের এক-একজনকে হুথানা ক'রে ফেলতে বিশেষ কষ্ট করতে হবে না।

আমাদের নিজেদের মধ্যে এই সব কথাবার্তা চলেছে, এমন সময় জনার্দন থানাদারকে বললে, কিন্তু এখন চ'লে যেতে চাইলে ওরা যদি যেতে না দেয় ?

থানাদার একটু ভেবে নিয়ে বললে, আচ্ছা, আমি আপনাদের সঙ্গে লোক দিচ্ছি—জবরদস্ত্ লোক দিচ্ছি।

থানাদার তিনজন নগা দেখে সিপাহী আমাদের সঙ্গে দিলে।

আমাদের কারুর মুখে আর কথা নেই। রামসিং ও সূর্য যে সাধারণ মানুষের চাইতে অনেক উঁচুদের লোক, সে বিষয়ে আমাদের মনে কোন সন্দেহই ছিল না। সেই ঝড়ের রাতে তারা যে ক'রে জনার্দনকে বাঁচিয়ে তুলেছিল, তার তুলনা কোথায় পাব ? সেই রামসিং ও সূর্য ডাকাত ও নগহত্যাকারী !

চলতে চলতে জনার্দন বলতে লাগল, ওরা আমার প্রাণ বাঁচিয়েছে বটে, কিন্তু সেই দিন থেকেই কে যেন দিনরাত আমার মনের মধ্যে খোঁচা দিয়ে এখান থেকে স'রে পড়তে বলছে—এখানে আর কিছুদিন থাকলে নিশ্চয় ওরা আমাদের খুন ক'রে ফেলবে।

ধীরে ধীরে রামসিংয়ের ডেরায় পৌছনো গেল। খাওয়াদাওয়া সেবে তখন তারা শোবার যোগাড় করছিল। আমাদের পেছনে তিনজন পুলিশের সিপাহী দেখে তারা দুজনেই অবাক হয়ে চেয়ে রইল। আমরাও তাদের সঙ্গে আর কোনও কথা না ব'লে তিনজনে তিনটে বৌচকা বাঁধতে আরম্ভ ক'রে

দিলুম—তারা ঠিক সেই রকম দৃষ্টিতে হাঁ করে আমাদের কার্যকলাপ দেখতে লাগল।

আগে আগে প্রতিদিন সকালেই সূর্য আমাদের কাছ থেকে সেদিনের খাট ও ঘরের ভাড়া চেয়ে নিত। ইদানীং একটু ঘনিষ্ঠতা হওয়ায় দু-তিন দিন বাদে চাইত। সে সময় কয়েক দিনের ভাড়া বাকি ছিল। আমাদের পুঁটলি বাঁধা শেষ হ'লে আমি এগিয়ে গিয়ে ঘর ও আঙেঠির জন্তো বাকি পাওনা সূর্যের হাতে দিলুম। সে হাত পেতে পয়সা কটা নিয়ে নিলে, কিন্তু একটা কথাও উচ্চারণ করলে না। একবার ভাবলুম, সূর্যকে কিছু বলি—কিন্তু লজ্জায় তার মুখের দিকে চাইতেই পারলুম না। ফিরে এসে সিপাহীদের সঙ্গে তাদের ঘর থেকে বেরিয়ে পড়লুম।

এই সূর্য ও রামসিং আমার সারা জীবনের বিস্ময় হয়ে আছে। তারা ছিল রাজার ঘরের ছেলে-মেয়ে, অথচ সংসারে স্বপ্নন বলতে তাদের কেউ ছিল না। বিরাট প্রাসাদের একখানা ভাড়া ঘর তখনও অবশিষ্ট ছিল—সেখানার অবস্থাও তাদেরই মতন—তারই মধ্যে তারা বাস করত। তাদের দেখে মনে হ'ত না যে, সুখ স্বাচ্ছন্দ্য দু'খ ব'লে কোনও অল্পভূতির বালাই তাদের আছে। তাদের জীবনের সঙ্গে সঙ্গে সেই ঘরখানার আয়ুও বোদ হয় এতদিনে শেষ হয়ে গিয়েছে। একবেলা কোনও রকমে খেয়ে বেঁচে থাকলেও সেই রুক্ষ কাঠখোটা চোহারার মধ্যে বাস করত দু'খানা অদ্ভুত প্রাণ। জনার্দনকে সাপে কামড়িয়েছে শুনে রামসিং যে করে পায়ের আঙুল ধ'রে চুষতে আরম্ভ করলে—তার পরে সে ও সূর্য সেই ভীষণ ঝড়ের রাতে ভীষণতর সেই জঙ্গলে অন্ধকারে গুপ্ত আনতে ছুটে বেরিয়ে গেল—মাছুষের ইতিহাসে তার তুলনা কোথায়!

আবার যখন শুনলুম সেই রামসিং বহু ডাকাতি করেছে—ডাকাতি করতে গিয়ে ধরা প'ড়ে জেল খেটেছে, ডাকাতকে আশ্রয় দেওয়ার অপরাধে সূর্যকেও জেল খাটতে হয়েছে—এক বছর আগেও প্রতি রাত্রে তাদের স্বামী-স্ত্রীকে ছুবার করে থানায় হাজিরা দিতে হ'ত—একাধিক নরহত্যা তারা করেছে,

শুধু আইনের ফাঁকিতে বেঁচে গিয়েছে—তখন নিউটনের মতন আমারও বলতে ইচ্ছা করে, দুজ্জৈয় মানব-চরিত্রের সমুদ্রোপকূলে সারাজীবন ধরে কতকগুলি উপলব্ধিও নয়—বালুকাবর্ণ মাত্র আহরণ করেছি। সত্যি কথা বলতে কি, আমাদের সঙ্গে তারা যে সদয় ব্যবহার করেছিল, তাতে তাদের কাছ থেকে অমন ভাবে বিদায় নেওয়া কখনই উচিত হয় নি। কিন্তু আগেই বলেছি মানব-চরিত্র অতি জটিল ও বিচিত্র—আর আমরাও মানুষ মাত্র। অর্থলোভে হত্যা করতে অভ্যস্ত জেনে—হোক না সে উপকারী—তার পাশে নিশ্চিন্ত হয়ে রাত্রে ঘুমোই কি ক’রে? তখনও একটা টিন-ভরা সিকি ছয়ানি আমাদের কাছে রয়েছে—তাই একদিন যারা আমাদের প্রাণ রক্ষার জন্তে নিজের প্রাণকে তুচ্ছ করতে দ্বিধা করে নি, তাদের কাছ থেকেই আমরা প্রাণভয়ে পলায়ন করলুম।

তার পর একদিন বিনা মাশুলে তানসেনের দেশে এসে উপস্থিত হওয়া গেল। গোয়ালিয়র ভরতপুরের চেয়ে অনেক বড় শহর। অনেক লোকজন বাজার হাট জমজম করছে সেখানে। এবারে দেখে-শুনে একটা ভাল ধর্মশালায় আশ্রয় নেওয়া গেল।

প্রথমে কয়েকদিন বিভিন্ন পল্লীতে ঘুরে ঘুরে শহরটাকে ভাল করে বোঝবার চেষ্টা করা গেল। কিন্তু শহর বোঝা, লোক বোঝা আমাদের কাছে সবই বৃথা। অতি ভাল শহরও আমাদের বরাতে খারাপ দাঁড়িয়ে যায়, অতি ভাল লোকও মন্দ লোকে পরিণত হয়। আমাদের অলক্ষ্যে ব’সে যিনি কলকাঠি নাড়াচাড়া করছেন, তাঁর সঙ্গে বোঝাপড়া করি কি ক’রে! কি জিনিস ঘুঘু দিলে যে তিনি তুষ্ট হয়ে আমাদের মনোবাঞ্ছা পূর্ণ করবেন তার হৃদিস তো কিছুই পাই না।

অনেক ভেবে-চিন্তে তিন মাথা এক হয়ে পরামর্শ ক’রে ঠিক করা গেল, আপাতত ব্যবসা করার কল্পনা ত্যাগ করাই ভাল। প্রথমে চাকরির চেষ্টা করা যাক—তার পরে চাকরি করতে করতে একটা হৃদিস লেগে যেতে পারে।

গোয়ালিয়র শহরে বিস্তর মহারাজীয়েব বাস। উকিল, ডাক্তার, ব্যবসাদার, সরকারী চাকরে প্রভৃতি অনেক প্রতিষ্ঠাবান মহারাজীয়েব সে সময় সেখানে বাস করতেন। মোট কথা, সেই রাজ্যটাই তো তাদের। এ ছাড়া মুসলমান ও অগ্ন্যাক্ত প্রদেশের হিন্দুদের সংখ্যাও কিছু কম ছিল না।

গোয়ালিয়র সঙ্গীতের রাজ্য। সেই তানসেন থেকে আরম্ভ ক'রে গত শতাব্দীর হৃদ হৃদ খাঁ অবধি গোয়ালিয়র শহর বড় বড় গুণীর আবাসস্থল ছিল। আমরা যে সময় সেখানে গিয়েছিলুম, সে সময় জনসাধারণের মধ্যে গান-বাজনার খুবই চর্চা ছিল। তা ছাড়া ভারতবিখ্যাত কয়েকজন বড় গাইয়ে ও বাজিয়ে মহারাজার দরবারে বেতনভুক ছিলেন। এঁদের বড় মেজো ও ছোট চেলায় শহর তখন ভর্তি ছিল। পুরুষ ছাড়া জনকয়েক নাম-করা গাইয়ে বাইজীও সে সময় থাকতেন সেখানে। দেখে-শুনে মনে হ'ল, একটা ক'বে চাকরি সেখানে জুটিয়ে নেওয়া খুব কঠিন হবে না।

আমরা যে ধর্মশালায় উঠেছিলুম, সেখানকার বক্ষক বাঙালী দেখে আমাদের সঙ্গে সেধে আলাপচারী করত। সকাল-সন্ধ্যায় তার আড্ডায় অনেক মুকব্বী-গোছের লোক যাতায়াত করত। তারাও আমাদের আশ্বাস দিতে লাগল—তোমরা কাজের লোক, এখানে একটা কিছু লেগে যাবেই যাবে।

সকালবেলা ঘুম থেকে উঠে আমরা তিনজনে মিলে বেরতে লাগলুম চাকরির সন্ধানে। আমরা ঠিক করেছিলুম যে-কোনও কাজ—তা সে জুতো সেলাই থেকে চণ্ডীপাঠ—যা জ্বোটে তাই করব। একটা কিছু অবলম্বন পেলে তাই ধ'রেই ওঠা যাবে।

তিনজনে মিলে বাড়ি বাড়ি ঘুরতে আরম্ভ ক'বে দিলুম—হ্যাঁগা, লোক রাখবে? সকলেই বলে, না।

সকাল বিকেল ঘোরাই সার হতে লাগল। শেষকালে ধর্মশালারই একজন পরামর্শ দিলে—তিনজনকে একসঙ্গে দেখলে কেউ রাখতে চাইবে না—একজন একজন ক'রে চেষ্টা কর।

কথাটা আমাদের মনে লাগল। পরের দিন থেকে আমরা আলাদা আলাদা এক-একদিকে বেরিয়ে পড়তে লাগলুম। বেলা বারোটা অবধি পথে পথে ছ্যারে ছ্যারে চাকরির চেষ্ঠায় ঘুরে ধর্মশালায় ফিরে এসে নিজের নিজের বিচিত্র অভিজ্ঞতার কথা বলাবলি করতুম। একদিন জনার্দন বললে, এক গৃহস্থ তাকে দেখে দয়াপরবশ হয়ে পেট ভ'রে খাইয়েছে।

একদিন এক বাড়িতে আমি কাজের চেষ্ঠায় গিয়েছি। একটি আধাবয়সী স্ত্রীলোক, বোধ হয় সেই বাড়ির গিন্নী হবে, আমায় জিজ্ঞাসা করলে, তোমার খাওয়া হয়েছে?

আমি 'না' বলায় সে খান-তুয়েক গরম রুটি ও তার ওপরে এক ছিটে ঘন ডাল আমার হাতে আলগোছে ফেলে দিয়ে বললে, খাও।

ডালটুকু তখনি চেটে মেরে দিয়ে রুটি ছুখানা পকেটে পুরে ধর্মশালায় ফিরে এসে সকলে মিলে হাসাহাসি করতে করতে খাওয়া গেল।

এর কিছুকাল পরে অনেক দিন ধ'রে রুটি তরকারি পকেটে পুরতে হয়েছিল—সে কথা যথাস্থানে বলব। সেদিন সেই ভিক্ষের রুটি খেতে খেতে সুকান্ত বললে, ওঃ, উন্নতি যা করা যাচ্ছে, জাত-গুপ্তির কেউ টের পেল হিংসেয বুক ফেটে ম'রে যাবে।

একদিন এই রকম ক'রে পথে পথে দোরে দোরে চাকরির চেষ্ঠায় ঘুরে বেড়াছি, এমন সময় একজনদের বৈঠকখানায় গানের আসর বসেছে দেখে সেখানে দাঁড়িয়ে গেলুম। একজন লোক প্রাণপণ শক্তিতে হুম্ তারা নারা ক'রে চেষ্টাচ্ছে আর একজন তবলা চাট্টাচ্ছে—তু-চারজন লোকও তাদের ঘিরে ব'সে তারিফ করছে। আমি একটু একটু অগ্রসর হতে হতে বাড়ির মধ্যে বেশ খানিকটা ঢুকে গিয়েছি, এমন সময় দেখি, একটা বাচ্চা মেয়ে—বোধ হয় আট-দশ মাসের বেশি বয়স হবে না—বনবন ক'রে হামাগুড়ি দিতে দিতে রাস্তার দিকে এগিয়ে চলেছে। তার কোমরে রূপোর পাটা, গলায় আমড়ার মতন রূপোর একটা বল ঝুলছে। মেয়েটা আমাকে ছাড়িয়ে দরজার কাছ

অবধি এগিয়ে যাওয়ায় আমি ফিরে গিয়ে তাকে তুলে বাড়ির মধ্যে নিয়ে গেলুম। সেখানে কয়েকবার ‘মাইজী’ ‘মাইজী’ ‘মাতাজী’ বলে ডাক দিতেই একটি মহারাষ্ট্রীয় মহিলা বেরিয়ে এলেন। আমি জিজ্ঞাসা করলাম, এ কি আপনাদের মেয়ে ?

মহিলাটি এগিয়ে এসে টপ করে বাচ্চাটিকে আমার কোল থেকে নিয়ে নিলেন। আমি বললুম, মাইজী, বাচ্চা এখন হামা দিতে শিখেছে—ওকে এখন সাবধানে রাখতে হয়। দেখুন, রাস্তায় বেরিয়ে গিয়েছিল। ভাগ্যে আমার চোখে পড়েছিল নইলে নির্ধাত আজ গাড়িচাপা পড়ত। কোন চোর-ডাকাতের হাতে পড়লে ওকে গয়নার জঙ্ঘে মেরে পর্যন্ত কেলতে পারে।

আমার কথা শুনে মেয়ের মা বাচ্চাটিকে কোলে চেপে ধরে কাঁদতে শুরু করে দিলে। আমি বললুম, কাঁদবেন না মা। মেয়ের তো কিছু হয় নি—ভবিষ্যতে ওকে সাবধানে রাখবেন।

—তুমি কে ? তোমাকে তো কখনও দেখি নি !

—আমি বিদেশী, এখানে এসেছি চাকরির সন্ধানে। গান শুনে দাঁড়িয়ে গিয়েছিলুম।

—তোমার মা-বাপ নেই ? আত্মীয়-স্বজন কেউ নেই ?

—না মা, হুনিয়ায় কেউ থাকলে কি আর দেশ ছেড়ে এত দূরে চাকরির জন্তে আসি ! আমি আর আমার দুটি বন্ধু এসেছি এখানে পেটের দায়ে।

—তোমার দেশে ছুঁড়িফ হয়েছে বুঝি ?

—ভয়ানক ছুঁড়িফ মা, পরসাগালা লোক সব খেতে না পেয়ে ম’রে যাচ্ছে।

—তুমি কি জাত ?

—আমরা বেনে। আপনাদের এখানে যেমন বৈশ্ব আছে না, সেই জাত।

—তোমার পৈতে আছে ?

—আছে।

—তুমি আমাদের বাড়িতে কাজ করবে? কাজ খুব বেশি নয়, এই ঘর-গৃহস্থালির কাজ। ঝাড়ু দেওয়া, জিনিসপত্রের সাফ রাখা, বাড়ির কর্তার ফবমাজ খাটা আর মাঝে মাঝে এই বাচ্চাকে ধরা।

আমি জাহাজে কখনও কাজ করি নি। শুনেছি, সমুদ্রের মাঝখানে দাকগ ঝড়ের মধ্যে সেই টলটলায়মান অণবপোতেব প্রধান মাঙ্গলে চ'ড়ে পাল নামানো খুবই শক্ত কাজ। এ সম্বন্ধে আমি কোনও সন্দেহ প্রকাশ করছি না, কিন্তু ছোট ছেলে রাখাও যে কতখানি শক্ত কাজ তা যে না করেছে সে কিছুতেই বুঝতে পারবে না।

বা হোক, সেদিন অপ্রত্যাশিতভাবে সেই গিন্নীর মুখে কাজেব কথা শুনে একেবারে আকাশের চাঁদ হাতে পেয়ে গেলুম। বললুম, কবব—কি মাইনে দেবেন?

গিন্নী বললেন, মাইনের কথা কতাব সঙ্গে হবে। যা দণ্ডুর তাই পাবে।

কিছুক্ষণ কি ভেবে নিয়ে তিনি জিজ্ঞাসা করলেন, তুমি মাছ মাংস এ সব খাও না তো?

এক হাত জিভ বের ক'রে দুই হাত দুই কানে ঠেকিয়ে বললাম, রাম রাম, ও-সব আমবা খাই না।

গিন্নী বললেন, কিছু মনে ক'রো না—তোমাদের জাত এই সব জিনিস খায় কি না—

বললাম, যারা খায় তারা খায়, আমরা ও-সব জিনিস ছুঁই না।

—আমাদের বাড়িতে কাজ করতে হ'লে এইখানেই থাকতে হবে, রোজ স্নান করতে হবে।

আমি সব তাতেই হাঁ দিয়ে যাচ্ছি, এমন সময় বাড়ির কতা এসে হাজির হলেন। আমার সম্বন্ধে স্বামী-স্বীতে কিছুক্ষণ কথাবার্তা হ'ল। তার পবে কতা আমাকে জিজ্ঞাসা করলেন, কাজ করবে?

—কবব জজুর।

—কিন্তু মাইনের কথা এখন নয়। এক মাস কাজ করবার পর কি রকম কাজ কর তা দেখে মাইনে ঠিক হবে।

তখনকার মতন বিদায় নিয়ে চ'লে যাচ্ছিলুম, এমন সময়ে গিন্নীমা বললেন, কোথায় যাচ্ছ ?

—যাচ্ছি আমার মিত্ররা যেখানে আছে সেখানে। তাদের বলতে হবে। আমার ধুতি ও একটা বালিশ আছে নিয়ে আসব। তা ছাড়া খেতে-টেতেও তো হবে।

গিন্নীমা বললেন, হ্যাঁ, জিনিসপত্র এনে এখানেই থেকো।

এদের কাছ থেকে তখনকার মতন ছুটি নিয়ে এক রকম ছুটতে ছুটতে ধর্মশালায় এসে হাজির হলাম। চাকরি জুটেছে—দেবজুর্গভ চাকরি—কিন্তু এসে দেখি, বন্ধুরা তখনও ফেরে নি। তখন ছুটলুম ইষ্টিশানের দিকে। সেখানে একদিন এক ফেরিওয়ালাকে পৈতে বিক্রি করতে দেখেছিলুম। সেখান থেকে তিনটে ময়লা দেখে পৈতে কিনে ধর্মশালায় ফিরে এসে দেখি, স্নান ব'সে রয়েছে—কিছুক্ষণের মধ্যে জনার্দনও ফিরে এল। আমার একটা কাজ জুটেছে শুনে বেচারারা একেবারে দ'মে গেল। নিজেদের সন্ধকে তারা অত্যন্ত হতাশ হয়ে পড়েছে দেখে আমি তাদের বোঝাবার চেষ্টা করলুম যে, একজনের কাজ হওয়া মানে আমাদের সকলেরই কাজ হওয়া। অথ জায়গায় থাকলেও তাদের সঙ্গে প্রতিদিনই দেখা-সাক্ষাৎ হবে—দুদিন পরে তাদেরও কাজ লেগে যাবে, ইত্যাদি।

যাই হোক, সেদিন স্নান করবার সময় ধর্মশালার কুয়োর ধারে আমাদের উপনয়ন হয়ে গেল। তিনজনে পৈতে গলায় দিয়ে সূর্যদেবকে প্রণাম ক'রে জামা গায়ে চড়িয়ে ঘরে ফিরে এলাম। বন্ধুদের সঙ্গে কথা হ'ল যে, প্রতিদিন দুপুরবেলা ঘণ্টা দুয়েক ক'রে তাদের কাছে থাকতে হবে। এতে যদি মনিবরা আপত্তি করে তো চাকরি ছেড়ে দিতে হবে। সেদিন ধর্মশালাতেই তাদের সঙ্গে খেতে হ'ল—আবার কবে একসঙ্গে ব'সে খাওয়া হবে তার ঠিক কি! খাওয়া-দাওয়ার

পর চাকুরিত্বলের দিকে পা বাড়ানো গেল। জনার্দন ও স্বকান্ত আমার সঙ্গে এসে মনিবের বাড়ি পযন্ত পৌছে দিয়ে গেল। হঠাৎ আমাকে ছাড়তে হবে মনে ক'রে বেচারীরা খুবই মুগ্ধে পড়েছে দেখে আরও কিছুক্ষণ তাদের সঙ্গে রাস্তা দাড়িয়ে বেশ ক'বে বিডি টেনে মনিব-বাড়িতে ঢুকে পড়লুম।

প্রথম চাকার—আমার জীবনের একটি প্রধান ঘটনা। আমি সারা জীবন ধ'রে দাসত্বই ক'বে এসেছি। সঙ্গে সঙ্গে দাসত্বের সব রকম হীনতাই সহ করতে হয়েছে। দাসত্ব করতে করতে যখন তা অসহ্য হয়েছে তখন ছেড়ে দিয়ে ব্যবসা করেছি, কিন্তু দাসত্ব কি'বা ব্যবসা কিছুই আমার দ্বারা ভাল ক'রে হয়ে ওঠে নি। সৃষ্টিকর্তা আমাকে কেন যে এখানে পাঠিয়েছিলেন, জীবনে আমার কি করা উচিত ছিল, খাড়াও তা ঠিক করতে পারি নি। তবুও আমার জীবনের প্রথম মনিব বাড়ির কথা এই জাতকে থাকা উচিত।

আমার প্রথম মনিব ছিলেন মহারাজ্যীয় ব্রাহ্মণ। বোম্বাই, পুণা, নাসিক প্রভৃতি জায়গায় যে সব আচারনিষ্ঠ ব্রাহ্মণ দেখতে পাওয়া যেত (এখন যাঁরা কি না বলতে পারি না) ইনি ঠিক সে রকম ব্রাহ্মণ ছিলেন না। ওই সব জায়গাকার ব্রাহ্মণ বা ব্রাহ্মণের লোকদের সঙ্গে গোয়ালিয়র, ইন্দোর, কোল্‌হাপুর প্রভৃতি দেশীয় রাজ্যের লোকদের অনেক তফাত আছে আচারে ও বিচারে। বিশেষজ্ঞ মাত্রেরই জানা আছে রেয়াসতের অর্থাৎ দেশীয় রাজ্যসমূহের লোকেরা আচারে বিচার, অশনে বসনে, বাক্যে ও ব্যবহারে বাইরের লোকদের চাইতে অনেক বেশি বিলাসী হয়ে থাকে। স্বাধীনতা পাবার পূর্বে সেখানকার বি অবস্থা হয়েছে তা ঠিক বলতে পারি না, তবে আমি যে সময়ের কথা বলছি, অর্থাৎ আজ থেকে প্রায় পঞ্চাশ বছর আগে সেখানকার অবস্থা ওই রকমই ছিল।

আমার মনিব রাজসরকারের কি একটা চাকরি করতেন। কিন্তু চাকরি ছাড়াও তাঁর অর্থাগমের অন্য রাস্তাও ছিল—তবে সেটা কি তা আমার জানা নেই, জানবার চেষ্টাও কখনও করি নি।

মনিবের সংসার খুব বড় ছিল না। তাঁর দুটি বিবাহ এবং দুই স্ত্রীই তখনও

বর্তমান ছিলেন। কর্তাকে দেখলে মনে হ'ত বয়স পঞ্চাশের কাছাকাছি হবে। কিন্তু বড় গিন্নীকে দেখলে মনে হ'ত, ষাট পেরিয়ে গিয়েছে। বড় গিন্নীর মাথার মাঝখানটি ছিল একেবারে ফাঁকা। মাথার চার পাশে যে কয়েক গাছা চুল তখনও অবশিষ্ট ছিল, সেগুলি সর্বদা-আঁচড়ানো ও খোঁপা-বাঁধা থাকত। রাত থাকতে উঠে তিনি পূজা-অর্চনা করতেন এবং রান্নার জগ্গে ও সকলের পানীয় জল নিজ হাতে কুয়ো থেকে তুলতেন—সেই সকালেই স্নান সেরে জল তোলা ইত্যাদি হ'ত। রান্নাও স্বহস্তে করতেন, অবশিষ্ট তাঁর সতীনও তাঁকে এ কাজে সাহায্য করতেন। দুই সতীনে বাগড়া বচসা হতে কখনও দেখি নি।

বড় গিন্নীকে অতিশয় দয়ালী ব'লে মনে হ'ত। আমাকে তিনি অতি যত্নের সঙ্গে খেতে দিতেন। খাবার সময় অনেক দিন তাঁর ছেলেও আমার কাছে বসত; চাকর ও পুত্রের মধ্যে কোন পক্ষপাতিত্ব করতে কখনও দেখি নি।

বাড়ির ছোট গিন্নী ছিলেন বয়সে তরুণী। তাঁকে ত্রিশ বছরের বেশি ব'লে মনে হ'ত না। দেখতে শুনতে মন্দ ছিলেন না। সকলের সঙ্গেই হেসে কথা বলতেন। এঁর এক মেয়ে—যাকে উপলক্ষ্য ক'রে আমার এখানে চাকরি আমি তাঁর মেয়ের বায়না সামলাতুম ব'লে আমার ওপরে তিনি ছিলেন ভারি সদয়। মোট কথা, এক স্বামী ছাড়া তিনি বিগ্ৰহ লোককেই পছন্দ করতেন, কিন্তু স্বামীকে দেখলেই তাঁর মেজাজ যেত বিগড়ে।

মনিব অর্থাৎ বাড়ির কর্তার নাম ছিল সদাশিব। কিন্তু নাম সদাশিব হ'লে কি হবে, এমন তেওঁটে লোক আমি জীবনে খুব কমই দেখেছি।

বেশ রাত থাকতে উঠে তিনি রোজ পায়খানায় যেতেন। পায়খানার কাছেই একটা বড় গামলা-গোছের পাত্র থাকত—প্রতিদিন রাতে ঘুমতে যাবার আগে কুয়ো থেকে জল তুলে আমাকে সেই পাত্রটি ভরে রাখতে হ'ত। কিন্তু এই বাসি জলে শৌচ করা মনিব মশায় মোটেই পছন্দ করতেন না। পায়খানায় যাবার আগে আমাকে ধাক্কা দিয়ে ঘুম থেকে তুলে—



পতঙ্গের আলাপ বলাগে না। বলা বাতুল্য তখনও ঘোরতর পড়ার থাকত।

একটা ঘটির গলায় দাড়ি লাগিয়ে কুয়ো থেকে জল তুলে তাঁর ঘটিতে ঢেলে দিতুম, তিনি সেই জল নিয়ে পায়খানায় ঢুকতেন। এততেও নিস্তার ছিল না, কারণ কখন তিনি শ্রীমন্দির থেকে নিষ্কাশ্ত হবেন—সেই আশায় আমাকে বাইরে বসে থাকতে হ’ত। প্রায় ঘণ্টাখানেক সেখানে কাটিয়ে বাইরে বেরিয়ে এলে আবার জল তুলে দিতে হ’ত ঘটির পর ঘটি। কারণ, পায়খানা থেকে বেরিয়ে ভাল ক’রে মুখবিস্তার পরিস্কার না ক’রে তিনি শুতে যেতে পারতেন না। এর পর মনিব মশায় ফিরে যেতেন—যেদিন যেখানে শোবার পালা থাকত। সন্ধ্যে সন্ধ্যে আমাকেও সেখানে যেতে হ’ত এবং শুয়ে পড়লে পদসেবা এবং সর্বাঙ্গ সংবাহন করতে হ’ত প্রায় ঘণ্টা খানেক ধ’রে। ভোর হয়ে গেলে তিনি উঠে স্নানাদি করতেন এবং প্রায় দিনই তাঁকে স্নানের জল তুলে দিতে হ’ত। স্নান সেরে কর্তা প্রায় ঘণ্টাখানেক ধ’রে পূজো-আহিক করতেন। ইতিমধ্যে বৈঠকখানা বা অগ্র শয়নমন্দির থেকে তাঁর বিছানাপত্র তুলে ঘর পরিস্কার করতে হ’ত। পূজা সেরে তিনি বৈঠকখানা-ঘরে ঢুকে দরজায় খিল লাগিয়ে তন্তুরার সন্ধ্যে গলা মাধতেন। প্রায় ঘণ্টা ত্রয়েক ধ’রে পাড়ার লোককে ব্যতিব্যস্ত ক’রে সামান্য কিছু জলযোগ সেরে রাজকায়ে বেরতেন। বেলা প্রায় একটার সময় কার্য থেকে ফিরে এসে আহ্নার করে লাগাতেন ঘুম একেবারে বেলা পাঁচটা অবধি। প্রায় প্রতি সন্ধ্যার কখনও ছোট, কখনও বড় গান-বাজনার আসর বসত। অনেক বড় গুণী আসতেন গাইতে বাজাতে এবং তা শোনবার ও তারিফ করবার জগ্রে অনেক ব্যক্তি নিমগ্নিত হতেন। কতাও ভাল গাইতেন ও কোন কোন দিন একা তিনিই আসর জমাতেন। বড় বৈঠকখানা-ঘরের পাশে একখানি অপেক্ষাকৃত ছোট ঘর ছিল। এই ঘরের দেয়ালে গেলাপে মোড়া বিরাট সব তন্তুরা ঝুলত। তা ছাড়া, বেঁটে মোটা লম্বা রোগা নানা আকারের খয়ের, রক্তচন্দন, গাশ্বেরী প্রভৃতি কাঠের তবলা আর মাটি ও তামার ওপরে রূপোলী গিল্টি করা ছোট বড় ডুগিও সাজানো থাকত। এই সব বস্তু ও তা ছাড়া তবলা ঠোকবার হাতুড়ির পর্যন্ত তদ্বির আমাকে করতে হ’ত। যেদিন বড় আসর বসত এবং

মাননীয় ব্যক্তির শুভাগমন হ'ত, সেদিন মত্ঠাদি এনে এই ছোট ঘরখানিতে জমা রাখা হ'ত। রসিকেরা মধ্যে মধ্যে আসর থেকে উঠে এই ঘরে গিয়ে ঢুকু-ঢুকু চালাতেন। তা না হ'লে অধিকাংশ দিনই বড় বৈঠকখানাতে ব'সেই মত্ঠাদি ও নানা রকম ভাজাভুজি চলত। আমাদের কৰ্তা প্রায় প্রতিদিনই প্রচুর টেনে একেবারে ট'্যা হয়ে পড়তেন। রাত্রির আসর ভাঙলে—তা কোনদিন দশটায়, কোনদিন বারোটায়, কোনদিন বা দুটোয়—আসরের চাদর ইত্যাদি তুলে ঘর ঝাঁট দিতে হ'ত। তার পর মনিব মহাপুরুষ আমার ওপর ভর দিয়ে ভেতর-বাড়ির দিকে অগ্রসর হতেন। দুটি উঠোন পার হয়ে সিঁড়ি ভেঙে ছাদ পেরিয়ে ছোট গিন্নীর ঘর। ছোট গিন্নী তো দূরের কথা, সংসারের সব গিন্নীই সেই গভীর রাত্রে ঘুমের কোলে আত্মসমর্পণ করেছেন। সেই রাতে দরজা ঠেঙিয়ে তাঁকে তোলা হ'ত। সে ভদ্রমহিলা জেগে উঠে বাতি জালিয়ে দরজা খুলে আমার কণ্ঠগ্ন মাতাল স্বামীকে দেখলেই উঠতেন জ'লে। তার পরে শুক হ'ত দাম্পত্য কলহ—কবি দাম্পত্য কলহকে বহ্নারস্তুে লঘুক্রিয়া ব'লে উড়িয়ে দিয়েছেন, কিন্তু আমার বরাতে সবই উলটো। কারণ এক্ষেত্রে আরম্ভ হ'ত অতি লঘুভাবে, কিন্তু বাড়তে বাড়তে শেষে ঠেঙাঠেঙি ব্যাপারে পরিণত হ'ত। তাঁদের স্বামী-স্ত্রীতে ঝগড়া, তাতে আমার বলবার কিছু ছিল না; কিন্তু আমাকে ঠায় সেখানে দাঁড়িয়ে থাকতে হ'ত। কারণ ঝগড়ার পরে কৰ্তা মশায় শয়নমন্দিরে যদি ঢোকবার অল্পমতি পেতেন তো সেইখানেই আমার দিনের কর্ম শেষ হ'ত, নচেৎ আমায় দুর্ভোগ ভুগতে হ'ত আরও।

ব্রাহ্মণ-সন্তানের মতপানে ছিল দেবীর অপত্তি। অস্তুত মত্ত অবস্থায় স্বামীকে শয়নমন্দিরে প্রবেশ করবার অধিকার তিনি দিতেন না। কিন্তু ছাবার যুক্তি ছিল, মাল না টেনে তরুণী ভার্যার কাছে যাওয়ার কোন মানেই হয় না। ছুজনের পক্ষেই যুক্তি ছিল, কিন্তু ছাবা প্রায় প্রতিদিনই তাড়িত হতেন এবং তার পরে তিনি এত ভগ্নোত্তম ও হতাশ হয়ে পড়তেন যে, তাঁকে প্রায় কাঁধে ক'রে নিয়ে এসে আবার বৈঠকখানায় শুইয়ে দিতে হ'ত। এই জন্তেই ঝগড়ার

যতক্ষণ একটা ফয়সালা না হয় ততক্ষণ কর্তা আমাদের ছাড়তে পারতেন না। কিন্তু বৈঠকখানায় শুইয়ে দিয়েই কি নিশ্চিত হবার জো ছিল! সেখানে তাঁর পা টিপতে ও কথার অর্থাৎ বকবকানির সায় দিতে হ'ত। যেমন—

—এই বাঙালী! আরে এই বাঙালী!

—হজুর!

—শালা, জবাব দিচ্ছিস নে কেন? তাকে আমি ব'লে রাখছি, কখনও বিয়ে করিস না। আমার দুর্দশা দেখছিস তো?

হয়তো বললুম, হজুর, আপনি জোর ক'রে ঢুকে পড়লেই তো পারেন।

—শালা, তোর কিছু বুদ্ধি নেই। আমি জোর ক'রে ঢুকে পড়লে বিবি বেরিয়ে প'ড়ে অশ্রুত নিশি ঘাপন করবেন। আচ্ছা, কাল যদি ঘরে ঢুকতে না দেয়, তবে পরশুই আমি আবার একটা বিয়ে করব।

এই রকম বকতে বকতে তিনি ঘুমিয়ে পড়লে তবে আমি শুতে যেতুম।

সদাশিবের আমার বয়সী এক ছেলে ছিল বড় গিম্মীর দরুন, তার নাম ছিল বিনায়ক। সে ছিল বাড়ির ছল্লাল। দুই মা-ই তাকে খুব আদর দিতেন। বয়সের ধর্মে বিনায়কের সঙ্গে আমার বন্ধুত্বই দাঁড়িয়ে গিয়েছিল। সে ইস্কুলে পড়ত এবং বিকেলবেলা বাড়িতে ফিরে জল-টল খেয়ে মাঠে খেলতে যেত। কিছুদিন বাদে সে আমাকে ও খেলার মাঠে নিয়ে যেতে আরম্ভ করলে। সেখানে অনেক সমবয়সী ছেলে খেলা করত। দু-একদিন যাবার পর আমি স্নকান্ত ও জনার্দনকেও সেই খেলার দলে ভিড়িয়ে নিলুম। আমরা সকলেই তাদের চাইতে ভাল খেলতে পারতুম ব'লে সকলেরই প্রিয় হয়ে উঠতে লাগলুম। তখন ক্রিকেট শেষ হয়ে ফুটবলের মরসুম পড়ছে। সেই সময় কে ক্যাপ্টেন হবে, কে সেক্রেটারি হবে—এই নিয়ে খেলার শেষে তাদের মধ্যে খুব আলোচনা হ'ত, মধ্যে মধ্যে তারা আমাদেরও মতামত জানতে চাইত। শুধু তাই নয়, বিনায়ক ও তার বন্ধুরা তখন নতুন বিড়ি-সিগারেট টানতে শিখেছিল। তারা বাড়ি থেকে পয়সা নিয়ে আসত, আর তাই দিয়ে সিগারেট বিড়ি ভাজাভুজি পাওয়া চলত।

আমাদের এই খেলাব মাঠে খুব উৎসাহী সভ্য ছিল তুকো। বিনায়কদের পাড়াতেই ছিল তুকোদের বাড়ি। সে পাড়ার মধ্যে তুকোরা বেশ অবস্থাপন্ন পরিবার ছিল। তার বাবা ও ঠাকুরদা দুজনেই ছিলেন ওখানকার বড় উকিল।

খেলার মাঠে কাপ্তেনি করতে না পারলেও খেলার পরের আড্ডায় তুকোই ছিল কাপ্তেন। সে প্রায় রোজই বাপ-ঠাকুরদার পকেট মেরে দু'চার আঁট আনা নিয়ে আসত আর তাই দিয়ে বিকেলে আমাদের মহা ভোজ হ'ত।

তুকোদের সঙ্গে বিনায়কদের কি একটা সম্বন্ধ থাকায় দুই বাড়ির মহিলারাই পরস্পরের বাড়ি যাতায়াত করতেন। একদিন তুকোর ঠাকুরমা আমাকে বললেন, আমার কোনও জানাশোনা লোক তাদের বাড়ির জন্তে দিতে পারি কি না! আমি জনার্দনের নাম করায় তিনি জিজ্ঞাসা করলেন, সে কি আগে কোথাও কাজ-টাজ করেছে?

—হ্যাঁ, ভরতপুরের মন্ত রইস রাজা রামসিংয়ের ওখানে কাজ করেছে।

বেশি কিছু বলতে হ'ল না, তুকোদের বাড়িতে জনার্দনের কাজ হয়ে গেল, মাইনে হ'ল তিন টাকা।

জনার্দনের কাজ হয়ে যাওয়ায় স্বকান্ত্ব হ'ল মুশকিল। একলা সারাদিন ও সারারাত সে কাটাতে পারে না। শেষকালে রাত্রিবেলা তাকে আমাদের বাড়িতে শুতে বললুম। সে এসে শুতো বটে, কিন্তু শেষরাত্রে মনিব আমাকে ডাকতে আসার আগেই তাকে বের ক'রে দিতে হ'ত। কিন্তু বেশিদিন সে রকম করতেও সাহস হ'ল না। পাছে কোন অনর্থ ঘটে—এই ভয়ে একদিন ছোট গিন্নীর কাছে স্বকান্ত্ব জন্তে আশ্রয় ভিক্ষা করা গেল। বললাম, সে রাএ শোবে, অল্প কোথাও চাকরি হ'লেই চ'লে যাবে। ছোট গিন্নী বড় গিন্নীর সঙ্গে পরামর্শ ক'রে স্বকান্ত্বকে সেখানে শোবার অভুমতি দিলেন।

একটু একটু ক'রে স্বকান্ত্বকেও বাড়ির সকলে চিনে ফেললে। ক্রমে তার ওপরে একটু একটু ক'রে ফাই-ফরমাসের ভারও পড়তে লাগল, অবশ্য বেশি ফাই-ফরমাস করতেন মনিব মশায়।

কিছুদিন এই রকম চলতে চলতে একদিন বড় গিন্নী হৃকাস্তকে বললেন, তুমি কোথায় এখানে-সেখানে খেয়ে বেড়াও, আমাদের এখানেই খেলে পার! আমাদের বাড়িতে থেকে অল্প কোথাও খেলে আমাদের নিন্দে হবে যে!

এই রকম যখন চলেছে, তখন মাস কাবার হয়ে যাওয়ায় মনিবের কাছে মাইনে চাইলুম। মাইনের কথা শুনে তিনি একেবারে খাপ্পা হয়ে আমাকে প্রহার করতে উত্তত হলেন। তারপর চোখ পাকিয়ে যা বললেন তার সোজা অর্থ হচ্ছে যে, দু'ব্যাটায় প'ড়ে এখানে ব'সে ব'সে দু-বেলা খ্যাট লাগাচ্ছ, আবার এর ওপরে মাইনে!! শালা বাঙালী তো ভারি নেমকহারামের জাত! ভালভাবে এখানে খাও-দাও, থাক, মাইনের কথা তুলো না—তা হ'লে অল্প পথ দেখ।

কিছুকাল আগে জনার্দনের যখন ও-বাড়িতে তিন টাকা মাইনে হয়েছিল, তখন ছোট গিন্নী একবার আমায় আভাস দিয়েছিলেন যে, আমিও মাসে তিন টাকা ক'রে পার। কিন্তু মনিব মশায়ের ওই মূর্তি দেখে বড়ই আশাহত হলুম।

রাত্রে অতি অল্প সময়ই আমি ঘুমতে পেতুম। কারণ রাত্রি এগারো-বারোটা পর্যন্ত মনিবের ঘরে চলত ছল্লোড়, গান ও আড্ডা। সেই ঘর পরিষ্কার ক'রে মনিবকে বহন ক'রে অস্ত্রপুর্নে নিয়ে যাওয়া ও সেখান থেকে আবার নিয়ে আসা—এই করতেই রাত্রি প্রায় একটা বাজত। ওদিকে বেশ রাত থাকতেই উঠতে হ'ত মনিবকে পায়খানার জল দেবার জন্তে। কয়েক ঘণ্টা সময়ের মধ্যে প্রথম আধ ঘণ্টা আমার কাটত ওই তিন টাকা মাইনের ধ্যানে। টাকাটা পেলে জমানো হবে কি খরচ করা হবে! ওই তিন টাকার মধ্যে কতখানি খরচ ও কতখানি জমানো সম্ভব হতে পারে, তা নিয়ে মিজেদের মধ্যেও আলোচনা কিছু কম হ'ত না। আয়রা যে চিরদিন চাকরি করব না, এটা এক রকম ঠিকই ছিল। চাকরি-বাকরি ক'রে কিছু জমিয়ে নিয়ে ব্যবসা করব ব'লেই যে কোন

চাকরি নিতে দ্বিধা করি নি। কিন্তু তার ফল এই হ'ল দেখে সত্যিই বড় দুঃখ বোধ হ'ল।

এদের বাড়ি সেই শেষ রাত্রি থেকে রাত্রি বারোটা-একটা অবধি চাকরি—তার ওপর খাওয়া ছিল অতি জঘন্য। জঘন্য এই জগ্গে বলছি যে, সাধারণ গৃহস্থ মহারাষ্ট্রীয় ব্রাহ্মণের বাড়িতে এক-আধদিন শখ ক'রে খাওয়া চলতে পারে—সে খাওয়া বেশিদিন থেলে বাড়ালীর ছেলে বাঁচে না।

আমি স্ফাক্তর সঙ্গে পরামর্শ ক'রে ঠিক করলুম, বিনা মাইনের এই চাকরি আর করব না। কিন্তু কর্তা যতই নিদয় হোন না কেন, দুই মাই ছিলেন দয়াবতী। আমরা চ'লে যাব শুনে তাঁরা আপত্তি করতে লাগলেন। ছোট মা বলতে লাগলেন, তোমার রূপ ধ'রে ভগবান আমার লক্ষ্মীকে প্রাণে বাঁচিয়েছেন। তুমি অসন্তুষ্ট হয়ে চ'লে গেলে আমাদের অকল্যাণ হবে। তুমি মাসে মাসে যাতে ঠিকমত মাইনে পাও তার ব্যবস্থা আমি ক'রে দিচ্ছি—শুধু তোমার নয়, কাস্তও যাতে মাইনে পায় তারও বন্দোবস্ত আমি করছি।

সে সময় গ্রহও বোধ হয় স্তপ্রসন্ন ছিল, কারণ আমরা চ'লে যাব শুনে বিনায়ক এমন হাস্যমা লাগালে যে, তার বাবা 'বাপ বাপ' ব'লে আমার তিন টাকা মাইনে তো চুকিয়ে দিলেই, স্ফাক্ত, যার মাস পূবতে তখনও অনেক দেরি, তাকেও তিন টাকা দিয়ে দিলে।

একসঙ্গে ছটি টাকা তখন আমাদের বিস্কুটের বাক্সে বন্দী হ'ল।

আমরা বিকেলবেলায় খেলা সেরে কিছুক্ষণ বাজারে ঘুরে বাড়ি ফিরতুম। কারণ সেখানে পান সিগারেট ও নানা রকম খাদ্যদ্রব্যাদি পাওয়া যেত। সিগারেট দ্রব্যটির প্রতি তখন সরকারের এত কড়া নজর পড়ে নি। ব্যাটল্ এক্স, রেড ল্যাম্প, পেড্রো, কলম্বিয়া প্রভৃতি চলনসই সিগারেটের দাম ছিল দু পয়সা প্যাকেট, আর রেলওয়ে, ট্যাব্‌স্ প্রভৃতি ভাল সিগারেটের দাম ছিল চার-পাঁচ পয়সা প্যাকেট অর্থাৎ দশটা। মোট কথা, চার আনা পয়সা জুটলে আমাদের আট-দশজনের ভাজা-ভুজি ও তংসহ পান-সিগারেট অবধি চলত।

আমাদের রাস্তাতেই একটা বড় হোটেল পড়ত। হোটেলটা ছিল মুসলমানদের এবং নানা রকম মাংসের খাবার থালা ক'রে বাইরে সাজানো থাকত। একটা থালায় বড় বড় ভাজা মাছের টুকরো থাকত। একজন লোক সামনে ব'সে মোগলাই পরোটা ভাজত। সে যে কতরকম কায়দায় হাত ঘুরোতে থাকত তা আর কি বলব! লোকটা পরোটা ভাজছে কি মৃগুর ভাঁজছে তা বোঝা মুশকিল হ'ত। সেই মচমচে ভা'া টাটকা পরোটা তাওয়া থেকে নামিয়ে রাখতে না রাখতে বিক্রি হয়ে যেত। আমরা রোজই দাঁড়িয়ে দাঁড়িয়ে এই পরোটা-ভাজার কায়দা দেখতুম।

একদিন সন্ধ্যাবেলা সেই রকম পরোটা-ভাজা দেখছি, এমন সময় বিনায়ক তুক্কোকে বললে, একদিন বেশ ক'রে মাংস দিয়ে পরোটা খেতে হবে তুক্কো।

দেখলুম, তুক্কোর তাতে কোনও আপত্তি নেই। জিজ্ঞাসা ক'রে বুঝতে পারা গেল যে, খাবার ইচ্ছেটা যোল আনা থাকলেও তারা মাছ মাংস কখনও খায় নি। তার প্রথম কারণ এই যে, বাড়িতে যদি কেউ ঘুণাঙ্করে জানতে পারে তা হ'লে জ্যান্তে ছাল ছাড়িয়ে নেবে। বিশেষ ক'রে এখন তাদের পৈতে হয়ে গেছে। পৈতে হবার আগে মাছ মাংস পাওয়ার প্রাশ্চিত আছে, কিন্তু পৈতে হবার পর সে পাপের প্রাশ্চিত তুবানল। অথচ পৈতে হবার পর থেকেই ওই পাপের প্রতি আকর্ষণ তাদের হয়েছে প্রবল। দ্বিতীয় বাবা হচ্ছে, দোকানে গিয়ে মাছ কিংবা মাংস কেনবার মতন সাহস আজও তারা সক্ষম ক'রে উঠতে পারে নি।

সেদিন আমাদের সঙ্গে গুটিচারেক ছেলে ছিল। স্বকাস্ত বললে, যদি পয়সা থাকে তো আমাকে দাও, আমি কিনে আনছি।

আমাদের তুকাঙ্গী অর্থাৎ তুক্কো তখন পকেট থেকে একটা সিকি বের ক'রে ফেললে।

দোকানদার এতক্ষণ আমাদের বেশ ক'রে লক্ষ্য করছিল। জনাদন গিয়ে মাছ ভাজা চাইতে সে একটা কাগজের ঠোঙায় বেশ ক'রে মুড়ে-ঝুড়ে মাল

দিলে। তারপরে সেই মাছ-ভাজা খাওয়া নিয়ে এক ব্যাপার! ছুটি ছেলে তো মুখে দিয়েই ওয়াক্ ওয়াক্ ক'রে বমি ক'রে ফেলে দিলে। আমাদের বিনায়ক বেশ ক'রে কাঁটা বেছে বেছে তিন-চারখানা ভাজা মেরে দিলে। গপ্ গপ্ ক'রে খেতে গিয়ে তুক্কোর গলায় বিঁধল কাঁটা। শেষকালে সে যায় আর কি! আমি তার মুখের মধ্য হাত পুরে দিয়ে গলা থেকে ইয়া বড় একটা কাঁটা বের করলুম। তার খুতুর সঙ্গে রক্ত পেরতে লাগল। গলার যন্ত্রণা ও রক্ত দেখে সে তো ভড়কে গেল। তারপরে এক জায়গা থেকে গরম চা খেয়ে তুক্কো একটু সুস্থ বোধ করায় সেদিন যে যার বাড়ি চ'লে গেল।

তুক্কোর গলার ব্যথা সারতে ক'দিন কেটে গেল। তারপর একদিন আমরা গরম টিকিয়া কাবাব কিনে খেলুম। কাবাব সকলের মুখে অমৃতের মত লাগল। এমন কি, সেদিন মাছ খেয়ে যারা জলচরের শত নিন্দা করেছিল, কাবাব খেয়ে তারা পণ্টক-নন্দনের প্রশংসায় পঞ্চমুখ হয়ে উঠল।

দিনে দিনে এই সন্ধ্যাযাত্রায় আমাদের সহযাত্রীর সংখ্যা বৃদ্ধি পেতে লাগল। শেষকালে আমরা অল্প রাস্তা দিয়ে ঘুরে ঘুরে বাড়ি ফিরতে লাগলুম—আমাদের সঙ্গে কিছুক্ষণ ঘুরে অল্পরা সবাই কেটে পড়লে তখন আবার বাজারে ফিরে গিয়ে কাবাব খাওয়া হতে লাগল।

একদিন তুক্কো বাড়ি থেকে গোটা চারেক টাকা মেরে নিয়ে এল। আগেই বলেছি, তার বাবা ও ঠাকুরদা দুজনেই ওখানকার পসারওয়ালা উকিল ছিলেন। তাঁরা দুজনে আলাদা আলাদা জায়গায় টাকা রাখতেন আর তুক্কো দু জায়গা থেকেই কিছু কিছু সরাত। এতদিন সে চার আনা আট আনা, কখনও বা পুরো একটা টাকা মেরে আনত; কিন্তু কথায় বলে 'ঘটি চোর বাটি চোর হতে হতে সিঁদেল চোর'—সেদিন একেবারে চার-চারটে টাকা এনে সে বললে, আজ হোটেলের চুকে পরোটা ও মাংস খেতে হবে।

মাংসের গন্ধে গন্ধে আরও ছুটি ছেলে জুটে গেল আমাদের সঙ্গে। খেলা-টেলা ফেলে বেশ বেলাবেলিই আমরা হোটেলের সামনে এসে দাঁড়ালুম।

কিন্তু হোটেলের মধ্যে ঢুকতে তাদের কাকুর আর সাহস হয় না। আমরা তিন জন অর্থাৎ আমি জনার্দন ও স্বকান্ত যতবার হোটেলের দরজার দিকে এগিয়ে যাই ওরা চারজন আমাদের পিছু পিছু থানিকটা এসে আবার ফিরে যায়। এমন দু-চারবার করতেই হোটেলের একটি ছোকরা-মত চাকর বেরিয়ে এসে আমাদের ডাকলে, বাবুসাব শুনিয়ে।

ছেলেটি হোটেলের পাশেই একটা গা- দেখিয়ে দিয়ে বললে, আপনারা ওই গলিতে ঢুকে থানিকটা এগিয়ে গেলেই একটা দরজা দেখতে পাবেন, সেইখান দিয়ে চলে আসুন।

ছেলেটির নির্দিষ্ট পথে আমরা সবাই টুপ টুপ করে গলিতে ঢুকে পড়লুম। তারপর একটু এগিয়ে গিয়ে একটা দরজা দিয়ে ঢুকেই দেখি, এক বিরাট ব্যাপার—সেটা হচ্ছে হোটেলের পেছনের একটা ঘর। ঘরখানা বেশ বড়। বড় রাস্তা থেকে হোটেলের যে ঘরটা দেখতে পাওয়া যায় প্রায় তত বড়ই হবে। ঘরের মধ্যে লোকের অস্ত্র নেই—সকলেই হিন্দু তারা। যে সব মাংসলোলুপ হিন্দু সামনের দিক দিয়ে ঢুকতে ভয় পায় অথবা মুসলমানদের সঙ্গে এক জায়গায় বসে খেতে বাদের আপত্তি আছে, তাদের জগে এই পেছনের দরজা খোলা হয়েছে। আমরা একটু কোণ-গোছের জায়গা দেখে বসতে না বসতে সেই ছেলেটি এসে জিজ্ঞাসা করলে, কি দেব তোমাদের?

—আপাতত পরোটা মাংসই তো চলুক।

তক্ষুনি গরম খাবার এসে গেল। দু-একজন বাদে সকলকেই মাংস খাওয়া শেখাতে হ'ল। কেউ মাংসের টুকরো হাতে করে গায়ের ঝোলটুকু চুমেই ফেলে দিচ্ছিল, কেউ বা চিবিয়ে ছিবড়ে ফেলে দিতে লাগল—চিবিয়ে গিলে ফেলতে বলায় কেউ কেউ বিষম বিপদে পড়ে গেল। যা হোক, একটু চেষ্টা করতেই তারা দিব্যি ওড়াতে আরম্ভ করে দিলে। তুকো উপরি উপরি তিন প্লেট কারি ও তিনটি পরোটা মেরে দিলে। আমাদের বিনায়ক দেখলুম

এ বিষয়ে খুঁই ওস্তাদ—অথচ সেই মাছ খাওয়ার দিনের মতন সেদিনেও সে বললে, এর আগে মাংসের সঙ্গে এমন সাক্ষাৎ-পরিচয় তার হয় নি।

যাই হোক, সেখানে ব'লে ঘণ্টাখানেক ধ'রে দম-ভোর খাওয়া গেল। এরই মধ্যে আমাদের চেনা একজন মহা নিষ্ঠাবান সং-ব্রাহ্মণ হোটেলের চুকে থেয়ে বেরিয়ে গেল। আমরাও খাওয়া শেষ ক'রে পরস্পর চুকিয়ে দিয়ে আবার সেই রাস্তা দিয়ে বেরিয়ে এলুম।

সেদিন আবার কর্তার একটি বড় জলসা ছিল। আমরা বাড়ি ফিরে দেখি, তিনি নিজেই বৈঠকখানা বাড়ামোছা করছেন। আমাদের দেখেই তো মহা তস্থি লাগিয়ে দিলেন। এই নিয়ে বাপ-ব্যাটার খুব খানিকটা খচাখচি হয়ে গেল। আমরা বেগতিক দেখে কর্তা কিছু বলবার আগেই বৈঠকখানা পরিকারের কাজে লেগে গেলুম। ও-কাজ আগে থেকেই আমাদের জানা ছিল। কোথায় কি পাততে হবে, তদুপায় কোথায় থাকবে, তবলা হাতুড়ি কোথায় থাকবে—সব ঝেড়ে ঝুড়ে সাজাতে লেগে গেলুম। কর্তা শুদিকে মৌজের ব্যবস্থায় মন দিলেন। এদিককার কাজ সারা হতেই আমাদের ছুটতে হ'ল সোডা-লেমেনেডের দোকানে। বোম্বাইয়ের কে একজন বড় গাইয়ে আসবেন ব'লে কর্তা একটু বিশেষ ব্যবস্থা করেছিলেন সেদিন। সন্ধ্যা হবার আগেই হোমরা-চোমরা নিমন্ত্রিতবর্গ ইয়া ইয়া পাগড়ি মাথায় বেঁধে জনসায় আসতে লাগলেন। অহা জলসার দিন বিনায়ক প্রায়ই বাড়ির ভেতরে থাকত, কিন্তু সেদিনকার বিশেষ ব্যবস্থায় বিনায়কও আমাদের সঙ্গে আছে। আমরা কাঁকর পাগড়ি দেখে হাসছি, কখনও বা বাইরে বেরিয়ে গিয়ে ছু-টান সিগারেট ফুঁকছি, সময়টা বেশ আনন্দেই কাটছিল—এমন সময় তুন্ধোর বাড়ি থেকে তারই সম্প্রসিক্ত এক খুড়ো হস্তদস্ত হয়ে এসে বিনায়ককে ডেকে নিয়ে গেল। লোকটা বিনায়ককে তাদের ভাষায় ধমকের স্বরে কি সব বলতে লাগল। দেখলুম, তার মুখখানা একেবারে শুকিয়ে গেল।

বিনায়ক চ'লে যাবার একটু পরেই আমন্ত্রিত সেই গাইয়ে সদলবলে এসে

উপস্থিত হলেন। আদর-আপ্যায়নের পর যনাদি বেঁধে গান শুরু হ'ল—সেই হেঁড়ে গলায় হ্যাঁ ব্যা ব্যা ব্যা—ত্যা ব্যা ব্যা ব্যা—গান। শ্রোতারা কেউ তারিফ করতে লাগল, কেউ বা মস্তমুগ্ধের মত চুপ ক'রে বসে রইল।

ইতিমধ্যে আমি ও স্বকাস্ত জলসা ছেড়ে বিড়ি ফৌকবার জন্তো বাস্তার দিকে যাচ্ছি এমন সময় একদল লোক, তার মধ্যে স্বীলোকের সংখ্যাও নেহাত কম নয়—এসেই আমাদের দুজনেরই দুই বাঁ হোর ক'রে চেপে ধ'বে মহাবাষ্ট্রীয় ভাষায় কি সব বলতে লাগল।

এই কয়েকদিন ওদেব বাড়ি কাজ ক'বে সে ভাষায় যতখানি পাণ্ডিত্য লাভ করা গিয়েছিল তাতে বুঝতে পারলুম, লোকগুলো যা বলছে তা বিশেষ স্ববিধার কথা নয়।

দেখলুম, দুখন লোক বিনাযককেও সেই রকম ভাবে ধবেছে। লোকগুলো সেই রকম ভাবে ধ'বে টানতে টানতে আমাদের বৈঠকখানা ঘরের দরজা অবধি নিয়ে এল। কিন্তু সেখানে আসব তখন খুবই সরগরম, দরজার দিকে মনোযোগ দেবার মতন মেসাজ তাদেব নেই। তাব ওপবে বড় জলসা হবে ব'লে কতা আগে থাকতেই বড় বড় পাএ মেরে আসবে মবিাখানে চোখ বজে ব'সে গান উপভোগ করছিলেন। সেখানে বিশেষ স্ববিধা হবে না বুঝে তারা আমাদের টানতে টানতে বাড়িও ভেতরে নিয়ে চলল। নির্ডি দিষে শুঠবার সময় তারা কি সব ব'লে চেচাতেই দু দিক থেকে দুই গিন্নী একরকম ছুটে ছুটে বেরিয়ে এলেন। এইখানে ব্যাপারটা যা শোনা গেল তা এই—আজ বিকেলে তুকাঙ্গী বাড়িতে বিএর ভয়ানক পেট কামড়াচ্ছে ব'লে শুয়ে পড়েছিল। পেট-কামডানি অসহ্য হওয়ায় ঘোষানের আবক ইত্যাদি খাওয়ানো হয়, কিন্তু তাতেও যন্ত্রণার উপশম হচ্ছে না দেখে চাওন সাহেবকে ডাকতে পাঠানো হয়। চাওন (চাবন) বিলেত-ফেরত ডাক্তার, তুকের ঠাকুবদাদার বিশেষ বন্ধু। কিন্তু চাওন সাহেব এসে পৌছবার আগেই আমাদের অতি খলিফা তুকাঙ্গী হড় হড় ক'রে তিন প্লেট মাংস ও তিনটি পরোটা উদগার ক'রে ফেলেন। ব্রাহ্মণেব ছেলের পেট

থেকে তিনটি সাপ ও এক ডজন ব্যাঙ ঝেঁকলেও বাড়ির লোকেরা এতটা আশ্চর্য হতেন না। তাকে জেরা করায় সে আমাদের তিনজনের ও বিনায়কের নাম ক'রে দিয়েছে।

বিনায়ক চোঁচাতে লাগল, তুকোর ও-সব মিছে কথা। আমরা তিনজন কিংবা সে ও-সব দ্রব্য পর্যন্ত স্পর্শ করি নি।

তুকোর বাড়ির লোকদের মুখে ওই বিবরণ শুনতে না শুনতে দুই গিন্নী একেবারে একসঙ্গে আমাদের—দূর, দূর—বেরো, বেরো—করতে আরম্ভ ক'রে দিলে।

বিনায়ক চোঁচিয়ে কঁাদতে কঁাদতে বলতে লাগল, সব মিছে কথা—তুকোর সব মিছে কথা—

বারান্দার এক কোণে একটা ভাঙা হাঁড়িতে বড় গিন্নীর ‘রেডি মেড’ গোবর-জল থাকত। এই চোঁচামেচি হাঙ্গামার মধ্যে তিনি চট ক'রে সেই হাঁড়িটা তুলে নিয়ে এসে একেবারে বিনায়কের মাথায় ঢেলে দিলেন। ওদিকে তুকোর বাড়ির মেয়েরা আমাদের উদ্দেশ্যে চোঁচাতে লাগল—ঝ্যাঁটা মেরে বিদেয় কর—দুধ-কলা দিয়ে এই সব সাপদের কখনও পুষতে আছে!

শেষকালে উপস্থিত স্ত্রী-পুরুষ সবাই মিলে আমাদের ‘দূর দূর’ করতে আরম্ভ ক'রে দিলে।

সত্তরজীত একথানা শতরক্ষি বগলদাবা ক'রে আমরা বাইরের দিকে পা বাড়াতোই বিনায়ক লাফিয়ে এসে আমাদের জড়িয়ে ধ'রে চীৎকার ক'রে কঁাদতে কঁাদতে বলতে লাগল, যাস নে—ও বাঙালী, তুই যাস নে—

তুকোর বাড়ির পুরুষেরা জোর ক'রে তাকে ছাড়িয়ে নিতে লাগল। এর মধ্যে তার গর্ভধারিণী মাঝে মাঝে চড়-চাপড়ও দিতে লাগলেন।

বিনায়কের কান্না, দুই গিন্নীর চীৎকার, তুকোর বাড়ির পুরুষ ও স্ত্রীলোকদের ভৎসনা ও গঞ্জন, তার ওপরে নীচের গায়কের বাট, তান ও কর্তবে মিলে

বাড়িটা একেবারে নরককুণ্ডে পরিণত হ'ল। ব্যাপার দেখে স'রে পড়াই আমরা সমীচীন বোধ করলুম।

বাইরে এসে দেখি, একটু দূরে অন্ধকারে গা-ঢাকা দিয়ে জনার্দন দাঁড়িয়ে আছে। সে বললে, তুকে আমাদের নাম করতেই আমার খোঁজ পড়েছিল, কিন্তু আমি স'রে পড়ায় আর খুঁজে পায় নি।

আর কালবিলম্ব না ক'রে ছুটলুম সেই ধর্ম'ালার দিকে।

পঞ্চাশ বছর আগের জীবন-প্রভাতের সেই হৃদনের বন্ধুর মুখখানা জীবনের সাম্মাহে আজ ভাল ক'রে মনে পড়ছে না। চোখের দৃষ্টির মত স্মৃতির পরকালও আজ আবছায়ায় অস্পষ্ট হয়ে এসেছে। তবুও বিশ্বাসিতর কুহেলিকা ভেদ ক'রে সেই ঋণমান বালকের মুখের একটা অস্পষ্ট ছবি মনের মধ্যে ভেসে উঠছে আর ভাবছি, আজও কি সে বেঁচে আছে? যদি থাকে তো এই মিলন, শোক, হাসি ও অশ্রুভরা পৃথিবী তার সঙ্গে কি রকম ব্যবহার করলে! জীবনে বহুবার মনে হয়েছে তার কথা, কতবার মনে করেছি, একবার তার খোঁজ করি; কিন্তু তা আর হয়ে ওঠে নি। আজ এই শেষবারের মতন তাকে আমার হৃদয়ের অভিনন্দন জানিয়ে গেলুম।

*

*

*

এমনি ক'রে ঘুরে ঘুরে, কখনও পথে, কখনও ঘাটে, কখনও দীনের কুটির, কভু বা ধনীর অটালিকায়—কখনও ধর্মশালায়, কখনও বা পাকশালায়, কখনও রেলের ইষ্টিশনে, কখনও ট্রেনের কামরায় আমাদের দিনগুলি কাটতে লাগল। এমনই ক'রে প'ক খেতে খেতে একদিন সন্ধ্যার প্রাকালে আমরা জয়পুর রাজ্যের রাজধানীতে এসে উপস্থিত হলুম।

শেষন থেকে বেরিয়ে একটু দূরেই একটা গর্তের মতন ঘর এক পয়সায় ভাড়া করা গেল। ঠিক করলুম, রাতটা সেখানে কোনও রকমে কাটিয়ে কাল শহরের ভেতরে ঢোকা যাবে।

তখন প্রকৃতির মধ্যে শীতাস্তের মাড়া প'ড়ে গেছে। আকাশের রঙ আর

পৃথিবীর চঙ একটু একটু ক'বে বদলাতে আরম্ভ করেছে। যে গাছ পাতা ঝ'রে ছাড়া হয়ে গিয়েছিল তার ডালে ডালে নতুন পাতা গন্ধিয়ে উঠছে, যে গাছ শুকনো পাতা নিয়ে তখনও ঋতুরাজের অপেক্ষায় ছিল সেগুলো থেকে বাতাসের বোঁকে বোঁকে ঝাঁকে ঝাঁকে পাতা উড়তে আরম্ভ করেছে পাখির মতন।

শহরের মধ্যে ঢুকে তো একেবারে অবাক হয়ে গেলুম। এমন পরিষ্কার মোজা রাস্তা অণু কোনও শহরে আব দেখি নি—সে যেন চক কেটে তৈরি করা হয়েছে। রাস্তার দু দিকে সব বাড়িগুলোরই এক রকমের রঙ। বাড়িগুলো ঠিক যেন ছবি। রাস্তা চলতে চলতে মনে হয়, যেন রঙ্গমঞ্চের দৃশ্যপটের সামনে চলাফেরা করছি।

বাস্তা দিয়ে দলে দলে মেয়ে চলেছে। কঠিন শীতেব শেষে তাবা পুরাতন মোটা বসন ভেঙে নতুন কাপড় পরেছে। সে কি রঙের বাহাব—শুভ্রবসন-বিলাসী বাঙালীব চোখ বালুসে যায় তার বৈচিত্র্যে। ঝকঝকে নানাবর্ণের লহেঙ্গা অর্থাৎ ঘাগবা, উত্তরার্ধে রঙিন চোচি, তার ওপরে বিচিত্র বধের ওডনা—কোনও কোনও ওডনার জমিতে জরিব ফুল, কোনটায় বা জরিব পাড়—স্বষের আলোতে সেগুলো ঝকঝক কবছে। বড় বড় গেট পাব হয়ে শহরে ঢুকতে হয়। একটা রাস্তায় দেগলুম, ফুটপাথের ওপব প্রায় আধমাত্রব সমান উঁচু ক'রে ছোলা, মটর, মুগ ও অগ্ন্যাণ্ড শগুের দোকান ব'সে গিয়েছে। রাজ্যের গোলা পায়রা ও টিয়া পাখি এসে সেই সব শস্য খাচ্ছে। দোকানদারের হাতে একটা হাত দেড়েক লম্বা লাঠি—তাই দিয়ে পায়রা ও অগ্ন্যাণ্ড পাখি তাড়ানো হচ্ছে। পাছে তাদের অঙ্গে আঘাত লাগে সেইজন্তে লাঠিব ডগায় আবার খানিকটা ছাকড়া বেঁধে নেওয়া হয়েছে।

সনাতন একা গাডি আছে বটে, কিন্তু তা ছাড়াও আর এক রকমের বলদে-টানা গাডি দেখলুম, যার নাম রথ। চমৎকার রঙিন চাঁদোয়া দেওয়া গাডি, তার মধ্যে একজন কি দুজন বসবার জায়গা আছে—বাকিটা সমস্তই অলঙ্কার অর্থাৎ বাহার কিংবা বাহুল্য। বলদের চেহারাই বা কি সুন্দর! যেমন বিরাট

তাদের চেহারা, তেমনই হুটপুট চিকন তাদের দেহ—সর্বাঙ্গে লাল, নীল, বাসন্তী রঙের ছাপ মারা, ছুটি হুদুশ তেল মাখানো চকচকে বড় শিং, আবার শিংয়ের ডগায় পেতলেব অলঙ্কার। তাদের চলবার ঢংই বা কি হৃন্দব। যুগল বলীবদ যখন এক হালে ঘাড় নেড়ে নেড়ে সর্বাঙ্গ ছুলিয়ে বং টেনে নিয়ে যায় তখন মনে হয়, নিজেদের কপ ও পোশাক সঙ্কে তাবা অত্যন্ত বেশিমানায় সচেতন।

নব বসন্তে নতুন দেশে সেই প্রাচুর্যের ব্যে নিজেকে ভাবিয়ে ফেললুম। বাড়ি থেকে বেরিয়ে অবধি এতদিন আপনাকে নিয়ে অত্যন্ত ব্যস্ত ও বিব্রত ছিলাম। অবিষ্টি প্রবাগের গঙ্গা ও যমুনার সঙ্গম, আগ্রার তাজমহল ও অন্যান্য স্থাপত্যের নিদর্শন মনবে আকর্ষণ করেছিল বটে, কিন্তু তারা আমাকে আত্মসাৎ করতে পাবে নি। তখনও ধরা পড়বার ভয় ছিল, কোনও কাজকর্ম যদি না জোটে ভবিষ্যতে কি করে চলবে। কোথায় ব্যবসা করব, কিসের ব্যবসা ফাদব, টাকা কোথায় পাব—নব কিছু মনোই নিবন্যব এই চিন্তা মনবে মনো ঘূন ঘূন করছিল। কিন্তু জয়পুরের এসে প্রকৃতির এই পরিবেশের মনো প'ড়ে নিজেকে একেবারে ভুলে গিয়ে আমি এতটুকুটা অঙ্গবিশেষে দাঁড়িয়ে গেলুম।

মনের এই অবস্থার সম্যক পরিচয় দিতে পাবলুম কি না বংতে পারি না। সে একটা অবস্থা, যে সময় মনটার কেবল গ্রহণ কববার ক্ষমতাই থেকে যা, নিজে থেকে কিছু ভাববার ক্ষমতা এক বকম লেপ পেবে যায়। আগের সঙ্গী তারা ছিল তাদের কথা কিছু শুলতে পারি না। তারা কি ভাবছে কিংবা তাদের কি ইচ্ছে তা জানবারও কোনও বকম উৎসাহ নেই—কেবল নেহাত প্রয়োজনীয় আহার ও রাএর আশ্রয় ছাড়া আব কোনও ভাবনাই নেই। সমস্ত দিন শহরে ঘুরে বেড়াই, দাঁড়িয়ে কোনও জিনিস দেখছি তো দেখছি—হয় তা অনেকক্ষণ দাঁড়িয়ে আছি, যা দেখছিলাম তা কখন চ'লে গেছে—শুণ দাঁড়িয়েই আছি, মনের মধ্যে থেকে কোন চিন্তাই উঠছে না। চোখে জিনিস প্রতিফলিত হচ্ছ বটে, কিন্তু ভেতরে কিছু বহন ক'রে নিয়ে যাচ্ছে না।

শহরের ঠিক বাইবেই রামনিবাসবাগ নামে চমৎকার বাগান। এই

বাগানের মধ্যে পশুশালা ও স্তদৃশ পাথরের অট্টালিকায় যাদুঘর। কলকাতার তুলনায় এই যাদুঘরে কিছুই নেই বললেই হয়। বাড়িখানার ছাতে উঠে আমরা ঘুরে বেড়াইতুম। শুধু ছাত নয়, সেখানে যত উঁচু ও দুর্গম জায়গা আছে সেখানে উঠে দৃষ্টি প্রসারিত করে দিতুম দূর-দূরান্তরে। কখনও বা যাদুঘরের কোন ছায়া-শীতল জায়গায় পড়ে লাগাতুম ঘুম একেবারে সন্ধ্যা অবধি। কখনও বা বাগানের চিড়িয়াখানায় পশু দেখে দেখেই দিন কেটে যেত। সেদিন সে চিড়িয়াখানা ছিল অত্যন্ত মামুলী—পরে অবশ্য তার অনেক উন্নতি হয়েছে। বাগানে ঘুরতে ঘুরতে ক্রান্ত হয়ে পড়লে কখনও গাছের তলায়, কখনও ঝোপের পাশে ছায়ায় পড়ে ঘুমিয়েছি।

এমনই করে স্রোতের মুখে কুটোর মতন উদ্দেশ্যহীন হয়ে যখন ভেসে চলেছি, সেই সময়ে একদিন সকালে এক খাবারের দোকানে বসে খেতে খেতে দু-তিনজন লোকের মুখে শুনলুম যে, শহর থেকে কিছু দূরে এক ধনীর বাড়িতে একজন সন্ন্যাসী এসেছেন, তাঁর বয়স পাঁচ শো বছর। একজন বললে যে, সে নিজেকে গিয়ে সন্ন্যাসীকে দেখে এসেছে।

জায়গাটা সেখান থেকে কত দূরে এবং কি করে সেখানে যেতে হয় জিজ্ঞাসা করায় সে বললে, উট কিংবা ঘোড়ার পিঠে চড়ে যেতে পার। তোমরা তিনজনে মিলে একটা উট ভাড়া করলে পাঁচ-ছ টাকার বেশি নেবে না। চব্বিশ ঘণ্টার মধ্যেই মহারাজের চরণ দর্শন করে ফিরে আসতে পারবে।

সেখানে যাদের বাড়িতে সন্ন্যাসী আছেন তারা দেখতে দেবে কি না জিজ্ঞাসা করায় সে বললে, নিশ্চয় দেবে।

লোকটি আরও বললে যে, সন্ন্যাসীর নাম হচ্ছে সাধু মহারাজ। তিনি সেখানকার সরকারের অর্থাৎ রাজার গুরু। তাঁকে যারা দেখতে যাবে তাদের থাকবার, স্নান করবার ও খাবার ব্যবস্থা ওই রাজ-সরকার থেকেই হয়েছে। তোমরা দর্শন করতে গেলে রাজার হালে সেখানে থাকতে পাবে।

লোকটি সাধু মহারাজ সম্বন্ধে অনেক অলৌকিক কাহিনী বলতে লাগল।

সন্ধ্যাসীর কথা শুনে তাঁকে দেখতে যাবার ইচ্ছা প্রবল হ'ল বটে, কিন্তু পাঁচ-ছ টাকা ভাড়া লাগবে শুনে বাসনা আপনিই চূপসে গেল। কিন্তু লোকটা আবার বললে, আপনারা ইচ্ছা করলে হেঁটেও যেতে পারেন। অনেক ভক্ত পঞ্চাশ-ষাট মাইল পথ হেঁটে মহারাজকে দর্শন করতে যাচ্ছে—অনেক স্ত্রীলোক পর্যন্ত।

যাব কি-যাব না দোলায় মন যখন ছলছে তখন লোকটির সঙ্গী বললে, আপনারা বাংগাল দেশের লোক তো! মহারাজের একজন বাংগালী চেলাও আছেন।

—কি বললে! বাঙালী চেলাও আছেন?

—হ্যাঁ।

—তিনি সেইখানেই আছেন?

—হ্যাঁ, তাঁকে নিজের চোখে দেখেছি। কথা বলেছি, বড় সাধু লোক তিনি।

আর বেশি বলতে হ'ল না—এ পরেশদা না হয়ে যায় না। আমরা তাদের কাছে ভাল ক'রে ঠিকানা জেনে সকালেই বেরিয়ে পড়বার ব্যবস্থা করলুম।

ভারতবর্ষ স্বাধীন হবার অনেক আগেকার কথা বলছি। আরও স্পষ্ট ক'রে বলতে গেলে বলতে হয় যে, স্বাধীনতার স্বপ্ন দেখবারও আগের কথা—এখন তাদের কি ব্যবস্থা হয়েছে জানি না, সে সময় জয়পুর রাজ্যে খোদ মহারাজার অধীনে বড় বড় জমিদার থাকতেন। এই জমিদারদের সর্দার বলা হ'ত। তাদের নিজ নিজ জমিদারির মধ্যে তাঁরা এক রকম স্বাধীনই ছিলেন। এঁদের মধ্যে অনেকের আবার কেলাও ছিল এবং সেখানে তাঁদের নিজেদের সৈন্য সামন্ত থাকত। খোদ মহারাজার সঙ্গে এঁদের কি সম্বন্ধ ছিল তা ঠিক বলতে পারি না, তবে সর্দারেরা নানা শ্রেণীতে বিভক্ত ছিলেন। শুনেছি, প্রথম শ্রেণীর সর্দারেরা বাঁ পায়ে সোনার মল প'রে দরবারে উপস্থিত হতেন এবং মহারাজা নাকি সিংহাসন থেকে উঠে দাঁড়িয়ে তাঁদের নমস্কার করতেন। এই রকম দ্বিতীয় তৃতীয় শ্রেণীর সব সর্দার ছিলেন। এই সব সর্দারেরা—তা তিনি প্রথম শ্রেণীর হোন অথবা তৃতীয় শ্রেণীরই হোন—নিজেদের রাজ্যে অর্থাৎ জমিদারির মধ্যে দোর্দণ্ড প্রতাপশালী হতেন। এই সর্দারদের মধ্যে একজন

কিশোর বয়সে এক সন্ন্যাসীর শিষ্য হয়েছিলেন। তিনি সেই বয়সেই রাজ্য-সম্পদ ত্যাগ ক'রে সন্ন্যাসীর সঙ্গে চ'লে গিয়েছিলেন। কিছুকাল সাধন-ভজন করবার পর গুরু তাঁকে আবার গৃহে ফিরে পাঠান। গৃহে ফিরে এলেও সেখানে স্থায়ীভাবে তিনি কখনও থাকেন না। কখনও দীর্ঘকাল গুরুর আশ্রমে, কখনও বা তীর্থে তীর্থে ঘুরে কাটান। বাড়িতে এলেও সেখানকার ঐশ্বর্য ও সম্ভোগ থেকে তিনি দূরে থাকেন। সেখানে তো বটেই, এমন কি জয়পুর শহরের লোক পর্যন্ত সম্রাটের সঙ্গে তাঁর নাম উচ্চারণ ক'বে থাকে এবং গদিতে না বসলেও একেও সকলে সেখানকার সদার ব'লে মানেন। আমি যখনকার কথা বলছি তখন এঁর বয়স ছিল নব্বুইয়েরও বেশি। এঁর ঠাকুরদা যখন গদি পেয়েছিলেন অর্থাৎ যখন তাঁর একুশ বছর বয়েস, তখন তিনি এই সাধু মহারাজের শিষ্য হয়েছিলেন। ওখানে গুজব ছিল যে, এই সাধু মহারাজও এই সদার-পরিবারেরই ছেলে—ছেলেবেলায় সন্ন্যাসী হয়ে গৃহত্যাগ করেছিলেন।

যাই হোক, আমরা শুনলুম যে, সাধু মহারাজ কয়েকজন শিষ্য নিয়ে প্রায় দেড় মাস হ'ল এইখানে এসে উঠেছেন এবং মাত্র আর কয়েকদিন সেখানে থাকবেন। এও শোনা গেল যে, সন্ন্যাসীর সঙ্গে দেখা করার কোনও বাধা নেই। শুধু তাই নয়, গুরুদেব আসার উপলক্ষে সদারজী তাঁর প্রাসাদে সদারত খুলে দিয়েছেন—গুরুদেব যতদিন আছেন ততদিন যে কেউ ইচ্ছা করলে সেখানে থাকতে পেতে পাবে—এটা নাকি সাধু মহারাজার আদেশ।

আমরা শুনলুম, সদারজীর রাজধানী জয়পুর শহর থেকে প্রায় বিশ মাইল পথ। স্থির করা গেল হেঁটেই এই দীর্ঘ পথ অতিক্রম করা যাবে, কারণ উট ভাড়া ক'রে এই সময় অর্থ নষ্ট করা কোন কাজের কথা নয়। সেই লোকগুলিকে জিজ্ঞাসা ক'রে জানা গেল যে, এখন যাত্রা করলে মাঝ-রাত্রি নাগাদ আমরা সেখানে গিয়ে পৌঁছতে পারব—রাস্তাও ভাল, পাকা সড়ক, জয়পুর থেকে একেবারে সোজা গিয়েছে সেখান পর্যন্ত।

খাওয়া-দাওয়া শেষ ক'রে বেলা প্রায় আটটা নাগাদ আমরা সাধু মহারাজের উদ্দেশে রওনা হলুম।

প্রায় পঞ্চাশ বছর আগেকার কথা, জায়গাটার নাম একদম ভুলে গিয়েছি। ঘণ্টাখানেকের মধ্যেই আমরা শহরের ছদ্ম ছাডিয়ে গেলুম। ফাস্তনের মাঝামাঝি সময়, তখনও সে দেশে গবম পড়ে নি, আমরা আরামেই চলতে লাগলুম। ক্রমে লোকালয় পেবিষে গেলুম, দু পাশে শস্তক্ষেতের মাঝখান দিয়ে পাকা চণ্ডা রাস্তা চ'লে গিয়েছে সোজা—এরই মধ্য কখনও বা রাস্তার ধারে সুন্দর এক-একটা বাড়ি ও বাগান দেখতে পাওয়া যায়। পথ চলতে চলতে কখনও দেখি, রাস্তায় ও মাঠের মধ্যে দলে দলে ময়র ঘুরে বেড়াচ্ছে—মেয়ে-মগরগুলো পুরুষ-ময়ূরদেব চেয়ে কত বেশ দেখতে। তাবই আলোচনায় খানিকক্ষণ কেটে যায়। কখনও বা হরিণের পাঁচ দেখে অবাক হয়ে দাঁড়িয়ে যাই। আমাদের চোখে এসব দৃশ্য নতুন।

পথ চণ্ডা হ'লেও মাঝে মাঝে বুলো উড়ে একেবারে দম বন্ধ হবার উপক্রম হয়। কোন কোন জায়গায় দু পাশের শস্তক্ষেত থেকে ফসল কেটে নেওয়া হয়েছে—দমকা হাওয়া সেখানেও বুলো উড়িয়ে বেড়াচ্ছে। মাঝে মাঝে কেউ বা ঘোড়ায় চ'ড়ে সামনের দিক থেকে এসে আমাদের পার হয়ে চ'লে যায়। ঘোড়া ও সওয়ারের সর্গাদ বুলোয় শাদা হয়ে গিয়েছে—আমরা অবাক হয়ে তাকে দেখি, সেও অবাক হয়ে আমাদের দেখে। কখনও বা দেখতে পাষ্ট উচের পিছে চ'ড়ে কয়েকজন লোক চলেছে—বাংলা দেশের লোক আমরা, উট দেখা অভ্যাস নেই। বিশ্বয়চকিত দৃষ্টিতে আমরা সেই দৃশ্য দেখতে থাকি—লম্বা লম্বা পাঁচ লে বিচিত্র ভঙ্গীতে চলতে চলতে উট আমাদের দৃষ্টির সীমা পার হয়ে চ'লে যায়। কখনও বা সেই নির্জন বাস্তায় চাঁৎকারের দমকা ঝড় তুলে একদল পুরুষ ও স্ত্রীলোক কলরব কবতে কবতে চ'লে যায়—গ্রাম্যলোক তারা, আগে কথা বলতে জানে না তাদের জিজ্ঞাসা করি, আমরা ঠিক পথে চলেছি কি না? কখনও বা ক্লান্ত ধূলি-বুমিরিত দেহ নিয়ে কোন পথিক আসে অপর দিক থেকে, তাকে জিজ্ঞাসা করি—সে ঝাড়শাহী ভাষায় কি উত্তর দেয়

আমরা বুঝতে পারি না। সেও আমাদের শহরে হিন্দী বুঝতে পারে না, কয়েক মুহূর্ত অবাক হয়ে আমাদের দিকে চেয়ে থেকে আবার নিজের পথ ধরে।

চলতে চলতে এক জায়গায় পথের ধারে কয়েকটা ধূলিমাখা খোলার ঘর দেখে দাঁড়িয়ে গেলুম। অনেকক্ষণ ধরে জল তেষ্ঠা পেয়েছিল, কিন্তু তৃষ্ণা নিবারণের কিছুই পাই নি। মাঝে মাঝে পথের ধারে বড় বড় ইঁদারা দেখেছি বটে, কিন্তু ইঁদারা দেখলে তো তৃষ্ণা নিবারণ হয় না। এইখানে জল পাওয়া যেতে পারে মনে ক'রে সেদিকে এগিয়ে গিয়ে খোঁজাখুঁজি ক'রে একটা চানা-ভাজার দোকানে গিয়ে বললুম, আমরা বড় তৃষ্ণার্ত, একটু জল খাওয়াতে পার ?

কথা শুনে লোকটা কথা না বলে ইতস্তত করতে লাগল। দোকানদারের মনস্তত্ত্ব সর্ব দেশেই প্রায় সমান। তার হালচাল দেখে বললুম, তোমার দোকান থেকে ভুজা খেয়ে আবার জল খেতে যাব কোথায় ?

দোকানদার এবার সোজা জিজ্ঞাসা করলে, কত ভুজা চাই ?

দু পয়সার চালভাজা ও এক পয়সার ছোলাভাজা কিনে দোকানে বসেই আমরা চিবোতে আরম্ভ ক'রে দিলুম। হিসাব ক'রে দেখা গেল যে, সেই রাশীকৃত চাল-ছোলা-ভাজা গলাধঃকরণ করতে দিবা অবসান হয়ে যাবে। অতএব বুদ্ধিমানের মতন সেগুলি কাপড়ের খুঁটে বেঁধে ভরপেট জল পান ক'রে সেখান থেকে রওনা হলুম। এবার কিন্তু কিছুক্ষণ চলতে না চলতে, পেটে জল পড়ার জ্বগেই হোক অথবা অন্য কোন কারণেই হোক শ্রান্তিতে শরীর ভারী হয়ে আসতে লাগল। শৈশকালে বেগতিক দেখে পথের ধারে এক বিরাট গাছের তলায় গিয়ে আশ্রয় নিলুম। আমি ও জনার্দন আর বৃথা কালবিলম্ব না ক'রে সেইখানেই গা ঢেলে দিলুম—কিছুক্ষণ যেতে না যেতেই ঘুম। স্বকান্ত যখন আমাদের ঠেলে তুলে দিলে তখন বিকেল হয়ে গিয়েছে। তখনও হা-হা ক'রে হাওয়া বইছে বটে, কিন্তু দুপুরের হাওয়ার চাইতে তা অনেক ঠাণ্ডা। ভাগ্যে আমরা বুদ্ধি ক'রে গায়ের কাপড় নিয়ে এসেছিলুম !

উঠে আবার যাত্রা শুরু করা গেল। একদল লোক সামনের দিক থেকে

আসছিল, তাদের জিজ্ঞাসা ক'রে জানতে পারা গেল যে, আমরা প্রায় মাইল দশেক এসেছি। আমাদের লক্ষ্যস্থল আর কত দূরে জিজ্ঞাসা করায় তারা বললে, আরও তিন-চার ঘণ্টার পথ। যদি পা চালিয়ে চলতে পারি তো সন্ধ্যো-রাত্রির মধ্যেই সেখানে পৌছতে পারব।

তারা আরও একটি সংবাদ দিলে, যা শুনে প্রাণ জুড়িয়ে গেল। তারা বললে, যে, আজকাল প্রথম রাত্রে এদিকটায় বাঘের উপদ্রব বেড়েছে। সন্ধ্যো হবার ঘণ্টা দুয়েকের মধ্যে ঠিকানায় যদি না পৌছতে পার, তা হ'লে কোনও জায়গায় আশ্রয় নিও।

আমরা জিজ্ঞাসা করলুম, দু পাশে এই তো ধু-ধু করছে মরুভূমির মত মাঠ আর চৰা জমি—এর মধ্যে বাঘ থাকে কোথায়?

তারা দূরের পাহাড়গুলো দেখিয়ে বললে, ওইখান থেকে সব বাঘ, বন্যবরাহ, হাঁড়ার প্রভৃতি নামে। আর দিন পনেরো বাদে অর্থাৎ গরম প'ড়ে গেলে তারা আর জমিতে নামবে না। কিন্তু শীতের এই শেষটায় তাদের অত্যাচার বাড়ে।

তারা আশ্বাস দিয়ে বললে, নির্ভয়ে চ'লে যাও। একটু পরেই গ্রামের পর গ্রাম দেখতে পাবে। একজনের বাড়িতে রাতটা কাটিয়ে দিও, কোন ভয় নেই।

এই কথা শোনার পর আর টিমে তেতলায় চলা চলে না—একেবারে দৌড়ে-হাঁটা আরম্ভ ক'রে দিলুম। কিন্তু হাজার হ'লেও শরীর ছিল ক্লান্ত, কতক্ষণ আর সে রকম চলা যায়! কিছুক্ষণ দৌড়েই গতি আমাদের মন্থর হয়ে গেল। দু-একটা খোলার বাড়ি পথের ধারে দেখতে পেলুম বটে, কিন্তু আমরা ঠিক করলুম যে রাত্রির প্রথম প্রহর অতীত না হ'লে বিশ্রাম নেব না।

চলতে চলতে বেলা প'ড়ে এল। সমস্ত দিন পথশ্রম। সকালে কিছু খেয়ে বেরিয়েছিলুম—কিছু খাওয়া সঙ্গে নেওয়া উচিত ছিল, কিন্তু পরেশদার সঙ্গে দেখা করার উৎসাহে সে কথা মনেই হয় নি। পথে যে চাল-ছোলা কিনেছিলুম তা একেবারে অখাদ্য। দিবাবসানের সঙ্গে সঙ্গে জঠরে ক্ষুধার অগ্নি জ্বলতে শুরু হ'ল দাউ দাউ ক'রে। এদিকে চরণও আর চলতে চায় না,

এমন অবস্থা। রাত্রির প্রথম প্রহর অতীত না হ'লে বিশ্রামের চেষ্টা করব না ব'লে যে সংকল্প করা গিয়েছিল তা আর রাখা চলল না।

তখনও একেবারে অন্ধকার হয় নি, আমরা একটা গাঁয়ের ভেতর দিয়ে যাচ্ছি, চওড়া রাস্তা, দু-পাশে নীচু শোলার বাড়ি। গ্রামখানা অস্বাভাবিক রকমের নিস্তব্ধ ব'লে মনে হতে লাগল। গ্রামে পৌঁছলেই সেখানকার কুকুরগুলো আমাদের অপরিচিত দেখে চৈচাতে আরম্ভ ক'রে দেয়। সেখানটায় কোন কুকুর না দেখে আশ্চর্য বোধ হ'ল। ছোট ছোট ছেলেকেও রাস্তার ধারে থেলা করতে দেখা যায়—এখানে তাও দেখা গেল না। কোনও ঘরে আলোও দেখতে পেলুম না। জনার্দন বললে, এটা নিশ্চয় ভূতের গ্রাম।

যাঁহাতক ভূতের নাম শোনা, অমনি লাগালুম ছুট। যে চরণ এতক্ষণ চলতে চাইছিল না, ভূতের নামে তার গতি চতুর্গুণ বেড়ে গেল।

কিছুক্ষণ যেতে না যেতে আর একটা গ্রাম এসে গেল। তখন অন্ধকার বেশ গাঢ় হয়ে এসেছে বটে, তবুও গ্রামখানাকে অপেক্ষাকৃত সজীব ব'লে বোধ হ'ল। কুকুরও আছে দু-চারটে, কয়েকটি ছোট ছেলেপিলে দেখা গেল। একটু এগিয়ে গিয়ে দেখতে পেলুম, এক বাড়ির দাওয়ায় একজন স্ত্রীলোক মুড়িসুড়ি দিয়ে রাস্তার দিকে মুখ ক'রে উবু হয়ে ব'সে রয়েছে। তারই একটু দূরে একটা মাটির বড় ডেলার ওপরে একটা প্রদীপ বসানো রয়েছে। রাতের মত সেখানে আশ্রয় পাওয়া যাবে কি না জিজ্ঞাসা করবার জ্ঞে আমরা তিনজনেই সেদিকে এগিয়ে গেলুম। দূর থেকে দেখে তাকে খুব বুড়ী ব'লে মনে হয়েছিল, কিন্তু কাছে গিয়ে সেই অল্প আলোতেও বুঝতে পারা গেল সে বুড়ী নয়—বয়স প্রায় চল্লিশের কাছাকাছি হবে। যা হোক, জনার্দন তার ঢাকাই হিন্দীতে জিজ্ঞাসা করলে, মাসী, আজকে রাত্রির মতন আমাদের এই তিনজনকে আশ্রয় দেবে?

এতক্ষণ স্ত্রীলোকটি পথের দিকেই চেয়ে ছিল। জনার্দনের আওয়াজ পেয়ে মুখ তুলে কটমট ক'রে আমাদের আপাদমস্তক দেখতে লাগল। জনার্দন আমাদের চেয়ে একটু এগিয়ে ছিল। স্ত্রীলোকটির ওই রকম কটমটে চাউনি

দেখে ব্যাপার বিশেষ স্থবিধের নয় বুঝে আমি তাকে ডেকে বললুম, জনা, চ'লে
আয়, ব্যাপারটা যেন কি রকম ঠেকছে !

কিন্তু জনার্দন আমার কথা গ্রাহ্য না ক'রে আরও একটু এগিয়ে গিয়ে বলতে
লাগল, ইঁ্যা মাসী, তোমার বোন্পোরা শেষকালে কি বাঘের পেটে যাবে—
একটুখানি এইখানে প'ড়ে থাকব, রাতটা কাবার হ'লেই চ'লে যাব।

এবারে স্ত্রীলোকটি ধীরে-স্থস্থে সেখান থেকে উঠে বাড়ির ভেতরে চ'লে
গেল। জনা চৈচিয়ে আমাদের ডেকে বললে, মাসীর দয়া হয়েছে—আজ
বাত্রিটুকুর জন্তে বোধ হয় আশ্রয় পাওয়া গেল।

জিজ্ঞাসা করলুম, কি বললে মাসী ?

জনার্দন বললে, মুখে কিছু বলে নি, মনে হচ্ছে বালিশ-টালিশ আনতে গেল।

আমরা এই রকম কথাবার্তা বলছি এমন সময় সেই স্ত্রীলোকটি একটা লম্বা
লাঠি হাতে ক'রে তীরবেগে দরজা দিয়ে ছুটে বেরিয়ে এক মুহূর্তের মধ্যে
জনার্দনকে ধড়াক ধড়াক ক'রে ঘা কয়েক ছমিয়ে দিলে।

স্ত্রীলোকটি বাড়ির মধ্যে ঢুকে যাবার পর জনার্দন এক-পা দু-পা করতে
করতে দাওয়ায় উঠে গিয়েছিল। হঠাৎ অপ্রত্যাশিতভাবে আঘাত পেয়ে সে
“ওরে বাবা রে, গেছি রে” বলে এক লাফে নীচে পড়েই একেবারে রাস্তায়।

বলা বাহুল্য, আমরা আগেই রাস্তায় এসে পড়েছিলুম। স্ত্রীলোকটি কিন্তু
সেইখানেই থামল না। সে লাঠি হাতে সেই ভাবে তাড়া ক'রে অনেক দূর
পর্যন্ত আমাদের পেছ পেছ দৌড়িয়ে এল—আমরা এক রকম দৌড়ে গ্রামটুকু
পেরিয়ে গেলুম। পেছনে কুকুরগুলো চেঁচাতে লাগল।

অন্ধকারের ভেতর দিয়ে চলেছি—সামনে, পেছনে, দক্ষিণে, বামে নিশ্চিহ্ন
অন্ধকার। চন্দ্রহীন আকাশে তারা ফুটেছে, কিন্তু আমাদের অনভ্যস্ত চক্ষু
তারার আলো দেখতে পায় না। পেছনে ফেলে আসা গ্রামপ্রান্তে গৃহস্থঘরের
ক্ষীণ দীপরশ্মি কখন মিলিয়ে গিয়েছে—আশ্চর্য সে অন্ধকার রূপ। সে যেমন
নিবিড় তেমনই নিস্তক ও ভয়াবহ—গভীর, অনন্ত অন্ধকারের মধ্য দিয়ে চলেছি।

সেই স্নগভীর স্তম্ভতার মধ্যে আমাদের সমস্ত প্রগল্ভতা একেবারে চূপে গিয়েছে—মাঝে মাঝে বৃকের ধকধকানি পর্যন্ত শুনতে পাচ্ছি। এই অন্ধকারে নিঃশব্দপদসঙ্ঘারে হয়তো বাঘ আসছে আমাদের অহুসরণ ক'রে—হয়তো বা অগ্নি কোন সাংঘাতিক জানোয়ার কিংবা কোন সরীসৃপ! প্রাকৃতিক নিয়মে সে আমাদের দেখতে পাচ্ছে, কিন্তু আমরা অন্ধ। ভয়ে আমরা হাত ধরাধরি ক'রে চলেছি। আমি মাঝখানে, এক পাশে স্নকাস্ত অগ্নি পাশে জনার্দন। মাঝখানে থাকায় মনে করছি, অগ্নদের চাইতে আমি অপেক্ষাকৃত নিরাপদ! অন্ধকারে যতদূর সম্ভব সোজা চলতে চেষ্টা করছি কিন্তু তবুও মাঝে মাঝে পথের ধারের গাছের ওপর গিয়ে পড়ি—চলেছি তো চলেইছি, পলকে প্রলয় মনে হচ্ছে। অনেকক্ষণ এইভাবে চলবার পর দূরে ক্ষীণ আলো দেখা গেল। বুঝলুম, কোন গ্রামগ্রামে এসে পড়েছি।

আরও কিছুক্ষণ চ'লে আমরা আর একটা গ্রামে এসে পড়লুম। দু-ধারে বাড়ি, কিন্তু অধিকাংশ বাড়ির দরজা বন্ধ। আশ্রয়ের জন্তে কোথায় বলা যায় তাই ভাবতে ভাবতে এগিয়ে চলেছি, এমন সময় দেখতে পেলাম এক বাড়ির দাওয়ার ওপরে চাটাই পেতে একজন লোক একখানা ছোট জলচৌকির ওপর একখানা বই রেখে স্নর ক'রে কি পড়ছে। বইখানার আকৃতি দেখেই মনে হ'ল তুলসীদাসী রামায়ণ—এগিয়ে গিয়ে অতি বিনোদভাবে লোকটিকে নমস্কার ক'রে বলা গেল, বাবা, আমরা অমুক স্থানে যাচ্ছি সন্ন্যাসীদর্শনে, কিন্তু রাত্রি হয়ে গিয়েছে, তার ওপর সারাদিন পথ চ'লে অত্যন্ত শ্রান্ত হয়েছি। আজ রাত্রিটুকু যদি আপনার এই দাওয়ায় আশ্রয় দেন তবে প্রাণ বাচে।

লোকটি আমাদের কথা শুনে বললে, উঠে এসে ব'স।

আমরা উঠে দাওয়ায় বসার পর সে বললে, সন্ন্যাসীর কথা তোমরা কোথায় শুনলে?

—জয়পুরে। তা ছাড়া সন্ন্যাসীর এক চেলা আমাদের ভাই হয়।

লোকটি জিজ্ঞাসা করলে, তোমাদের বাড়ি কোথায়?

—বাংলা দেশে।

লোকটি আর কোনও কথা না ব'লে ফটু ক'রে উঠে বাড়ির মধ্যে চ'লে গেল। কোন কথা না ব'লে ওই রকম হঠাৎ উঠে বাড়ির মধ্যে ঢুকে যাওয়ায় আমরা একটু ভড়কে গেলুম। জনার্দন বললে, কি বাবা, মেশো আবার কি আনতে গেল!

স'রে পড়ব কি না ভাবছি, এমন সময় লোকটি অগ্ৰ একজন বয়স্ক লোক সঙ্গে নিয়ে এল। এই লোকটি এসেই বেশ হাসিমুখে পরিষ্কার বাংলা ভাষায় বললে, আপনারা বাংলা দেশ থেকে আসছেন বুঝি?

আমরা তো একেবারে অবাক! রাজপুতানার এই গ্রামের মধ্যে বাংলা কথা! বললুম, হ্যাঁ।

লোকটি অগ্ৰজনকে আমাদের বসবার জায়গা ক'রে দিতে বললে। আমরা বসলে পর জিজ্ঞাসা করলে, আপনারা সাধুদর্শন করতে চলেছেন?

বললুম, হ্যাঁ, সাধুদর্শন করতে বাচ্ছি। পথে কয়েকজন লোক বললে, এই সময়ে এই দিকটায় বড় বাঘের উৎপাত হয়। সেজ্ঞা রাত্রির মত যদি আমাদের একটু আশ্রয় দেন, আমরা কাল ভোরে উঠেই চ'লে যাব।

লোকটি বললে, বেশ, বেশ, তার জগে আর কি! আপনাদের যতদিন ইচ্ছা থাকুন—এ আপনাদেরই বাড়ি।

লোকটির কথাবার্তা অতি ভদ্র ও মিষ্টি। তিনি আমাদের বাড়ির মধ্যে নিয়ে গেলেন। বাড়ির অবস্থা দেখে মনে হ'ল, তাঁরা বেশ অবস্থাপন্ন লোক। একটা ছোট ঘরের মধ্যে গিয়ে আমরা বসলুম, দু-তিনটি ছোট ছেলেপিলেও দেখলুম। লোকটির সঙ্গে আলাপ হ'ল—কলকাতার কোন ব্যাঙ্কে দেউড়ী-রক্ষকের কাজ করেন। তিন ভাই এক জায়গায় কাজ করেন। দুজন কর্মস্থানে থাকেন আর একজন ক'রে দেশে আসেন। দেশে একজন না থাকলে চলে না, কারণ এখানে ক্ষেত-খামার বিরাট, তা ছাড়া টাকা খাটাবার কারবারও খুব ফলাও আছে। জয়পুরে গদি আছে, এক ভাইপো সেখানে

থাকে। কলকাতাতেও টাকা ধার দেওয়ার কারবার আছে। নিজেদের আপিসের বাঙালী বাবুরাই টাকা নেন, এতে টাকা মারা যাবার কোনও সম্ভাবনা নেই। এঁদের বাবা এই কাজে ঢুকে আস্তে আস্তে তিন ছেলেকে সেখানে নিয়ে গিয়েছিলেন। ছেলেবেলা থেকে বাঙালীদের সঙ্গে মেলামেশা করতে করতে তাঁরা বাংলা ভাষা বলতে, লিখতে ও পড়তে শিখে গেছেন। ইংরিজী একটু একটু জানেন, তবে ভাইপোরা ইংরিজী শিখছে ইত্যাদি—

জিজ্ঞাসা করলুম, আপনারা কি ব্রাহ্মণ ?

ভদ্রলোক বললেন, ঠিক ব্রাহ্মণ নই, তবে আমাদের পৈতে আছে। আমরা আসলে হচ্ছি রাজপুত। আমাদের আদি বাড়ি ছিল যোধপুর-মাদওয়ারে—পূর্বপুরুষেরা এখানে এসে বাস করেছিলেন। ব্রাহ্মণের কাছও আমরা ক'রে থাকি, গ্রামের অনেক পরিবারই আমাদের যজ্ঞমান।

আমরা জিজ্ঞাসা করলুম, অমুক জায়গায় যে একজন সাধু এসেছেন শোনেন নি ?

তিনি বললেন, শুনেছি বইকি ! আজ এক মাস হ'ল এই রাস্তা দিয়ে মেলার মত লোক চলেছে সাধুদর্শন করতে—এই চার-পাঁচ দিন লোক চলা কমেছে, তা না হ'লে দিনে রাতে সমানে লোক যাচ্ছিল সাধু দেখতে।

লোকটি আমাদের নাম জিজ্ঞাসা করলেন। তাঁর নাম বললেন, রণবীর সিং।

একটু পরে তিনি একজন লোক দিয়ে আমাদের কুয়োতলায় পাঠিয়ে দিলেন। সেখানে গিয়ে বেশ ক'রে হাত মুখ ধুয়ে ঘরে এসে আমরা চৌকিতে লম্বা হয়ে পড়লুম। ঘরের মধ্যে অল্প কোনও আসবাব নেই, প্রায় ঘরজোড়া চৌকি ছাড়া। মাত্র একটা ময়লা তাকিয়া এক দিকে প'ড়ে ছিল, সেইটেই কোনরকমে তিন জনে মাথায ঠেকিয়ে শোয়া গেল। ঘুমোবার চেষ্টা করতে হ'ল না, শরীর তৈরিই ছিল।

কতক্ষণ ঘুমিয়েছিলুম জানি না, রণবীর সিং আমাদের ডেকে তুলে বললেন, চলুন বাবু, গরিবদের বাড়িতে কিছু আহার করবেন।

সত্যি কথা বলতে কি, আমরা এতটা আশা করি নি, আশ্রয় পেয়েই ব'র্তে গিয়েছিলুম। খাবার জায়গায় যাওয়া গেল। একটা দাওয়ায় মতন জায়গায় আমাদের আসন করা হয়েছে, আসনের সামনে শাল-পাতার মত বড় বড় পাতা —আমরা বসতেই একটি বৃদ্ধা এসে পরিবেশন আরম্ভ করলেন। গরম কুটি তাতে ঘি মাখানো আর অড়বেব ডাল, একটা কিসের তরকারি আর দু-তিন রকমের আচার। সিংজী বলতে লাগলেন, আপনারা যা খান তা আমরা কোথায় পাব, তবুও ভাবলুম অতিথি না খেয়ে থাকবেন—তাই এই কষ্ট দেওয়া।

আমরা বললুম, বিদেশে রাস্তায় কোথায় বাঘের মুখে যাচ্ছিলুম, আপনি আশ্রয় দেওয়ায় প্রাণে বেঁচে গেলুম। সারাদিন অনাহারের পর এই খাওয়া আমাদের অমৃতের মতন লাগছে, ঈশ্বর আপনার মঙ্গল করবেন।

ভদ্রলোক বললেন, এই যে খাবার আপনাদের দেওয়া হয়েছে এর সবই আমাদের ঘরের তৈরি—গম, ডাল, ঘি, সব।

আহাবের পর কিছু দুধও খেতে দিলেন তাঁরা। খাবার পর রণবীর আমাদের ঘরে এসে কিছুক্ষণ গল্প ক'রে চ'লে যাবার সময় বললেন, কাল খুব ভোরে তুলে দেব আপনাদের, সকালবেলাতেই সেখানে গিয়ে পৌঁছতে পারবেন।

পরদিন বাত থাকতে রণবীর সিংজী এসে আমাদের তুলে জিজ্ঞাসা করলেন, চা-টা খাওয়ার অভ্যাস আছে ?

বললুম, পেলে তো বেঁচে যাই।

আমাদের জন্তে চায়ের হুকুম দিয়ে সিংজী বললেন, কলকাতায় থেকে ওইটুকু বদ অভ্যাস হয়ে গেছে। তারপর একথা সেকথার পর বললেন, চলুন, আমিও আপনাদের সঙ্গে যাই, সাধুদর্শন ক'রে আসি।

—বেশ তো, চলুন না।

সিংজী বললেন, আপনারা সেখানে পুরো একটা দিন-রাত থেকে বিশ্রাম ক'রে ফিরবেন, আমি দর্শন ক'রেই ফিরে আসব। ফেরবার সময় আবার আমাদের এখানে এক রাত্রি কাটিয়ে যাবেন।

হু গেলাস গরম গরম চা মেরে আমরা বেরিয়ে পড়লুম। আগের দিন স্নাত্রে বেশ ভাল আহার ও সারারাত্রি নিশ্চিন্তে ঘুমিয়ে শরীর ও মন বেশ ঝরঝরে হওয়ায় আমরা খুব দ্রুত হাঁটতে লাগলুম। রণবীর সিংজী তাঁদের দেশের গল্প করতে থাকায় পথশ্রম অনেক ক'মে গেল। সূর্যোদয়ের কিছু পরেই আমরা লক্ষ্যস্থলে গিয়ে উপস্থিত হলুম।

আমরা সেখানে পৌঁছেই বুঝতে পারলুম যে, মেলা প্রায় শেষ হয়ে এসেছে। দুব-দুরান্তর থেকে লোক আসা ক'মে গিয়েছে, কাছাকাছির লোকেরা, বারা প্রায়ই আসে তারাই আসছে যাচ্ছে। সদারতের ধুমধাম আর নেই, লোকজনের উৎসাহ ঘেন ক'মে এসেছে।

জমিদারের প্রকাণ্ড বাড়ি। কত যে ঘোড়া তার আর ঠিক নেই, উটও দেখলুম অনেক রয়েছে, একটা হাতীও বাধা রয়েছে। এক দিকের উঠোনে অসংখ্য গোলা পায়রা—তখন তাদের খেতে দেওয়া হচ্ছিল। এ সব ছাড়িয়ে প্রকাণ্ড বাগান, এই বাগানের এক দিকে একথানা ছোট মত স্বদৃশ্য বাড়ির একতলায় সাধু মহারাজ থাকেন।

ঘরের মধ্যে ঢুকে দেখলুম, ধপধপে সাদা চাদর পাতা একটা ছোট গদিতে সাধু মহারাজ ব'সে আছেন। সাধুর মাথায় প্রকাণ্ড জটা, একমুখ দাড়ি ও গৌফ সাদা থেকে লাল হয়ে গিয়েছে। তাঁর পাশে গদির নীচেই একটি লোক ব'সে আছেন, তাঁকে দেখলে মনে হয় সত্তর পার হয়ে গিয়েছে, তাঁরও সাদা ধপধপে দাড়ি গৌফ। এই লোকটিকে দূর থেকে দেখলেও বিশিষ্ট লোক ব'লে মনে হয়, চোখ বুজে স্থির হয়ে সাধুর পাশে ব'সে আছেন। শুনলুম যে ইনিই সরকার অর্থাৎ রাজা, যার বাড়িতে সাধু মহারাজ বাস করছেন। ইনি বাল্যকালেই সাধুর শিষ্য হয়ে তাঁর সঙ্গে চ'লে গিয়েছিলেন হিমালয় পাহাড়ে। সেখান থেকে দশ বছর পরে দেশে ফিরে আসেন। তারপর সারা জীবন ধ'রে নানা তীর্থে ঘুরে বেড়িয়েছেন, কখনও বা গুরুর কাছে কাটিয়েছেন। বিবাহাদি করেন নি, বিষয়-আশয় তাঁর ভাইপোর বংশধরেরা ভোগ করে, বর্তমান রাজা

তঁার ভাইয়ের নাতি হ'লেও জয়পুরের রাজসরকার এখনও একেই রাজা ব'লে মানেন। বর্তমান রাজা এঁর প্রতিনিধি মাত্র।

সাধুর সামনে আরও কয়েকজন লোক ব'সে আছেন। সাধু মহারাজ মাঝে মাঝে তাদের সঙ্গে দু-একটা কথা বলছেন। আমরা প্রথমে একেবারে সাধুর কাছে না গিয়ে একটু দূরে দাঁড়িয়ে রইলুম—অনেকক্ষণ সেইভাবে দাঁড়িয়ে থাকতে হ'ল। সেইখানে দাঁড়িয়ে দাঁড়িয়ে স'খু মহাবাজকে যতটুকু দেখতে পেলুম তাতে মনে হ'ল, যে সাধু এসে পরেণদাকে নিয়ে গিয়েছিল এ যেন সে সাধু নয়। অবিশি পরেশদার গুরুকে আমরা দূর থেকে কয়েক সেকেন্ড, বড় জোর এক কি দেড় মিনিট দেখেছিলুম, তাতে মনে হয়েছিল তঁার যেন এক বিরাট চেহারা। এই সাধুর মূর্তি বড় হ'লেও ঠিক যেন তঁার মতন নয়। আমি এদিক ওদিক দেখতে লাগলুম যদি জুগত্ব দেখা পাওয়া যায়! কিন্তু তাকে দেখতে পেলুম না। ইতিমধ্যে সাধুর সামনে যারা ব'সে ছিল তারা একে একে উঠে যেতেই প্রথমে রণবীর সিং তারপবে আমরা গিয়ে তাঁকে প্রণাম করলুম।

সাধু মহারাজ আমাদের প্রত্যেকের দিকে চাইতে লাগলেন—হাসি হাসি মুখ, চোখ দুটোও যেন হাসতে লাগল। মনে হতে লাগল যেন কত আপনার লোক তিনি—অনেক দিন বাদে আমাদের দেখা পাওয়ায় খুব খুশি হয়েছেন। আমরা দাঁড়িয়ে আছি দেখে ইঙ্গিতে ডেকে আমায় বললেন, আও, বয়ঠো।

আমরা তঁার সামনেই ব'সে পড়লুম। সিংজী কিন্তু দাঁড়িয়েই রইল। সাধু মহারাজের আশেপাশে আরও কয়েকজন লোক ব'সেছিলেন—তাদের দেখে মনে হ'ল, হয় তাঁরা সেই বাড়িরই লোক, নয়তো সর্বদাই তঁার কাছাকাছি থাকেন। এঁদের উদ্দেশ্য ক'রে সন্ন্যাসী বললেন, এই ছেলেরা খুবই ভক্তিমান, অনেক দূর থেকে সাধুদর্শন করতে এসেছেন।

এই অবদি ব'লে সন্ন্যাসী পাশে উপবিষ্ট সরকার বাহাদুরকে ডাক দিলেন, কড়ে!

সরকার বাহাদুর চোখ চাইতে তিনি বললেন, দেখো বড়ো, এই ছেলেরা বাংলা দেশ থেকে এসেছে !

সরকার বাহাদুর হাসিমুখে আমাদের দিকে চাইতে আমরা তাঁকে নমস্কার করলুম। সাধু মহারাজ বললেন, এখানে আসতে পথে কোনও কষ্ট হয় নি ?

বললুম, মহারাজ, আপনার আশীর্বাদে আমাদের কোনও কষ্টই হয় নি। ঠাণ্ডা দিন ছিল, শ্রান্তি বোধ করলেই গাছের ছায়ায় বিশ্রাম করেছি—রাতে এই সিংজীর আশ্রয়ে আনন্দে কাটিয়েছি।

সাধু এতক্ষণে মুখ তুলে রণবীর সিংকে দেখে বললেন, ব'সো।

সাধু আমাদের বললেন, আমার একটি ছেলে আছে, যার বাড়ি তোমাদের দেশে। দেখা করবে তার সঙ্গে ?

বললুম, নিশ্চয়। কোথায় তিনি ?

সাধু বললেন, কে আছ, আনন্দকে ডেকে দাও তো ?

দু-তিনজন লোক চেষ্টামেচি করতে লাগল, এ আনন্দ মহারাজ—সদানন্দ বাবা—সদানন্দজী—

আশা হতে লাগল, এ আমাদের পরেশদা না হয়ে যায় না। বৃকের মধ্যে টিপটিপ করতে লাগল, মনের মধ্যে কল্পনার ভিড় ফিণ্ড হয়ে উঠল, কিন্তু হায়, বিধির ইচ্ছা ছিল অন্য প্রকার !

অনেক ডাকাডাকি ও হাঁকাহাঁকির পর সদানন্দজী তো এসে হাজির হলেন, কিন্তু পরেশদার সঙ্গে তাঁর কোনও সাদৃশ্যই নেই।

সদানন্দ মহারাজকে দেখে মনে হ'ল, তাঁর বয়স চল্লিশের কিছু বেশি। দীর্ঘ দেহ, মাথায় কুণ্ডলী-পাকানো জটা, মুখ দাড়ি-গোঁফে ভরা, তাতে একটু পাক ধরেছে। দেহের বাঁধুনি ব্যায়ামবীরের মতন। তিনি ছুটেতে ছুটেতে এসে সাধুর সামনে দাঁড়াতেই অতি মধুর স্বরে তিনি বললেন, বোটা, তোমার জন্মভূমি যেখানে, এঁরা সেই দেশের লোক।

আমরা সদানন্দজীকে নমস্কার করতেই তিনি হাত দুটো জোড় ক'রে নিজের

বুকে ঠেকিয়ে সেইভাবেই দাঁড়িয়ে রইলেন। সাধু আবার বললেন, আনন্দ, এই ছেলেরা বড় ভক্তিম্যান। এঁরা দূরান্তর থেকে পদব্রজে সাধুদর্শন করতে এসেছেন। এঁদের ক্লান্তি দূর করবার ব্যবস্থা কর, এঁদের বিশ্রাম ও আহারের যেন কোনো ক্রটি না হয়।

গুরুর কথা শুনেই সদানন্দ মহারাজ আমাদের বললেন, চলুন।

কিন্তু তখনই সেখান থেকে ওঠবার ইচ্ছা আমাদের মোটেই হাঁছিল না। উঠতে তা-না-না করছি দেখে যেমন ক'রে ছেলে ভোলায় তেমনি মিষ্টি স্বরে সাধু মহারাজ আমাদের বললেন, যাও বেটা, তোমরা ক্লান্ত, এখন বিশ্রাম কর গিয়ে। সন্ধ্যার সময় এখানে ভজন কীর্তন হবে, তখন এসো।

এর পর আর সেখানে বসে থাকা চলে না, উঠতেই হ'ল। আমাদের সঙ্গে সঙ্গে রণবীর সিংজীও সাধুকে প্রণাম ক'রে বেরিয়ে এলেন। বললেন, ভাগ্যে আপনারা আমার বাড়িতে এসেছিলেন, তাই তো মহাপুরুষ দর্শন হয়ে গেল, এই জগ্গেই লোকে সংস্কার কামনা করে, ইত্যাদি।

রণবীর সিং বললেন, আপনারা যদি দু-চার দিনের মধ্যে ফেরেন, তবে আমার ওখানে হবে যাবেন। আমি শীগগিরই কলকাতায় ফিরব। তার আগে জয়পুরের গদিতে কিছু কাজ সারতে হবে, আপনাদের সঙ্গেই জয়পুরে ফেরা যাবে।

ফেরবার সময় তাঁর ওখানে একদিন থাকব প্রতিশ্রুতি দিলাম।

রণবীর সিং চ'লে গেলেন। আমরা সদানন্দজীর সঙ্গে বাগান পেরিয়ে একটা দোতলা বাড়িতে এসে উপস্থিত হলুম। তিনি সঙ্গে ক'রে ওপরে নিয়ে গেলেন। বললেন, এটা রাজাদের পাস্তুরালা। একটা ঘরে আমাদের নিয়ে গিয়ে বললেন, এই ঘরে আপনারা বিশ্রাম করুন।

ঘরখানা বাড়ির তুলনায় একটু ছোট মনে হ'লেও অমন চমৎকার ঘর আজও দেখি নি। ঘরের মেঝে থেকে প্রায় এক মালুখ উঁচু অবধি ফিকে নীল পংকের কাজ—মনে হয় যেন দেওয়ালে নীল কাচ বসিয়ে দেওয়া হয়েছে—তার

ওপরের বাকি দেওয়াল ও সিলিংয়ে ফিকে সবুজ রঙের জমিতে গাঢ় সবুজ রঙের পদ্মপাতা ও সাদা পদ্মফুল—সমস্তটাই তেলের কাজ। ঘর জোড়া শতরঞ্চি, তাকে কার্পেট বললেই হয়। এক দিকে একটু উঁচু গদির ওপরে সাদা চাদর টান ক’রে পাতা, তার ওপর চার-পাঁচটা গোল মোটা মোটা গিন্দে।

সদানন্দজী আমাদের বসতে ব’লে জিজ্ঞাসা করলেন, আপনারা এখুনি আশ্রান করবেন, না আর একটু বিশ্রাম করবেন ?

একটু পরে আশ্রান করব ব’লে তাঁকে বললুম, আনন্দজী, আপনার সঙ্গে একটু আলাপ করতে চাই, বিশেষ ব্যস্ত আছেন কি ?

সদানন্দজী টপ ক’রে ব’সে প’ড়ে বললেন, আমি আপনাদের সেবক।

প্রথমে আমরা তাঁর নিজের কথা জিজ্ঞাসা করলুম। বাংলা দেশে বাড়ি অথচ বাংলা বলতে পারেন না কেন—প্রশ্ন করায় তিনি বললেন, আমি বাংলা দেশে জন্মেছি মাত্র। খুব ছেলেবেলায় আমাকে নিয়ে আমার মা বাবা হরিদ্বারে কুষ্ঠমেলায় গিয়েছিলেন। সেখানে অল্পথ হয়ে মৃত্যু হওয়ায় তাঁরা আমার দেহটা নদীতে ভাসিয়ে দিয়েছিলেন। একদিন ‘বড়ে’ নদীতে স্নান করছিলেন, এমন সময় আমার মৃতদেহটা তাঁর গায়ে এসে ঠেকল। তিনি জলের ঝাপটা দিয়ে দিয়ে সেটাকে আবার শ্রোতের মধ্যে ঠেলে দিলেন বটে, কিন্তু দেহটা আশ্চর্যভাবে ঘুরে আবার তাঁর কাছে ফিরে আসতেই তিনি সেটাকে জল থেকে তুলে একেবারে গুরুর কাছে নিয়ে এসে সব খুলে বললেন। গুরু দেখে সেটাতে প্রাণসঞ্চার ক’রে মাহুষ ক’রে তুললেন, সেই ছেলে হচ্ছি আমি।

গুরুর কাছে শুনেছি, প্রথম প্রথম আমার মুখ দিয়ে বাংলা বুলি বেরিয়েছিল, তার পরে ক্রমে ক্রমে হিন্দী কথা বলতে আরম্ভ ক’রে দিলুম।

আমরা জিজ্ঞাসা করলুম, ওই যে ‘বড়ে’ বললেন, সেই ‘বড়ে’টি কে ?

সদানন্দজী বললেন, ‘বড়ে’ হচ্ছেন এখানকার রাজা অর্থাৎ সরকার। উনি দশ-বারো বছর বয়সে রাজ্য সংসার সব ছেড়ে দিয়ে গুরুর অঙ্গগামী হয়েছিলেন।

‘বড়ে’ মহারাজের পিতামহ, তিনিও এখানকার রাজা ছিলেন—তিনিও আমাদের গুরু শিষ্য ছিলেন, তবে তিনি ছিলেন গৃহী। ‘বড়ে’ মহারাজ সংসারত্যাগী, উনি নানা তীর্থে ঘুরে বেড়ান, মাঝে মাঝে এখানেও এসে থাকেন। তবে গৃহ-সংসারের সঙ্গে সম্পর্ক তাঁর কোন কালে ছিলও না এখনও নেই। বিষয় ও রাজস্বের সঙ্গে কোন সম্পর্ক না থাকলেও এখানকার বর্তমান রাজা—যিনি ঠর ছোট ভাইয়ের নাতি, রাজপরিবারের সকলে ও প্রজারা তাঁকে রাজার মতনই সম্মান করে থাকেন। এ ছাড়া আমাদের গুরুদেবের সঙ্গে এই পরিবারের সম্পর্ক প্রায় দুশো বছরের। এখানকার রাজপরিবারের প্রায় সমস্ত স্ত্রী-পুরুষই মাধু মহারাজের শিষ্য ও শিষ্যা।

জিজ্ঞাসা করলুম, আপনি বললেন, এই পরিবারের সঙ্গে আপনার গুরুর সম্বন্ধ প্রায় দুশো বছরের, কিন্তু আপনার গুরুর বয়স হয়েছে কত ?

সদানন্দ মহারাজ সহাস্ত্রে বললেন, তা আড়াই শো বছরের কিছু বেশি হবে। ত্রৈলোক্য স্বামীজী ও আমার গুরু প্রায় একই বয়েসী।

জিজ্ঞাসা করলুম, ‘বড়ে’ মহারাজের কত বয়স হবে ?

—ওঁর নব্বুই পার হয়ে গিয়েছে।

জিজ্ঞাসা করলুম, আপনার কত বয়স হবে আনন্দজী ? যাট পেরিয়েছে ?

আনন্দজী হো-হো করে হেসে উঠে বললেন, বাবুজী, আমার উম্মর আশা পেরিয়ে গিয়েছে। ‘বড়ে’ মহারাজ যখন আমাকে কুড়িয়ে পান তখন আমার আন্দাজ পাঁচ বছর বয়স ছিল। এখন ‘বড়ে’র বয়স বিরানব্বুই বছর—আমার চেয়ে তিনি এগারো বছরের বড়।

সদানন্দজীর কথা শুনে বিষ্ময়ে আমাদের মুখ দিয়ে কিছুক্ষণ আর বাক্য নিঃসরণ হ’ল না।

সত্যিই এই সদানন্দ মহারাজ অদ্ভুত মাতৃষ ছিলেন—ছিলেন বললে বোধ হয় ভুল হবে, কারণ আমার বিশ্বাস তিনি এখনও জীবলোকেই আছেন এবং আমরা পৃথিবী থেকে বিদায় নিয়ে চ'লে যাবার অনেক পরেও থাকবেন।

মাতৃষের মধ্যে যত প্রকার শ্রেণী আছে—অর্থাৎ জ্ঞানী, অজ্ঞানী, বিদ্বান, বুদ্ধিমান, বিবেচক, অবিবেচক, ধূর্ত, নির্বোধ, স্ববোধ, দুর্বোধ—এদের কারকেই স্বেচ্ছ দেখেই বোঝা যায় না যে, কোন্ শ্রেণীর মাতৃষ! কিন্তু একটি বিশেষ শ্রেণীর মাতৃষ আছে, যারা পরশমণির ছোঁয়া পেয়েছে—তাদের দেখলেই চিনতে পারা যায়। অন্তত এই শ্রেণীর যত লোকের সাহচর্যে আমি এসেছি, তাদের দেখেই চিনতে পেরেছি। গৃহত্যাগ করবার বছরখানেক আগে সর্বপ্রথমে এই শ্রেণীর একজনের সান্নিধ্যে আসবার সৌভাগ্য আমার হয়েছিল। যদিও সে কুড়ি-পঁচিশ মিনিটের বেশি হবে না, তবুও সে মূর্তির প্রতিচ্ছবি আমার মানসপটে এখনও জ্বলজ্বল করছে।

এই মহাপুরুষ রবীন্দ্রনাথের পিতা মহাশি দেবেন্দ্রনাথ ঠাকুর। মহাশি দেবেন্দ্রনাথ বিভিন্ন হিন্দু-ধর্মগ্রন্থ থেকে ব্রাহ্মধর্ম ও সমাজের অন্তর্কূল কয়েকটি শ্লোক সঙ্কলন করে 'ব্রাহ্মধর্ম' নাম দিয়ে একটি গ্রন্থ প্রকাশ করেছিলেন। এই বইয়ের কুড়ি-পঁচিশটি সংস্কৃত শ্লোক আমাদের জ্বর করে পড়তে শেখানো হয়েছিল। শেখাতেই মহাশি ভূতপূর্ব সভাপণ্ডিত এবং রবীন্দ্রনাথের শাস্তিনিকেতনের প্রথম সংস্কৃত অধ্যাপক পণ্ডিত শিবধন বিদ্যার্ণব মশায়। ছেলেরা যখন সমবেত কণ্ঠে জ্বর করে সেই সব শ্লোক আবৃত্তি করতে শিখে গেল তখন অভিভাবকেরা স্থির করলেন, তাঁদের এ হেন কেলামতিটা মহাশিকে একবার শুনিয়ে আসা চাই।

সে সময়ে দেবেন্দ্রনাথের বয়স আশী পেরিয়ে গিয়েছিল। অধিকাংশ সময় শুয়েই থাকেন, পরের সাহায্য ব্যতীত ওঠা-চলা করতে পারেন না। কানে একেবারেই শুনতে পান না। তাঁর কর্মচারী ও পার্শ্বচর প্রিয়নাথ শাস্ত্রী মশায়

তঁার ক্যান্‌ক্যানে গলায় চীংকার ক'রে বললে কিছু কিছু শুনতে পান মাত্র। তবুও বালকেরা তঁার কাছে আসতে চায় এবং 'ব্রাহ্মধর্মের' শ্লোক শোনাতে চায় জেনে তিনি শুনতে রাজী হলেন।

মনে পড়ে একদিন—বোধ হয় রবিবার সকালে স্নান ক'রে পরিকার ধূতি-জামা প'রে আমরা কয়েকটি ছেলে জোড়াসাঁকোতে মহর্ষিভবনে গিয়ে উপস্থিত হলুম। ব্যবস্থা আগে থাকতেই ঠিক করা ছিল। সেখানে উপস্থিত হওয়ার কিছু পরে একটা ঘোরাণো সিঁড়ি দিয়ে আমাদের তেতলার ছাতের ঘরে নিয়ে যাওয়া হল। ঘরের মধ্যে আমাদের সামনে একটা পর্দা ছিল, সেটাকে সরিয়ে দিতেই দেখলুম একখানা বড় আরাম-কেদারায় বসে আছেন বিরাট এক পুরুষ, নবোদিত সূর্যের মতন। সাদা পাঞ্জামা ও সাদা পাঞ্জাবি পরা—বপধপে সাদা গায়ের রঙ, মাথার চুল দাড়ি তুষারশুভ্র—অদ্ভুত সে দৃশ্য! মানুষ যে এ রকম দেখতে হতে পারে তার ধারণা এর আগে আমার ছিল না। শুধু যে আয়তনেই তিনি বিরাট পুরুষ ছিলেন তা নয়। আমরা ঘরে বাইরে মন্দিরে মহোৎসবে নিত্য যে সব লোকের সংস্পর্শে আসি—দেখলেই বুঝতে দেরি হয় না যে, এ মানুষ সে শ্রেণীর নয়, তার চেয়ে অনেক বড়।

দেখতে লাগলুম, মহর্ষির সমস্ত শরীরটা স্থির রয়েছে, কিন্তু মাথাটা ধীরে ধীরে কাপছে। হুই চক্ষু মুদ্রিত—মৃদুমন্দ বাতাসে চুল দাড়িগুলো একটু একটু নড়ছে আর সর্বাঙ্গে একটা দৈবী দ্যুতি বলমল করছে।

আমরা একে একে সকলে তঁার পায়ে হাত দিয়ে প্রণাম ক'রে পায়ের কাছে অর্ধবৃত্তাকার হয়ে বসে শ্লোকগুলি স্মরণ ক'রে আবৃত্তি করলুম। এই সমস্তক্ষণটাই আমি তঁার মুখের দিকে চেয়ে ছিলাম। মহর্ষির হুই চক্ষু নিম্নীলিত থাকলেও দেখলুম, মাঝে মাঝে তঁার মুখখানা লাল হয়ে উঠছে আবার সাদা হয়ে যাচ্ছে। আমরা গান শেষ করতেই তিনি পরিকার কণ্ঠে কিছু বললেন, তারপরে আমরা প্রণাম ক'রে উঠে এলুম।

এর কয়েক মাস পরেই মহর্ষি দেহরক্ষা করেন।

এই সদানন্দ মহারাজের সঙ্গে মহর্ষির চেহারার অবশ্য তুলনা হয় না। মহর্ষির বর্ণ ছিল তুবার-শুভ্র এবং যৌবনে তিনি নিশ্চয় দেখতে অতি সুন্দর ছিলেন। চেহারার দিক দিয়ে সদানন্দজীকে খুব সুন্দর তো দূরের কথা, সুন্দরই বলা চলে না। অঙ্গে তাঁর কোনও জন্মে বোধ হয় আবরণ পড়ে নি। রোদে, জলে, শীতে গায়ের যে রঙ হয়েছে তার কোনও সংজ্ঞা অভিধানে পাওয়া যায় না। মাথায় জটা, মুখ দাড়ি-গোঁফে ভরা, তাও অযত্ন-রক্ষিত। কিন্তু আশী বছর বয়সে কিশোরের মতন লাফালাফি ক'রে তাঁকে চলতে ফিরতে দেখেছি—মনে হয়েছে প্রতি ভঙ্গীতে যেন আনন্দ ছলকে পড়ছে। সদানন্দ নাম তাতে সার্থক হয়েছিল। কথাবার্তার মধ্যে দিয়ে মানুষের মনের আনন্দ বুঝতে পারা যায়। কিন্তু আশ্চর্যের বিষয়, বেশি কথা তাঁকে বলতে দেখি নি—সত্যি কথা বলতে কি, প্রথমে তাঁকে গভীর মানুষ বলেই মনে হয়েছিল। কিন্তু তাঁর চোখ মুখ—তাঁর প্রতিটি কথা, প্রতিটি কার্য ও সেবার মধ্যে দিয়ে প্রকাশ পেতে লাগল তাঁর মনের আনন্দ। তাঁর জীবনের ইতিহাস শুনে প্রথমে আমাদের হুঃখ হয়েছিল। মনে হয়েছিল, ঈশ্বর যদি তাঁকে বাঁচিয়েই দিলেন তবে অমন ক'রে সারা জীবন আপনার জন থেকে তাঁকে বিচ্ছিন্ন রাখলেন কেন? কিন্তু কিছুক্ষণ পরেই মনে হতে লাগল যে, গৃহে থাকলে এই অপূর্ব শক্তির অধিকারী তিনি কিছুতেই হতে পারতেন না। একমাত্র গুরুর রূপাতেই তিনি আজ সর্ববিষয়ে সত্যিকারের সদানন্দ হয়েছেন।

একটু বিশ্রাম ক'রে চান্দা হতেই সদানন্দ মহারাজ এসে আমাদের নিয়ে গিয়ে বাগানে এক কুয়ো থেকে স্নান করিয়ে নিয়ে এলেন। আমরা টানা-হেঁচড়া ও নানা রকম আপত্তি করা সত্ত্বেও সেই আশী বছরের বৃদ্ধ-যুবক, সেই সদানন্দ-সন্ন্যাসী ডুলি ক'রে জল তুলে তুলে আমাদের স্নান করালেন। বললেন, আপনারা আমাদের অতিথি। আমার গুরু নিজেকে ব'লে দিয়েছেন আপনাদের সেবা করতে—এই অতিথিসেবা থেকে অনুগ্রহ ক'রে আমায় বঞ্চিত করবেন না। আজ থেকে অনেক—অনেক দিন পরে আপনাদের বয়স যখন আমার

মতন হবে, তখন এই সাধুদর্শনের কথা মনে হ'লেই আমার কথাও মনে হবে আর সন্দেহভর সঙ্গ আমাকেও স্মরণ করবেন। সন্ন্যাসীর কথা বৃথা যায় না—আজ এই জাতক লিখতে লিখতে সদানন্দ মহারাজের কথা মনে হচ্ছে আর শ্রদ্ধা ও কৃতজ্ঞতায় অন্তর লুটিয়ে পড়ছে তাঁর পায়ে, চক্ষু অশ্রুপূর্ণ হয়ে উঠছে।

স্নান সারা হয়ে গেলে আমরা গেলুম প্রাসাদের অন্ত এক মহলে। সেখানে পাতা পেতে থাওয়া হ'ল—পুরি তরকারি, জোঁদা টক বোলো দই আর শুকনো বোঁদে। সদানন্দজী নিজের হাতে আমাদের পরিবেশন করলেন।

আহার সেরে আমরা নিজেদের ঘরে ফিরে এলুম। সদানন্দজী বললেন, আপনারা বিশ্রাম করুন, সন্ধ্যাবেলা যখন ভজন হবে তখন সাধুর কাছে নিয়ে যাব। ইতিমধ্যে যদি আপনাদের ভাল লাগে, তবে এদিক ওদিক বেড়িয়ে আসতে পারেন।

কিছুক্ষণ ঘুমিয়ে আমরা রাজপ্রাসাদ থেকে বেরিয়ে জায়গাটাকে ভাল ক'রে দেখে বেড়াতে লাগলুম। রাজপুতানার গ্রাম দেখবার সুযোগ ইতিপূর্বে আর হয় নি। কিছুক্ষণ এদিক ওদিক ঘুরে কাছেই একটা বৃক্ষলতাশূন্য ছোট পাহাড় দেখতে পেয়ে সেখানে গিয়ে উঠলুম। এইখানে ব'সে ব'সে আমরা ভবিষ্যৎ সম্বন্ধে মতলব আঁটতে লাগলুম।

বিষ্ণুটের টিন খালি হওয়ার সঙ্গে সঙ্গে আমাদের মনের জোরও নিঃশেষ হয়ে আসছিল। জনার্দন বললে, তার বাড়িতে লিখলে কিছু টাকা তারা পাঠিয়ে দিতে পারে। সেখান থেকে যদি টাকা আসে তো তা দিয়ে ব্যবসা ফাঁদা যেতে পারে। ব্যবসায় যদি আমরা লাভ দেখাতে পারি, তা হ'লে বাড়ি থেকে আরও টাকা পাওয়া যেতে পারে।

আমি কিন্তু বেশ বুঝতে পারছিলুম যে, টাকার অভাবই আমাদের একমাত্র অভাব নয়। একটা অদৃশ্য শক্তি প্রতিপদেই আমাদের বাধা দিয়ে চলেছিল। আগ্রায় পরেশদার মা যদি আর কিছুদিন বাঁচতেন তা হ'লে আমাদের একটা

গতি নিশ্চয় হয়ে যেত। আমাদের একজনেরও অন্তত কাজকর্ম একটা কিছু জোটেবার পর মা যদি মাঝা যেতেন তা হ'লেও না হয় বুঝতুম। কিন্তু তিনি যেন আমাদের জন্তেই অপেক্ষা করছিলেন, আমরা আসার পরই চ'লে গেলেন। আগ্রাতেই সত্যদার কল্যাণে অমন মহাজন জুটল—লোকের কপালে একটা জোটে না, আমাদের জুটল তো ছপ্পর ঘুঁড়ে দু-দুটো জুটল; কিন্তু কোথা থেকে শনি এসে প্রবেশ করলেন বাদরের রূপ ধ'রে—সব এমন ফেসে গেল যে পালাতে পথ পেলুম না। তার পরে ভরতপুরে ও গোয়ালিয়রে—বেশ বুঝতে পারছিলুম একটা শক্তি আমাদের রক্ষা করবার, পোষণ করবার চেষ্টা করছে, আর একটা শক্তি চেষ্টা ক'রে চলেছে আমাদের ধ্বংস করবার, আমাদের বা কিছু প্রয়াস তা নষ্ট করবার।

তাই, জনার্দন যখন তার বাড়ি থেকে টাকা নিয়ে এসে ব্যবসা করবার কথা খুব উৎসাহের সঙ্গে বলতে লাগল, তখন আমি বিশেষ উৎসাহিত হতে পারলুম না। আগেই বলেছি যে, জয়পুরে এসে অবধি আমি নিজের মধ্যে একটা পরিবর্তন বুঝতে পারছিলুম। আমি বন্ধুদের কাছে প্রস্তাব করলুম, আচ্ছা, কিছু করবার চেষ্টা করা বন্ধ ক'রে দেখলে হয় না?

তারা বললে, সে কি ক'রে সম্ভব হয়! তাই যদি করা হয়, তা হ'লে বাড়ি থেকে বেরুবার প্রয়োজনই বা কি ছিল!

আমি বললুম, আচ্ছা, এই সম্যাসীদের সঙ্গে ভিড়ে গেলে কেমন হয়?

জনার্দন বললে, কি সর্বনাশ! সম্যাসী হব কি রে! তার চেয়ে বাড়ি ফিরে গিয়ে দাদার ব্যবসায় লেগে যাব।

স্বকান্ত বললে, তার এক দাদা আহমেদাবাদে থাকেন। বাংলা দেশের প্রতি কৃতজ্ঞতাস্বরূপ আহমেদাবাদের কাপড়ের কলওয়ালারা জন কয়েক বাঙালী ছেলেকে কলের কাজকর্ম শেখাতে রাজী হওয়ায় কয়েকটি বাঙালী ছেলে সেখানে থাকে। মিলওয়ালারা তাদের কাজ শেখাবার জন্তে পয়সাকড়ি কিছু নেয় না। দু-তিন বছর কাজ শেখবার পর তারা ওখানেই চাকরি পাবে। কিছুদিনের

জন্মে ওখানেই তাদের চাকরি করতে হবে, তার পর অতঃপর যেতে পারে।
বিনা পয়সায় কাজ শেখবার ব্যবস্থা থাকলেও ছেলেদের সেখানে নিজের খরচায়
থাকতে হয়।

স্বকাস্ত বলতে লাগল যে, তার এক দাদা সেখানে থেকে মিলের কাজ
শেখেন, সে সেখানে চ'লে যাবে।

আমি বললুম, সন্ন্যাসীদের সঙ্গে আগে আমি কথা বলি। আমাদের যদি
তার। নিতে রাজী হয় তা হ'লে তোমরা যার যেখানে ইচ্ছা চ'লে যেয়ো, না হ'লে
আবার দেখা যাবে।

সেদিন বিকেল হতে না হতে ঘরে ফিরে এলুম। মন এত ভারী যে
নিজেদের মধ্যে কথাবার্তাই বন্ধ হয়ে গেল। বিছানার এক-একটা কোণ
এক-একজন দখল ক'রে গুম হয়ে ব'সে রইলুম। চারদিকে ক্রমেই অন্ধকার হয়ে
এল। কিছুক্ষণ পরে সদানন্দ মহারাজ একটা আলো হাতে নিয়ে এসে বললেন,
চলুন, এবার ভজনের আয়োজন হচ্ছে।

আলোটা ঘরে রেখে সদানন্দ মহারাজ আমাদের নিয়ে চললেন। সাধুর
কাছে গিয়ে তাঁকে প্রণাম করতেই সকালবেলাকার মত স্নেহ দৃষ্টিতে আমাদের
সম্ভাষণ ক'রে ইঙ্গিতে কাছেই এক জায়গায় বসতে বললেন। ঘরের মধ্যে দুটো
ঝাড়ু বোধ হয় পঞ্চাশটা মোমবাতি জ্বলছে। খুব ভিড় নেই। বোঝা গেল,
যারা সেখানে উপস্থিত রয়েছেন তাঁরা সকলেই বিশিষ্ট শ্রেণীর লোক।
সকালবেলায় যাদের ব'সে থাকতে দেখেছিলুম, তাদের পোশাকে এমন পারিপাট্য
দেখি নি। তীব্র একটা আতরের গন্ধে ঘর একেবারে আমোদিত। বলা
বাহুল্য, সেটা আগন্তুকদের কারুর অঙ্গ থেকে বেরুচ্ছিল। আর একটা দৃশ্য
দেখলুম, যা সেবার কিংবা তার পরেও রাজপুতানার অতঃপর কোথাও দেখি নি।
ঘরের এক দিকে দেখলুম একদল মহিলা ব'সে আছেন। সে দিকটা অপেক্ষাকৃত
অন্ধকার। মনে হ'ল, মহিলারা বসবেন ব'লে ইচ্ছা ক'রেই সে দিকটা আলোকিত
করা হয় নি। রাজপুতানার সাধারণ মেয়েদের মধ্যে পর্দা নেই বটে, কিন্তু এই

সর্দারদের বা অস্ত্র বড় ঘরের মেয়েদের মধ্যে খুবই কড়া পর্দার রীতি প্রচলিত আছে। ঘরের মধ্যে সব চূপচাপ, শুধু মাঝে মাঝে নারীকণ্ঠের চাপা আওয়াজ শুনতে পাওয়া যাচ্ছিল। সাধু মহারাজের একদিকে বড়ে মহারাজ ব'সে আছেন। মূণ্ডিত মস্তক, পরিচ্ছদেরও কোনো বাহুল্য নেই। সকালে তাঁকে মূদিত-চক্ষু অবস্থায় দেখেছিলুম, এ বেলায় দেখলুম চোখ খুলেই ব'সে আছেন। চোখ তুলে যখন সামনে চাইছেন তখন মনে হচ্ছে, সামনের কোন জিনিসের প্রতি তাঁর নজর পড়ছে না—সে দৃষ্টি হৃদয়প্রসারিত, এসব ছাড়িয়ে অস্ত্র কোথাও কিসের অন্বেষণে সে দৃষ্টি ঘুরে বেড়াচ্ছে। সাধু বাবার অস্ত্র পাশে ব'সে আছেন আর একজন সন্ন্যাসী, তাঁকে বড়ে মহারাজের চেয়ে বেশি-বয়সী ব'লে বোধ হয়। এঁর সামনে একটা প্রকাণ্ড একতারা মাটিতে রাখা হয়েছে। এত বড় একতারা এর আগে কখনও দেখি নি—প্রথম দৃষ্টিতে সেটাকে তন্নুরা ব'লে বোধ হয়।

ইতিমধ্যে সাধু মহারাজ একবার হাসিমুখে আমায় জিজ্ঞাসা করলেন, বেটা, তোমাদের বিশ্বাসের কোনও ব্যাঘাত হয় নি ?

বললুম, বাবা, আপনার দয়ায় আমাদের আহাৰ ও বিশ্রাম হয়েছে। অনেক দিন এমন পরিহৃষ্টির সঙ্গে ভোজন করি নি।

মহারাজ বললেন, পরমাত্মা তোমাদের মনে এমনিই ভক্তি জাগিয়ে রাখুন।

আবার পায়ের ধূলো নিয়ে বললুম, আপনি আশীর্বাদ করুন।

মহারাজ আবার আমার মাথায় হাত ঠেকিয়ে আশীর্বাদ করলেন। ইতিমধ্যে পূর্বের সেই সাধু একতারাটা তুলে নিয়ে ছেড়তে অর্থাৎ আওয়াজ করতে আরম্ভ করলেন। ষষ্ঠী নামেই একতারা, কারণ তা থেকে আওয়াজ হতে লাগল তানপুরার মতন। আর একজন সাধু একটা খঞ্জনি লাগানো কাঠের খটখটি নিয়ে পাশে ব'সে গেলেন। এই সময় দেখা গেল, সাধু মহারাজের সঙ্গে আট-দশজন চেলা এসেছেন, সকালবেলায় এঁদের সকলকে দেখতে পাই নি।

যাই হোক, কিছুক্ষণ সেই একতারার আওয়াজ হতে না হতে অত বড় ঘর

একেবারে স্বরে গম-গম করতে লাগল, মেয়েদের গুঞ্জন পৰ্বন্ত খেমে গেল। অনেকের চক্ষুই নিমীলিত হ'ল।

সন্ন্যাসী একে একে গুটি তিনেক মীরার ভজন গাইলেন। প্রথম গানটা মনে আছে, ফাগুনকো দিন যায়—যায় রে।

যিনি গাইলেন, তাঁর কণ্ঠ মধুর। গান শুনেই বুঝতে পারা যায় যে, অশিক্ষিতপটুত্বের স্বাভাবিক শক্তির জোরে তিনি গাইছেন না, বহুদিনের শিক্ষা ও সাধনা তাঁর এই অভিব্যক্তির পেছনে রয়েছে। তা ছাড়া, শুধু স্বকণ্ঠ ও শিক্ষা থাকলেই এমন গান গাওয়া যায় না। এই স্বরের পেছনে রয়েছে এমন এক রহস্যময় দুজ্জ্বল সত্তার আকস্মিক আয়োদীপন, যা মানুষের বুদ্ধির মূঢ় তটসীমাকে অতিক্রম ক'রে হৃদয়কে পৌছে দেয় কোন এক চিরবেদনার অতল গভীরতায়, যেখানে যুগযুগান্ত ধ'রে বিরহী মানুষের অশ্রুর তরঙ্গ উদ্বেল হয়ে উঠছে।

গান আরম্ভ হবার কিছু পরেই অপেক্ষাকৃত অন্ধকার থেকে মেয়েরা এগিয়ে এসে একেবারে সামনেই বসলেন। আমি দেখতে লাগলুম, সাধুরা এবং আরও অগ্ন্যস্ত্র যারা সেখানে বসেছিলেন ক্রমে একে একে তাঁদের সকলের চোখ বন্ধ হয়ে আসতে লাগল, এমন কি মেয়েদের মধ্যেও অনেকেই চোখ বন্ধ ক'রে হাত জোড় ক'রে বসলেন। আমি জোর ক'রে চেষ্টা ক'রেও একাধারে চোখ খুলে রাখতে পারলুম না। একবার চোখ বন্ধ করি আবার জোর ক'রে খুলে সবাইকে দেখি—এমনই করতে করতে আমার সমস্ত দেহ যেন ভারী হয়ে আসতে লাগল। স্পষ্ট দেখলুম, অনেকেরই দুই চক্ষু দিয়ে অশ্রু ঝরছে। কেন এ অশ্রু? এই অশ্রুর উৎস কোথায়? চিন্তা করতে করতে অসুস্থ ববলুম, আমারও দুই চক্ষু দিয়ে অশ্রু ঝরছে। দেখলুম, আমার পাশে জনার্দন ও স্বকান্ত চোখ বুজে হাত জোড় ক'রে বসে আছে। এই কয়মাস নিরন্তর তাদের সঙ্গে একত্র বাস করছি; কিন্তু তাদের দেখে মনে হতে লাগল, এ কি অদ্ভুত মৃতি, এ মৃতি এতদিন তো চোখে পড়ে নি! মনে হতে লাগল, যেন দুটি দেবশিশু ধ্যানে বসে আছে। শুধু আমার বন্ধুরা নয়—সেখানে যত লোক

ব'সে ছিল, পুরুষ কিংবা স্ত্রী, সকলেই সেই গানের প্রভাবে যেন দিব্যায়িত হয়ে উঠল। দেখতে দেখতে আমি একেবারে ডুবে গেলুম, তার পরে কিছুক্ষণ আর কিছু মনে নেই। শৈশবে একদিন ব্রহ্মমন্দিরে নামগানবিহ্বল ভক্তদের ভাবাকুল অশ্রুপাতের যে অতল রহস্য বিম্বিত মনে, হাস্যমুকুলিত চক্ষে নিরীক্ষণ করেছিলুম, আজ সেই অকূল রহস্যের কিনারায় পৌছনো মাত্র এক অনাস্বাদিতপূর্ব নির্মম বেদনার নিপীড়নে আমার হৃ চোখের দৃষ্টি স্বরূপ রোদনের অশ্রুভারে নিমীলিত হয়ে গেল।

সম্মিত ফিরে পেয়ে চোখ খুললুম। গান তখন থেমে গিয়েছে, ঘর একেবারে নিস্তব্ধ। সাধুদের চোখ তখনও বন্ধ, আরও অনেকে ধারা সেখানে ব'সে ছিলেন তাঁরা কেউ কেউ চোখ খুলছেন। মেয়েদের কেউ কেউ অশ্রুসিক্ত চোখ মার্জনা করছেন। বোধ হয় মিনিট দুই-তিন এইভাবে কাটিবার পর আবার গান শুরু হ'ল, আবার সকলের চোখ বন্ধ হ'ল।

জ্ঞানোন্মেষ হবার আগে থেকেই ঈশ্বরের নামগান কীর্তন প্রভৃতির আসরে বসতে আমি অভ্যস্ত। সমবেতভাবে নিয়মিত ধ্যান ও নাম-কীর্তন হয় এমন সমাজে আমি জন্মেছি এবং সেই আবহাওয়ায় পালিত হয়েছি, কিন্তু এ রকম অভিজ্ঞতা আমার জীবনে এর আগে হয় নি। প্রাথমিক গান শুনে মনের মধ্যে ভক্তির উদয় হয়েছে—কখনো বেশি, কখনো কম। জ্ঞান বুদ্ধি দিয়ে সে প্রবাহকে সংযত করতে বেশি বেগ পাই নি। কিন্তু জ্ঞান, বুদ্ধি ও অহঙ্কারকে অতিক্রম ক'রে আর একটা হিল্লোল নিজের মধ্যে জেগে উঠেছে—বেশ বুঝতে পারছি, নিজের মধ্যে একটা কিছু হচ্ছে এবং সেই একটা কিছু যে ঘটিয়ে তুলছে সে আসছে ওই গানের রূপ ধরে।

পরে জেনেছি যে, ভাগবতী সচেতনায় সচেতন যে আধার সে জ্ঞাতসারে কিংবা অজ্ঞাতসারেও দৈবী চেতনা সঞ্চারিত করতে পারে অল্প আধারে—অবশ্য পারিপার্শ্বিক পরিস্থিতি ও যাদের মধ্যে শক্তি সঞ্চারিত হবে তাদের আধারও সে অবস্থার অন্তর্কূল হওয়া চাই।

গান শেষ হয়ে যাবার পর প্রথমে সাধুর চেলাবা উঠে গেলেন, তার পরে বাইরের কয়েকজন ঝাঁরা ছিলেন তাঁরা প্রণাম ক'রে চ'লে গেলেন। মেয়েরা আরও এগিয়ে এসে সাধুর কাছে বসলেন। আমরা উঠে প্রণাম করতেই সাধু মহারাজ আমাদের জিজ্ঞাসা করলেন, তোমরা রাতে থাকবে তো ?

বললুম, ই্যা, আজ রাতে বিশ্রাম ক'রে কাল বেরুব।

নির্দিষ্ট কক্ষে ফিবে গিয়ে বিছানায় গা ঢেলে দেওয়া গেল। একটু পরেই স্নকান্ত ও জনার্দন দুজনেই বলতে আবন্ত করলে, সাধু মহারাজ যদি তোকে শিখ্য করেন তবে আমিও তাঁর শিখ্য হব—এমনি ক'রে ঘুরতে আর ভাল লাগে না, সত্যিই যদি তাঁর চরণে আশ্রয় পাঠি তো বেঁচে যাঠি।

স্নকান্ত ও জনার্দন আমাকে এমনভাবে খোশামোদ কবতে আরম্ভ করলে যেন আমি ইতিমধ্যে সাধু মহারাজের চেলা হয়ে একজন বড়দেবের সন্ন্যাসীতে পরিণত হয়েছি। অথচ সেই দিনই বিকেলবেলা সেই পাহাড়ে ব'সে আমি এখন তাদেব বলেছিলুম যে, আমি সাধু মহারাজের শিখ্য হয়ে তাদেব সঙ্গে চ'লে যাব তখন আমার সঙ্গে যোগ দেবাব জন্মে তাদেবও অন্তরোধ করেছিলুম—তাঁরা দুজনেই সে প্রস্তাব প্রত্যাখ্যান তো করেইছিল, উপরন্তু মুহু বিদ্রূপ করতেও চাড়ে নি। রাত্রেই সেই কীর্তনসভায় ব'সে তাদের মতামত শুধু যে পালটে গেল তা নয়, দেখলুম তাঁরা ভগবদ্ভক্তিতে জ্বজ্বল হয়ে পড়েছে। বৈষ্ণবচুড়ামণি শ্রীরূপ গোস্বামী এক জায়গায় বলেছেন যে, অতি রক্ষস্বভাববিশিষ্ট লোকেরও সদগোষ্ঠীর সহবাসে সবগুণ জাগ্রত হয়—আমার বন্ধুদ্বয়ের নিশ্চয় সেই অবস্থা হয়েছিল।

জনার্দন তো কেঁদেই ফেললে আর তখনি সাধু মহারাজের পায়ে ধ'রে তাঁর শিখ্যত্ব গ্রহণ করবার সঙ্কল্পে তাঁর কাছে যাবাব উদ্যোগ করতে লাগল। তখনকার মতন তাকে নিবৃত্ত ক'রে ক'রে আমরা তিনজনে পরামর্শ ক'রে ঠিক করলুম যে, রাত্রে আহাৰাদির পর আমি সদানন্দজীকে আমাদের সঙ্কল্পের কথা জানাব। তিনি কি পরামর্শ দেন তাই শুনে পরে যা হয় কবা যাবে।

সদানন্দজীর অপেক্ষা করতে লাগলুম, কিন্তু তাঁর দেখাই নেই। ঘণ্টা-তুই তাঁর জন্তে অপেক্ষা ক’রে রাতে বোধ হয় আর খেতে-দেতে দেবে না মনে ক’রে শুয়ে পড়েছি, এমন সময় সদানন্দজী হাসিমুখে ঘরের মধ্যে এসে বললেন, চলুন, ভোজন করবেন।

আমরা জিজ্ঞাসা করলুম, কটা বেজেছে ?

সদানন্দ বললেন, তা বোধ হয় বারোটা বেজে গিয়েছে।

থাবার জায়গায় গিয়ে দেখলুম, অনেক লোক খেতে বসেছে, দুপুরবেলা এত লোক দেখি নি। জিজ্ঞাসা ক’রে জানলুম যে, তারা সব সাধু দর্শন করতে এসেছে। আজ রাতে আর মহারাজের সঙ্গে দেখা হবে না, তিনি মেয়েদের সঙ্গে কথাবার্তা বলছেন। মেয়েরা চ’লে গেলেই তাঁর ঘরের দরজা বন্ধ হয়ে যাবে। এরা সব আজ রাত্রিটা এখানে থাকবে। এদের ব্যবস্থা করতে হ’ল ব’লেই আমাদের ভোজনের দেরি হয়ে গেল।

খাওয়া-দাওয়া চুকে থাবার পর সদানন্দজী আমাদের সঙ্গে সঙ্গে এসে পৌঁছে দিয়ে চ’লে যাচ্ছিলেন, এমন সময় আমি তাঁকে বললুম, মহারাজ, যদি অহবিধ না হয় তো আমাদের সঙ্গে একটু ঘরে চলুন না—প্রয়োজন আছে।

সদানন্দ মহারাজ বেশ প্রসন্নমনেই বললেন, বেশ তো, চলুন।

ঘরের মধ্যে এসে তাঁকে বসিয়ে আমরা তিনজনে তাঁকে ঘিরে বসলুম। প্রথমটা বলতে ইতস্তত করছি দেখে তিনি নিজেই জিজ্ঞাসা করলেন, কি বলতে চাইছেন বলুন ?

তাঁর আশ্বাসবাণী শুনে বুক ঠুঁকে ব’লেই ফেললুম, মহারাজ, এই বলছিলুম কি যে, এখানে আসবার কিছুকাল আগে থেকেই আমাদের মন বড় উচাটন হয়েছে, সংসারের কিছুতে আর মন বসছে না। আমরা সন্ন্যাস গ্রহণ করব—আপনি যদি দয়া ক’বে আপনার গুরুকে আমাদের মতন অধমদের শিষ্য করতে রাজী করান তা হ’লে তাঁর কাছে দীক্ষা পেয়ে আমরা ধৃত হই।

আমার কথা শুনে সদানন্দজী কিছুক্ষণ গুম হয়ে ব’সে থেকে বললেন,

বাবুজী, আপনাদের তিনজনের মধ্যে কারুরই সম্মান গ্রহণ করবার সময় এখনও হয় নি। তারপবে আপনারা বোধ হয় জানেন না যে, আমাদের গুরুদেব কাল সকালে দেহত্যাগ ক'রে ইহলোক থেকে চ'লে যাবেন।

—অ্যা !!! দেহত্যাগ করবেন মানে ?

কথাটা কানের মধ্যে ঢুকে সেইখানেই ঘুরপ'ক খেতে লাগল—মগজ অবধি পৌছল না।

সদানন্দজী আবার বললেন, হাঁ বাবুজী, আমাদের গুরু কাল সকালে দেহত্যাগ করবেন। কাল ফাল্গুনী পূর্ণিমা—ওই দিনই দেহত্যাগ করবার উপযুক্ত সময় ব'লে বিবেচিত হয়েছে। গুরুদেব এই দেশেই জন্মেছিলেন এবং এইখানেই দেহ রাখবেন ব'লে এসেছেন। কিছুদিন থেকে তাঁর দেহে জরা দেখা দিয়েছে—এবার দেহত্যাগ ক'রে চ'লে যাবেন। কাল বেলা বারোটার মধ্যেই তিনি চ'লে যাবেন।

অপবস্থা কিম্ ভবিষ্যতি ! মাথার মধ্যে কিম্বিকিম্ব করতে লাগল। আর একটা কথাও জিজ্ঞাসা করা হ'ল না। কিছুক্ষণ ব'সে থেকে সদানন্দ মহারাজ উঠে চ'লে গেলেন।

আমাদের কারুর মুখে আর বাক্য নেই। দেখলুম, জনার্দন ও স্বকাস্ত কিছুক্ষণ ব'সে থেকে থেকে শুয়ে পড়ল। অল্পক্ষণের মধ্যেই তারা ঘুমিয়ে পড়ল ব'লে মনে হ'ল—আমি নিজের জায়গাটিতে ব'সে ব'সে ভাবতে লাগলুম।

ব'সে থাকতে থাকতে আলোটা গেল নিবে। ঘর অন্ধকার হয়ে পড়ায় আমিও শুয়ে পড়লুম, নানারকম চিন্তায় মাথা গরম হয়ে উঠতে লাগল। ওরই মধ্যে এপাশ-ওপাশ করতে করতে কখন ঘুমিয়ে পড়েছিলুম জানি না, হঠাৎ কি রকম একটা ভয় পেয়ে ঘুম ছুটে গেল। মনে হ'ল, কে যেন আমার দেহটা স্পর্শ করছে। ঠিক রক্তমাংসের হাতের স্পর্শ নয়—স্পর্শটা ঠাণ্ডা কনকনে। খুব ঠাণ্ডা বাতাস গায়ে লাগলে যে রকম অস্তভব হয় অনেকটা সেই রকমের। অথচ হাওয়া যেমন ঝোঁকে ঝোঁকে লাগে এবং শরীরের অনেকখানি জায়গায়

অনুভূত হয় এ যেন সে রকম নয়। শরীরের সব জায়গায় নয়—কখনো একদিকের গালে, কখনো বা একটা হাতের ওপর, কখনো বুকের খানিকটার ওপর শীতল বায়ুর স্পর্শ। ভয়ে আমার শরীরে কাঁটা দিতে লাগল। এর ওপরে কাদের ফিসফিস ক’রে কথা বলার আওয়াজ যেন কানে আসতে লাগল—খুব ক্যান্‌ক্যানে গলায় যতদূর সম্ভব আশ্বে বলা হ’লে যে রকম শুনতে হয়, অনেকটা সেই রকমের।

অনেকক্ষণ কান পেতে শুনতে শুনতে মনে হ’ল, বাইরে হাওয়ায় শুকনো পাতা ওড়ার শব্দ হওয়ায় হয়তো আমার ওই রকম মনে হয়েছিল। ঘরের জানলাগুলো বন্ধই ছিল, অনেক সাহস সঞ্চয় ক’রে ঘষ্‌টে ঘষ্‌টে গিয়ে একটা জানলা খুলে দেওয়া গেল। জানলা খুলতেই এক ঝলক চাঁদেব আলো বিছানা ও মেঝের খানিকটা ভাসিয়ে দিয়ে ছলকে গিয়ে পড়ল সামনের দেওয়ালে। বাইরে শেষ রাতের জ্যোৎস্নায় সমস্ত ঝকঝক করছিল, ওপর নীচের প্রত্যেকটি জিনিস স্পষ্ট দেখা যেতে লাগল। মাঝে মাঝে হাওয়ার এক-একটা হলকায় এক রাশি শুকনো পাতা খডখড ক’রে উড়ে চলেছে—জানলাব ধাবে ব’সে এই দৃশ্য দেখতে দেখতে একটু সাহস ফিরে এল। হঠাৎ একবার ঘরের মধ্যে মুখ ফেরাতেই অনুভূত এক দৃশ্য দেখতে পেলুম। ঘবেব ম’বো যে জ্যোৎস্না এসে পড়েছিল এবার স্পষ্ট দেখলুম যে, ছোট ছোট খুব হালকা ঝোঁয়ার পিণ্ডেব মতন কতকগুলো ছায়া ভেসে ভেসে সেই জ্যোৎস্নাটুকু পার হয়ে উড়ে যাচ্ছে—একটা ছোটো পরে পরে অনেকগুলো ছোট বড় নানা আকারের ছায়া—কোনটা খুব ফিকে, একেবারে চাঁদের আলোর সঙ্গে মিশে আছে, কতকগুলো অপেক্ষাকৃত গাঢ় রঙের, যেন হাওয়ায় ভেসে ভেসে সেই জ্যোৎস্নাটুকু পার হয়ে দেওয়ালে গিয়ে ঠেকে মিলিয়ে যাচ্ছে। ভয়ে আমি সেখান থেকে উঠে জানলা থেকে দূরে গিয়ে ব’সে লক্ষ্য করতে লাগলুম—এবার যেন ঝাঁকে ঝাঁকে সেই ছায়ার দল ঢুকে ঘর ভ’বে যেতে আরম্ভ করল। আমি বেশ বুঝতে পারলুম, মাঝে মাঝে একটা ছোটো ছায়ার টুকরো আমার মুখ হাত পায়ে ওপর দিয়ে বুলিয়ে যেতে লাগল আবার সেই শীতল স্পর্শ।

কিছুক্ষণ এই রকম চলবার পর একেবারে সব পরিষ্কার হয়ে গেল। জনার্দন ও স্বকান্তকে ডাকব কি না ভাবছি, এমন সময় স্বকান্ত ধড়মড় ক'রে উঠে চারিদিকে চাইতে লাগল। চাঁদের আলোতে স্পষ্ট দেখলুম, ভয়ে তার মুখখানা আঁতকে উঠেছে। কয়েক মুহূর্ত এদিক ওদিক চেয়ে আমার দেখতে পেয়ে তাড়াতাড়ি এসে পাশে ব'সে হাঁপাতে লাগল।

আমি জিজ্ঞাসা করলুম, কি বে, কি হয়েছে।

স্বকান্ত জিজ্ঞাসা করলে, কি বল্ দিকিন্ এগুলো।

—কোন্‌গুলো!

—এই যে সব দেখতে পাচ্ছিস না। এই যে—এই যে—এই—এই গায়ের ওপর এসে পড়ছে।

স্বকান্তব হালচাল দেখে মনে হ'ল, আমি এতক্ষণ যে দৃশ্য দেখছিলুম সেও তাই দেখছে, কিন্তু আশ্চর্যের বিষয় যে, সে সময় আমি কিছুই দেখতে পেলুম না। স্বকান্ত বলতে লাগল, কিছুই দেখতে পাচ্ছিস না?

আমি বললুম, তুই খুম থেকে ঠঠবার আগে দেখতে পাচ্ছিলুম বটে, কিন্তু এখন আর দেখতে পাচ্ছি না।

স্বকান্ত বলতে লাগল, এই দেখ, এটি একটা—এটি উড়ে যাচ্ছে—

কিন্তু আমি কিছুই দেখতে পেলুম না। এই রকম কিছুক্ষণ 'এই—এই—এই যাচ্ছে' করার পর সে একটু চুপ ক'রে থেকে বললে, কিছু শুনতে পাচ্ছিস? খুব কান পেতে শোন্।

অনেকক্ষণ এক মনে শোনবার চেষ্টা করতে করতে যেন শুনতে পেলুম, কে ফিসফিস ক'রে কি বলছে! এই শব্দকেই কিছু আগে বাতাসে পাতা-ওড়ার শব্দ ব'লে মনে করেছিলুম। কখনও কখনও মনে হতে লাগল, অনেক লোক যেন ফিসফিস ক'রে কথা বলছে। তার পরে শুনতে পেলুম বাজনার আওয়াজ—অপূর্ব সে সঙ্গীত! শুনতে শুনতে মনে হতে লাগল, এ সঙ্গীত এর আগেও যেন আরও কোথাও শুনছি। স্মৃতিমাগর মন্বন করতে করতে মনে প'ড়ে

গেল, ছেলেবেলায় জলে ডুবতে ডুবতে জ্ঞান হারাবার ঠিক পূর্ব-মুহূর্তে এই ধরনের সঙ্গীত শুনছিলাম। মনে হ'ল, কারা যেন অনেক দূরে নানা রকমের বাজনা বাজাচ্ছে। শুনতে শুনতে মনে হ'ল, তার মধ্যে মান্নবের কণ্ঠস্বরও মিলিয়ে রয়েছে। সে কণ্ঠ নারী কি পুরুষের, তা ঠিক ঠাহর করতে না পারলেও অশ্রুতপূর্ব সেই স্বর ক্রমে স্পষ্ট হতে স্পষ্টতর হতে লাগল। মনে হ'ল, কে যেন গাইছে—ফাগুনকো দিন যায়—যায় রে !!

গান শুনতে শুনতে শুক গম্ভীরা প্রকৃতিও যেন চঞ্চলা হয়ে উঠতে আরম্ভ করলে। প্রথমে ধীরে ধীরে, তার পরে একটু একটু ক'রে বাড়তে বাড়তে বাতাস একেবারে হ-হা ক'রে এলোমেলো ভাবে ছুটোছুটি করতে আরম্ভ ক'রে দিলে। সেই মনোহর নতুন পুষ্পপত্রে ভরা স্তম্ভরী বসন্ত একেবারে উদাসিনী হয়ে দাঁড়াল। এমন অচরাগিণী প্রকৃতির অন্তরে যে এমন বৈরাগিণী লুকিয়ে আছে, তা এর আগে এমন ক'রে উপলব্ধি করি নি। মাথায় জোরে বাতাস লাগতে লাগতে শরীরটা বিম্বিম্ব করতে লাগল। বালিসটা জানলার কাছে টেনে নিয়ে আবার স্তম্ভে পড়লুম—একটু চেষ্টা করতে না করতেই ঘুমিয়ে পড়লুম।

ঘুম ভেঙে দেখি, খোলা জানলা দিয়ে এক রাশ রোদ্দুর ঢুকে ঘর ভেসে যাচ্ছে। বেশ বেলা হয়েছে, জনার্দন ও স্বকাস্ত তখনও অকাতরে ঘুমুচ্ছে। দূরে কারা যেন সমবেত কণ্ঠে রামনাম করছে—“দশরথনন্দন রাজারাম, পতিতপাবন সীতারাম”—অপূর্ব মধুর লাগতে লাগল তুলসীদাসের সেই সঙ্গীত, যে সঙ্গীত অনেক ঘাটের জল খেয়ে এখন—“ঈশ্বর আল্লা তেরা নামে” পরিণত হয়েছে। কিন্তু যেতে দাও সে কথা—

তাড়াতাড়ি উঠে জনার্দন ও স্বকাস্তকে টেনে তুলে মুখ-টুখ ধুয়ে ছুটে গেলুম সাধু মহারাজের ওখানে। সেখানে গিয়ে দেখি, লোকে একেবারে ঘর ভরতি।

মহারাজের কপালে মুখে হাতে সব চন্দন মাখানো হয়েছে। তাঁর গলায় ফুলের মালা, পাশে বড়ে মহারাজ ব'সে আছেন, তাঁরও গলায় দেখলুম মালা

ঝুলছে। মহারাজের বিছানায় নতুন চাদর পাতা হয়েছে—তাঁর পেছনে পাহাড়ের মতন উঁচু ক’রে বালিশ সাজানো রয়েছে। নরনারী আসছে, সাধুকে প্রণাম করছে—কেউ বা এক পাশে দাঁড়াচ্ছে, কেউ বা মুহূর্তের জগু দাঁড়িয়েই আবার চ’লে যাচ্ছে। সাধু বাবা হাসিমুখে সকলকেই আশীর্বাদ করছেন। আমরাও গিয়ে প্রণাম করতেই তিনি হাত তুলে সকলকে যেমন আশীর্বাদ করছিলেন, আমাদেরও তেমনই আশীর্বাদ করলেন। আর একদিকে চার-পাঁচজন লোক ব’সে রামনাম গান করছেন। বাড়ির মেয়েরাও অনেকে এসেছেন, আরও দু-একজন ক’রে আসছেন। আমরা কোথায় বসব—এদিক-ওদিক করছি, এমন সময় সেই ভিড়ের মধ্যে থেকে সদানন্দজী বেরিয়ে এসে আমাদের নিয়ে গিয়ে একেবারে সাধুর সামনেই বসিয়ে দিলেন।

কাল সাধু বাবাকে সকাল-সন্ধ্যায় দুবার দেখেছি—দুবারই তাঁকে ধীর, স্থির, শান্ত দেখেছি; কিন্তু আজ দেখে মনে হ’ল, তিনি যেন ছটফট করছেন। মুখে হাসি লেগে আছে বটে, কিন্তু কখনও বালিশে হেলান দিচ্ছেন, কখনও বা সামনে এগিয়ে এসে হাত তুলে লোককে আশীর্বাদ করছেন। মুখে হাসি সত্ত্বেও মনে হচ্ছে, কি যেন বিড়বিড় ক’রে ব’কে চলেছেন।

ক্রমে লোক আসা-যাওয়া ক’মে আসতে লাগল। শেষকালে সাধু মহারাজের শিগেরা, বাড়ির মহিলারা ও আমাদের মত মাত্র জন কয়েক ছাড়া একে একে সকলেই বেরিয়ে চ’লে গেল। যারা এতক্ষণ রামনাম গান করছিলেন, তাঁরা এবার জলদে শুরু করলেন। আর সকলেই চুপচাপ, আমার দৃষ্টি সাধু বাবার ওপরে স্থির নিবদ্ধ। দেখলুম, আস্তে আস্তে তাঁর দীপ্ত চোখ দুটো বন্ধ হয়ে গেল। পা দুটো তখনও আসন-পিড়ি ক’রে বস। একবার সেই পেছনে বালিশের দেওয়ালে হেলান দিয়ে যেন আরাম ক’বে বসলেন। ইতিমধ্যে সেই রামনাম শেষ হয়ে গেল—ঘরের মধ্যে সুরের রেশ গুমরে গুমরে ফিরতে লাগল।

সকলে নিস্তব্ধ, কারুর মুখে কোনও কথা নেই, এমন সময় সেই অশ্বস্তিকর

নিস্কৃত্যর মধ্যে বড়ে মহারাজ সেই প্রকাণ্ড একতারাটি তুলে নিয়ে কয়েকবার ঝঙ্কার দিয়ে গান শুরু করলেন।

দেখলুম, বড়ে মহারাজও গাইয়ে লোক। তাঁর কণ্ঠও শিক্ষিত ও স্তল্লিত; কিন্তু বয়সের জন্মেই হোক অথবা আসন্ন গুরুবিচ্ছেদ-বেদনায় হোক, প্রথমটা মনে হয়েছিল যেন তিনি কিছু অভিভূত হয়ে পড়েছেন। মিনিট কয়েকের মধ্যেই কিন্তু তিনি সেই বাধাটুকু কাটিয়ে উঠলেন।

বড়ে মহারাজ শুরু করলেন ভজন—কবীরের সেই বিখ্যাত গুরুবন্দনার অমূল্যরূপে তাঁর নিজের রচিত ভজন—হে গুরু, আমার মোহ নাশ করবার জন্য তুমি জ্ঞান-কাটারি দিয়েছ, জ্ঞানরূপ গৃহের চাবি তুমি আমার হাতে দিয়েছ। হে পিতা, তুমি তোমার এই অধম সন্তানকে অমৃত পান করিয়েছ। অমৃতপানে অনভ্যস্ত এই অধম কতবার অমৃত ভেবে বিষপান ক’রে অস্থস্থ হয়েছে, তুমি তাকে বাঁচিয়েছ—হে পিতা, এই অধম সন্তানকে তুমি চরণে স্থান দিও। সংশয়ের ঘোর অন্ধকারে কতবার পথভ্রষ্ট হয়েছি, তুমি আমার হাত ধ’রে চালিত করেছ সত্যপথে। আমার হাতে সত্য ও জ্ঞানের বতিকা দিয়েছ—হে গুরু, তুমি আমায় ভুলো না, অসময়ে দেখা দিও। আমাব জীবনের উষায় প্রদীপ ভাস্করের মত উদয় হয়ে সারা দিনমান তুমি কিরণ বিকীরণ করেছ—এখন রাত্রির ঘনতমস। আমাকে গ্রাস করতে উদ্বৃত—হে গুরু, ব্রহ্ম এই সন্তানকে তুমি রক্ষা কর—তুমি যেখানেই থাক, তোমার মঙ্গলহস্তের অভয়স্পর্শ যেন পাই।

সেই কক্ষণ মিনতি শুনতে শুনতে অনেকেরই চোখ ভিজে উঠতে লাগল। মেয়েরা অনেকেই চক্ষু মার্জনা করতে লাগলেন—গায়কের কণ্ঠস্বরও আর্দ্র হয়ে উঠল। সাধু মহারাজকে দেখলুম সেইভাবেই হেলান দিয়ে শুয়ে আছেন—চক্ষু মুদিত, ঠোঁট দুটি যেন একটু ফাঁক হয়ে গেছে—নিষ্পন্দ, নির্বাক।

বড়ে মহারাজ গেয়ে চললেন, তুমি আমার অন্তরে বাতি জালিয়েছ। ঝড়ে দুর্ভোগে এই দীপাণখাটিকে তুমিই রক্ষা করেছ—তুমি দেখো, শেষ পর্যন্ত যেন পারে উত্তরিতে পারি—হে গুরু, তুমি আমাকে চরণে রেখো, তুমি স্মরণে রেখো।

বড়ে মহারাজের গান শেষ হতে না হতে আবার রামনাম শুরু হ'ল, জয়-জয় রাম—জয় জয় রাম। সকলেই, এমন কি মেয়েরা পর্যন্ত গলা দিলেন—জয় জয় রাম—জয় জয় রাম—

এই রকম বেশ কিছুক্ষণ চলার পর সাধু মহারাজের এক শিষ্য চীৎকার ক'রে উঠলেন, চ'লে গেছেন—চ'লে গেছেন।

আবার সকলে সেই স্বরে শুরু করলেন, জয় জয় গুরু—জয় জয় গুরু—

শিষ্যেরা গুরুর দেহটা বিছানা থেকে তুলে অগ্নিত্র শুইয়ে রাখলে। ঘরের সমস্ত বিছানা তুলে ফেলা হ'ল। প্রকাণ্ড ঘটির আকারের তামার চাদরে তৈরি ঘড়া ঘড়া গঙ্গাজল প্রাসাদের কোথা থেকে বাহকেরা সব ব'য়ে নিয়ে আসতে আরম্ভ করলে। এই কয় সপ্তাহ ধ'রে নাকি প্রতিদিন হরিদ্বার থেকে গঙ্গাজল এসেছে।

মৃতদেহকে বসিয়ে দুজন শিষ্য পেছন থেকে ধ'রে রইলেন আর দুজনে মিলে এক-একটা ঘড়া তুলে নিয়ে মৃতদেহের মাথায় জল ঢালতে লাগলেন। স্নানপর্ব শেষ হয়ে গেলে মৃতদেহে নতুন কাপড় পরানো হ'ল—চন্দন-তিলকও বাদ পড়ল না। মেয়েবা এবং আরও অনেকে ফুলের মালা পরিয়ে দিতে লাগল মৃতদেহের গলায়। তার পরে শিষ্যরা মৃতদেহ ব'য়ে নিয়ে গেল বাগানের একদিকে। সেখানে গর্ত খুঁড়ে পোড়াবার জায়গা আগে থাকতেই ঠিক ক'রে রাখা হয়েছিল। দেখলুম, দমাদম গাছ কাটা চলেছে—চন্দনকাঠও এল এক রাশি।

চিতা শাজিয়ে গুরুর মৃতদেহ চড়িয়ে দেওয়া হ'ল। বড়ে মহারাজ চিতায় প্রথম অগ্নিসংযোগ করলেন—তার পরে একে একে সব শিষ্যই পরে পরে আগুন দিলেন। কিছুক্ষণের মধ্যে কাঁচা কাঠ ধু-ধু ক'রে জ্বলে উঠল—বোধ হয় ঘণ্টা তিনেকের মধ্যেই সব শেষ হয়ে গেল। আবার ঘড়া ঘড়া গঙ্গাজল ঢেলে শিষ্যেরা চিতা নিবিয়ে দিলে।

সাধু মহারাজের শিষ্যেরা ও অগ্নাত্ত সকলে প্রাসাদের দিকে চ'লে গেল। আমরা ইন্দারার ধারে গিয়ে স্নান সেরে সদানন্দ মহারাজের খোজ করতে

লাগলুম। কিন্তু কি আশ্চর্য! এতক্ষণ যেখানে লোকারণ্য ছিল, এখন সেখানে একজনকেও দেখতে পেলুম না। আমাদের থাওয়াবার জন্তে যেখানে দুবার নিয়ে যাওয়া হয়েছিল, সেদিকটায় একবার যাওয়া গেল—সকাল থেকে পেটে কিছুই পড়ে নি, যদি খাবার-দাবার কিছু ব্যবস্থা হয়ে থাকে তা হ'লে থাওয়া যাবে, নয়তো সেখানে কোন লোকের দেখা পেলো সাধুরা কোথায় আছেন তার সংবাদ পাওয়া যাবে, কিন্তু সেখানে দেখলুম, সব ভোঁ-ভোঁ—কেউ কোথাও নেই। ফিরে চলেছিলুম, এমন সময় ভাগ্যক্রমে সদানন্দজীর সঙ্গে দেখা হয়ে গেল। তাঁকে বললুম, আমরা এবার জয়পুরে ফিরে যাচ্ছি; কিন্তু যাবার আগে আপনার সঙ্গে দেখা না ক'রে যেতে পারছিলাম না—যাক, ভাগ্যক্রমে দেখা হয়ে গেল।

সদানন্দজী বললেন, এখনি কেন যাচ্ছেন? রাতে পথে কষ্ট হতে পারে। আজ মধ্যরাত্রে আমরা এখান থেকে বেরুব জয়পুরের দিকে—আপনারা আমাদের সঙ্গে যেতে পারেন। আমরা উটের গাড়ি ক'রে যাব—যদি আমাদের সঙ্গে যান তো অনেক পরিশ্রম বেঁচে যাবে।

সদানন্দজী আরও বললেন যে, আজ তাঁদের গুরুর তিরোভাব হওয়ায় তাঁরা সকলে উপবাসী থাকবেন—সেই জন্তেই সদাত্রত বন্ধ আছে। আপনারা ইচ্ছা করলে বাজারে গিয়ে খাবার খেয়ে আসতে পারেন।

শহরের দিকে গাড়ি যাবে শুনে তো আমরা বেঁচে গেলুম। সদানন্দ মহারাজকে বললুম, আমরা আপনাদের সঙ্গেই যাব। কিন্তু অত রাতে আমরা খবর পাব কি ক'রে?

—আপনারা নিশ্চিন্ত থাকুন। সময় হ'লে আমিই আপনাদের ডেকে আনব।

সন্ধ্যাসীকে রুতজ্ঞতা জানিয়ে আমরা কাল বিকেলে যে গ্রাডা পাহাড়টার ওপর গিয়ে বসেছিলুম, তারই চূড়ায় গিয়ে বসলুম। সেদিন সকাল থেকেই হু-হু ক'রে বাতাস বইছিল, বেলা বাড়ার সঙ্গে সঙ্গে বাতাসের বেগও যেন বাড়তে আরম্ভ করলে। পাহাড়ের ওপর সেই এলোমেলো বাতাস লাগতে লাগতে আমার ঘর-ভোলা মন আরও উদাস হয়ে পড়তে লাগল। মনের মধ্যে

সাধু মহারাজের সেই হাসিমাখা মুখ ও চোখ দুটো বারে বারে ভেসে উঠতে লাগল। মনে হতে লাগল, আড়াই শো বছর আগে এই মানুষটি এই দেশেরই কোন এক পরিবারে জন্মগ্রহণ করেছিলেন। কোন্ পরশমণির ছোঁয়া পেয়ে তাঁর মনে আকাজক্ষা জেগে উঠল সেই অজানাকে জানবার? তারপর একদিন এই অজানা সংসার-সমুদ্রে বাঁপিয়ে পড়লেন গৃহের স্নেহবন্ধন পেছনে ফেলে। এই আড়াই শো বছরে ইতিহাসের কত পৃষ্ঠা লেখা হয়ে গেল, কত রাজা কত রাজ্য এল গেল—তার সন্ধান রাখবার অবকাশ ছিল না—যে আশা নিয়ে ঘরছাড়া হয়েছিলেন তাই লাভ করবার জগ্রে পর্বতে কন্মরে কত বিষম কুচ্ছৃসাধন ও তপস্শ্রায় তাঁর দিন কেটেছে তা কে জানে! অবশেষে সেই পরমপদ লাভ ক’রে আজ স্বেচ্ছায় মৃত্যুকে বরণ ক’রে তিনি চ’লে গেলেন। সকালে যিনি সশরীরে সকলকে আশীর্বাদ করেছেন, এখন তাঁর দেহভস্ম নিয়ে বাতাস খেলা করছে। এ কিছু নতুন ব্যাপার নয়, আবহমানকাল থেকে এই ব্যাপার ভারতভূমিতে হয়ে আসছে। এই আমার জন্মভূমি—আমার মাতৃভূমি। মনে হতে লাগল, আমি কোথাকার লোক, আমার শিক্ষা সংস্কৃতি সবই ভিন্ন; কিন্তু কি ঘটনাচক্রের মধ্যে দিয়ে এইখানে এসে পড়লুম! এ সবই কি অকস্মাতের খেলা! না, এ সব আগে থেকেই অবধারিত ছিল! বিষয়—বিশ্বয়—বড় বিশ্বয় লাগে।

আমরা ঠিক করলুম, সাধু মহারাজার শিষ্যদের মতন তাঁর তিরোধান উপলক্ষ্যে আমরাও সেদিন উপবাস করব। সন্ধ্যা অবধি পাহাড়ে কাটিয়ে ফিরে এলুম হৃদিনের সেই বাসায়, ঘেখানকার অভিজ্ঞতা সারা জীবন ধ’রে স্মৃতিফলকে জলজল করছে।

সন্ন্যাসীরা জয়পুর শহর অবধি গেল না। তারা আমাদের শহর থেকে কয়েক মাইল দূরে নামিয়ে দিয়ে অত্র এক রাস্তায় চ’লে গেল। বললে, এখনও কয়েক জায়গায় ঘুরে বর্ষার পরে তারা হিমালয়ে ফিরে যাবে।

রাস্তায় নেমে আমরা পথের ধারে প্রকাণ্ড একটা গাছের নীচে গিয়ে

বসলুম। কি জানি কেন, নিজেকে অত্যন্ত অসহায় ব'লে মনে হতে লাগল। রোগমূহিত দেহে প্রথম চেতনা সঞ্চারের সঙ্গে সঙ্গে যে অসহায়তা রোগীর মনকে আচ্ছন্ন করে—অনেকটা সেই রকম। মাত্র কয়েক ঘণ্টার পরিচিত সেই সন্ন্যাসীরা আমাদের এত আপনার হয়ে পড়েছিলেন! মাত্র কয়েক ঘণ্টা! কে জানে কত জন্ম-জন্মান্তরের আত্মীয়তার বন্ধন এই—তাই বুঝি তাদের সঙ্গে এই বিচ্ছেদের সময় আত্মীয়বিচ্ছেদের ব্যথা অনুভব করলুম। দেখতে লাগলুম জনমানবহীন পথ প'ড়ে রয়েছে জন্মান্তরের বিস্মৃতির মতন। একখানা কালো মেঘের আড়াল থেকে অন্তগমনোন্মুখ সূর্য বেরিয়ে আসতেই হঠাৎ তীব্র পিঙ্গল রোদ্রচ্ছটায় সমস্ত পথ বলসে উঠল! মনে হ'ল, এ কোন্ আত্মবিস্মৃতির মধ্য দিয়ে আমার এতটা কাল কেটে গেল! ওই রোদ্রচ্ছটার মতন তীব্র উজ্জল এ কোন্ চেতনায় আমার অস্তিত্বটা ভাস্বর হয়ে উঠল! মনে হতে লাগল, ওই যে অদ্ভুত জীব অদ্ভুত গাড়িতে অদ্ভুত মানুষগুলিকে ব'য়ে নিয়ে চলেছে দূর থেকে ক্রমশই দূরে, তাদের সঙ্গে সংসারের কোন্ সঘন্থে আমি আবদ্ধ। হৃৎকমল ছিন্ন ক'রে নিয়ে ওই যে মানসহংস উড়ে চলেছে এক আকাশ থেকে আর এক আকাশে, তার সঙ্গে মৃণালস্রবের সম্পর্ক তো এখনও ছিন্ন হয় নি—দীর্ঘ থেকে সেও তো দীর্ঘতর হয়ে চলেছে। ওই যে মানুষটি কাল আড়াই শো বছর পরে ছিন্নবস্ত্রখণ্ডের মত অবলীলায় দেহটাকে ফেলে চ'লে গেলেন, তিনি কি এতদিন আমারও প্রকানিবেদনের প্রতীক্ষায় ছিলেন?

পায়ে পায়ে গাড়িখানা একেবারে দৃষ্টির সীমারেখায় গিয়ে পৌঁছল। ওঠ দেখা যায়—এখনও দেখতে পাওয়া যাচ্ছে—ওই আর দেখা যায় না।

সূর্য ডুবে গেল, সেই কালো মেঘখানা পশ্চিমের রক্ত আকাশের আলোকে আড়াল ক'রে দাঁড়াতেই দেখতে দেখতে সন্ধ্যার অন্ধকার রাত্রির তারাগুঞ্জে মুখর হয়ে উঠল।

জয়পুর শহরে যখন প্রবেশ করলুম, তখন বেশ রাত্রি হয়ে গিয়েছে। প্রায় দুদিন পেটে কিছু পড়ে নি—ক্ষুধায় প্রাণ যায় অবস্থায় এক দোকানে ঢুকে কিছু

থেয়ে আমাদের ডেরায় গিয়ে উপস্থিত হওয়া গেল। সেখানে জিনিসপত্র যা কিছু ছিল তা বগলদাবা ক'রে স্টেশনে গেলুম। একখানা ট্রেন সামনেই দাঁড়িয়ে ছিল, একখানা খালি কামরা দেখে তাতে উঠে পড়লুম। টিকিট কাটবার ব্যস্তাট নেই, কোথায় যাবে, কখন যাবে তাও জানবার কোন প্রয়োজন নেই। টিকিট-চেকারের কাছে ধরা পড়বার ভয়ে আত্মগোপন করবার সতর্কতা নেই। উঠেই মাথায় পুঁটুলি গুঁজে লম্বা হয়ে পড়া গেল—ষেখ'ন যায়, যখন যায় কিংবা থাকে, ভাগ্যের হাতে নিজেকে ছেড়ে নিশ্চিন্ত হয়ে ঘুমের কোলে আত্মসমর্পণ করলুম।

এই ভাবে রাজস্থানের শহর, জঙ্গল ও মরুভূমিতে পাক খেতে খেতে বর্ষণমুখর এক রাত্রি আহমেদাবাদে গিয়ে পৌঁছনো গেল। স্টেশনে পৌঁছবার অনেক আগেই রুষ্টি শুরু হয়েছিল। দেখলুম, প্রকাণ্ড ইন্ট্রিশন, কিন্তু লোকজন বিশেষ কিছু নেই। আমাদের সঙ্গে আরও অল্প কয়েকজন যাত্রী নামল। নামতেই সামনে দেখি, একজন টিকিট-কালেক্টর দাঁড়িয়ে। তাকে দেখে আমরা স'রে পড়বার তাল খুঁজছি, কিন্তু সে অবসর না দিয়ে লোকটা যেন বাঁপিয়ে এসে পড়ল—টিকিট!

—আজ্ঞে, টিকিট তো নেই।

—তবে কি আছে, বার কর। তিনজনের তিন টাকা লাগবে।

লোকটার আগ্রহ দেখে বেশ বুঝতে পারা যেতে লাগল যে, সেদিন তার বরাতে বিনা-টিকিটের যাত্রী মোটেই জোটে নি।

তিন টাকা চাইতে স্পষ্টই বলা গেল, হজুর, তিন টাকা তো দূরের কথা, আমাদের কাছে তিনটে পয়সা নেই।

বেশ, তা হ'লে চল তোমাদের পুলিশের হাতে সমর্পণ করি—ছ মাস খাটলেই আকেল হয়ে যাবে।

বাঁচা গেল! অন্তত মাস ছয়েকের জন্তে আহাৰ ও আশ্রয়ের ব্যবস্থা হয়ে গেল মনে ক'রে লোকটার সঙ্গে সঙ্গে চেকারদের ঘরে যাওয়া গেল। সেখানে কাঠের রেলিং দিয়ে ঘেরা একটা ছোট জায়গায় আমাদের ঢুকিয়ে দিয়ে সে একটা

টুলে গিয়ে বসল। সেই ঘেরা জায়গাটায় দেখলুম, আরও দু-তিনজন লোক ব'সে রয়েছে। তাদের দেখে উত্তর-প্রদেশের লোক ব'লে মনে হ'ল। জিজ্ঞাসা, করলুম, কি বন্ধু, কতক্ষণ হ'ল এসেছ ?

একজন বললে, বিকেলের ট্রেনে।

আর একজন বললে, সন্ধ্যার ট্রেনে।

অর্ণাধ একই। বিনা টিকিটের যাত্রী সব। ওদিকে একটা বড় গোল টেবিল ঘিরে ব'সে আরও কয়েকজন চেকার হাসিঠাট্টা গান করতে লাগল। হঠাৎ একজনের দৃষ্টি আমাদের দিকে পড়ায় সে সঙ্গীদের বললে, আজকে জালে তো অনেক মাছ পড়েছে দেখতে পাচ্ছি।

গুজরাটা ভাষা শুনে শুনে তখন কিছু কিছু বুঝতে শিখেছিলুম। সেই লোকটা আবার বললে, এগুলিকে যথাস্থানে জিম্মা ক'রে দিয়ে জায়গা খালি কর না—আবার তো মেল আসছে—

আর এক ব্যক্তি বললে, দূর দূর! পুলিশের হাতে দিলে তারা বেশ ক'রে মেরে হাতের স্থখ ক'রে ছেড়ে দেয়। আর তাদেরই বা দোষ কি বল ? তিন দিন খরচ ক'রে খাইয়ে-দাইয়ে আদালতে নিয়ে যাবার পর হাকিম দেয় ছেড়ে— পুলিশের হাতে দেওয়ার চাইতে নিজেরাই হাতের স্থখ ক'রে নিই।—ব'লেই একটা চেকার সেই কাঠের রেলিংয়ের দরজা খুলে আমার সামনেই যে হিন্দুস্থানী লোকটি ব'সে ছিল, তার চুল ধ'রে হ্যাঁচড়াতে হ্যাঁচড়াতে বাইরে টেনে নিয়ে গিয়ে তাকে কিল লাথি মারতে লাগল ধড়ধড়।—বাপ রে, সে কি মার! সেই মার দেখে আমাদের দিব্যজ্ঞান হয়ে গেল। আমরা ইতিমধ্যে গুজগুজ ক'রে নিজদের মধ্যে বলাবলি করতে লাগলুম যে, আমাদের মধ্যে একজনকেও যদি ওরা মারে তো আমরা তিনজনে মিলে সে ব্যক্তিকে আক্রমণ করব। চেকারদের টেবিলের ওপরে ঝল, তা ছাড়া পাথর ও লোহার অনেকগুলো কাগজ-চাপা এদিক ওদিক ছড়িয়ে ছিল—ঠিক করলুম, ওরই গোটা কয়েক তুলে নিয়ে বাগিয়ে ছুঁড়তে পারলে অস্তুত দুটোকে নিশ্চিস্তপুরের কাছাকাছি পাঠাতে

পান্না যাবে। রোদে বৃষ্টিতে অনাহারে নিরাশ্রয় অবস্থায় ঘুরে ঘুরে, অনিভ্রায় পথশ্রমে আমাদের চেহারাগুলোও প্রায় খুনের মত হয়ে উঠেছিল। কখনো কোনো আয়নায নিজেদের প্রতিচ্ছায়া দেখলে শিউরে উঠতুম। মাথার চুলগুলো রুক্ষ, প্রায় জট ধ'রে এসেছে, চোখ দুটো ঠিকরে বেরিয়ে আসছে, শরীর মেয়ে গেছে পাকতেড়ে—দেখে কখনো কখনো নিজেরাই হাসাহাসি করতুম আর বলতুম, আঃ, উন্নতি যা হচ্ছে সে আর ক'য়ে কাল নেই—

যা হোক, ঠিক সেই সময় কোনো একটা বিশেষ ডাকগাড়ি স্টেশনে এসে পড়ায় চেকাররা সদলবলে স্টেশনের দিকে বেরিয়ে গেল। এদের ঘরেরই আর এক দিকে একটা দরজা দিয়ে স্টেশনের বাইরে যাওয়া যায় দেখে আমরা আর কালবিলম্ব না করে সেই দরজা দিয়ে বাইরে বেরিয়ে পড়লুম—আমাদের দেখাদেখি অল্প আর যারা ধরা পড়েছিল তারা সবাই বেরিয়ে এল। শুধু যে ব্যক্তি মার খাচ্ছিল সে ব'সে রইল, বোধ হয় আরও কিছু দক্ষিণার প্রতীক্ষায়। একেই বলে, এক যাত্রায় ভিন্ন ফল।

বাইরে তখন মুঘলধারায় বৃষ্টি পড়ছে, অনেক লোক স্টেশনের গাড়ি-বারান্দার নীচে দাঁড়িয়ে। কিন্তু সেখানে দাঁড়াতে আমাদের সাহস হ'ল না। পাছে আবার ধরা পড়ি, সেই ভয়ে বৃষ্টির মধ্যেই রাস্তায় বেরিয়ে পড়া গেল।

ঝাম্‌ঝাম্‌ ক'রে বৃষ্টি পড়ছে, পথে লোকজন নেই, রাস্তার বাতিগুলো পর্ষন্ত বৃষ্টির ঝাপটে ঘোলা হয়ে উঠেছে। এই আলো-আঁধারি অস্বচ্ছতার ভেতরে সেই অপরিচিতা নগরীর সঙ্গে আমাদের প্রথম পরিচয় ঘটল।

প্রায় এক পোয়া পথ চ'লে পথের ধারে একটা সাজানো চক্‌চকে চায়ের দোকান দেখতে পেয়ে সেখানে গিয়ে ঢুকলুম। বেঞ্চিতে ব'সে তিন কাপ চায়ের অর্ডার করা গেল। সামনেই একখানা বড় আয়না টাঙানো ছিল, তাতে আমাদের চেহারা দেখে তো পরম পুলকিত হলুম। একে সেই মূর্তি, তার ওপর বৃষ্টিতে ভিজে ঘেন সে রূপ একেবারে অপরিচিত দাঁড়িয়েছে। চা-ওয়ালারা কিছুক্ষণ আমাদের সেই বৃষ্টি-ভেজা নব কলেবর দেখে নিজের মতো কি সব আলোচনা ক'রে

বললে, চা নেই, রাত্রি হয়ে গিয়েছে এখন আর চা পাওয়া যাবে না—উঠে যাও।

দোকানের লোকগুলো যে রকম ভাষা প্রয়োগ ক'রে এবং যে ভাবে দোকান থেকে আমাদের তাড়িয়ে দিলে তাতে অন্য কোনও দিন হ'লে অন্তত আমরা কিছু প্রতিবাদ করতুম ; কিন্তু তখন বিনা টিকিটে রৈলে চড়ার অপরাধ সম্বন্ধে মনটা খুবই সজাগ থাকায় আর বৃথা বাক্যব্যয় না ক'রে সেখান থেকে নেমে পড়া গেল। খানিক দূর গিয়ে একটা অপেক্ষাকৃত গরিব দোকানে জিজ্ঞাসা করলুম, চা পাওয়া যাবে ?

দোকানদার বেশ ভদ্রভাবে আমাদের ভেতরে আহ্বান করায় সেখানে ঢোকা গেল। তিন কাপ চায়ের অর্ডার করা মাত্র চা এসে হাজির হ'ল। বেশ ভাল চা, দাম ছু পয়সা ক'রে কাপ।

চা খাচ্ছি, দোকানদার জিজ্ঞাসা করলে, তোমাদের উগ্ৰা শির কেন ?

প্রথমটা তার প্রশ্ন বুঝতেই পারলুম না। আবার জিজ্ঞাসা করলে, তোমাদের মাথা খালি কেন ?

হঠাৎ এ প্রশ্নের কি জবাব দেব তা ঠিক ক'রে উঠতে পারলুম না। এমন একটা প্রশ্ন ভবিষ্যতে কোনও দিন ওঠবার সম্ভাবনা আছে এমন চিন্তাও মনের মধ্যে কখনও জাগে নি। ভেবে-চিন্তে বলা গেল যে, আমাদের দেশের লোক মাথায় টুপি ব্যবহার করে না।

জবাব শুনে তারা আবার প্রশ্ন করলে, কোন্ দেশের লোক তোমরা ?

এই প্রশ্নের মধ্যে একটা হুঁর প্রচ্ছন্ন ছিল, যেটাকে সরল করলে বলতে হয়, সে কোন্ অসভ্য দেশ, যেখানকার লোকে মাথা খালি রাখে !

বললুম, আমরা বাংলা দেশের লোক। বাংলা দেশের লোক শুনে দোকানের খন্দেররা পর্যন্ত হুমড়ি খেয়ে এগিয়ে এনে আমাদের নিরীক্ষণ করতে লাগল। তারা নিজেদের মধ্যে আমাদের সম্বন্ধে আলোচনাও করলে কিছুকাল। বেশ বোকা গেল যে, বাংলা দেশের জীবগুলি সম্বন্ধে তাদের বিশেষ কোতূহল

আছে। আমরা জিজ্ঞাসা করলুম, তোমরা কি ইতিপূর্বে বাংলার লোক দেখ নি?

দোকানদার বললে, না। তবে শুনেছি এখানে জনকয়েক বাংলা দেশের লোক কাপড়ের কলে কাজ করে, কিন্তু তাদের চোখে দেখি নি।

পঞ্চাশ বছর আগে ভারতের বিভিন্ন প্রদেশের মধ্যে জানাশোনা খুবই কম ছিল। বাংলা দেশের শহরের লোকেরা জানত বেহারী মাড়োয়ারী ও ওড়িয়াদের। বেহারীদের বলা হ'ত খোটা, মাড়োয়ারীদের মেড়ো ও উড়িষ্যা-বাসীদের উড়ে বলা হ'ত। বিহার, উত্তর-প্রদেশ, পাঞ্জাব ও মাড়োয়ারীদের মধ্যে যে পার্থক্য আছে তা খুব কম লোকেই বুঝতে পারত। তেমনই উড়িষ্যা, অন্ধ্র, মাদ্রাজ, মহীশূরবাসী সকলকেই ওড়িয়া ব'লে মনে করা হ'ত। খুব শিক্ষিত লোক ছাড়া এদের মধ্যে পার্থক্য বুঝতে পারত না।

স্বদেশী আন্দোলনের পর থেকে ভারতবর্ষের বিভিন্ন প্রদেশের লোকদের মধ্যে পরস্পরের জানাশোনা বাড়তে থাকে। আজ ভারতের যে সব প্রদেশের লোক বাঙালীর নাম শুনেই উজ্জতমুখল হয়ে ওঠেন তাঁদের জ্ঞাতার্থে নিবেদন করছি যে, এই বাঙালীরাই সর্বপ্রথম ভারতের সমস্ত প্রদেশকে একত্রে গাঁথবার চেষ্টা করে—তাদের উপন্যাসে, কাব্যে ও গানে।

যাই হোক, কিছুক্ষণ চায়ে দোকানদারের সঙ্গে আলাপের পর বুঝতে পারা গেল যে, বাংলা দেশের লোকের প্রতি তাদের অন্ধা আছে বটে, কিন্তু যারা মাছ খায় তারা ইত্যাদি ইত্যাদি—। ওইটুকু সময়ের মধ্যেই বুঝে নিতে দেবি হ'ল না যে, সেখানে ছুঁমার্গ খুবই প্রবল।

এদিকে রাত্রির জগ্রে আশ্রয় একটু চাই। নতুন জায়গা, পথে প'ড়ে থাকা চলে না। ওদিকে বৃষ্টি থেমে যাওয়ায় দোকানদার দোকান বন্ধ করবার ব্যবস্থা করেছে দেখে আমরা তাকে জিজ্ঞাসা করলুম, এখানে রাত্রে থাকবার মতন কোন জায়গা-টায়গা আছে?

ওঃ, ঢের।—ব'লেই সে দোকানের একটি ছোট ছেলেকে কি বললে। তার পরে আমাদের বললে, আপনারা এর সঙ্গে যান।

ছেলেটি দোকানের কাছেই আমাদের একটা বাড়িতে নিয়ে গেল। সেটা ঠিক হোটেল কিংবা ধর্মশালা না হ'লেও সেখানে ঘর ভাড়া পাওয়া যায়। সেইখানে একটা যাচ্ছেতাই ঘরে কোন রকমে রাতটা কাটিয়ে দেওয়া গেল।

সকালবেলা ঠিক করা গেল যে, সেই দিনই স্বকাস্তুর সেই দাদার সঙ্গে দেখা ক'রে কাজকর্মের একটা ব্যবস্থা ক'রে ফেলব। এদিকে আমাদের ধুতি জামা সব ছিঁড়ে গিয়েছিল, ওদিকে বিস্মুটের টিনও প্রায় খালি। স্বকাস্তুর দাদার সঙ্গে সাক্ষাৎ করার আগে পরিচ্ছদের একটা ব্যবস্থা হওয়া দরকার মনে ক'রে বাড়িওয়ালাকে তার প্রাপ্য চুকিয়ে দিয়ে পথে বেরিয়ে পড়লুম।

বেশ মনে পড়ে, কয়েকটা দোকান ঘুরে আমরা তিন জোড়া ধুতি ও তিনটে পকেটহীন সেই-দেশীয় জামা খরিদ করলুম। এই আহমেদাবাদ শহরে একটা নতুন রকমের অভিজ্ঞতা সংঘর করা গেল, যা ইতিপূর্বে ভারতবর্ষের অত্র কোন শহরে হয় নি। আমরা দোকানে জিনিস কিনতে ঢুকে দোকানদারকে বললুম, ধুতি দেখি।

দোকানদার ধুতি দেখাবে কি, সে অবাক হয়ে হাঁ ক'রে আমাদেরই দেখতে লাগল। যে ভাষার মাধ্যমে এতদিন আমাদের ভাব ও অভাবের আদান-প্রদান চলেছিল, দেখা গেল এখানকার লোক সে ভাষা একদম বুঝতে পারে না। সেখানকার জনসাধারণ হিন্দী ও উর্দু বোঝা তো দূরের কথা, শোনে নি বললেও চলে—বরঞ্চ ইংরেজী বললে তার চেয়ে বেশি বুঝতে পারে। তার ওপর আমাদের চেহারাই তাদের কাছে একটা দ্রষ্টব্য জিনিস হয়ে দাঁড়াল। আমরা দোকানদারকে বলি, কি রকম জামা আছে দেখাও দিকিন। দোকানদার হাঁ ক'রে মুখের দিকে তাকিয়ে থাকে। অনেক বকাবকির পর হয়তো বললে, তোমাদের মাথায় টুপি নেই কেন?

ভালা বিপদেই পড়া গেল! যা হোক, অনেক কষ্টে ধুতি জামা কিনে তো

রাস্তায় বেরিয়ে পড়া গেল। কিন্তু পথ চলব কি! চলতে চলতে দেখি, রাস্তার লোক আমাদের দেখে দাঁড়িয়ে যায়, অবাক হয়ে মুখের দিকে তাকিয়ে থাকে। কেউ বা সাহস করে আমাদের মস্তকের টুপিহীনতার কথা জিজ্ঞাসা করে, কোথাও বা নিজেদের মধ্যে এই অত্যাশ্চর্য কাণ্ডের আলোচনা করে।

দু-চার জন রাস্তার লোককে আমাদের লক্ষ্যস্থানের ঠিকানা জিজ্ঞাসা করলুম, অবিশিষ্ট সঙ্গে সঙ্গে উগরা শিরের কারণও বলতে হ'ল। প্রায় ঘণ্টা দুই রাস্তায় ঘুরে ঘুরে গলির গলি তন্ত্র গলির মধ্যে প্রকাণ্ড একটা বাড়িতে এসে পৌঁছলুম। এখন আহমেদাবাদে কি রকম হয়েছে জানি না, সে সময় দেখেছি অধিকাংশ বাড়ির কাঠামোটা ইঁট কিংবা পাথর দিয়ে তৈরি হ'লেও প্রচুর পরিমাণে কাঠ ব্যবহার করা হ'ত। অনেক বাড়িতে কাঠের খাম, বাহারের জন্তে কাঠের কার্নিশ এবং নানারকম খোদাই কাঠের ব্যবহার দেখেছি। খুব সম্ভব, কাঠের এই প্রাচুর্যের জন্তে সেখানে কাঠ-বেরালের সংখ্যাও ছিল প্রচুর। এখনকার কথা ঠিক বলতে পারি না, তবে তখনকার দিনে বিহার, উত্তর-প্রদেশ প্রভৃতি দেশে মাছির উপদ্রব যত ছিল, আহমেদাবাদে কাঠ-বেরালের উপদ্রব তার চেয়ে কিছু কম ছিল না।

যা হোক, আমরা তো নানা রাস্তা ঘুরে ঘুরে বেলা প্রায় দশটা নাগাদ সেই বাড়িতে গিয়ে উপস্থিত হলুম। প্রকাণ্ড বাড়ি—একতলাটা খাঁ-খাঁ করছে। কেউ কোথাও নেই। বেরিয়ে এসে আবার পাড়ার লোকদের জিজ্ঞাসা করায় তারা বললে, সিঁড়ি দিয়ে সোজা তেতলায় উঠে যাও। সিঁড়িটা অত্যন্ত পুরনো, বোধ হয়, পঞ্চাশ বছর ধ'রে ধুলো জ'মে তার ওপরে পুরু আস্তরণ প'ড়ে গিয়েছে। পরে শুনেছিলুম, বাড়িটা ভূতের বাড়ি, অনেক দিন ধ'রে খালি প'ড়ে ছিল—ওখানকার কোন এক ধনী শেঠের বাড়ি। সে ব্যক্তি দয়া করে বাঙালী ছাত্রদের থাকতে দিয়েছে—ভাড়া-টাড়া লাগে না।

সিঁড়ি বেয়ে ঘুরতে ঘুরতে তো তেতলায় ওঠা গেল। তেতলায় প্রকাণ্ড একটা হল-ঘর। সেখানে তিন-চারটি বাঙালী যুবক নিজের নিজের বিছানায়

ব'সে আছেন—বিছানাগুলি ঘরের মেঝেতে পাতা। ঘরের মধ্যে আরও দশ-বারোটা বিছানা গোটানো অবস্থায় রয়েছে। তিন-চারটে দড়ি টাঙানো—তাতে গামছা ইত্যাদি ঝুলছে। মেঝেতে আরও টুকিটাকি জিনিস এলোমেলোভাবে ছড়ানো রয়েছে।

ঘরে ঢুকে একজনকে জিজ্ঞাসা করলুম, রমেশবাবু আছেন ?

উত্তর পেলাম, রমেশবাবু নেই, তিনি সকালবেলা কাজে বেরিয়েছেন, এগারোটা সাড়ে-এগারোটায় এসে পড়বেন। আপনারা কোথা থেকে আসছেন ?

—আমরা কলকাতা থেকে আসছি।

কলকাতার নাম শুনেই তাঁরা চঞ্চল হয়ে উঠলেন। বাংলা দেশ থেকে বহুদূর সেই আহমেদাবাদে ব'সে কলকাতা থেকে আগত কারুকে দেখলে বাঙালীর প্রাণ যে একটু চঞ্চল হবে সে আর বেশি কথা কি !

দেখলুম, তাঁরা আমাদের সম্বন্ধে অনেক কথাই জানেন। আমাদের নিয়ে ইতিমধ্যে তাঁদের মধ্যে আলোচনাদিও হয়ে গেছে। একজন জিজ্ঞাসা করলেন, আপনাদের মধ্যে রমেশদার ভাই কেউ আছেন ?

স্বকাস্ত বললে, আজ্ঞে, আমি তাঁর ভাই।

হলের মধ্যে অনেক খালি জায়গা তখনও প'ড়ে ছিল। একজন উঠে আমাদের সেই দিকটায় নিয়ে গিয়ে বললেন, আপনারা এখানে বিছানা পেতে বিশ্রাম করুন, রমেশদায় এখনি এসে পড়বেন।

সেইখানে ব'সে ব'সে আমরা তাঁদের কাছ থেকে খবর সংগ্রহ করতে লাগলুম। জানা গেল যে, ওখানে বাংলা দেশের নানা জায়গা থেকে প্রায় কুড়িটি ছেলে এসে কাপড়ের কলে কাজ শিখছে। বছর তিনেক লাগে কাজ শিখতে—পরে মিলে চাকরি পাওয়া যায়। ভাল ক'রে কাজ শিখতে পারলে ভবিষ্যতে উন্নতির সম্ভাবনা আছে। ওখানে মাসে চোদ্দ-পনেরো টাকা খরচ লাগে। এখানকার ছেলেদের মধ্যে একদল সেই ভোরে উঠে কাজে বেরিয়ে যায় আর ফিরে আসে দশটা নাগাদ—আবাব ষেতে হয় একটা নাগাদ আব ছুটি

হয় বেলা পাঁচটায়। আর একদল যায় দশটায় আর ফিরে আসে বেলা পাঁচটায়। যাই হোক, সকলেই বলতে লাগল, ভারি খাটুনি—বাঙালীর ছেলের পক্ষে এত খাটুনি সহ্য করা মুশকিল।

আমরা বললুম, ওই কাজে ঢুকব ব'লেই তো এখানে এসেছি।

আমাদের কথা শুনে সকলেই বেশ একটু গম্ভীর হয়ে পড়লেন। একটু পরে একজন বললেন, খাটুনি সহ্য করতে পার তো ভালই। প্রথমটা খুবই কষ্ট হয়, তারপরে সহ্য হয়ে যায়।

আর একজন একটু পরেই বললেন, এখানে ঢোকা খুবই শক্ত—ঢুকব বললেই ঢোকা যায় না।

এই রকম সব কথাবার্তা চলছে, এমন সময় স্বকান্তর দাদা রমেশবাবু ও আর কয়েকজন সকালের কাজ থেকে ফিরে এলেন। চার ঘণ্টা মিলে খেটে, তার ওপরে প্রায় মাইলখানেক পথ হেঁটে এসে গলদঘর্ম শরীরে তেতলায় উঠে রমেশবাবু আমাদের দেখে তো পবম পুলকিত হয়ে উঠলেন। একটি গেলাস ঠাণ্ডা জল টেনে ও আর একটি গ্লাস জল সামনে রেখে ভদ্রলোক আমাদের—বিশেষ ক'রে স্বকান্তকে গাল পাড়তে আরম্ভ করলেন। ভদ্রলোক গাল দিতে দিতে মাঝে মাঝে উত্তেজিত হয়ে স্বকান্তকে মারতে যান, আর অগ্ন্যাগ্ন সকলে ধ'বে ফেলে—এই রকম ক'রে প্রায় বেলা একটা অবধি গালাগালি দিয়ে আর একটি গেলাস জল টেনে তখনকার মতন স্নান করতে নেমে গেলেন। এতক্ষণ যে যুবকটি আমাদের সঙ্গে আলাপ করছিলেন ও বেশ সহানুভূতির সঙ্গে কথা বলছিলেন, তিনি এবং অগ্ন্যাগ্ন প্রায় সকলেই আমাদের সম্বন্ধে বেশ চটকদার টিপ্পনি কাটতে আরম্ভ করলেন। ইতিমধ্যে রমেশদা স্নান ক'রে এলেন। স্নানের ফলে মেজাজ ঠাণ্ডা হওয়ার পরিবর্তে দেখা গেল, তার উন্মাদ বেড়েই গিয়েছে।

রমেশদা বললেন, তোমরা যে সেখান থেকে এমন ক'রে পালিয়ে এলে—সেখানকার অবস্থা কিছু জান? সেখানে যে তোমাদের জ্ঞাত মারপিট খুনখারাপি চলেছে তার কিছু খবর রাখ?

স্বকাস্ত চূপ ক'রে রইল। বড় ভাইয়ের কথাও ওপর কোন কথা বলা সে-যুগে ভদ্ররীতির বহির্ভূত ছিল। আমি কিছুক্ষণ সহ্য ক'রে থেকে বললুম, আমরা চ'লে এসেছি—কারুর কিছু ক্ষতি ক'রে তো আসি নি। যদি ক্ষতি ক'রে থাকি তো নিজেদেরই করেছি—

আমার কথা থামিয়ে দিয়ে একজন বললেন, খুব লম্বা লম্বা কথা ছাড়ছ যে ছোকরা! জান, তোমাদের জন্তে সেখানে কি হচ্ছে ?

—কি হচ্ছে ?

—যা তো শচ, নীচে থেকে কাগজগুলো নিয়ে আয় তো।

বলামাত্র একজন উঠে গিয়ে একতাড়া খবরের কাগজ নিয়ে এল। দেখলুম, সবগুলোই কলকাতার কাগজ, তার মধ্যে বাংলা সংবাদপত্রও আছে।

—এই দেখ।—ব'লে কাগজের তাড়াটা রমেশদা আমাদের দিকে এগিয়ে দিলেন। দেখলুম, অনেকগুলো কাগজের নানা জায়গায় সব লাল পেনসিল দিয়ে চিহ্নিত করা হয়েছে। সেই সব স্থান দেখিয়ে রমেশদা বললেন, প'ড়ে দেখ।

কাগজ প'ড়ে বুঝতে পারা গেল যে, আমরা কলকাতা ছাড়বার আগে ছেলে-ধরা ব্যাপার নিয়ে যে হাঙ্গামা সেখানে শুরু হয়েছিল, আমাদের পলায়নের পর সে হাঙ্গামা আরও বেড়ে উঠেছে। এই নিয়ে এক খবরের কাগজ বলছে যে, ছেলে-ধরা-টরা কিছুই নয়—এই সব বালকেরা অতি চুর্ত, অতি থলিকা—কলকাতার নামজাদা ছেলে এরা—এদের ধ'রে নিয়ে যায় এমন ছেলে-ধরা এখনও জন্মায় নি। এই তিনটির মধ্যে দুটির স্ব ভাবই হচ্ছে বাড়ি থেকে পালানো ইত্যাদি ইত্যাদি। অপর দল পুলিশ ও গবর্মেণ্টের প্রতি দোষারোপ করছেন। তাঁরা বলছেন—ছেলেধরার কথা তো অনেক দিন থেকেই শুনতে পাওয়া যাচ্ছে। গুজব মনে ক'রে আমরা এতদিন চূপচাপই ছিলুম, কিন্তু অমূকের মতন অমন সোনারচাঁদ ছেলেও যখন গায়েব হতে আরম্ভ করেছে তখন এ সম্বন্ধে আর নীরব থাকা অত্যায হবে। এই ব'লে পুলিশের অসতর্কতা ও গবর্মেণ্টের উদাসীনতাকে লক্ষ্য ক'রে তুড়ে খিস্তি করেছে।

টুর্গেনিভের বিখ্যাত সেই চুট্‌কি গল্পের নায়ক মাল টেনে গাড়ি চাপা প’ড়ে খবরের কাগজে নিজের নাম দেখে নিজেকে যেমন বিখ্যাত লোক ব’লে মনে করেছিল—এই খবরের কাগজগুলো প’ড়ে আমাদের মনেরও প্রায় সেই অবস্থা হ’ল। রমেশদা যতই বকতে থাকেন ও তাঁর আশপাশ থেকে যুবকেরা যতই বিনামূল্যে পরামর্শ বিতরণ করতে থাকেন—মনে হতে লাগল, তারা আমাদের চেয়ে ঢের ঢের নিরশ্রুত জীব। আর যাই হোক না কেন, আমরা হচ্ছি সেই শ্রেণীর লোক যাদের নিয়ে খবরের কাগজে আন্দোলন চলতে থাকে।

বলা বাছল্য, এক ‘স্টেটসম্যান’ ছাড়া সে কাগজগুলির একখানিও আজ জীবিত নেই।

আমাদের বকুনি দিতে দিতে রমেশদা ও অগ্রাণ্ড অনেকে সেদিন কাজে যেতেই ভুলে গেলেন—রমেশদা তো খেতেই ভুলে গেলেন।

বেলা চারটের পর আমরা নীচে নেমে স্নান ক’রে এলুম। রমেশদা জিজ্ঞাসা করলেন, তোমাদের কাছে টাকাকড়ি কিছু আছে ?

আমাদের বিস্কুটের টিন প্রায় খালিই হয়ে এসেছিল। বললুম, টাকাকড়ি বিশেষ কিছু নেই।

আগ্রাতে আমরা ধরা প’ড়েও ফাঁকি দিয়ে পলায়ন করেছিলুম ব’লে রমেশদা আবার এক পকড় বক্-বক্ শুরু করলেন। তারপরে প্রায় সম্ভা অবধি এই ভাবে কাটিয়ে আমাদের ও জনার্দনকে বললেন, তোমরা বাড়িতে টাকা চেয়ে চিঠি লিখে পাঠাও। এখান থেকে কলকাতার ভাড়া আঠারো টাকা—এখানে ক’দিন খাওয়া-দাওয়ার খরচ আছে। ত্রিশটি টাকা চেয়ে পাঠাও। আমি স্বকাস্তর বাড়িতে টাকার জন্তে চিঠি লিখছি।

এত সব সত্ত্বেও আমরা মিনতি ক’রে বললুম যে, আমরা কলে কাজ শিখব ব’লে এসেছি। তা না হ’লে কোথাও কিছু নেই খামকা তাঁদের খপ্পরে এসে পড়বার অগ্র কোন কারণই নেই। দয়া ক’রে আমাদেরও মিলের কাজে ঢুকিয়ে দিন, এখানে থাকার খরচা আমরা বাড়ি থেকে আনিয়ে নেব।

আমাদের কথা শুনে রমেশদা তো বটেই, তা ছাড়া উপস্থিত প্রায় সকলেই অগ্নিশর্মা হয়ে উঠলেন।—কৌ, আদ্য তো তোমাদের কম নয়! বাড়ি থেকে পালিয়ে এসে এ কথা বলতে লজ্জা করছে না!

অবিশ্বি ওখানে থাকতে থাকতেই আমরা জানতে পেরেছিলুম যে, সেখানকার অনেকগুলি ছেলেই বাড়ি থেকে পালিয়ে এসেছে।

কিছুক্ষণ বাদে ঘরে বাতি জ্বালার পর আমরা উঠে পড়লুম। বিস্কুটের টিনটি রমেশদা ইতিপূর্বেই হাতিয়ে রেখেছিলেন। আমরা বললুম, বিস্কুটের টিনটা দেখি!

—আবার কেন?

—আজ্ঞে, ওতে এখনও কিছু অর্থ আছে। বাজারে যাই, কিছু খেতে-টেতে হবে তো—উপদেশ আর বকুনি থেমে তো পেট ভরবে না।

আমাদের কথা শুনে একজন বললেন, বুকুনি-টুকুনি তো বেশ শিখেছ ছোকরা!

কি আর বলব! চূপ ক'রে থাকাই সমীচীন বোধ করলুম। রমেশদা বললেন, তোমাদের সঙ্গে বকাবকি ক'রে সারাদিন আমারও খাওয়া হ'ল না। চল, আমরা যে হোটেলে খাই সেখানে তোমাদেরও বন্দোবস্ত ক'রে দিই—দু বেলা গিয়ে সেখানে থেয়ে আসবে।

আহমেদাবাদে সে সময় চায়ের দোকানের মতন যেখানে-সেখানে 'ভিসি' দেখা যেত—'ভিসি' বলে ভাত ও রুটির হোটেলকে। সেখানে অসংখ্য লোক দু বেলা এই সব ভিসিতে খেত। যে সময়ের কথা বলছি, সে সময় কলকাতাতেও যত্নতত্ত্ব ভাতের হোটেল দেখতে পাওয়া যেত। তখনকার দিনে এই সব হোটেলে একজন প্রমাণ লোকের পেট ভ'রে খেতে লাগত ছ পয়সা। ছ পয়সায় ভাত, একটা নিরামিষ তরকারি, ডাল ও মাছের ঝোল পাওয়া যেত—তাতে এক টুকরো মাছ থাকত। সাত পয়সা দিলে একটা ভাজা মাছ পাওয়া যেত। কলকাতার এই সব ভাতের হোটেলে সকাল ও সন্ধ্যায় অসংখ্য লোক

খেত বটে, কিন্তু সে সব জায়গা ছিল নোংরার ভিপো। পরিচ্ছন্নতা সম্বন্ধে কোন নিয়মেরই ধার সেখানে ধারা হ'ত না। তার ওপরে বাঙালীর খাবারই এমন যে, একদল লোক খেয়ে গেলে সেখানে আর একদল বসা প্রায় অসম্ভব। আহমেদাবাদে সে সময় জীবনযাত্রার খরচ ছিল কলকাতার প্রায় দ্বিগুণ। ভিসিগুলোতে এক বেলা খেতে দশ কি বারো পয়সা লাগত। খাবার দিত খুব মিহি চালের ভাত, পাতলা রুটি, একটা তরকারি—শুকনো বুরো মতন, জলের মতন ডাল, ঘি ও চিনি—যে যত পার। খাওয়া হিসাবে কলকাতার তুলনায় সে কিছুই নয় বটে, কিন্তু সেখানকার পরিচ্ছন্নতা অতুলকরণীয়। গুজরাটীরা যে পরিচ্ছন্ন জাতি, তার প্রমাণ এই সব ভিসিতে পাওয়া যায়।

যা হোক, সন্ধ্যাবেলায় আমাদের নিয়ে রমেশদা ভিসিতে উপস্থিত হলেন। তখনও বুভুক্ষুর দল আসতে আরম্ভ করে নি। তক্তকে পরিষ্কার ঘরের তিন দিকের দেওয়াল ঘেঁষে কাঠের পিঁড়ে পাতা রয়েছে, দেখেই চক্ষু জুড়িয়ে গেল। সকালবেলা রমেশদাদের উদ্দেশ্যে যাত্রা করবার আগে এক কাপ ক'রে চা পেটে পড়েছিল। সমস্ত দিন আহার নেই—তারপর সেই বেলা বারোটা থেকে সন্ধ্যা অবধি নিরবচ্ছিন্ন গালাগালি খেতে খেতে মন একেবারে বিষিয়ে উঠেছিল। কিন্তু চক্রবৎ পরিবর্তনশ্রেষ্ণে দুঃখানি চ স্থখানি চ—ভিসিতে গিয়ে আমাদের সর্বসম্ভাপ কোথায় উবে গেল। আপনারা হয়তো মনে করছেন, গুজরাটী আহাৰ্শ দেখে একেবারে মোহিত হয়ে গেলুম! কিন্তু তা নয়। ভিসিওয়াল ছিল খুব উঁচুদরের মনস্তত্ত্ববিদ। পাখিব আহাযের সঙ্গে সঙ্গে খন্দেরদের মনের কথাটা সে একেবারে ভুলে যায় নি।

রাস্তা থেকে একটা কাঠের সিঁড়ি বেয়ে তো ভিসিতে ওঠা গেল। পিঁড়ি পাতার কথা আগেই বলেছি। আরও দেখলুম, ঘরের খানিকটা জায়গা ইঁট দিয়ে উঁচু ক'রে সেখানটা মাটি দিয়ে লেপা হয়েছে। এই জায়গাটা হচ্ছে চৌকা অর্থাৎ এইখানেই রান্না হয়। পাশাপাশি তিনটে উন্ন জলছে—যতদূর মনে পড়ে কাঠকয়লার উন্ন। একজন ব্রাহ্মণ রন্ধনকাৰ্যে ব্যস্ত—ব্রাহ্মণের দীর্ঘ

চেহারা, যেমন লম্বা তেমনই চওড়া। টকটক করছে গায়ের রঙ—দেখলে মনে হয় বাড়ি তার ছানোগ্য-উপনিষদে।

ব্রাহ্মণ রন্ধন করছিলেন দাঁড়িয়ে, তাঁরই পায়ের কাছে একটি মেয়ে ব'সে—শাঁথের মতন লালচে সাদা তার দেহের বর্ণ, একটি মোটা সাদা ধান পরা, তুলি দিয়ে আঁকা মুখখানি, টিকোলো নাকে একটা হীরে অথবা সাদা পোখরাজের নাকছাঁবি ঝকঝক করছে। অঞ্চল দিয়ে যতটা সম্ভব অঙ্গ আবৃত, ডান বাহ ও বাঁ হাতের খানিকটা দেখা যাচ্ছে—সুন্দর গড়ন, যেন অমিয় ছানিয়া সে দেহ তৈরী—ঘাড় হেঁট ক'রে একমনে রুটি বেলে যাচ্ছে। সামনেই তিনটে গনুগনে উত্থন, তারই লাল আভা প'ড়ে তার মুখখানি ক্লান্ত দেখাচ্ছিল—এমন স্থলী মেয়ে খুব কমই দেখেছি। প্রথম দর্শনেই কবির লাইন মনে প'ড়ে গেল। ইচ্ছে হ'ল ব'লে ফেলি—এত শ্রম মরি মরি, কেমনে চলেছ করি, কোমল করুণ ক্লান্ত কায়?

তারপর অনেক দিন অতীত হয়েছে—এই দুর্ধর্ষ দুর্ভাগার বন্ধুর দীর্ঘ জীবনপথে সেই সপ্তদশী আমায় ত্যাগ করে নি। আজ বিশেষ ক'রে তার মুখখানা মনে পড়ছে—সে যেখানেই থাক, তাকে আমার আন্তরিক শুভেচ্ছা পাঠিয়ে দিলুম।

ভিসিতে উঠে একটা পিঁড়িতে গিয়ে বসতেই সেই ব্রাহ্মণ—‘আও শেঠ’ ব'লে রমেশদাকে অভিবাদন ক'রে বললে, ও-বেলা আসা হয় নি কেন?

রমেশদা বললেন, আমার এক ভাই ও তার দুই বন্ধু বাড়ি থেকে পালিয়ে আমাদের এখানে এসে উঠেছে। সেই হাঙ্গামায় ও-বেলা খেতে পযন্ত আসতে পারি নি। এই তিনজনকে চিনে রাখ—এরা এখন দিন কয়েক এখানে দু বেলা খেয়ে যাবে।

রমেশদার কথা শুনে মুহূর্তের জন্তে সেই সুন্দরী একবার মুখ তুলে কমল-নয়ন দিয়ে মাল তিনটিকে দেখে নিলেন—এই একবার ছাড়া দিন দশেকের মধ্যে তাকে আর ঘাড় তুলতে দেখি নি।

আহমেদাবাদে আমাদের অবস্থা হ'ল এক অদ্ভুত রকমের। কলে কাজ

শেখবার যে সব কল্পনা নিয়ে সেখানে গিয়েছিলুম, তা কল্পনাতেই পর্যবসিত হ'ল। গোড়াতেই এক কথায় রমেশদা আমাদের আশার বাতি ধমকের ফুৎকারে নিবিয়ে দিয়েছিলেন। তার ওপর রমেশদার নির্দেশমত কি না জানি না, দ্বিতীয় দিন থেকে সেখানকার সকলেই আমাদের সঙ্গে বাক্যালাপই বন্ধ ক'রে দিলেন। নেহাত কোনও কথা গায়ে-প'ড়ে জিজ্ঞাসা করলে কেউ কেউ উত্তরমাত্র দিতেন, কেউবা তাও দিতেন না—কেবল রমেশদা প্রতিদিন একবার ক'রে জিজ্ঞাসা করতেন, বাড়ি থেকে কোন খবর এল ?

বলতুম, এখনও কোনও জবাব আসে নি।

বলা বাহুল্য যে, বাড়িতে কোনও চিঠিপত্রই লেখা হয় নি—কিন্তু এ রকমও যে বেশি দিন চলতে পারে না তাও বেশ বুঝতে পারছিলুম। ঘটনার শ্রোতে গা ভাসিয়ে দেওয়া ছাড়া অন্য উপায় আর ছিল না। মনে মনে আশা করতে লাগলুম, আমাদের অন্তর্কূলে নিশ্চয় একটা কিছু ঘটবে।

সকালবেলা সকলে কাজে বেরিয়ে যাবার পর আমরাও মান ক'রে রাস্তায় বেরিয়ে পড়তুম। চা পান বা বিড়ি ফোঁকা বন্ধ, কারণ ট্যাকে একটা পয়সাও নেই। তখন আবার বর্ষাকাল—আহমেদাবাদে বর্ষা নেমেছে। জলে কাঁদায় পথে পথে ঘুরে বেড়িয়ে বেলা দশটা নাগাদ থেয়ে দেয়ে আবার ঘুবতে বেরুই। বিকেল অবধি ঘুরে ঘুরে একটু দিন থাকতে থাকতেই ভিসিতে গিয়ে ঠাকুরের সঙ্গে গল্প জমাবার চেষ্টা করি—উদ্দেশ্য সেই হৃন্দরৌর রূপস্বধা পান করা। তার-পরে সেখানে অগ্ন্যাগ্ন খন্দের আসতে আরম্ভ করলেই থেয়ে-দেয়ে চ'লে আসি।

একদিন রাত্রিবেলা আশ্রয়ে কিরে শুনলুম যে, সূকান্তর বাড়ি থেকে টাকা এসে গিয়েছে। আমরা বাড়িতে চিঠি লিখেছি কি না, সে বিষয়ে রমেশদা সন্দেহ প্রকাশ করতে লাগলেন। শেষকালে তিনি আমাদের কাছ থেকে বাড়ির ঠিকানা চেয়ে নিলেন। গত্যন্তর না দেখে সত্যি ঠিকানাই দিয়ে দিলুম।

পরের দিন সেখানকার ভিক্টোরিয়া পার্কে একটা বোর্ডের ওপর ব'সে আমরা পরামর্শ করছি, এমন সময় দেখতে পেলুম দুটি গুজরাটী ডহ্লোক পথ চলতে

চলতে আমাদের দেখে দাঁড়িয়ে গেল। আহমেদাবাদে এসে অবধি এ রকম দৃশ্য দেখতে দেখতে আমরা অভ্যস্ত হয়ে গিয়েছিলুম। আশা করতে লাগলুম, এখুনি এগিয়ে এসে তারা প্রশ্ন করবে—কোথায় বাড়ি তোমাদের? তোমাদের মাথায় টুপি নেই কেন?

নিজ্জদের মধ্যে এই সব কথা বলাবলি করতে না করতে দেখলুম, তারা আমাদের দিকে অগ্রসর হচ্ছে। আমাদের কাছাকাছি এসে তাদের মধ্যে একজন পরিষ্কার বাংলা ভাষায় বললে, মশায়দের আমারই সমগোত্রীয় ব'লে বোধ হচ্ছে! কতদিন হ'ল ভেগেছেন?

স্বকান্ত ব'লে উঠল, আসতে আজ্ঞা হোক। বুলি শুনে মনে হচ্ছে যেন একই গাছের বাসিন্দা আমরা। আমরা ছ-সাত মাস হ'ল হাওয়া হয়েছি। আপনি?

—আমার প্রায় ছ-সাত বছর হবে।

—তা হ'লে তো আপনি আমাদের দাদা—বসতে আজ্ঞা হোক।

লোকটি তার সঙ্গীকে বললে, শেঠজী, আপনি দোকানে যান। এরা আমার দেশের লোক, এদের সঙ্গে কিছুক্ষণ কথাবার্তা ব'লে আমি আপনার ওখানে যাচ্ছি।

লোকটির কথা শুনে তার সঙ্গী আমাদের নমস্কার ক'রে তাকে বললে, তা হ'লে আসবার সময় আপনার এই বন্ধুদেরও নিয়ে আসবেন, আমাদের ওখানেই চা খাবেন।

সঙ্গী চ'লে যেতে লোকটি আমাদের কাছে এসে বসলেন। মাথা থেকে টুপি খুলে ফেলে বললেন, ভাই, যম্বিন দেশে যদাচার। মাথায় টুপি না থাকার কৈফিয়ৎ দিতে দিতে মাথা বিগড়ে যাওয়ার পর এই টুপি ধরেছি।

ভদ্রলোকের বয়স পঁচিশ থেকে ত্রিশের মধ্যে। একহারা চেহারা। স্বকান্ত ঠিকই ধরেছিল, কথায় সামান্য পূর্ববঙ্গীয় টান আছে, দিব্যি মজলিসী ও দিলখোলা লোক ব'লে মনে হ'ল।

ভদ্রলোক বলতে লাগলেন, লেখাপড়া ছেড়ে দিয়ে ঘরের খেয়ে বনের মোশ

তাড়িয়ে বেড়াচ্ছিলুম, দু-এক জায়গায় চাকরির চেষ্টা যে করি নি তানয়, কিন্তু কোথাও কিছু হয়ে উঠল না। ছ-সাত বছর আগে একদিন কি রকম মনে হ'ল, বাড়ি থেকে বেরিয়ে পড়তে না পারলে আর কিছুই হবে ব'লে মনে হচ্ছে না। ষাঁহা মনে হওয়া অমনি বেরিয়ে পড়া—নানা অবস্থার মধ্যে দিয়ে নানা জায়গায় ঘুরতে ঘুরতে শেষকালে এক জংলী রাজার গুথানে চাকরি পেয়ে গেলুম। রাজার অগাধ কর্মচারীরা আমাকে প্রাইভেট সেক্রেটারি বলত, কিন্তু আসলে করতে হ'ত রাজার মোসাহেবি।

রাজা মশায় ঘুম থেকে উঠতেন ছপ্পুর বারোটায়। তখন থেকে বেলা প্রায় তিনটে অবধি তাঁর সঙ্গে থাকতে হ'ত। ওই সময় তিনি স্নানাহার করতে চ'লে যেতেন, আমার ছুটি হ'ত। তারপর রাত্রি এগারোটার পর তিনি আবার দেখা দিতেন। রাজার তিন স্ত্রী থাকেন হারেমে, আর তিনটি রক্ষিতা রাত্রিবেলা প্রাসাদে আসতেন—আসতেন মানে, প্রতিদিন একটি একটি ক'রে তাদের নিয়ে আসা ও রাত্রি তিন-চাবটের সময় একটি একটি ক'রে তাদের বাড়িতে পৌছে দেওয়া—এই ছিল আমার খাশ ডিউটি।

রাজা বলতেন, প্রাইভেট সেক্রেটারিকেই এই সব প্রাইভেট কাজ করতে হয়।

রাত্রিবেলা রাজার সঙ্গে সমানে মদ খেতে হ'ত—মদ খেয়ে তাসখেলা ছিল তাঁর শখ। রাত্রি তিনটে অবধি তাস খেলে যেদিন যে রক্ষিতার ওপর প্রসন্ন হতেন তাকে রেখে অগৃহের ছুটি দিতেন।

এই রকম নিত্য প্রাইভেট কাজ করতে করতে আমি একটির প্রেমে প'ড়ে গেলুম। শুধু আমি প্রেমে পড়লে ক্ষতি ছিল না, দুর্ভাগ্যক্রমে সেও আমার প্রেমে পড়ল। উভয়ে উভয়ের প্রেমে মগ্নগল—আমাদের আর দিনরাত্রি জ্ঞান নেই, এমন সময় ব্যাপারটা রাজার অগাধ কর্মচারীদের কানে উঠল। দু-একজন কর্মচারী আমাকে সাবধান ক'বে দিয়ে বললে, তুমি এখান থেকে পালাও, নইলে রাজা মশায়ের কানে যদি এই কথা গুঠে তবে আব প্রাণ নিয়ে কিরে যেতে হবে না।

আমি স্থির করলুম, মবতে হয় মরব, তাকে ছেড়ে কোথাও যাব না। ক্রমে প্রাসাদের প্রায় সবাই ব্যাপারটা জেনে গেল। শত্রু মিত্র সকলেই আমাকে পরামর্শ দিতে লাগল, পালাও—পালাও—নইলে মরবে।

আমি প্রতিদিন সকাল ও বিকালে লুকিয়ে যেতুম আমার প্রিয়তমার কাছে। সেদিন বিকেলবেলা সেখানে যাওয়ামাত্র সে বললে, তুমি এখনি পালাও। আমি জানতে পেরেছি যে, আজ ওরা তোমাকে এইখানেই মেরে ফেলবে।

আমি বললুম, আমি মরতে রাজী আছি, কিন্তু তোমাকে ছেড়ে যাব না।

সে আমায় দিকার দিতে লাগল। বললে, একটা বেষ্কার জন্তে এই অমূল্য মানব-জীবন কেন নষ্ট করবে? পালাও—পালাও, নইলে আমি মরব।

সে এক শিশি বিষ নিয়ে এসে বললে, এই দেখ, আমি ঠিক ক'রে রেখেছি তোমাকে মারলেই আমিও বিল পেয়ে মরব। আমায় যদি ভালবাস তো আমার কথা শোন, এখনি পালাও।

সেই আমায় টাকাকড়ি দিলে। নিজের সব জিনিস, এমন কি টাকাকড়ি পর্যন্ত সব প্রাসাদে প'ড়ে রইল—আমি সেই এক কাপড়েই বেরিয়ে পড়লুম।

বললুম, দাদা তো একেবারে বিব্রমঙ্গল। “ভেবে দেখ মন, কত তোর নাচায় নয়ন। ছিল ব্রাহ্মণকুমার—”

ভদ্রলোক বাধা দিয়ে বললেন, ব্রাহ্মণকুমার নয় ভাই—আমি কায়স্থকুমার। নাম উপেন্দ্রনাথ ঘোষ। সেই থেকে আজ বছর দেড়েক ধ'রে ঘুরেই বেড়াছি।

এই অবধি ব'লে ভদ্রলোক বললেন, এবার ভাই তোমাদের কথা বল। নিজের কথা বলতে বলতে হাঁপিয়ে উঠেছি।

আমরা আমাদের কাহিনী বললুম এবং বর্তমানে অবিলম্বেই একটা সুরাহা না হ'লে যে পিঞ্জরাবদ্ধ হতে হবে, সেটাও জানিয়ে ফেললুম। ভদ্রলোক বললেন, কুছ পরোয়া নেই—সব ঠিক হয়ে যাবে। আমি ভাই সঙ্গীর অভাবে বড় কষ্ট পাচ্ছি। সারাজীবন ধ'রে আড্ডাই মেরে এসেছি। বুদ্ধিশুদ্ধি সবই ছিল, কিন্তু আড্ডার জন্তে কিছুই করতে পারি নি। এখন মাঝে মাঝে মনে হয়, এই নিঃসঙ্গ

জীবন অবসান ক'রে দিই। একলা এই বাগানের নির্জন কোন জায়গায় ব'সে কবিতা লিখি, নয়তো ব'সে ব'সে ভাবতে থাকি, আমি কি হতে পারতুম আর কি হয়েছে! এবার ভগবান যখন তোমাদের মিলিয়ে দিয়েছেন, তখন আর ছাড়ছি না। আমরা চারজনে মিললে কত কাজ করতে পারি।

দেখলুম, ভদ্রলোক আমাদের চাইতেও আশাবাদী। তাঁর কথা শুনতে শুনতে আবার আশায় বুক ভ'বে উঠতে লাগল। পৃথিবী আবার সোনার রঙে বড়িন হয়ে উঠল। উপেনদাকে বললুম, এফুনি আহমেদাবাদ থেকে আমাদের স'রে পড়তে হবে, অথচ ট্যাকে একটি বপর্দকও নেই।

উপেনদা বললে, কুছ পরোয়া নেই—আমার কাছে একশোটা টাকা আছে। তা ছাড়া ওই যে গুজরাটি লোকটি আমার সঙ্গে দেখলে, ও সোনারপোর গয়না তৈরি করে—ওকে আমি শান-পালিশের কাজ ও সে-কাজেব জগ্গে শানটা কি দিয়ে তৈরি করতে হয় তা শিখিয়ে দিয়েছি—এখানকার কেউ তা জানে না। এ জগ্গে ওর কাছ থেকে একশোটা টাকা পাব। এই দুশো টাকায় আমাদের অল্পত দু মাস তো চলবে, তারপরে দেখা যাবে কি হয়!

বাগান থেকে উঠে আমরা সেই গুজরাটি স্নাকবার ওখানে গেলুম। মাঠ-কোঠার মতন বাড়ির দোতলায় রাস্তাব দিকের একখানা ঘরে দোকান। দক্ষিণ দেশে ছোট বড় প্রায় সব বাড়িতেই বসবার ঘবে একটা ক'রে কাঠের দোলনা টাঙানো থাকে। একখানা কাঠের বড়-গোছের পিঁড়ি, যাতে জন দুই লোক বসতে পারে—তারই চার কোণে ছায়া ক'রে লোহার শিক বা শিকল দিয়ে ছাতের সিলিংয়ে টাঙানো হয়। এই দোলনা খুব খাতিরের আসন। আমরা উপস্থিত হওয়া মাত্র দোকানদার খাতির ক'রে দুজনকে সেই দোলনায় বসালে। খবর পাওয়া মাত্র দোকানদার ও আরও অগ্ন্যাগ্নি বাড়ির মেয়েরা আমাদের অর্থাৎ বাঙালীদের দেখতে আসতে লাগল। দেখলুম, দোকানদার ও তার বাড়ির মেয়েরা উপেনদাকে একেবারে দেবতার মত ভক্তি করে। চায়ের কথা বলা মাত্র তখন ডালচিনির আরক দেওয়া চা এসে হাজির হ'ল, বিড়িও

এসে পড়ল এক বাঙাল। বিষ্ণুটের টিন হাতছাড়া হওয়ার পর থেকে চায়ের আশ্বাদ ভুলেই গিয়েছিলুম। কয়েকদিন পরে চা খেয়ে বিড়ি টেনে ধাতস্থ হওয়া গেল। খানিক পরে দোকানদার উপেনদার শেখানো সেই ‘শান’ বের করলে। সেটাকে কি ক’রে বসিয়ে কেমন ক’রে ঘুরিয়ে ঘুরিয়ে গয়না পালিশ করতে হয়, তা উপেনদা দেখিয়ে দিতে লাগল।

সব দেখাশোনা হয়ে গেল বটে, কিন্তু টাকা সেদিন পাওয়া গেল না, দোকানদার বললে, কাল তিনটের মধ্যে নিশ্চয় টাকা দিয়ে দেবে।

সেখান থেকে বেরিয়ে একটা চায়ের দোকানে চুকে চা খেতে খেতে আমরা পরামর্শ করতে লাগলুম, কি করা যায়। ঠিক করা গেল, স্নাকবার কাছ থেকে টাকাটা আদায় হ’লেই কাল চারটের ট্রেনে আমরা আহমেদাবাদ ত্যাগ ক’রে বরোদা যাব।

সে সময় রমেশচন্দ্র দত্ত মশায় ছিলেন বরোদা বাজার দেওয়ান। স্থির করা গেল যে, সেখানে গিয়ে তাঁকে ধ’রে সে রাজ্যে একটা কাজ জুটিয়ে নেব। সেখানে কিছু না হয়, চ’লে যাব জ্বাটে—সেখানে না হয়, বোম্বাই শহরে। আমরা চারজনেই চিরদিন কিছু বেকার ব’সে থাকব না। একজনের একটা কিছু জুটে গেলেই ক্রমে সকলেরই হবে, তারপরে ব্যবসা তো আছেই।

পরামর্শ ঠিক হয়ে যাবার পর উপেনদার কাছ থেকে বিদায় নেওয়া গেল। কথা রইল, কাল বেলা তিনটের মধ্যে আমরা সেই স্নাকবার ওখানে গিয়ে জুটব। উপেনদা আমাদের এই বিপদের সময় যে রকম ঈশ্বরপ্রেরিত হয়ে উপস্থিত হলেন, তাতে মনে হতে লাগল ভগবান বুঝি এতদিন বাদে আমাদের পানে মুখ তুলে চাইলেন।

মহা উৎসাহ বুকে নিয়ে ভিসিতে গিয়ে উপস্থিত হওয়া গেল। আমাদের স্বন্দরী সেই খাড হেঁট ক’রে রুটি বেলে চলেছেন। মনে মনে বলতে লাগলুম, তোমায় ছেড়ে চললুম স্বন্দরী। তুমি রুটি বেলছ বটে, কিন্তু এখানে আমার রুটির সংস্থান হ’ল না। তার ওপরে তোমার মতন রূপসীর যেখানে আগুনের

সামনে ব'সে দিনরাত রুটি বেলতে হয়—রুপের উপাসকের অবস্থা সেখানে আর কি হবে! তবুও তোমায় নিয়ে চললুম বুকের মধ্যে ক'রে—নারাজীবন তুমি সেইখানেই থাকবে।

প্রাণপণে ইচ্ছাশক্তি প্রয়োগ করতে লাগলুম, যদি একবার সে ঘাড় তুলে আমার দিকে চায়! কিন্তু ইচ্ছাশক্তি যদি ঈপ্সিতের ওপর কোন প্রভাব বিস্তার করতে পারত, তবে অধিকাংশ স্তন্দরীর পক্ষেই হুনিয়ায় বাস করা অসম্ভব হ'ত। যাওয়া শেষ হয়ে যাবার পরও অনেকক্ষণ ব'সে থাকলুম, কিন্তু প্রেয়সী মুখ তুললে না দেখে আন্তে আন্তে ভিসি থেকে বেরিয়ে এলুম।

পরের দিন ছেলেরা সকালবেলাকার কাজ সেয়ে বাড়ি ফেরবার আগেই স্বান সেয়ে আমাদের ছোট ছোট পুঁটলিগুলি বগলদাবা ক'রে বেরিয়ে পড়লুম। তাড়াতাড়ি আহ্নারপর্ব শেষ ক'রে ভিক্টোরিয়া বাগানে বেলা প্রায় আড়াইটে অবধি কাটিয়ে সেই স্নাকরার ওখানে গিয়ে হাজির হওয়া গেল। গিয়ে দেখি, উপেনদা সেখানে খুব জমিয়েছে। তার চারদিকে স্নাকরার ও তার প্রতিবেশীদের বাড়ির মেয়েবা বসেছে—তাদের মধ্যে ফলাও ক'রে সে গীতার মাহাত্ম্য বোঝাচ্ছে।

আমরা উপস্থিত হতেই সে বললে, ওই দেখ, আমার বন্ধুরা এসে পড়েছে, বেলা চারটেয় আমাদের গাড়ি। এবার আমায় বিদায় কর।

উপেনদার কথা শুনে স্নাকরা উঠে গিয়ে তার প্রকাণ্ড লোহার সিন্দুক খুলে একটা আংটি বার ক'রে এনে তার আঙুলে পরিয়ে দিলে। উপেনদা তখনি আংটিটা আঙুল থেকে খুলে হাতের তেলোয় ফেলে ওজন দেখে বললে, তা আধ ভরির ওপর হবে হে!

ইতিমধ্যে স্নাকরা আর একটি বাক্স খুলে তিনখানা দশ টাকার নোট নিয়ে উপেনদার সামনে ধরতেই সে তো চ'টে আগুন! সে বলতে লাগল, কি! এই ক'টি টাকার জন্তে কি আমি তোমাদের এই গুপ্তবিজ্ঞা শিখিয়ে দিলুম!

দুই পক্ষে ধস্তাধস্তি লেগে গেল। উপেনদাও নেবে না, তারাও এর বেশি

দেবে না—শেষকালে শ্রাকরা-গিন্নী তার আঁচলের খুঁট খুলে আর একটা দশ টাকার নোট বের ক'রে বললে, আমরা তোমার ছেলে-মেয়ে, এই নিয়ে ছেলে-মেয়েদের অব্যাহতি দাও।

উপেনদা বললে, তা হ'লে আমার এক পয়সাও চাই না। আমি মনে করব আমার ছেলে-মেয়েদের একটা বিত্তা শিখিয়ে দিয়েছি।

উপেনদা আমাদের দিকে ফিরে বললে, চল ভায়া, আমাদের ট্রেনের দেরি হয়ে যাচ্ছে। ঘরের এক কোণে তার ছোট বিছানা বাঁধা প'ড়ে ছিল, সেই পুঁটলিটা তুলে বগলদাবা ক'রে উপেনদা তাদের বললে, আচ্ছা, তা হ'লে চললুম, তোমাদের ভাল হোক।

উপেনদার কাণ্ড দেখে শ্রাকরা, শ্রাকরা-বউ কঁাদতে আরম্ভ ক'রে দিলে। শেষকালে তারা আরও দশটা টাকা বের করতে তবে শান্তি হ'ল।

একথানা টাঙ্গা ভাড়া ক'রে তখুনি ছুটলুম স্টেশনে। উপেনদাকে বললুম, দাদা, টিকিট কিনে ট্রেনে চড়া তো একদম ভুলেই গিয়েছি।

উপেনদা বললে, ট'গাকে যখন পয়সা রয়েছে তখন টিকিট কিনতে আপত্তি হওয়া উচিত নয়। ট'গাকে যখন থাকে না, তখন আমিও টিকিট কাটা না। ব্রাদার, এ সবই 'গিভ্ অ্যাণ্ড টেক্'-এর প্রশ্ন।

টিকিট কাটা হ'ল বটে, কিন্তু তবুও বিনা টিকিটের যাত্রী হয়ে এসে এই স্টেশনে যে ধরা পড়েছিলুম, সে কথা ভুলি নি। তাই অতি সম্ভ্রপণে চেকারদের এড়িয়ে একথানা তৃতীয় শ্রেণীর কামরায় ঢুকে পড়া গেল।

আহমেদাবাদ থেকে বরোদা খুব বেশি দূর নয়। বরোদায় গিয়ে যখন গাড়ি পৌঁছল, তখন সন্ধ্যা হতে দেরি আছে। স্টেশনে নেমেই দেখি, সামনেই দু-তিনজন প্যাটালুনধারী লোক দাঁড়িয়ে—তাদের মধ্যে একজনের হাতে একথানা মোটা বাঁধানো খাতা। লোকগুলো যেন আমাদের অভ্যর্থনা করবার জন্তেই দাঁড়িয়ে ছিল। আমরা প্যাটফর্মে পদার্পণ করা মাত্র তাদের

মধ্যে একজন বেশ একটু অভ্যর্থনামুচক হাসি হেসে বললে, আহ্নন। কোথা থেকে আসা হচ্ছে মশায়দের ?

—আজ্ঞে, আমরা আসছি এই আহমেদাবাদ শহর থেকে।

—কিন্তু আপনাদের দেখে তো গুজরাটের লোক ব'লে মনে হচ্ছে না। দেশ কোথায় বলতে আজ্ঞা হয়।

বললুম, আমাদের দেশ বাংলা দেশে।

লোকটি তার সঙ্গীদের দিকে চেয়ে একটু অর্থমুচক হাসি হেসে বললে, তাই বলুন। এখন আমাদের সঙ্গে আসতে আজ্ঞা হয়।

লোকটিব সঙ্গে সঙ্গে প্র্যাটফর্মের পুলিশ-আপিসে বাওয়া গেল। তারা খাতির ক'রে বসবার জগ্গে আমাদের টুল দিলে।

তাবপরে সেই প্রকাণ্ড খাতায় আমাদের নাম ধাম ইত্যাদি লিখে নিয়ে বললে, দেখুন, এটা গাইকোয়ার্ডী জায়গা—এখানে অন্ত্র জায়গা থেকে লোক আসবাব নিয়ম নেই। আপনাবা কি করতে এখানে এসেছেন ?

উপেনন্দা খুব বিনীতভাবে বললে, দেখুন, আপনাদের জ্ঞাতার্থে নিবেদন করছি যে, আমরা ব্রিটিশ গবর্নমেন্টের প্রজা—ভাবতবর্ষের সমস্ত দেশে যাবার অধিকার আমাদের আছে। যদি আমরা কোনও অপরাধ কবি তো ধ'রে সাজা দেবার অধিকার আপনাদের আছে।

উপেনন্দার কথা শুনে লোকগুলো চ'টে একেবারে কাঁই হয়ে গেল। একজন বেশ উত্তেজিত হয়ে বললে, আপনারা এখানে কি করতে এসেছেন তা না বললে এ বাজ্য থেকে চ'লে যেতে হবে।

উপেনন্দা এবার বললে, আপনাদের রাজ্যের দেওয়ান সারু রমেশচন্দ্র দত্তের সঙ্গে আমরা সাক্ষাৎ করতে চাই।

ঘরের মধ্যে আরও অনেকগুলি লোক ব'সে ছিল—কথাটা শুনে তাদের মধ্যে একটা চাঞ্চল্যের সাড়া প'ড়ে গেল। নিজেদের মধ্যে কিছুক্ষণ গুজগাজ্জ ফুসফাস ক'রে কোথায় যেন টেলিফোন করলে। খানিকক্ষণ পরে আমাদের

বললে, দেখুন, আমাদের দেওয়ান সাহেব তো এখন এখানে নেই। বিশেষ কাজে তিনি ইংলণ্ড গিয়েছেন—ফিরতে দু-তিন মাস দেরি হতে পারে।

বলা বাহুল্য, এবারকার স্ত্র অর্নেক নরম।

—তা হ'লে এখানে থাকবার আর আমাদের কোনও প্রয়োজন নেই। শহরটা একটু দেখে কাল এই ট্রেনেই আমরা আপনাদের এই স্বর্গরাজ্য ছেড়ে চ'লে যাব।

আমরা এত সহজেই চ'লে যাচ্ছি দেখে লোকগুলো খুশি হয়ে উঠল।

জিজ্ঞাসা করলুম, তোমাদের এখানে ধর্মশালা আছে? আজ রাত্রির মতন একটু আশ্রয় পাওয়া যেতে পারে?

দেওয়ানের সঙ্গে যাঁরা দেখা করতে চায় তাঁরা ধর্মশালায় আশ্রয় খঁজছে দেখে তারা বেশ আশ্চর্য হয়ে জিজ্ঞাসা করলে, হোটেলের কথা বলছেন? ভাল ভাল হোটেল আছে এখানে—টাক্ষাওয়ালাকে বললেই নিয়ে যাবে।

বেরিয়ে আসবার সময় লোকগুলো বললে, কাল যখন চ'লে যাবেন তখন আমাদের এই আপিসে দয়া ক'রে একটু খবর দিয়ে যাবেন।

স্টেশনের সামনেই বিরাট ধর্মশালা। সেখানে জিনিসপত্র রেখে তখনই শহর দেখতে বেরুনা গেল। পরের দিন যথাসময়ে স্রুবাট যাত্রা করলুম। বরোদা ত্যাগ কববার সময়ে ইচ্ছা ক'রেই পুলিশে কোনও খবর দিলুম না। যা হোক, রাত্রি দশটা এগাবোটার সময় স্রুবাটে পৌছলুম। স্টেশনের কাছেই একটা হোটেলে তখনকার মত গিয়ে ওঠা গেল। এই সব জায়গায় খাওয়া-দাওয়ার ব্যবস্থা নেই, অনেকটা আগ্রার হোটেলের মত। মাথা-পিছু বা ঘর-পিছু দৈনিক ভাড়া দেওয়া হয়। আমরা যে ঘরখানায় উঠলুম সেটা বেশ সাজানো ছিল। একটা ছোট-গোছের টেবিল-হারমোনিয়াম বয়েছে দেখে বাজাতে গিয়ে দেখলুম, তার হাপরে বিরাট ছিঙ্গ—একটু পিঁ-পিঁ ক'রে স্রু বোবায় বটে, কিন্তু হাপরের সেই ছেঁদা দিয়ে 'বাক্বা' 'বাক্বা' শব্দ বেরুতে লাগল তার দশগুণ জোরে। হোটেলের একটি ছোকরা দালাল আমাদের স্টেশন থেকে নিয়ে এসেছিল, কিছুক্ষণ

পরে আসল মালিক এলেন আলাপ করবার জন্তে। আমরা বাঙালী জেনে ভারি খুশি হয়ে বললেন, এখানে আরও একজন বাঙালী আছেন—তিনি আমার বন্ধু। ভদ্রলোক রোজই সকালে আমার এখানে আসেন।

উপেনন্দা বললে, কাল যখন তিনি আসবেন তখন আমাদের ডেকে দেবেন, আমরাও তাঁর সঙ্গে আলাপ করব।

হোটেলওয়াল বললে, নিশ্চয় ডাকব।

সে রাত্রে হোটেলেরই চাকরকে দিয়ে খাবার আনানো হ'ল—অতি জঘন্থ খাণ্ড। কি আর করা যাবে! তাই খেয়ে তখনকার মত শুয়ে পড়া গেল।

সকালবেলা ধুম থেকে উঠতে দেরি হয়ে গিয়েছিল। চা পানের ব্যবস্থা করা হচ্ছে, এমন সময় হোটেলের একটি ছোকরা চাকর এসে বললে, শেঠ ডাকছে।

আমি যাচ্ছি।—ব'লে স্বকাস্ত সেই ছেলেটির সঙ্গে বেরিয়ে গেল। মিনিট কয়েক পরেই দেখি, স্বকাস্ত একজনকে জড়িয়ে ধ'রে আমাদের ঘরের দিকে আসছে। লোকটি আমাদের চেয়ে বোধ হয় তিন-চার বছরের বড় অর্থাৎ কুড়ি-একুশের বেশি বয়স হবে না। তার মাথায় একটা ছোট পাগড়ির মত বাঁধা, বাঙালীর মত কোঁচা ঝুলছে। তাকে ঘরের মধ্যে এনে স্বকাস্ত বললে, আমার চেনা লোক।

পরিচয় হ'ল। স্বকাস্তদের দেশেই তাদের বাড়ি। নাম নিশিকান্ত গুহ। কথায় বাতায়, চাল ও চলনে খুবই খলিফা ব'লে মনে হতে লাগল। আমাদের দেখাবার ও শোনাবার জন্তে নানারকম চটকদার কথাবার্তা বলতে লাগল। একবার হারমোনিয়ামে ব'সে সেই ছেঁদা হাপর ঠেলেই গান শুরু ক'রে দিলে—দিদি লাল পাখিটি আমায় ধ'রে দে না লো। ওরই মধ্যে কথায় বাতায় বের হয়ে গেল, মস্ত জমিদার-ঘরের ছেলে সে। বাপ খুঁড়ো মামা পিসে মেসো কেউ জঙ্ঘ কেউ বা ম্যাজিষ্টার। বাংলা দেশের প্রায় সব বড়লোকদেরই সঙ্গে তাদের সম্পর্ক আছে—নিদেন চেনাশোনা তো আছেই।

সত্যিই, তার হালচাল দেখে মনের মধ্যে একটা ছাপ পড়ল। নিশিকান্ত

বললে, বছরখানেক আগে প্রায় হাজার টাকা নিয়ে সে বাড়ি থেকে চম্পট দিয়েছিল, তারপর অনেক ঘাটের জল খেয়ে শেষকালে এই স্রবটে এসে আড্ডা গেড়েছে এবং এইখানেই সে ব্যবসা করবে। কিসের ব্যবসা করবে এই নিয়ে বাড়ির সঙ্গে লেখালেখি চলেছে—মস্ত ফলাও ব্যবসা, সব এক রকম ঠিকঠাকও হয়ে গিয়েছে।

নিশিকান্ত বলতে লাগল, তোমরা এসেছ ভালই হয়েছে—আমরা এতগুলো বাঙালী ছেলে একসঙ্গে জুটলে কি না করতে পারি! আমি যে ব্যবসা করব তাতে অনেক বিশ্বাসী লোকের দরকার, ভগবান তোমাদের জুটিয়ে দিয়েছেন।

ইতিমধ্যে হোটেলওয়ালারা এসে জানালে কাল রাত্রে তোমাদের নাম-ঠিকানার জন্তে পুলিশের লোক এসেছিল, কিন্তু অনেক রাত্রি হয়ে যাওয়ায় তোমাদের আর খবর দিই নি। নিশিকান্ত তাকে বললে যে, আমি বাড়ি যাবার মুখে পুলিশ-আপিসে গিয়ে এদের কথা বলে যাব।

দেখলুম, নিশিকান্ত কাজ চালানো গোছের গুজরাটী ভাষা আয়ত্ত ক'রে ফেলেছে। সে বললে, এখানে আর হোটেলওয়ালাকে পরশা দিয়ে কি হবে, চল আমার ওখানে। আমার যা ঘর তাতে আরও পাঁচ-সাত জন লোক ধরতে পারে।

তখনই হোটেলওয়ালাকে তার পাওনা-গণ্ডা চুকিয়ে দিয়ে আমাদের পোটলা নিয়ে নিশিকান্তের সঙ্গে বেরিয়ে পড়া গেল। পথে পুলিশের ফাঁড়িতে ঢুকে সে বললে, এরা আমার লোক, এখন এখানেই থাকবে।

নিশিকান্তকে দেখে পুলিশের লোক আমাদের নাম খাম পযন্ত জানতে চাইলে না।

নিশিকান্তের ডেরায় পৌঁছনো গেল। দিল্লী-দরজার কাছেই এক মাঠকোঠার দোতলায় বড় একখানা ঘর। সিঁড়ি দিয়ে উঠে এই ঘরখানা ছাড়া সেদিকে আর অগ্র ঘর নেই। ঘরের মধ্যে আসবাব জিনিসপত্র কিছু নেই বললেই হয়। দড়িতে একখানা ধুতি ঝুলছে, একখানা বড় চেটাই-গোছের জিনিস মাটির

মেঝেতে পাতা, তার ওপরে এখানে ওখানে অগোছালভাবে কয়েকটা জিনিস পড়ে আছে। এক কোণে একটা ঝাঁটার মতন জিনিস পড়ে আছে বটে, কিন্তু ঘরের অবস্থা দেখে মনে হয় না যে কোনও জন্মে ঝাড়ু লাগানো হয়। ঘরের মধ্যখানে একটা ছাই-ভর্তি উতুন, তার চার পাশে ভাত ছড়ানো। ঘরের অবস্থা দেখলেই বুঝতে পারা যায়, যে সেখানে থাকে সে অত্যন্ত অপরিষ্কার ও অগোছাল লোক।

একটু বসেই আমরা ঝাঁটা নিয়ে মেঝে সাফ করে কাপড়চোপড় ও অন্যান্য জিনিসগুলিকে গুছিয়ে ঘরখানিকে তকতকে বকবকে করে ফেললুম। ঘরেই কাঠকয়লা ছিল, তাই দিয়ে উতুন ধরিয়ে থিচুড়ি চাপিয়ে দেওয়া হ'ল। নিশিকান্তের ঘরেই চাল ডাল পেঁয়াজ ছিল—বাজার থেকে কিছু মসলার গুড়ো ও ঘি আনানো হ'ল।

থিচুড়ি খেয়ে ছপুরবেলা পরামর্শ-সভা বসল। নিশিকান্ত বললে, সে সাবান তৈরি করতে জানে। ঘরের কোণ থেকে একটা রুড়ি টেনে এনে সে কতকগুলো সাবান দেখিয়ে বললে যে, সেগুলো সে নিজে তৈরি করেছে। দেখলাম, তার মধ্যে দু-তিন রকমের গায়ে মাখবার ও দু-তিন রকমের কাপড় কাচবার সাবান রয়েছে।

নিশিকান্ত বলতে লাগল যে, এখানকার জনকয়েক মহাজন তার পেছনে লেগেছে; কিন্তু সে বাড়ির টাকার জগ্রে অপেক্ষা করছে। কারণ মহাজনের হাতে পড়লে ক্রমে তার হাতে কারবার চলে যাবার সম্ভাবনা আছে। সে ভরসা করছে, বাড়ি থেকে শীগগিরই কিছু অর্থ এসে পড়বে।

জনার্দন বললে, আমি চেষ্টা করলে বাড়ি থেকে কিছু টাকা যোগাড় করতে পারি। আমি ও স্বকান্ত বললুম, আমরা গায়ে খাটব, টাকা-কড়ি কিছু দিতে পারব না। উপেনদা বললে, আমার কাছে ভাই মাত্র একশোটি টাকা আছে।

নিশিকান্ত খুবই উৎসাহিত হয়ে উঠে বললে, আমরা পাঁচজনে আছি, এই পাঁচজনের লোকবল কিছু কম নয়। আপাতত শতখানেক টাকার সাবান তৈরি

ক'রে বিক্রি তো করি, তারপরে কিছু এসে গেলে আবার ভিয়েন চড়ানো যাবে।

মনে পড়ে, উৎসাহের চোটে সেদিন সে কোথা থেকে নোনা ইলিশের ডিম কিনে নিয়ে এল। তিলের তেল দিয়ে ভাজা সেই মাছের ডিম দিয়ে খিচুড়ি খেতে যা লাগল তা আর কি বলব।

চার-পাঁচদিন এমনভাবে কেটে গেল, কিন্তু নিশিকান্ত সাবান তৈরির কিছুই করে না। বরঞ্চ দেখতে লাগলুম, আমার ও স্বকান্তর প্রতি তার ব্যবহারেব পরিবর্তন হচ্ছে। ক্রমে তারা তিনজন যেন আলাদা হয়ে পড়তে লাগল।

বিকেলবেলা তারা তিনজনে কোথায় বেরিয়ে যায়—আমি ও স্বকান্ত সঙ্গে যেতে চাইলেই বলে, কাজের জায়গায় অত ভিড় করবার দরকার নেই। আমরা দুজনে শহরের অগাধ রাস্তায় ঘুরে বেড়াই।

কয়েকদিন বাদে নিশিকান্ত হঠাৎ স্পষ্টই বলেই দিলে, এক জায়গায় সকলে ব'সে গুঁতোগুঁতি করলে কারুরই কিছু হবে না, তোমরা অগত্যা চেষ্টা কর।

সেই অপরিচিত জায়গায় অকস্মাৎ এই রকম বিপদে প'ড়ে স্বকান্ত অত্যন্ত ভয়ঙ্কর হয়ে পড়ল। কিন্তু সত্যি কথা বলতে কি—নিশিকান্তর এই ব্যবহার আমাকে খুব কাবু করতে পারে নি। উপেনদাব সঙ্গে আমাদের নতুন আলাপ। তাকে আমরা একরকম পথে কুড়িয়ে পেয়েছিলুম বললেই হয়। অতি দুদিনে সে আমাদের সাহায্যও করেছিল এবং ভবিষ্যতের অনেক ভরসাও দিয়েছিল। আজ যদি সে আমাদের দিক থেকে মুখ ফিরিয়ে নেয়, তবে তাকে কিছু বলবাব নেই। নিশিকান্তর সঙ্গেও তাই। কিন্তু জনাদন!—যার সঙ্গে একসঙ্গে বাড়ি ছেড়ে বেরলুম, এত দুঃখ কষ্ট একসঙ্গে সহ্য করলুম, সে আজ আমাদের ছেড়ে গুদের দলে গিয়ে মিশল কি ক'রে! এই চিন্তাটাই আমার মনের মধ্যে অত্যন্ত পীড়া দিতে লাগল যে, মানুষ কেমন ক'রে এত সহজে বিচ্ছিন্ন হতে পারে!

আমাদের বিভিন্ন অস্তিত্ব বন্ধুত্বের আশ্রয়ে অবিচ্ছেদ্য হয়ে উঠেছিল। এই ব্যবহার আমাদের সেই যুক্ত-অস্তিত্বের শিকড়ে টান দিলে, মূলোৎপাটনের সেই

বেদনাই আমাকে গীড়া দিতে লাগল। বন্ধু ব'লে যাকে টেনেছিলুম, আজ স্থবিধাবাদী ব'লে তাকে ছেড়ে দিতে কষ্ট হচ্ছিল।

জনার্দনের সঙ্গে খোলাখুলি একটা কথাবার্তাও কইতে পারছিলুম না। তাকে উপেনদা ও নিশিকান্ত দিনরাত এমনভাবে আগলে থাকতে লাগল যে, তাকে নিরিবিচি একটু পাওয়া পর্যন্ত অসম্ভব হয়ে উঠল। আমরা বুঝতে পারলুম যে, জনার্দনের বাড়ি থেকে টাকা পাবা, আশায় নিশিকান্ত তাকে এত খোশামোদ করছে। আমাদের সঙ্গে পরামর্শ করবার সুযোগ হ'লে পাছে আমরা তাকে বিগড়ে দিই—এই ভয়ে তারা তাকে এমন ক'রে আগলে রাখছে। যাই হোক, তাদের স্বার্থের জন্তে তারা হয়তো এমন করেছিল। কিন্তু জনার্দনের নিজেরও তো একটা মতামত আছে! সে কি ব'লে ওদের দলে গিয়ে ভিড়ল! এই অভিমানটাও সেদিন আমার লেগেছিল বড় ক'রে। কারণ, বিপদের মধ্যে বাস ক'বে আমার মনের মধ্যে একটা সংস্কার হয়ে গিয়েছিল যে, বিপদ একদিন নিশ্চয়ই কেটে যাবে, নয়তো অভ্যাস হয়ে যাবে।

সেইজন্তে জনার্দন নিশিকান্তর সঙ্গে যোগ দেওয়ায় যে বিপদের সম্ভাবনা আসন্ন হয়ে উঠেছে সে ভাবনা তেমন কাতর আমাকে করতে পারে নি, যতখানি করেছিল হৃকান্তকে।

এই রকম চলেছে, সেই সময় একদিন বিকেলবেলা উপেনদা, নিশিকান্ত ও জনার্দন কোথায় বেরিয়েছে—আমরাও দুজনে রাস্তায় রাস্তায় ঘুরছি, এমন সময় হৃকান্ত বললে, কদিন উপরি-উপরি দু'বেলা আধসেক্স থিচুড়ি খেয়ে আমার ভয়ানক আমাশা হয়েছে, ঘুরতে পারছি না—চল, বাড়ি ফিরে চল।

ঘবে ফিরে এসে দেখি, ওরা তিনজনেই ফিবেছে। আমরা যেতেই নিশিকান্ত বললে, এই যে, আড্ডা দিয়ে ফেরা হ'ল! লজ্জা করে না এমন ভাবে ব'সে ব'সে থেতে?

হৃকান্ত তো কথা না ব'লে শুয়ে পড়ল। আমি বললুম, কি করব বল, কাজকর্ম যতদিন না জোটে—

নিশিকান্ত বললে, কাজকর্ম জোটাবার কি চেষ্টা হচ্ছে শুনি? এখানে তোমাদের কিছু হবে না। আগেই বলেছি, সবাই মিলে এক জারগায় মাথা ঠোকাঠুকি ক'রে মরলে কিছুই হবে না। আমরা এখানে রইলুম। তোমরা দুজনে অন্য কোন শহরে চ'লে যাও—দেখ, সেখানে কিছু করতে পার কি না!

জিজ্ঞাসা করলুম, কোন্ শহরে যাব?

—এখান থেকে কিছু দূরে নোভাসারি অর্থাৎ নয়া সবাই ব'লে একটা শহর আছে—সেখানে চ'লে যাও। চেষ্টা-চরিত্র ক'রে দেখ। একজনের ছুটে গেলে আর একজনেরও জুটতে দেরি হবে না।

নিশিকান্তর কাছে টাইম-টেবল ছিল। সে তাই দেখে তখুনি ব'লে দিলে, ভোর পাঁচটায় একটা গাড়ি আছে, চ'লে যাও—ঘণ্টা দুইয়ের মধ্যেই সেখানে পৌঁছে যাবে।

বললুম, আচ্ছা, তাই যাব।

আমাদের সঙ্গে কথা ব'লে নিশিকান্তরা আবার বেরিয়ে গেল। ওরা বাইরে যাবার পর স্নকান্তর অস্থখ বাড়তে লাগল। সন্ধ্যার মধ্যেই বোধ হয় আট-দশবার তাকে উঠতে হ'ল। পেটের যন্ত্রণায় সে একেবারে ছটকট করতে আরম্ভ ক'রে দিলে। ঘরে রাধবার জন্তে যে তিলের তেল ছিল, তাই একটু নিয়ে জল দিয়ে তার পেটে কিছুক্ষণ মালিশ করতে করতে সে নিঃশ্বাস হয়ে পড়ল। কিছুক্ষণ পরে আমিও তার পাশে শুয়ে পড়লুম। শুয়ে শুয়ে কেবলই মনে পড়তে লাগল, সেই ঝড়ের রাতের কথা—যেদিন জনার্দন বিষ্ণুর দংশনে কাতর হয়ে চীৎকার করছিল আর একান্ত অসহায়ের মতন আমবা দুজনে তার শিয়রে ব'সে তাকে সাহুনা দেবার চেষ্টা করছিলুম। ভাবতে ভাবতে আবার নিরাশার অন্ধকারে আশার জ্যোতি ঝিলিক দিতে লাগল। মনে হতে লাগল, সেদিনও যখন কেটেছে, এদিনও তখন কেটে যাবে।

সন্ধ্যা উত্তরে রাত্রি অনেকখানি গড়িয়ে গেল, তখনও নিশিকান্তরা ফিরল না। তার ঘরে ছোট একটা ঘড়ি ছিল সেটাতে দেখলুম, নটা বাজে। দরজা

বন্ধ ক'রে শুয়ে পড়ব কি না ভাবছি, এমন সময় কাঠের সিঁড়িতে খট খট শব্দ শুনে মনে হ'ল তারা আসছে। আর বাক্যব্যয় না ক'রে শুয়ে পড়া গেল। ওরা ঘরের মধ্যে ঢুকে জামা খুলে বসল। নিশ্চয় বাইরে কোন জায়গা থেকে থেকে এসেছিল, কারণ রান্নাবান্নার কোনও আয়োজন করলে না বা আমি জেগে আছি দেখেও একবার জিজ্ঞাসা করলে না, খাওয়া হয়েছে কি না!

রাত্রি প্রায় এগারোটার সময় ওরা আল্লা নিাবয়ে দিয়ে শুয়ে পড়ল। চারটের সময় উঠতে হবে ব'লে ঘড়িটা কাছেই রেখে দিলুম। সমস্ত রাত্রি এক রকম জেগেই কাটল। চারটের সময় উঠে মুখ-টুখ ধুয়ে স্বকাস্তকে নিয়ে বেরিয়ে পড়া গেল।

বিদায়ের সময় উপেনন্দা একটা টাকা দিয়ে বললেন, টাকাটা রাখ হে, সময়ে অসময়ে দরকার হতে পারে।

ভাবলুম, টাকাটা নেব না। কিন্তু Discretion is the best part of valour—মনে ক'রে টাকাটা নেওয়াই গেল।

স্টেশনে যখন গাড়ি থামল, তখন বেলা প্রায় আটটা। ছোট পরিষ্কার স্টেশনটি—লোকজন নেই বললেই হয়। আমাদের সঙ্গেও কেউ নামল না। সুরাট থেকে আনা সাতেক ভাড়া—দুজনের চোদ্দ আনার টিকিট কেনা হয়েছিল, আর মাত্র দু' আনা ট্যাকে আছে। এই সম্বল ক'রে নোভাসারিতে পদার্পণ করলুম ভাগ্য অব্বেষণ করতে।

স্টেশন থেকে বেরিয়েই একটা সরু পথ চ'লে গিয়েছে শহরের দিকে। আশ্চর্য নির্জন শহর, পথে লোকজন গাড়ি-ঘোড়া কিছুই নেই। মনে হতে লাগল, গল্পের দৈত্যের সেই ঘুম-পাড়ানো শহরে ঢুকে পড়লুম নাকি! রাস্তার দু' পাশে ছোট ছোট সূদৃশ বাড়ি—ইংলণ্ডের গ্রামের যে সব ছবি দেখতে পাওয়া যায় অনেকটা সেই রকম।

আমরা ঠিক করেছিলুম, বাড়ি বাড়ি ঢুকে কাজের চেষ্টা করব—দেখি কি হয়! স্বকাস্তকে বাইরে দাঁড় করিয়ে রেখে আমি বাড়ির মধ্যে ঢুকতে লাগলুম।

কিন্তু কোথায় সেই দুর্লভ চাকরি! কোন বাড়িতে ঢোকামাত্র দূর-দূর ক'রে তাড়িয়ে দিতে লাগল। কোথাও বা ছুঁথের কাহিনী শুনে বললে, এখানে কিছু হবে না। নোভাসারি জায়গাটা দেখলুম পাশী-প্রধান জায়গা। পাশীদের বাড়িতে ঢুকলে তো দেখ-তাড়া করতে লাগল। বেলা বারোটা নাগাদ প্রায় পঞ্চাশখানা বাড়িতে চেষ্টা ক'রে নিরাশ হয়ে আবার স্টেশনের দিকে ফেরা গেল।

শহরের কোথাও ব'সে একটু বিশ্রাম করবার মতন জায়গা নেই। কলকাতার বাড়ির মতন সেখানে কোনও বাড়িতে একটু রক নেই যে, একটু বসব। এদিকে স্বকাস্তও অস্বস্থ হয়ে পড়তে লাগল। ওরই মধ্যে ঝোপে-ঝাড়ে সে কাজ সারতে লাগল। রাত্তায় লোকজন কম ব'লে সেদিকে একটু সুবিধাই ছিল। ঘুরতে ঘুরতে আমরা স্টেশনের কাছেই একটা ঘাসওয়ালা জমিতে ব'সে পড়লুম।

কাল রাত্রি থেকে আহার নেই, তার ওপর এতখানি ঘোরা হয়েছে—শরীর যেন ভেঙে পড়তে লাগল। স্বকাস্ত তো ব'সেই শুয়ে পড়েছিল, আমিও খানিকক্ষণ ব'সে ব'সে গা এলিয়ে দিলুম।

বেলা প্রায় আড়াইটে-তিনটের সময় ঘুম ভাঙল। অবসাদে শরীর অত্যন্ত ভারী ব'লে বোধ হতে লাগল। দেখলুম, স্বকাস্ত আমার আগেই উঠে বসেছে। আমিও উঠে বসলুম। খিদেয় পেটের মধ্যে পাক দিচ্ছিল। বলাবলি করতে লাগলুম, আজ আর নারায়ণ অন্ন জোটাবেন না। যাক, যা হয় ভালর জন্তেই হয়—হয়তো আমাশার ওপর খেয়ে তোর অস্বস্থ আরও বেড়ে য়েত।

এই রকম আলোচনা করছি ও মাঝে মাঝে বলছি—নারায়ণ, তোমার ইচ্ছাই পূর্ণ হোক। বলতে বলতে নারায়ণ এসে একেবারে সামনে দাঁড়িয়ে ভক্তকে অভিবাদন করলেন—নমস্কার!

পাঠক! চমকিত হবেন না। মাহুঘের রূপ ধ'রে বৃহস্পতি ভক্তের সামনে এমন ভাবে এর আগে নারায়ণ অনেকবার এসে দাঁড়িয়েছেন—পরমান ব'য়ে এনেছেন গোপবালকের বেশে, দধিভাণ্ডকে অফুরন্ত করেছেন অপমানিতের অশ্রুমোচন করতে, আর শরণাগতের মহিমা প্রচার করেছেন এক কুচি শাকার

দিয়ে সহস্র উগ্রচণ্ড ব্রহ্মবির অমিতোদর পরিপূরণে। তুঁহ জগতারণ জগতে কহায়সি—ত্রাণকর্তার জগতে বুভুক্ষু যখন আছে তখন আসতেই হবে তাঁকে তার কাছে।

—নমস্কার ! কে বাবা তুমি ?

মুখ তুলে দেখলুম, একটি লোক, রোগা লম্বা একহারা চেহারা, মাথায় গোল টুপি, বয়স ত্রিশের মধ্যেই হবে—সম্মিত মুখে আমাদের দিকে চেয়ে আছে। আমরা প্রতিনমস্কার করতেই সে বাস্তা ছেড়ে একেবারে আমাদের কাছে এসে ব'সে হিন্দী ভাষায় বললে, আপনাদের বাড়ি বোধ হয় কলকাতায় ?

বললুম, ঠিক অহুমান করেছেন।

লোকটি বললে, আমি কলকাতায় থাকি কিনা, বাঙালী দেখলে চিনতে পারি।

—কি উপলক্ষ্যে কলকাতায় থাকা হয় ?

—সেখানে আমার এক আত্মীয়ের ব্যবসা আছে, সেখানে চাকরি করি।

জিজ্ঞাসা করলুম, এইখানে দেশ বুঝি ?

—হ্যাঁ, দু বছর পরে কিছুদিনের জন্তে দেশে এসেছি, আবার শীগগিরই চ'লে যেতে হবে। একটু চুপ ক'রে থেকে লোকটি আবার বললে, এখানে আমার বাপ-মা আছেন তাই আসতে হয়, নইলে কলকাতাই আমার ভাল লাগে। আসলে সেইটেই আমার দেশ, এইখানে আমি বেড়াতে এসেছি।—এই ব'লে নিজের বসিকতায় লোকটি হো-হো ক'রে হেসে উঠল।—কিন্তু আপনারা এখানে কি করতে এসেছেন ?

—চাকরি খুঁজতে।

—কলকাতা ছেড়ে এসে এখানে চাকরি ! এখানে কি কোনও ব্যবসা আছে যে, চাকরি পাবেন ?

বললুম, আমরা লোকের বাড়ির চাকরের কাজ পেলেও করতে পারি। গ্রামাচ্ছাদনের জন্ত চুরি ডাকাতি ছাড়া আর সব কাজই আমরা করতে রাজী আছি।

—তা কিছু কাজের সন্ধান মিলেছে কি ?

—না, অনেক বাড়ি তো ঘুরলুম, কেউ রাখতে রাজী হয় না।

আমাদের কথা শুনে লোকটির মুখ চিন্তায় গম্ভীর হয়ে উঠল। ভাবলুম, একটা চাকরি-বাকরির আশা বোধ হয় পাব তার কাছ থেকে। কিছুক্ষণ গম্ভীর হয়ে থেকে সে বললে, চলুন, ওই দোকানে বসে চা খেতে খেতে আপনাদের সঙ্গে গল্প করা যাবে।

জানি না, রাখার কানে শ্রামনাম কি মধুবর্ষণ করেছিল, কিন্তু সেদিন চায়ের নামে আমার কর্ণকূহরে যে অমৃতবর্ষণ হয়েছিল, সে কথা স্মৃতিপথে উদ্ভিত হ'লে আজও রোমাঞ্চিত হয়ে উঠি।

রাস্তার ওপারেই একটা ছোট্ট চায়ের দোকান ছিল, তিনজনে সেখানে গিয়ে উপস্থিত হওয়া গেল। দোকানে তখন খন্দেরপাতি কিছুই ছিল না। সামান্য দোকান, একটা লম্বা টেবিলের দু পাশে দুখানা অত্যন্ত সরু বেঞ্চি পাতা। আমরা বসতেই সন্দের লোকটি দোকানদারকে বললে, তিন কাপ গরম চা দাও তো। ব'লেই বললে, আচ্ছা দাঁড়াও, কিছু খাবার-দাবার আছে ?

—খাবার ? নিশ্চয়ই। আমার কাছে ভাল খাবার আছে।

বোম্বাই অঞ্চলে ব্যাসন দিয়ে ভাজা বেগুনি-ফুলুরি খাবারের খুব প্রচলন আছে। সম্ভব অসম্ভব যত রকমের পাতা ফুল তরকারি আছে তাই কুটে ব্যাসন লেপটে ভেজে দোকানীরা বিক্রি করে। ওখানকার লোকেরা সকালে বিকালে রাশি রাশি সেই সব পত্র-পুষ্প ইত্যাদি ভর্জিত দ্রব্য ভক্ষণ ক'রে থাকে। আমি সে সব ভাজাভুজি ইতিপূর্বে খেয়ে দেখেছি, কিন্তু চিনেবাদাম বা সমজাতীয় অন্য তেলে ভাজা সেই স্বখাত্ত আমার মোটেই ভাল লাগে নি। আমি জোর ক'রে বলতে পারি যে, আমাদের এখানকার সরষের তেলে ভাজা বেগুনি-ফুলুরি তার চেয়ে খেতে ঢের ভাল।

দোকানদারকে খাবার আছে কি না জিজ্ঞাসা করায় সে একটা বড় খালার দিকে চেয়ে বললে, ওই যে রয়েছে। কত চাই ?

খালার দিকে চেয়ে দেখলুম। সকালবেলাকার ভাজা সেই রাবিশ কতক-
গুলো খালার এক কোণে প'ড়ে রয়েছে। সেগুলোর চেহারা দেখলেই মনে হয়,
খদ্দেরে নেহাত নেয় নি ব'লেই প'ড়ে রয়েছে। সকালবেলা থেকে তার ওপরে
পরতে পরতে ধুলো প'ড়ে সে দ্রব্যগুলি তখন একেবারে অথাতে পরিণত
হয়েছে। যে আমাদের দোকানে নিয়ে এসেছিল, সে ওই খাবারের দিকে চেয়ে
শিউরে উঠে দোকানদারকে বললে, আরে, বাবুরা কলকাতার লোক, ওঁরা কি
ওই খাবার খেতে পারবেন! তারপর আমাদের দিকে চেয়ে জিজ্ঞাসা করলে,
কি বলেন, দেবে ওই ভাজি?

আমাদের অবস্থা তখন শোচনীয়। খিদের চোটে হাত-পা কাঁপতে আরম্ভ
করেছে। সেই ভাজাভুজির খালার প্রতি একবার দৃষ্টিপাত ক'রে অত্যন্ত
অবহেলাভরে বলা গেল, দাঁও, বিদেশে নিয়মো নাস্তি।

দোকানদার তাড়াতাড়ি একটা পিরিচ ধুয়ে নিয়ে খালা থেকে সেই মাল
তেলসমেত সাপটে তুলে নিয়ে পিরিচে সাজিয়ে আমাদের সামনে রাখলে।

আমরা টপ টপ ক'রে সেই ভাজি গোটা কয়েক মুখে দিয়ে তাকে বললুম,
আপনি খান।

লোকটি বললে, না না, আমি খেয়ে এসেছি, আপনারা খান।

একটু পরেই আমাদের লোকটি দোকানদারকে জিজ্ঞাসা করলে, কিছু
মিষ্টি-টিষ্টি নেই?

দোকানদার ঘাড় নেড়ে বললে, খুব ভাল মিষ্টি আছে, দেব?

—কি মিষ্টি আছে?

দোকানদার আমাদের মাথার ওপরের দিকে হাত দেখিয়ে বললে, ওই যে।

মাথার ওপর চেয়ে দেখি, একটা প্রকাণ্ড গোল তিলে-খাজার মধ্যখানে
হেঁদা ক'রে সেটাকে টাঙিয়ে রাখা হয়েছে। তার ওপরে মৌমাছি, বোলতা,
নীল কালো বেগুনী ইত্যাদি নানা রঙের মাছি ব'সে আছে, দু-চারটে মশাও
দেখলুম উড়ছে সেটাকে ঘিরে।

আমাদের কর্নওয়ালিস স্ট্রীটে মুড়ি, মুড়কি, চিঁড়ে, বেগুনি-ফুলুরির মেলা দোকান ছিল। এই সব দোকানের অধিকাংশেরই মালিক ছিল উড়িষ্যাদেশ-বাসী। উড়ের দোকান বললেই এই সব দোকান বোঝাত। এদের জ্বালাতন করা আমাদের ছেলেবেলার খেলা ছিল। এই সব দোকানে ওই রকম গোল তিলে-খাজা ঝুলতে দেখেছি বটে, কিন্তু ওই খাণ্ডটির প্রতি কখনও কোনও আকর্ষণ বোধ করি নি এবং আশ্বাদনও কখনও করি নি। আমাদের নারায়ণ জিজ্ঞাসা করলে, খাবে ওই জিনিস ?

বললুম, মন্দ কি ?

দোকানদার তখন অগ্রসর হয়ে সেই তিলে-খাজার প্রায় অর্ধেকটা ভেঙে আমাদের দিলে। ফলে রাজ্যের মাছি-মৌমাছি-বোলতা প্রথমটা গোঁ-গোঁ ক'রে আপত্তি জানিয়ে শেষকালে আমাদের তাড়া করলে। তাড়াতাড়ি সেখান থেকে উঠে বাইরে পালিয়ে এলুম।

দোকানদার বলতে লাগল, ওরা কিছু বলবে না, কিছু বলবে না, সব পোষা—

যা হোক, সেগুলোকে তাড়িয়ে দেবার পর আমরা আবার খাবাবের সামনে গিয়ে বসলুম। কিন্তু সেই তিলে-খাজা বহু দিন ধ'রে মশা-মাছির তিল তিল পীড়নে এমন নেতিয়ে পড়েছিল যে, মুখের মধ্যে গিয়ে তারা দাঁতে লেপটে যেতে লাগল। তার ওপরে দীর্ঘকালব্যাপী শোষণের ফলে বস্ত্রটি একেবারেই মাদুর্ঘহীন হয়ে পড়েছিল। কিন্তু পাকস্থলীর প্রচণ্ড তাগাদায় আহাৰ্যের ভালমন্দের দিকে মনোযোগ দেবার অবস্থা আমাদের ছিল না। কোন রকমে পাকলে পাকলে সেই তিলে-খাজা ও তেলে-ভাজা উদরস্থ ক'রে তার ওপরে কাপ দুই ক'রে চা চাপিয়ে আমরা দোকান থেকে বেরিয়ে আবার সেই জায়গায় এসে বসলুম।

আমাদের প্রাণদাতা অত্যন্ত সমীহ ক'রে বলতে লাগল, আপনারা কলকাতার লোক, এই খাবার আপনাদের পক্ষে অযোগ্য। কিন্তু কি উপায়! এইখানে এর চেয়ে ভাল খাবার আর পাওয়া যায় না।

আমরা বললুম, এই খাবারটুকু আমাদের পেটে আজ না গেলে কি যে হ'ত

বলতে পারি না। যতদিন প্রাণধারণ করব ততদিন আপনার কথা কৃতজ্ঞচিত্তে স্মরণ করব।

ভদ্রলোকের নাম ও ঠিকানা চেয়ে নিলুম। কলকাতার পত্নীগীজ চার্চ লেনে বাড়ি। পরে কলকাতায় এসে দু-তিনবার তার খোঁজ করেছি, দেখা পাই নি। কিন্তু সে কথা যাক।

ভদ্রলোক জিজ্ঞাসা করলে, এখন আপনারা কি করবেন? এখানে আপনাদের চাকরি-বাকরির কিছু সুবিধে হবে বলে তো মনে হয় না। কারণ এটা অত্যন্ত ছোট জায়গা, তার ওপর আপনাদের এখানে কেউ চেনে না, কোন জামিনও যোগাড় করতে পারবেন না।

আমরা বললুম, কাজ আমাদের যোগাড় করতেই হবে, নইলে অনাহারে মরতে হবে।

লোকটি বললে, তবে আপনারা বোম্বাই চ'লে যান। বোম্বাই বড় শহর, সেখানে কোন রকম কাজ যদি না পাওয়া যায় তবে মুটেগিরি ক'রেও ভরণপোষণ চালানো যেতে পারে।

কথাটা আমাদের মনে লাগল। কিন্তু বোম্বাই যেতে হ'লে অন্তত দু-চার দিনের খরচও সঙ্গে থাকা চাই। কিন্তু আমাদের পকেটে যে কিছুই নেই! লোকটি স্বতঃপ্রসূত হয়ে আমাদের সঙ্গে আলাপ ক'রে খাইয়ে এক রকম প্রাণ বাচিয়েছে—মনে হ'ল, গোটা দুই টাকা তার কাছে চাইলে পাওয়া যেতে পারে। কিন্তু বলি বলি ক'রেও তার কাছে মুখ ফুটে চাইতে পারলুম না। ওদিকে রোদ প'ড়ে আসতে আরম্ভ করলে। সম্মুখে রাত্রি—কোথাও আশ্রয় পাব কি না তা জানা নেই।

লোকটি বললে, এবার আমি আসি ভাই। চার মাইল দূরে গ্রামে আমার বাড়ি, এই চার মাইল পদব্রজে যেতে হবে। তারপরে হাসতে হাসতে বললে, কলকাতা হ'লে তো ট্রামেই চ'লে যাওয়া যেত। তারপর একটা বিড়ি ধরিয়ে বললে, তারপরে—

আমরা বললুম, আপনার কথামত আমরা বোম্বাই শহরেই চ'লে যাব।
কিন্তু যাবার আগে এখানে আরও দিন দুয়েক দেখব।

সেই ভাল কথা।—ব'লে লোকটি উঠল। সঙ্গে সঙ্গে আমরাও উঠলুম।
বললুম, চলুন, আপনাকে কিছুদূর অবধি এগিয়ে দিয়ে আসি।

কয়েক পা অগ্রসর হয়ে ভদ্রলোক জিজ্ঞাসা করলে, রাত্রে কোথায় থাকবেন?
এটা আবার গাইকোয়াড়ী জায়গা, নতুন লোক দেখলে পুলিশে হাঙ্গামা করে।
ধ'রে নিয়ে থানায় আটক ক'রে রেখে দেয়।

গাইকোয়াড়ী জায়গার কিছু পরিচয় পেয়েছিলুম বরোদায় নেমে। সে
কথা মনে হওয়ায় ভয় পেয়ে গেলুম। বললুম, তাই তো, কোথায় থাকব
তা হ'লে?

লোকটি সামনেই একখানা বড় বাড়ি দেখিয়ে দিয়ে বললে, এই বাড়িটা
হচ্ছে ধর্মশালা। রাত্রে এইখানেই থেকে যান। এত বড় বাড়ি, এর এক
কোণে প'ড়ে থাকলে কেউ জানতেও পারবে না।

এইখানেই—আচ্ছা সাহেবজী—ব'লে সে বিদায় নিলে। আমরা রাস্তায়
দাঁড়িয়ে রইলুম, লোকটি হনহন ক'রে এগিয়ে যেতে লাগল। ক্রমে তার মূর্তি
পথের বাঁকে মিলিয়ে গেল। সে অদৃশ হওয়ার পর আমরা পথের ধারে এক
জায়গায় গিয়ে বসলুম। যতক্ষণ সে ছিল, ততক্ষণ কথায় বার্তায় নিজেদের
অবস্থার কথা এক-রকম ভুলেই ছিলুম। কোথা থেকে এসে কে সে অজানা
অচেনা আমাদের সংশয়াকুল হৃদয়-সমুদ্রে একটু আশার তরঙ্গ তুলে দিয়ে চ'লে
গেল! সে চ'লে যেতে মনটা বড় খারাপ হয়ে পড়তে লাগল। অজানা দেশ,
সামনেই রাত্রি—মনে হতে লাগল, এতক্ষণে জনার্দনেরা সূরাটের রাস্তায় নিশ্চিন্ত
মনে বেড়িয়ে বেড়াচ্ছে। আর কিছু না থাকলেও অন্তত রাত্রের আশ্রয়টুকু
তাদের আছে। নিরাশায় বুকের মধ্যে কেমন করতে লাগল। আমরা
অনেকক্ষণ সেই নির্জন রাস্তায় এক রকম নর্দমার ধারে চুপ ক'রে ব'সে রইলুম—
আমাদের চারিদিকে ক্রমে অন্ধকার ঘনিয়ে উঠতে লাগল।

হঠাৎ নিমন্তৃত্য ভঙ্গ ক'রে স্বকাস্ত ব'লে উঠল, দেখ, এই যে লোকটা হঠাৎ কোথা থেকে এসে আমাদের খাইয়ে গেল, এ কে বুঝতে পেরেছিস কি ?

বললুম, না, কে এ ?

—লোকটি হচ্ছে ঈশ্বরপ্রেরিত। এদেরই বলে দেবদূত। মানুষের রূপ ধ'রে এসে আমাদের প্রাণে বাঁচিয়ে দিয়ে চ'লে গেল। এ রকম হয়—এদের কথা 'অলৌকিক রহস্য' ব'লে একটা মাসিকপত্রে আমি পড়েছি। কিছুক্ষণ ব'সে থেকে স্বকাস্ত বললে, রাত্রে যে ধর্মশালায় থাকব—তা একটা আলো চাই তো। চল, বাজার থেকে মোমবাতি কিনে আনিগে।

সেখান থেকে উঠে বাজারে চললুম। সেদিন সকাল থেকে শরীরটা আমার ভাল লাগছিল না। দুপুরবেলাটায় একটু জ্বরও এসেছিল। বাজারের দিকে যেতে যেতে বুঝতে পারলুম, বেশ জ্বর এসেছে। শরীরের মানি ও ক্লান্তিতে পথ চলা দুষ্কর হতে লাগল। তার ওপরে বিকেলে ওই সব যাচ্ছেতাই খাবার খেয়ে আরও খারাপ লাগতে লাগল। বাজারে পৌঁছে সারা বাজার ঘুরে কোথাও মোমবাতি পেলুম না। আমার যতদূর মনে হয়, দোকানদারদের বোঝাতেই পারলুম না, আমাদের কি দ্রব্য চাই! মোমবাতি তো কিনতে পারলুম না, এক পয়সার বিড়ি ও আধ পয়সার একটা দেশলাই কিনে স্টেশন অর্থাৎ ধর্মশালার দিকে চললুম। পথ এক রকম অন্ধকার বললেই হয়, যেটুকু আলো আছে তাতে বড় শহরে পথ-দেখায় অভ্যস্ত এই চোখে অন্ধকারই ঠেকতে লাগল।

শরীরও এত খারাপ বোধ হতে লাগল যে, এক রকম স্বকাস্তর ওপর ভর দিয়েই চলতে লাগলুম। পেটের মধ্যে থেকে থেকে একটা বেদনার সঙ্গে সঙ্গে গা-বমি-বমি করতে লাগল। শেষকালে পথের ধারে ব'সে বমি করবার চেষ্টা করতে লাগলুম। কিন্তু বমি কি হয়! অনেক চেষ্টা ক'রে এক চামচটাক জল ভেতর থেকে উঠে এল। জোর ক'রে বমি করবার চেষ্টা করায় পেটের যন্ত্রণা অসম্ভব রকম বেড়ে গেল। একটুখানি বিশ্রাম ক'রে নিয়ে আবার চলব ভেবে সেইখানেই ব'সে পড়লুম। স্বকাস্ত আমার

পাশে ব'সে ঝড়ি টানতে টানতে লেকচার দিয়ে যেতে লাগল। সে বললে, তোর নিশ্চয় আমাশা হয়েছে। আমারও আমাশা হবার আগে ওই রকম পেটের ব্যথা শুরু হয়েছিল। কিন্তু বলতে নেই—ওই সব অথাত্ত খেয়ে একদম ভাল হয়ে গিয়েছে। কাল ও আজ সারাদিন ধ'রে পেটে যা কিছু ময়লা ছিল সব সাক হয়ে গেছে। বিষম্ব বিষম্ব ঔষধম্—ইত্যাদি, ইত্যাদি—

সে নানা ভাবে নানা ভঙ্গীতে আমাকে উৎসাহ দিতে লাগল, ও-সব কিছু নয়। এক্ষুনি ভাল হয়ে যাবে।

এইভাবে সেখানে কিছুক্ষণ ব'সে থাকবার পর গুটিগুটি ধর্মশালার দিকে অগ্রসর হলুম। যখন বাড়িটার কাছে গিয়ে পৌঁছলুম, তখন চারিদিক বেশ অন্ধকার হয়ে গেছে। বাড়িটার ভেতরে ঢুকে মনে হ'ল যেন হানাবাড়ি। চতুর্দিকে কেউ কোথাও নেই, অন্ধকার ঘুটঘুট করছে। প্রকাণ্ড বাড়ি—দরজা-জানলা সব খোলা হা-হা করছে। অন্ধকারে দেশলাই জেলে হাতড়াতে হাতড়াতে আমরা মিঁড়ি খুঁজে বার করলুম। দোতলায় উঠে লম্বা টানা বারান্দা। বারান্দার দু দিকে বড় বড় ঘর, ঠিক গুলবাড়ির মতন। মেষনের কাছে ব'লে সেখানকার একটু আলো ছটকে এসে বাড়িটার কোন কোন জায়গায় পড়েছে। অন্ধকার ও দূরাগত সেই স্বপ্ন আলোকে জায়গাটা যেন আরও ভয়াবহ হয়ে উঠেছে।

বাড়িটায় যে কতদিন লোক ঢোকে নি, তা বলা যায় না। এমন বেপোটি জায়গায় ধর্মশালা করারও মানে বুঝতে পারা গেল না। কোথাকার কোন শেঠ যাত্রীদের প্রতি দয়াপরবশ হয়ে তৈরি ক'রে দিয়েছেন—কথায় বলে, পয়সা থাকলে ভূতের বাপেরও শ্রাদ্ধ হয়—এই প্রকাণ্ড ধর্মশালা তার প্রকৃষ্ট প্রমাণ।

একটুখানি ঘোরাঘুরির পর একটা ঘোর অন্ধকার ঘরে ঢুকে আমরা তো আশ্রয় নিলুম। ব'সেই বুঝতে পারলুম, সেখানে প্রায় আধ ইঞ্চিটাক ধূলোর আস্তরণ পাতা রয়েছে। এখন আর সে সব বিচার করবার অবসর নেই। স্তবরাং সেই ধূলোর ওপরেই গড়িয়ে পড়া গেল।

পেটের মধ্যে তখন সেই সাংঘাতিক খাণ্ডগুলি ও পাকস্থলী—এই দুই পক্ষে ভীষণ রগড়া শুরু হয়েছে। কে এসেছ, চোপ্‌ রাও—ড্যাম্‌ বাস্কেল—কৌণ্ড—পৌণ্ড—চৌণ্ড—ইত্যাদি তো অনেকক্ষণ থেকেই চলেছিল, এবার দু পক্ষে যুদ্ধ শুরু হ'ল। পটকা, হাউই, বোমা, ছুঁচোবাজি ছাড়তে লাগল উভয় পক্ষেই। প্রাণ যায় যায়! তার ওপরে এতক্ষণ পেটে যে একটু কুনকুনে ব্যথা চলেছিল সেটা বাড়তে লাগল সাংঘাতিকভাবে। ক্রমে সেটা পেট জুড়ে বুকের দিকে উঠতে লাগল। শেষে নিশ্বাস নিতে পারি না এমন অবস্থা।

যন্ত্রণায় আমি ঘরময় গড়াতে আরম্ভ ক'রে দিলুম। একবার স্কাকান্তকে ডেকে বললুম, স্কাকান্ত ভাই, আমার বোধ হয় শেষ হয়ে এসেছে। আমি ম'রে গেলে তুই বাড়ি ফিরে যাস।

স্কাকান্ত জিজ্ঞাসা করলে, তোর কি রকম হচ্ছে ?

বললুম, পেটের যন্ত্রণায় নিশ্বাস নিতে পারছি না, দম বন্ধ হয়ে আসছে, এই দেখ, হাত ঠাণ্ডা হয়ে গেছে।

স্কাকান্ত আমার একটা হাত নিয়ে দু হাত দিয়ে ঘ'ষে ঘ'ষে গরম করতে করতে বললে, তোর খুব সম্ভব শুকো কলেরা হয়েছে। কিছু ভয় নেই, কিছু ভয় নেই, ভগবানের নাম কর।—এই অবধি ব'লেই সে উঠে এক রকম দৌড়ে ঘর থেকে বেরিয়ে গেল, আমি সেই ধূলিশয্যায় প'ড়ে রইলুম।

অন্ধকার ঘর, জনমানবশূন্য বাড়ি, চাঁৎকার করবার শক্তি পর্যন্ত নেই, অব্যক্ত যন্ত্রণা—মনে হচ্ছে, এখনি মৃত্যু হবে। কিন্তু তার মধ্যেও একলা ভয় করতে লাগল—মৃত্যুভয় নয়, ভূতের ভয়। ভাবছি, ম'রে যাব দেখে স্কাকান্ত বোধ হয় পালাল। আবার মনে হ'ল, এ সময়ে কি কেউ ফেলে পালাতে পারে ? তবে সে কোথায় গেল ? পেটের ব্যথা অসহ্য হয়ে উঠতে লাগল। শেষকালে অজ্ঞান হয়ে গেলুম।

আমার মনে হয়, খুব অল্প সময়ই সংজ্ঞাহীন ছিলাম। জ্ঞান ফিরে আসার

একটু পরে দেখলুম, স্বকাস্ত ছুটে ঘরের মধ্যে এসে একবার আমার মাথার কাছে এসে বসল। একবার যেন আমার মাথায় হাত দিলে। তারপর চাপা কণ্ঠে একবার কঁদে উঠে বললে, ওঃ, বাবা গো, আর পারি না।

একটুক্ষণ পরে আবার সে ছুটে ঘর থেকে বেরিয়ে গেল। আমার মনে হ'ল, হয়তো স্বকাস্ত আমার এই যন্ত্রণা দেখতে পারছে না তাই চোখের আড়ালে ন'রে গেল। হয়তো বা সে কোন ডাক্তারের সন্ধানে এমন ভাবে ছুটোছুটি করছে। ওদিকে পেটের যন্ত্রণা এমন হ'ল যে, সে সময় একমাত্র সেই চিন্তা ছাড়া অন্য চিন্তা অসম্ভব হয়ে উঠল। মাঝে মাঝে হাতে-পায়ে খাল ধরতে আরম্ভ করলে। আমি প্রায় সংজ্ঞাহীনের মত প'ড়ে প'ড়ে মৃত্যুর অপেক্ষা করতে লাগলুম। এর মধ্যে স্পষ্ট বৃত্তে পারলুম, স্বকাস্ত একবার ঘরের মধ্যে এল, আমার কাছেই এসে বসল, কিছুক্ষণ পরে আবার যেন ছুটে বেরিয়ে গেল।

এই রকম কিছুক্ষণ চলতে চলতে হয়তো যন্ত্রণাটা একটু কম পড়ায় একবার তত্ক্ষাচ্ছন্ন হয়ে পড়েছিলুম; এমন সময় স্বপ্নে যেন মনে হ'ল, কে আমায় কাতর কণ্ঠে ডাকছে। যেন অনেক দূর থেকে কোন দুঃস্থ লোক কাতরে আমার নাম ধ'রে ডাকছে—স্থবির, ও স্থবির!

চট ক'রে ঘুমের সেই আচ্ছন্ন ভাবটা কেটে গিয়ে দেখি, স্বকাস্ত আমায় ডাকছে। জিজ্ঞাসা করলুম, কি বলছ?

সে ফিসফিস ক'রে বলতে লাগল, দুপুরবেলা যে লোকটা এসেছিল না—

—কোন লোকটা?

—ওই যে, আমাদের খাবার খাইয়ে গেল—

বললুম, হ্যাঁ, কি হয়েছে?

—বলছি, সেই লোকটা দেবদূত নয়, ও লোকটা হ'ল আসলে যমদূত।

আমাদের দুজনকেই খাবার খাইয়ে মেরে দিয়ে চ'লে গেল।

জিজ্ঞাসা করলুম, কেন, তোমার কি হয়েছে?

স্বকাস্ত বললে, সেই থেকে পেটে অসহ্য যন্ত্রণা আর মিনিটে মিনিটে পেট

নামাচ্ছে।—বলতে বলতে স্ফাস্ত “ওরে বাবা, ওরে বাবা” ব’লে চোঁচাতে চোঁচাতে আবার ঘর থেকে ছুটে বেরিয়ে গেল।

আমার পেটের ব্যথা তখন অনেক ক’মে গিয়েছিল। মনে হতে লাগল, জ্বরও যেন ক’মে গিয়েছে। খানিক বাদে স্ফাস্ত ফিরে আসতে তাকে বললুম, একটু সহ ক’রে থাক্, পেটের ব্যথা ক’মে যাবে। আমার পেটের ব্যথা যেন অনেক ক’মে গিয়েছে।

কিন্তু স্ফাস্তর অস্থখ ক্রমে বাড়তে লাগল। ক্রমে তার এমন অবস্থা হ’ল যে, সেই ঘরেতেই কাজ সারতে লাগল। স্ফাস্ত বলতে লাগল, তার পেটের অস্থখ তো প্রায় সেরে গিয়েছিল, সেই লোকটাই কোথা থেকে এসে কি সব থাইয়ে দিয়ে তার এই হাল ক’রে দিয়ে চ’লে গেল।

কিছুক্ষণ এই রকম দাপাদাপি ক’রে স্ফাস্ত যেন এলিয়ে পড়ল। শেষকালে সে আমার পাশে এসে গা ঢেলে দিলে। দু-একবার ডাক দিয়ে দেখলুম, সে ম’রে গেল কি না! স্ফাস্ত বললে, বড্ড ঘুম পেয়েছে।

দুজনে পাশাপাশি শুয়ে আছি। স্ফাস্তর লাফালাফি দাপাদাপিতে আমার ঘুম ছুটে গিয়েছে। পেটের যন্ত্রণাটাও যেন ক্রমে মন্দীভূত হয়ে আসতে লাগল। মাঝে মাঝে হাত বাড়িয়ে স্ফাস্তকে ছুঁয়ে দেখি, তার শরীর ঠাণ্ডা হয়ে গেছে কি না! বাড়ির মধ্যে খুট-খাট দুম-দাম অনেকরকম সন্দেহজনক শব্দ হয় আর ভয়ে শিউরে উঠি। একবার মনে হয়, স্ফাস্ত যদি ম’রে গিয়ে থাকে, তবে কি হবে? মনে হতেই তাকে ধাক্কা দিয়ে দিয়ে তখুনি জাগাই। সে একবার অতি ক্ষীণ একটু শব্দ ক’রে আবার পাশ ফিরে শোয়। এমনি করতে করতে আমিও আবার ঘুমিয়ে পড়লুম।

কতক্ষণ শুয়ে ছিলুম জানি না, একবার একটা বিকট চীৎকার শুনে ঘুমটা ভেঙে গেল। মনে হ’ল, একটা লোক সেই বাড়ির সামনে দাঁড়িয়ে গলা ছেড়ে চীৎকার ক’রে কি বলছে। লোকটা মারাগী ভাষায় বললেও ভাবে বুঝতে

পারলুম যে সে বলছে—ধর্মশালায় যদি কেউ থাক তা হ'লে নেমে এস।
স্বকাস্তকে ধাক্কা দিতে গিয়ে দেখলুম, সেও জেগে গেছে।

লোকটা খানিকক্ষণ সেই রকম ঘাঁড়ের মতন বিকট চীংকার ক'রে চুপ করলে। আমি স্বকাস্তকে বললুম, কিছু দরকার নেই ওর কথায় জবাব দেবার।
চুপ ক'রে প'ড়ে থাকা যাক। সে যে পুলিশের লোক তা তার হাঁক-ডাকেই বোঝা গিয়েছিল। আমরা ঠিক করলুম, তার যদি প্রয়োজন থাকে তো সে এখানে আসুক, আমরা যাব না।

অনেকক্ষণ আর কোন সাড়াশব্দ না পেয়ে আমরা নিশ্চিন্ত হয়ে ঘুমের
সাধনায় মন দিলুম। কিন্তু নিশ্চিন্ত হবার উপায় কি! একটু পরেই আবার
সেই রকম হাঁক-ডাক শুনতে পাওয়া গেল এবং সঙ্গে সঙ্গে সিঁড়ি দিয়ে খুব
ভারী পদক্ষেপে লোহা-বঁধানো জুতো প'বে কে যেন ওপরে উঠে আসতে
লাগল। আমি স্বকাস্তকে বললুম, মটকা মেরে প'ড়ে থাকা যাক, হাজার
চেষ্টামেচি করলেও গুঠা নয়।

লোকটা সেই রকম হৈ-হৈ করতে করতে সিঁড়ি দিয়ে ওপরে উঠল।
তারপব এ-ঘর ও-ঘর করতে করতে আমাদের ঘরে এসে সেই রকম চীংকার
ক'রে তার বৃষচক্ষু লগ্নন দিয়ে চারিদিকে কি খুঁজতে আরম্ভ করলে। আমরা
প'ড়ে প'ড়ে দেখতে লাগলুম। চক্রাকার এক টুকরো আলো এ-কোণ ও-কোণ
এদিক সেদিক ঘুরে ঘুরে শেষকালে আমাদের ওপরে এসে স্থির হ'ল।

আমাদের দেখে লোকটা আরও ভীষণ চীংকার ক'রে সেইখানে দাঁড়িয়েই
কি সব বলতে লাগল; কিন্তু আমরা কোন সাড়া না দিয়ে তখনও মটকা মেরে
প'ড়ে রইলুম। তখন লোকটা ঘরের মধ্যে ঢুকে প্রায় আমাদের কাছে এসে
চেষ্টায়ে চেষ্টায়ে কি সব বলতে লাগল। স্বকাস্ত আর চুপ ক'রে থাকতে না
পেরে উঠে প'ড়ে বললে, কেয়া হায়?

লোকটা একটু ভড়কে গিয়ে জিজ্ঞাসা করলে, তুম্ কাঁহাকা আদমী হায়?

স্বকাস্ত বললে, আমরা কলকাতার লোক।

—কিন্তু এখানে বাইরের কোন লোক আসবার ছকুম নেই।

স্বকান্ত আবার বললে, আমরা বাইরের লোক নই, আমরা এই ভারতবর্ষেরই লোক।

লোকটা বোধ হয় বুঝতে পারল যে, এদের সঙ্গে তর্ক ক'রে কিছু হবে না, তখন সে অন্য উপায় অবলম্বন করলে। সে বললে, তোমাদের থানায় যেতে হবে।

স্বকান্ত বললে, বেশ, যাওয়া যাবে। কাল সকালে যাব থানায়।

—এখুনি যেতে হবে।

—এখুনি যেতে পারব না।

—কেন পারবে না?

—আমার এই বন্ধুর জর হয়েছে, এ এখন উঠতে পারবে না।

জর হয়েছে শুনে লোকটা টপ ক'রে তিন-চাব পা পেছনে ম'রে গিয়ে বললে, জব হয়েছে! কখন থেকে জর হয়েছে?

—আজ সকাল থেকে জর হয়েছে?

পুলিস-কন্টেবল আরও কয়েক পা পেছনে ছটকে গিয়ে চৌচাতে লাগল, আরে, ওর তো নির্ঘাত পেলেগ হয়েছে, এবার এদিকে খুব পেলেগ হচ্ছে, ও মরলে পরে মূর্দা ফেলবে কে? ও তো কালই মরবে।

স্বকান্ত বললে, সে মরলে দেখা যাবে।

লোকটা বললে, তা হ'লে তুমি একাই থানায় চল। সেখানে গিয়ে ওর যা ব্যবস্থা হয় করা যাবে।

স্বকান্ত বললে, ওকে ছেড়ে আমি এই রাতে কোথাও যাব না। কাল সকালে যা হয় তখন দেখা যাবে।

স্বকান্তর সঙ্গে লোকটা চৌচামেচি করতে লাগল। আমি প'ড়ে প'ড়ে ভাবতে লাগলুম, প্লেগ হয়েছে কি রে বাবা! কালই মরতে হবে!

ওদিকে লোকটা স্বকান্তকে মারতে উত্তত হয়েছে দেখে আমি টপ ক'রে উঠে ব'সেই জিজ্ঞাসা করলুম, কি হয়েছে? তুমি অত চৌচাচ্ছ কেন?

মুম্বু প্রেগ-রুগীকে ওই রকম ঝাঁকি মেঝে উঠতে দেখে লোকটা স্পর্শের ভয়ে একেবারে ঘরের বাইরে গিয়ে সেই বুধচক্ষু লঠনটা আমার মুখের ওপর ধরলে। আমি আবার জিজ্ঞাসা করলুম, কি চাই তোমার? রাত-দুপুরে এসে কেন হাদ্যামা লাগিয়েছ?

সে বললে, তোমাদের থানায় যেতে হবে।

এবারের ভাষা এবং ভঙ্গী অনেক নরম। জিজ্ঞাসা করলুম, কেন থানায় যেতে হবে? আমরা কি চোর, না, ডাকাত?

লোকটা খুবই নরম হয়ে বললে, না না, তা নয়, থানার অফিসার তোমাদের ডাকছেন।

চল্ স্বকান্ত।—ব'লে তার হাত ধ'রে টেনে তুলে সেই লোকটাকে বললুম, চল, তোমার থানায় যাই।

লোকটার সঙ্গে সেই রাত্রে ধর্মশালা ছেড়ে রাস্তায় বেরিয়ে পড়লুম। স্টেশন-সংলগ্ন জায়গা ব'লে সেখানটা বেশ আলো। স্টেশনের পাশেই রেল-পুলিশের থানা। লোকটা আমাদের সেই থানার মধ্যে নিয়ে গেল।

সেখানে একটা ঘরের মধ্যে খুব উজ্জ্বল আলো জ্বলছিল। এখানে ওখানে দু-তিন জন লোক চেয়ারে ব'সে কাজ করছে দেখলুম। পুলিশ-কন্সটেবল এদেরই মধ্যে একজন মুকুন্দি-গোছের লোকের কাছে আমাদের নিয়ে গিয়ে অনেকক্ষণ ধ'রে “ইক্‌ড়ে-তিক্‌ড়ে” ক'রে কি সব বললে। তার বলা শেষ হয়ে গেলে কর্মচারীটি আমাদের ইংরেজীতে জিজ্ঞাসা করলেন, তোমাদের বাড়ি কোথায়?

বললুম, আমাদের বাড়ি কলকাতায়।

—এখানে কি সিধে কলকাতা থেকে আসছেন?

—না, আমরা হুয়াট থেকে আসছি।

লোকটির কথাবার্তা বেশ নম্র এবং ভদ্র—ঠিক পুলিশজেনোচিত নয়। একটু পরে জিজ্ঞাসা করলেন, হুয়াটে আপনারা কি করেন, জিজ্ঞাসা করতে পারি কি?

বললুম, স্মরাটে আমরা কিছুই করি না, সেখানে আমাদের বন্ধু আছেন—
তিনি ব্যবসা করেন, আমরা সেখানে এসেছি কর্মের সন্ধানে।

—কি কর্ম?

—কোন চাকরি-বাকরি।

—তবে নোভাসারিতে এসেছেন কেন?

—ওই একই উদ্দেশ্যে।

এবার লোকটি বললেন, আপনারা বসুন।

আমরা বসতেই ভদ্রলোক বললেন, দেখুন, এই জায়গাটি হচ্ছে গাইকোয়াডের রাজত্ব। এখানে বাইরের লোক এলে তার ওপর নজর রাখা হয়। আমি আপনাদের ভালর জগ্গেই বলছি—আপনারা এখান থেকে এখনি চলে যান, নচেৎ নানারকম ক্যাসাদে পড়বেন। আপনারা ছেলেমানুষ এবং এখানে কেউ চেনে না। হয়তো এমন বিপদে পড়বেন যে, ফাটক পর্যন্ত হয়ে যেতে পারে। তা ছাড়া কিছুদিন থেকে এখানে খুব প্লেগ হচ্ছে, সেদিক দিয়েও বিশেষ ভয় আছে।

লোকটির কথা আমাদের যুক্তিযুক্ত মনে হ'ল। কিন্তু আমরা যাব কোথায় আর কি ক'রেই বা যাব?—এই সব চিন্তা করছি, এমন সময় ভদ্রলোক বললেন, কি ঠিক করলেন?

বললুম, দেখুন, আপনার উপদেশ খুবই সমীচীন ব'লে মনে হচ্ছে। কিন্তু আমাদের কাছে তো কিছুই নেই—রেল-ভাড়া দেব এমন পয়সাও আমাদের কাছে নেই।

ভদ্রলোক বললেন, কিছুই নেই?

—আনা দুই আছে।

তিনি সেই দু'আনা আমাদের কাছ থেকে চেয়ে নিলেন। সেখান থেকে স্মরাটের ভাড়া বোধ হয় তখন জনপ্রতি সাত আনা ছিল। বাকি পয়সা

থানার ক্যাশ থেকে বার ক'রে থানার একজন লোককে দিয়ে বললেন, সুরাটের দুখানা টিকিট কেটে এদের চড়িয়ে দিয়ে এস।

আমাদের দিকে তাকিয়ে বললেন, কিছু মনে করবেন না। এতে আপনাদের ও আমাদের দু পক্ষেরই ভাল হবে। দুটো ক'মিনিটে একটা গাড়ি আছে। এতেই আপনারা ফিরে যান।

লোকটির সঙ্গে আমরা স্টেশনে ফিরে এলুম। একটু পরেই একখানা সুরাটযাত্রী গাড়ি এল। তারই তৃতীয় শ্রেণীর একখানা কামরায় আমাদের তুলে দিয়ে, গাড়ি যখন বেণ চলতে আরম্ভ করেছে সেই সময় সন্দের লোকটি টিকিট দুখানা আমাদের হাতে দিয়ে দিলে।

আমরা এতই অবাক্তিত যে, পুলিশ গাঁটের পয়সা খরচ ক'রে সেখান থেকে ভাগিয়ে দিলে! নলরাজার হাত থেকে পোড়া শোলমাছ পালিয়ে গিয়েছিল। নলের নাক কাটতে গিয়ে কলি পোড়া-শোলেরও প্রাণ ফিরিয়ে দিয়েছিল। শোলের ভাগ্যে কলির কোপ পড়েছিল নলেও ওপর। পুরাণের কাহিনীর মধ্যে নলের কাহিনীটি একটি আশ্চর্য কাহিনী। কিন্তু আমাদের কাহিনীটি ছিল অত্যশ্চর্য কাহিনী। পুলিশ যে কেন গাঁটেব পয়সা খরচ ক'বে আমাদের নোভাসারি থেকে সরিয়ে দিলে, নিজের নাক বাঁচাবার জন্তে, না, পরের নাক কাটবার জন্তে—সে ইতিবৃত্ত আজও অপরিজ্ঞাত হয়ে আছে।

এর সঙ্গে আর একদিনের কথা মনে পড়ছে। তখন আমি বোম্বাই শহরে বাস করি। এই নোভাসারির একটি বিশিষ্ট পাশী পরিবারের দ্বারা নিমন্ত্রিত হয়ে সবাঙ্কবে ও সপরিবারে একবার সেই গাইকোয়াড়ী বাজ্যে গিয়েছিলুম। ভদ্রলোক সেখানে পুলিশ-বিভাগে বড় চাকরি করতেন। সেখানে কয়েকদিনের খাতির-যত্নে আদরে-আপ্যায়নে একেবারে অভিভূত হয়ে পড়েছিলুম। একদিন রাত্রে ডিনারের পর আমরা পুরুষ ক'জন টেবিলে ব'সে খুব গল্প ওড়াচ্ছি, মেয়েরা আমাদের টেবিলের একটু দূরে ব'সে গল্প-গাছা করছিলেন। কি জানি, কার একটা গল্প শুনে পুরুষদের মহলে খুব একটা হাসির হব্বা উঠতেই বাড়ির গিন্নী

যিনি তিনি তাঁদের দল থেকে উঠে এসে আমাদের বললেন, দেখ, তোমাদের এখানে খুব হাসি উড়ছে দেখে আমাদেরও এখানে এসে বসতে ইচ্ছে করছে।

আমরা বললুম, তা দয়া ক'রে এখানে এসে বসুন না।

গিন্নী বললেন, বসতে পারি যদি একটা প্রতিজ্ঞা করেন তা হ'লে।

—কি প্রতিজ্ঞা?

—আমাদের দলে ছোট ছোট কুমারী মেয়েরাও রয়েছে। আপনারা যদি প্রতিজ্ঞা করেন যে, কোন অসভ্য গল্প করবেন না তা হ'লে সকলে বসতে পারি।

মেয়েরা এসে বসবার পর একজন প্রস্তাব করলেন, আচ্ছা, এখানে উপস্থিত প্রত্যেকের জীবনের কোন একটা অদ্ভুত ঘটনার বর্ণনা কর। মেয়েরা ইচ্ছা করলে বলতেও পারে, কিন্তু পুরুষদের প্রত্যেককেই বলতে হবে।

প্রথমেই আমার পালা পড়ল। আমি তো ইনিয়ে-বিনিয়ে অনেকক্ষণ ধ'রে আমাদের নোভাসারির এই অভিজ্ঞতাটির বর্ণনা করলুম। আমার কাহিনী শুনে পুরুষেরা কোন মন্তব্য না ক'রে তাঁদের খালি পাত্র পূর্ণ করার দিকে মন দিলেন। মেয়েদের মন বোধ হয় আমার দুঃখে একটু ভিজ্জিছিল। আমার পাশেই বাড়ির বড় মেয়ে দ্বাবিংশবর্ষীয়া সুন্দরী নাজু ব'সে ছিল। সে বললে, আপনি কাজের জন্তে এত বাড়ি ঘুরলেন, কিন্তু আমাদের বাড়িতে যদি আসতেন তো নিশ্চয় সাহায্য পেতেন।

বললুম, আসবার ইচ্ছে ছিল, কিন্তু আসি নি এই জন্তে যে, কণ্ঠে, তখনও তুমি জন্মাও নি।

হালকা হাসির ফুৎকারে ব্যথার বাষ্প উড়ে গেল।

এখন যা বলছিলুম। সূরাটে এসে যখন পৌছলুম, তখনও প্রায় দু ঘণ্টা বাত্রি আছে। পুলিশের সঙ্গে বকাবকি করার ফলে আমার জর ও পেটের ব্যথা সেরে গিয়েছিল। স্কাকান্তরও পেট নামানো বন্ধ। স্টেশনের কাছেই দিল্লী-দেওয়াজা। গুটিগুটি গিয়ে আবার নিশিকাঠের দরজায় ধাক্কা দেওয়া গেল। কোন কিছু না ক'বে ফিরে আসায় তারা বিরক্তই হ'ল।

নিশিকান্ত তার স্বভাবসিদ্ধ কাটা-কাটা বুলি ছাড়তে লাগল। কিন্তু তখন আর সে সব কথায় কান না দিয়ে শুয়ে পড়া গেল। পরের দিন অনেক বেলাতেই ঘুম ভাঙল।

উঠে দেখি, ওরা কেউ ঘরে নেই। অনেক বেলায় নিশিকান্তরা এসে রান্না-বাগ্না ক'রে নিজেরা খেলে ও আমাদেরও খেতে দিলে। নোভাসারিতে কাল সারাদিন কি করেছি ও কেমন ক'রে পুলিশের অত্যাচারে চলে আসতে হয়েছে, সে কথা সব খুলে তাদের বললুম।

নিশিকান্ত বললে, এখানকার সবচেয়ে বড় ইঞ্জিনিয়ার যে, সে বাঙালী। রোজ সকালে সে অমুক জায়গায় কাজ দেখতে আসে। তোমরা কাল সকালে গিয়ে তাকে ধর—একটা চাকরি-বাকরির জন্তে। সেখানে কোন সাহায্য যদি না পাও তো ওই কাছেই ম্যাজিস্ট্রেট সাহেবের বাড়ি। সোজা চ'লে যাবে তাঁর কাছে। তিনি কোন না কোন উপায় ক'রে দেবেনই।

ওখানকার ম্যাজিস্ট্রেট সাহেব অতিশয় দয়ালু ব'লে আমরাও শুনেছিলুম। কাল সকালে ইঞ্জিনিয়ার কিংবা ম্যাজিস্ট্রেট সাহেবের কাছে যাওয়া যাবে স্থির ক'রে তখনকার মতন তো শুয়ে পড়া গেল। আমাদের সঙ্গে নিশিকান্ত, উপেনদা, জনার্দনও শুয়ে পড়ল। তারপর বিকেল হতে না হতে তারা জনার্দনকে নিয়ে বেরিয়ে পড়ল। এতক্ষণের মধ্যে এক মুহূর্তের জন্তও জনার্দনকে আমরা একলা পেলুম না। স্নান করতে যাবার সময়ও নিশিকান্ত তাকে নিয়ে গেল।

আমরা দুজনে পরামর্শ ক'রে স্থির করেছিলুম যে, এখানে যদি কিছু না হয় তা হ'লে বোম্বাই চ'লে যাব। জনার্দন যদি আমাদের সঙ্গে যায় তো ভালই, নচেৎ গোটা কয়েক টাকা তাকে দিয়ে নিশিকান্ত কিংবা উপেনদার কাছ থেকে চেয়ে নেব। কিন্তু এতক্ষণের মধ্যে তার সঙ্গে নিরিবিলা একটা কথা কইবারও অবকাশ পেলুম না।

অনেক রাতে নিশিকান্তরা ফিরে এসে শুয়ে পড়ল। তারা নিশ্চয় বাইরে

আহারাদি সেয়ে এসেছিল, কারণ রান্না-বাগ্না কিছু করলে না এবং আমরা খেয়েছি কি না তাও জিজ্ঞাসা করলে না।

পরদিন সকালে ঘুম থেকে উঠে মুখ ধুয়ে আমরা যাত্রা করলুম সেই বাঙালী ইঞ্জিনিয়ারের উদ্দেশ্যে। লোককে জিজ্ঞাসা করতে করতে অনেক দূরে সেই একেবারে প্রায় শহরের প্রান্তে এক জায়গায় গিয়ে উপস্থিত হলুম। দেখলুম, রাস্তার ধারেই কতকগুলো বাড়ি তৈরি হচ্ছে। তারই এক প্রান্তে আমাদের এই ইঞ্জিনিয়ার সাহেব দাঁড়িয়ে কয়েকজনের সঙ্গে কথাবার্তা বলছেন।

রাস্তায় আরও কয়েকজন লোক দাঁড়িয়ে ছিল। তাদের জিজ্ঞাসা ক'রে জানতে পারলুম যে, ইনিই সেই ইঞ্জিনিয়ার যার উদ্দেশ্যে আমরা এসেছি। ভদ্রলোক তখন অগ্র লোকের সঙ্গে কথাবার্তা বলতে ব্যস্ত তাই আমরা দূরে দাঁড়িয়ে অপেক্ষা করতে লাগলুম, আশা—একটু ফাঁক পেলেই গিয়ে উপস্থিত হব। কিন্তু তাঁর কাজ আর শেষ হয় না—এক দলের সঙ্গে কথাবার্তা শেষ হ'ল তো আর এক দল এসে গেল।

এই রকম চলেছে, এমন সময় আমাদের ওপর তাঁর দৃষ্টি পড়ল। দেখলুম, অগ্র লোকের সঙ্গে কথাবার্তা বলতে বলতে ঘন ঘন তিনি আমাদের দিকে তাকাচ্ছেন। শেষকালে এক দলের সঙ্গে কথা বলা বন্ধ ক'রে এগিয়ে এসে আমাদের তিনি জিজ্ঞাসা করলেন, কে হে তোমরা, বাঙালী নাকি?

বললুম, আজ্ঞে ই্যা, আমরা বাঙালী।

ইঞ্জিনিয়ার সাহেব চীৎকার ক'রে উঠলেন—পরে দেখেছি যে ওই রকম চীৎকার ক'রে কথা বলাই তাঁর অভ্যাস—বাড়ি কোথায়? কলকাতায় নিশ্চয়।

—আজ্ঞে ই্যা।

—তোমরা সব এই রকম বাড়ি থেকে পালিয়েছ আর সেখানে হৈ-হৈ খুঁতোখুনি চলেছে, তার কিছু খবর রাখ?

কিছু কিছু ক'রে যে না রাখতুম তা নয়। তবে এ ক্ষেত্রে চেপে বাগ্ম্যই সমীচীন বোধ ক'রে তৃষ্ণীস্তাবই অবলম্বন করা গেল।

ইঞ্জিনিয়ার সাহেব আবার হাঁক ছাড়লেন, দেখে শুনে তো মনে হচ্ছে ভালঘরের ছেলে, কিন্তু এমন দুর্মতি কেন হ'ল ? একটু চুপ ক'রে থেকে আবার বললেন, তার পর ? এখানে কি চাই ? এখানে এসেছ কি করতে ?

বললুম, বাইরে বেরিয়েছিলুম কাজকর্ম করব ব'লে। আমেদাবাদে কাপড়ের কলে কাজ শেখবার উদ্দেশ্য ছিল, কিন্তু তারা নিলে না। আপনার কাছে এসেছি যদি একটা কাজকর্ম দেন—কুলিগিরিও করতে আমরা রাজী আছি। একটা কাজকর্ম পেলে তবে প্রাণরক্ষা হয়। বিদেশে বড় কষ্টে পড়েছি—আপনি বাঙালী, তাই আপনার কাছে এসেছি।

আমাদের কাতর প্রার্থনায় ভদ্রলোকের মন গলল না। এক মুহূর্ত চিন্তা না ক'রে তিনি ব'লে দিলেন, এখানে কিছু হবে না। আমি কিছু করতে পারব না।

বাস্, হয়ে গেল। ইঞ্জিনিয়ার সাহেবের চাঁৎকার শুনে তাঁর যত কর্মচারী সেখানে ছিল, সব এসে সেখানে দাঁড়িয়ে গেল। রাহী লোকও কেউ কেউ দাঁড়াল। তিনি আরও কিছু উপদেশ দিয়ে আবার স্বস্থানে ফিরে গেলেন। আমরাও আন্তে আন্তে ম'রে পড়লুম।

কিছুদূর গিয়ে সুকান্ত বললে, চল্, এখান থেকেই স্টেশনে গিয়ে বোম্বাইয়াট্রা ট্রেন ধরা যাক। বোম্বাইয়ের কেরামতিটা দেখে ওইখানেই শেবকালে সমুদ্রে ঝাঁপ দেওয়া যাবে।

সুকান্তকে বললুম, আরও একটা জায়গা এখনও দেখতে বাকি আছে। ওই সামনেই ম্যাজিস্ট্রেট সাহেবের বাড়ি দেখা যাচ্ছে। চল্, একবার ওখানকার কৃত্যটা শেষ ক'রে আসি। পেছুটান রেখে যাওয়াটা কিছু নয়।

সামনেই ম্যাজিস্ট্রেট সাহেবের পাথরের বাড়িটা দেখা যাচ্ছিল, প্রকাণ্ড গেট দুটো খোলা—যেন উচ্চহাস্তে আমাদের ব্যঙ্গ করছে। তবুও আমরা যুগলে অগ্রসর হলুম। গেটের কাছে গিয়ে দেখা গেল, দরওয়ান ইত্যাদি কিছুই নেই।

আমরা ভেতরে ঢুকে গেলুম। খাঁ-খাঁ কবড়ে গোটা বাড়িটা—কেউ কোথাও নেই। কি ক'রে ম্যাজিস্ট্রেট সাহেবের দেবা পাওয়া যাবে তাই ভাবছি

ও একটু একটু করে সেই প্রাসাদের গভীরে প্রবেশ করছি, এমন সময় দীর্ঘ সোপানশ্রেণী চোখে পড়ায় আন্তে আন্তে সেদিকে অগ্রসর হতে লাগলুম। তখনও লোকজন চোখে পড়ল না।

সিঁড়ি দিয়ে কয়েক ধাপ উঠেই দেখলুম যে, সিঁড়িটা গিয়ে পৌছেছে একেবারে বড় একটা সাজানো ড্রয়িং-রুমের মধ্যে। আমরা রাস্তার ভিথিবী— একেবারে ম্যাজিস্ট্রেট সাহেবের ড্রয়িং-রুমে গিয়ে পৌছব, সাহায্যের বদলে জেল হয়ে যেতে পারে ভেবে সেইখানেই দাঁড়ানো গেল। কিন্তু ভেবে দেখলুম, জেল যদি হয় তা হ'লেও তো কিছুকালের জন্তে নিশ্চিন্ত—কুছ পরোয়া নেই মন! উঠে পড়।

গুটিগুটি সিঁড়ি ভেঙে একেবারে গিয়ে উঠলুম সেই ড্রয়িং-রুমে।

ঘরের মধ্যে—সিঁড়ি দিয়ে উঠেই বললে হয়—একজন লম্বা একটা ঈজি-চেয়ারে শুয়ে কি পড়ছিলেন। আমবা উঠে ঘরের মধ্যে গিয়ে দাঁড়াবার পর বেশ কয়েক সেকেণ্ড পরে মুখ থেকে বইখানা সরিয়ে বিড়মাত্র আশ্চর্য না হয়ে জিজ্ঞাসা করলেন, কি চাই?

কি বলব ইতস্তত করছি—ইতিমধ্যে তিনি চেয়ার থেকে পিঠ তুলে পা দুটো নামিয়ে সোজা হয়ে বসলেন। বতদূর মনে হচ্ছে, ভদ্রলোকের বয়স তখন চল্লিশ পাব হয়ে গিয়েছে, তাঁর মাথার চুল কম হ'লেও লম্বা, কেশবিরল লম্বা দাড়ি, রোগা লম্বা একহারা চেহারা, একটা ঢোলা পাজামা ও বাংলা পাজাবির মত ঢোলা-হাতা একটা জামা—পাজামা ও জামা দুটোই আধময়লা। বুঝতে পারলুম, ইনিই ম্যাজিস্ট্রেট সাহেব।

বললুম, মশাই, আমরা বাঙালী। দেশ থেকে বেরিয়েছিলুম নিজেদের পায়ে নিজেরা দাঁড়াব ব'লে; কিন্তু কিছু না করতে পেরে অত্যন্ত দুর্দশাগ্রস্ত হয়েছি। ইচ্ছে ছিল, আমেদাবাদে কাপড়ের কলে কাজ শিখব, কিন্তু সেখানে ঢুকতে পারলুম না। আশা আছে, বোম্বাই শহরে যদি যেতে পারি হয়তো

সেখানকার মিলে ঢুকতে পারব। কিন্তু আমাদের কাছে একটি পয়সাও নেই—
আপনার কাছে এসেছি যদি কিছু সাহায্য পাই।

আমাদের কথা শেষ হওয়া মাত্র ভদ্রলোক তড়াক করে উঠে ঘর থেকে
বেরিয়ে গেলেন। আমরা ভাবতে লাগলুম, কি রকম হ'ল? এখান থেকে
এখন বোধ হয় স'রে পড়াই উচিত।

এই রকম ভাবছি, বোধ হয় মিনিট পাঁচেক গেছে, এমন সময় তিনি কবুকে
দুখানা দশ টাকার নোট নিয়ে এসে একখানা আমাকে ও একখানা স্বকাস্তকে
দিয়ে বললেন, যাও, বসে যাও। সেখানে গিয়ে কি করতে পারলে তা যদি
আমাকে জানাও তো খুশি হব।

কি ব্যাপার! আমাদের সব হিসাব ধুয়ে মুছে দিয়ে এ কি ঘটল! উদগত
অশ্রুতে কণ্ঠ রুদ্ধ হয়ে এল—কৃতজ্ঞতা ভাষায় আর প্রকাশ করতে পারলুম না।
ভদ্রলোক আবার বললেন, মনে হচ্ছে তোমরা অত্যন্ত ক্লান্ত, আমার এখানে
থেকে যদি তোমাদের আপত্তি না থাকে তো খেয়ে গেলে আমি খুশি হব।

বললুম, খেতে আমাদের কোন আপত্তি নেই।

ভদ্রলোক আবার লম্বা লম্বা পা ফেলে ঘর থেকে বেরিয়ে গেলেন।
এবার প্রায় দশ মিনিট বাদে ফিরে এলেন, তাঁর পেছনে একটি লোক—তার
দু হাতে দুখানা থালা। লোকটা থালা দুটো নিয়ে এসে একটা টেবিলের ওপর
রাখলে। ম্যাজিস্ট্রেট সাহেব আমাদের বললেন, যাও, ওখানে ব'সে খাও।

আমরা গিয়ে ব'সে পড়লুম। থালার ওপরে দুখানা ক'রে ঘি-মাখানো ছোট
ছোট হাতে-গড়া রুটি আর থালার কোণে একটু তরকারি। আমেদাবাদ ত্যাগ
ক'রে অনেক দিন স্তব্ধ খাই নি। আমরা তো মিনিট খানেকের মধ্যেই দুখানা
ক'রে রুটি চট্ ক'রে মেরে দিলুম। একটু বাদেই লোকটা আবার চারখানা রুটি
এনে দিলে। ম্যাজিস্ট্রেট সাহেব আমাদের সামনেই ব'সে ছিলেন—তিনি নিজেই
উঠে গিয়ে কোথা থেকে দুটো কাচের গেলাস ও এক জগ জল নিয়ে এসে
আমাদের দুজনের সামনে দুটো গেলাস রেখে তাতে জল ভ'রে দিলেন।

ইতিমধ্যে তাঁর লোক এসে খানকয়েক ক'রে কুটি দিয়ে গেল। আমাদের পাতের তরকারি দুরিয়ে যাওয়ায় আমরা শুধু কুটি খেতে আরম্ভ করেছি দেখে তিনি টেবিলের ওপর থেকে একটা জ্যামের টিন নিয়ে ছুরি দিয়ে আমাদের দুজনের পাতের রাশীকৃত ক'রে জ্যাম ঢেলে দিলেন।

খাওয়া শেষ হয়ে যাবার পর সেই লোকটা এসে আমাদের নিয়ে গিয়ে হাতে জল ঢেলে দিলে। হাত-মুখ ধুয়ে এসে দেখি, ম্যাজিস্ট্রেট সাহেব সেই ট্রেজি-চেয়ারে শুয়ে আবার পাঠে মন দিয়েছেন। কাছে গিয়ে পাঁড়াতেই তিনি মুখ থেকে বইখানা সরিয়ে হাঙ্গমুখে বললেন, এবার তোমরা যাবে?

যাবার আগে কৃতজ্ঞতা জানাবার ভণিতা করব, এমন সময় সিঁড়িতে ধপ্‌ধপ্‌ ক'রে আমাদের সেই পূর্ব-বাণত ইঞ্জিনিয়ারের আবির্ভাব হ'ল। আমাদের দেখে ভদ্রলোক সেইখান থেকে একরকম ছুটে বাকি সিঁড়িগুলো পেরিয়ে এসে চীংকার ক'রে বলতে আরম্ভ ক'রে দিলেন, এই যুবকেরা বাড়ি থেকে পালিয়ে এসেছে। কলকাতায় এদের বাড়ি। আমার কাছে প্রতিদিন সেখান থেকে সংবাদপত্র আসে। এরা পালাবার পর সেখানে হৈ-হৈ ব্যাপার চলেছে, এমন কি খুন-খারাপি পৃথক বাদ যায় নি—আর এখানে এরা দিবা মরাসে আছে।

ইঞ্জিনিয়ার সাহেব কিঞ্চিৎ স্থলকায় ছিলেন। একসঙ্গে এতগুলো কথা ব'লে হাঁপাতে লাগলেন। ম্যাজিস্ট্রেট সাহেব অহাস্ত ধীরভাবে তাঁর কথার জবাবে বললেন, কিন্তু সেখানকার হাঙ্গামার জগে এদের কি ভাবে দায়ী করতে পারেন? একটু চুপ ক'রে থেকে তিনি আবার বললেন, এরা নিজের পায়ে পাঁড়াবে ব'লে বাড়ি থেকে বেরিয়ে পড়েছে।

ইঞ্জিনিয়ার সাহেব দমবার পাত্র নন। তিনি আবার সেই রকম চীংকার ক'রে বললেন, তা ব'লে বাপ-মাকে কাঁদিয়ে বাড়ি থেকে লম্বা দেবে? জানেন, এরা সব ভাল ঘরের ছেলে?

ম্যাজিস্ট্রেট সাহেব বললেন, সেই জগেই তো এদের সাহায্য করা উচিত।

এরা বোম্বাই গিয়ে সেখানকার কাপড়ের কলে কাজ শিখতে চায়। পরে ওদের দেশে যখন কাপড়ের কল হবে, তখন সেখানে যোগ দিতে পারবে।

—শোনেন কেন ওদের কথা! এই সব ছেলে মন দিয়ে কাজ শিখবে?

—আহা, ও-বেচারীদের একটা স্বযোগ দেবার আগেই ও-কথা বলছেন কেন? আপনার কোনও কাপড়ের কলের মালিকের সঙ্গে পরিচয় আছে?

—আমার তিন-চারটে কাপড়ের কলের ভিরেক্টরদের সঙ্গে বিশেষ পরিচয় আছে, কিন্তু তাদের না লিখলে তো কিছু বলতে পারছি না।

—তা হ'লে আপনি তাদের লিখুন।

—তাতে তো কয়েক দিন সময় যাবে। আপনি কি ওদের কিছু টাকাকড়ি দিয়েছেন নাকি?

—হ্যাঁ, দিয়েছি।

—কই, টাকা আমাকে দাও।—ব'লে তিনি আমাদের দিকে তাকালেন।

আমরা নোট ছুখানা তাঁর হাতে দিয়ে দিলুম। তিনি ম্যাজিস্ট্রেট সাহেবের হাতে টাকাগুলো ফিরিয়ে দিয়ে বললেন, এখন ওদের হাতে টাকা দিয়ে কোনও লাভ নেই। আমি তাদের চিঠি লিখে আগে সব ঠিক করি। তারপর তিনি আমাদের দিকে ফিরে জিজ্ঞাসা করলেন, কোথায় থাক তোমরা?

ইতিপূর্বে ম্যাজিস্ট্রেট সাহেবকে বলেছিলুম, আমাদের থাকবার কোন আশ্রয় নেই, পথে পথে ঘুরে বেড়াই। আমাদের হয়ে তিনিই আগে জবাব দিয়ে দিলেন, ওদের থাকবার কোন আশ্রয় নেই। এই ক'দিনের ভেত্রে আমাদেরই ব্যবস্থা করতে হবে।

ইঞ্জিনিয়ার সাহেব ফাঁপরে পড়ে গেলেন। একটু ভেবে আমাদের বললেন, আচ্ছা, দেখি, কি করতে পারি! আপনারা বসুন।

আমরা যেখানে বসে থেয়েছিলুম, সেই চেয়ারে গিয়ে বসলুম। ম্যাজিস্ট্রেট সাহেব ঈজি চেয়ার থেকে উঠে একটা লেখার টেবিলের সামনে গিয়ে বসে

কাকে চিঠি লিখলেন। তারপরে একজন চাকর ডেকে তাকে কি সব বলে চিঠিখানা দিয়ে আবার ঈজি-চেয়ারে গিয়ে বসলেন।

আমরা এদিকে ব'সে রইলুম, ওদিকে ইঞ্জিনিয়ার সাহেব সশব্দে আলাপচারী করতে লাগলেন। চা এল, তিনি চা খেলেন। আমরা ব'সে আছি তো ব'সেই আছি। আবার ভাগ্য কোথায় নিয়ে যায় তাই ভাবছি। নিজেদের মধ্যে বলাবলি করছি যে, কোন কলে ঢুকতে পারি তো ভালই হয়। আমাদের দিন চলবার জন্তে নিশ্চয়ই তারা একটা মাসোহারা দেবে।

ঘরের মধ্যে একটা বড় ঘড়ি প্রতি আধ ঘণ্টায় একবার ক'বে চমকে দিয়ে যাচ্ছে। আমাদের কোন তাড়া নেই; ছ দিন এক রকম অনাহারে থেকে আজ পেটে যা পুরেছি তাতে অস্বস্তি ছ দিনও চলবে—এই রকম সব চিন্তা মনের মধ্যে লাফালাফি করছে, এমন সময় ঘরের মধ্যে আনন্দের তুফান তুলে একটি ভদ্রলোক ঢুকলেন।

যিনি ঢুকলেন, রেগা লধা তাঁব চেহারা, পেণ্টুলান ও গলাবন্ধ কোট পরা। রঙ একেবারে ইউরোপীয়দের মত বললেই হয়, মাথায় গোল টুপি, বপালে চন্দনের সঙ্গে কালো মতন কি একটা মিলিয়ে তারই ফোঁটা কাটা। তাঁকে দেখলে সেদিকে থেকে চোখ ফেরানো যাব না, মনে হয় যেন পানিকটা ছোঁতি কোথা থেকে ঠিকরে এল। মি'ডি দিয়ে উঠেই তিনি হো হো ক'রে হেসে উঠলেন। ম্যাজিস্ট্রেট সাহেব উঠে তাকে ঈজি চেয়ারে বসতে অনুরোধ করলেন। তিনি কিছুতেই এমন বেয়াদবি করেন না, ম্যাজিস্ট্রেট সাহেবও ছাড়বেন না। শেষকালে ইঞ্জিনিয়ার সাহেব উঠে এক দিক থেকে একটা চেয়ার তুলে নিয়ে গেলেন। আবার একটা হাসাহাসি পড়ল।

যা হোক, সকলে উপবেশন করার পর তাঁরা কথাবার্তা শুরু করলেন। কথাবার্তার মধ্যে মধ্যে এই নবাগত ভদ্রলোকটি এক-একবার ফিবে ফিবে আমাদের দিকে তাকাতে লাগলেন, কখনও হাস্যমুখে, কখনও গম্ভীর হয়ে। বেশ বুঝতে পারলুম, আমাদেরই কথা হচ্ছে। কথাবার্তার মধ্যেও মাঝে

মাঝে উচ্চহাস্ত হতে লাগল। এই রকম কথাবার্তা ও হাসাহাসি হতে হতে তাঁরা তিনজনই হঠাৎ দাঁড়িয়ে উঠলেন। এই সময় ইঞ্জিনিয়ার সাহেব আমাদের ডাক দিলেন, ওহে ছোকরারা, এদিকে এস।

আমরা তটস্থ হয়ে উঠে সেখানে যেতেই তিনি সেই রকম চীৎকার ক'রে বলতে লাগলেন, তোমরা এখন আমাদের এই পণ্ডিতজীর বাড়িতে গিয়ে থাক। ও-দিকে মিলের মালিকদের চিঠি লেখা হচ্ছে, সেখান থেকে খবর এলেই তোমাদের পাঠিয়ে দেওয়া যাবে। দেখো, যেন পণ্ডিতজীকে জ্বালিয়ে আর বাঙালীর বদনাম ক'রো না, যা সব গুণধর ছেলে—তোমাদের দ্বারা সব সম্ভব।

আমরা পণ্ডিতজীকে ঘাড় নীচু ক'রে নমস্কার করতেই তিনি সশ্রিতমুখে আমার পিঠে হাত দিয়ে ইংরিজীতে বললেন, চল।

আমরা অগ্রসর হতেই ম্যাজিস্ট্রেট সাহেব এগিয়ে এসে বললেন, আমি আশা করি, পণ্ডিতজীর পরিবারের মধ্যে তোমাদের কোন বষ্ট হবে না। তোমরা ভবিষ্যতে উন্নতি করলে আমি খুশিই হব, আমার কথা ভুলো না যেন।

আবার তাঁদের মধ্যে একটা হাসাহাসি পড়ে গেল। ম্যাজিস্ট্রেট সাহেব আরও বললেন, যতদিন এখানে আছ মাঝে মাঝে আমার সঙ্গে দেখা করতে পার। বিকেলবেলা আমার কাজ থাকে না—

ম্যাজিস্ট্রেট সাহেব আরও কিছু বলতে যাচ্ছিলেন, কিন্তু পণ্ডিতজী আমার একটা বাছ আকর্ষণ ক'রে ম্যাজিস্ট্রেট সাহেবকে বললেন, আচ্ছা, আমরা তা হ'লে এখন যাই। আমাদের আবার একবার আপিসে যেতে হবে। আপনি ডাক দেওয়ায় কিছু কাজ ফেলেই আসতে হয়েছে।

এই অবধি ব'লেই আবার সেই রকম হো-হো ক'রে হেসে আমাদের একরকম টানতে টানতে ছুড়-দাড় ক'রে সিঁড়ি দিয়ে নেমে গেলেন। আসবার সময় ম্যাজিস্ট্রেট সাহেবকে একটা কৃতজ্ঞতা জানানো তো দূরের কথা, বিদায় নেবারও অবসর পেলুম না। গেটের সামনেই ঘোড়ার গাড়ি দাঁড়িয়ে ছিল। পণ্ডিতজী বললেন, উঠে পড়—চটপট।

আমরা যতটা চটপট সম্ভব গাড়িতে উঠে বসলুম। আমরা গুণ্ডবার পর পণ্ডিতজী গাড়িতে উঠলেন। উঠেই আদেশ দিলেন, চল দক্ষতর।

গাড়ি ছুটল। গাড়িতে উঠেই এক মিনিটের মধ্যেই পণ্ডিতজীর মুখ গম্ভীর হয়ে গেল। এই লোকই যে এক মুহূর্ত আগেই প্রতি কথায় উচ্চ হাস্তে চারিদিক প্রতিক্ষণিত করছিলেন, তা এখন তাঁকে দেখলে বোঝাই যায় না।

আমি ঠিক তাঁর সামনেই বসে ছিলাম। টকটকে গৌরবর্ণ তাঁর মুখমণ্ডল থেকে লাল আভা ফুটে বেরুচ্ছে। চোখের দৃষ্টি যেন ইহলোক ছাড়িয়ে কোন সূদূরে প্রসারিত। কি যেন এক বেদনায় ক্লিষ্ট-মধুর সেই মূর্তি আমার কাছে অপূর্ব বলে মনে হতে লাগল। যে আনন্দময় মূর্তি ম্যাজিক্স্ট্রেট সাহেবের ওখানে দেখেছিলাম, তার ওপরে বিষাদের ছায়া এসে পড়ায় যেন আরও সূন্দর হয়ে উঠল সে মূর্তি—আমি হাঁ করে পণ্ডিতজীর মুখের দিকে চেয়ে রইলাম। অনেক রাস্তা ঘুরে ঘুরে অনেকক্ষণ পরে গাড়ি এসে আপিসের কাছে দাঁড়াতেই পণ্ডিতজী টপ করে নেমে গেলেন।

কিন্তু পণ্ডিতজীর কথা এখন থাক্, আগে ম্যাজিক্স্ট্রেট সাহেবের কথা শেষ করি।

আমরা সূরাটে পৌছবার দু-চার দিন পরেই সেই দেশের একজন লোকের মুখে শুনেছিলাম যে, সেখানকার বর্তমান ম্যাজিক্স্ট্রেট সাহেব অত্যন্ত ভাল লোক। ক্রমেই এর ওর তার কাছ থেকে ম্যাজিক্স্ট্রেট সাহেব সঙ্গক্ষে নানান কিম্বদন্তী শুনতে লাগলুম। শুনলুম যে, সকালবেলা তিনি পকেটে পয়সা ভর্তি করে নিয়ে অনেক দূরে দূরে দরিদ্র পল্লীগুলির মধ্যে বেড়াতে চলে যান। সেখানে গিয়ে বাড়ি বাড়ি ঘুরে লোকের দুঃখ মোচন করবার চেষ্টা করেন—পকেটের সমস্ত টাকা-পয়সা দরিদ্রের মধ্যে ব্যয় করে চলে আসেন। দাতার ধর্ম হচ্ছে—কেউ এসে সাহায্য চাইলে তাকে নিরাশ না করা। কিন্তু ইনি চাইবারও অবকাশ দিতেন না—তেড়ে গিয়ে দুঃখ ও দারিদ্র্যকে আক্রমণ করতেন। এই রকম করাতে মাস শেষ হবার অনেক আগেই তাঁর মাইনের

টাকা ফুরিয়ে যেত এবং অনেক সময়েই নিজের গ্রাসাচ্ছাদনের জন্তে অশ্রদ্ধে কাছে কর্ত্ত পর্যন্ত করতে হ'ত। অনেক সময় অনেক দুস্থ লোক তাঁর কাছে গেলে উপকৃত হবে জেনেও দয়া ক'রে সেখানে যেত না। তাঁর এই স্বভাবের কথা সেখানে সকলেই জানত ব'লে সেখানকার উচ্চপদস্থ কর্মচারী ও তাঁর বন্ধুরা সর্বদাই কড়া নজর রাখতেন, যেন কেউ তাঁদের আগোচরে তাঁর কাছে পৌছে তাঁওতা লাগিয়ে কিছু মেরে নিয়ে না যায়। আমরা পরে শুনেছিলুম যে, সেই বাঙালী ইঞ্জিনিয়ারের কাছ থেকে হতাশ হয়ে ম্যাজিস্ট্রেট সাহেবের বাড়িতে ঢুকেছি, এই সংবাদ পেয়েই ইঞ্জিনিয়ার সাহেব ছুটতে ছুটতে এসেছিলেন—আমাদের কবল থেকে তাঁকে রক্ষা করবার জন্তে।

ম্যাজিস্ট্রেট সাহেবের নাম ছিল মিস্টার গয়ারাম। তাঁর লগ্না চুল দাড়ি দেখে প্রথম দর্শনেই তাঁকে শিখসম্প্রদায়ের লোক ব'লে মনে হয়েছিল, কিন্তু এখন মনে হচ্ছে, শিখের নাম গয়ারাম হওয়া সম্ভব নয়। আমার বিশ্বাস, তিনি বিশেষ কোন ধর্মসম্প্রদায়ভুক্ত ছিলেন না। সংসারে সবচেয়ে বড় ধর্ম হচ্ছে মনুষ্যত্ব—তিনি সেই মনুষ্যত্বে বিশ্বাস করতেন।

জীবনযাত্রার প্রাক্কালে আমরা যে মহাপুরুষের দর্শনলাভ করেছিলুম, আজ জীবন-সম্ভ্রায় বিশেষ ক'রে তাঁকে স্মরণ ক'রে বলি—হে মহাশয়! আজ হতে প্রায় অর্ধ শতাব্দী পূর্বে যে ছুটি দীন ও তুচ্ছ বাঙালী-বালক কস্পিত হৃদয়ে সাহায্যের জন্তে আপনার দ্বারে গিয়ে দাঁড়িয়েছিল, দুঃখে স্নেহে তাদের দিন কেটে গিয়েছে। তাদের মধ্যে একজন মধ্যপথেই বিদায় নিয়েছে, আর একজন পথের শেষে এসে অতিক্রান্ত অতীতের দিকে চেয়ে আপনাকে স্মরণ করছে। সেদিন তাদের জীবনে নেমেছিল ঘোর অন্ধকার, আশ্রয়দাতা হয়েছিল বিষ্ময়, বন্ধুরা নির্দয়ভাবে মুখ ফিরিয়ে নিয়েছিল—সমস্ত সংসার বিকটমূর্তি ধ'রে তাদের সামনে এসে দাঁড়িয়েছিল। হঠাৎ পৃথিবীর সেই বীভৎস মরুদাহে জীবন-লতা যখন শুষ্কপ্রায়, তখন দুর্দিনের সেই দারুণ দিনে, আপনাকে অবলম্বন ক'রে ঈশ্বরের যে করুণাধারা তাদের ওপর বর্ষিত হয়েছিল, সে কথা তারা কোনদিন

ভোলে নি। তাদের চিন্তাকাশে সে স্মৃতি চিরদিন ধ্রুবতারার মতই জলজল করেছে। যতবার তা স্মরণ করেছি, ততবার কৃতজ্ঞতা ও শ্রদ্ধায় নত হয়েছি। আজ বিদায়বেলায় বিশেষ ক'রে তাঁকে প্রণাম জানাচ্ছি।

পণ্ডিতজী নেমে যেতেই কোচোয়ান গাড়ি ঘুরিয়ে একটা গাছের ছায়ায় নিয়ে গিয়ে ঘোড়া খুলে দিলে। আমরা ব'সে আছি তো আছিই—আপিসে কত রকম লোক যাতায়াত করছে দেখছি। একবার দেখলুম, আমাদের সেই বাঙালী ইঞ্জিনিয়ার মশাই পাশ দিয়ে গাড়ি ক'রে চ'লে গেলেন। ব'সে ব'সে ঢুলুনি এসে গেল। তখন দিনে ঘুম এমন সাধা ছিল না, তবুও হুজনে এক ঘুম দিয়ে উঠলুম। কিন্তু তখনও দেখি, কোচোয়ান গাড়ির ছাতে নিশ্চিন্তে ঘুমুচ্ছে আর ঘোড়া দুটো নিশ্চিন্ত মনে ঘাস চিবুচ্ছে, ঘূমের ঝোঁকে দুপুরটাও যেন অনেকখানি গড়িয়ে গেছে।

আরও কিছুক্ষণ এমনি নিশ্চিন্তভাবেই কেটে গেল। থানিকটা সময় পরে সহিস গাড়িতে ঘোড়া জুতলে ও যেখানে পণ্ডিতজীকে নামিয়ে দেওয়া হয়েছিল তারই কাছাকাছি গাড়িখানা আবার এনে রাখলে। তখনও আমরা ব'সে আছি তো ব'সেই আছি। আরও কিছুক্ষণ বাদে পণ্ডিতজী হস্তদন্ত হয়ে এসে গাড়িতে চড়লেন। গাড়িতে উঠেই তিনি সেই আগের মতন হাসতে হাসতে বললেন, তোমাদের অনেকক্ষণ বসিয়ে রেখে কষ্ট দিলুম। তোমাদের পাঠিয়ে দিতে পারতুম, কিন্তু আগে যে পাঠিয়ে দিই নি তাব কারণ বাড়িতে তোমাদের তো কেউ চেনে না। এ অবস্থায় সেখানে গিয়ে অগ্রবিধা হ'ত। খুব কষ্ট হয় নি তো?

বললুম, না, কষ্ট কিসের! দিবিয়া গাড়িতে ব'সে নানা রকমের লোক দেখতে দেখতে সময়টা কেটে গেল।

যা হোক, গাড়ি অনেক রাত্তা ঘুরে ঘুরে একটা বাড়ির দরজায় এসে দাঁড়াল। নদীর খুব কাছেই বাড়িটা। অনেকখানি জমির মধ্যে বাগান, তার চারপাশ

পাথরের দেয়াল দিয়ে ঘেরা, সেই জমির মধ্যে একটা কোণে বাড়ি—অনেকটা ম্যাজিস্ট্রেট সাহেবের বাড়ির মতনই দেখতে।

পণ্ডিতজীর সঙ্গে আমরা দরজার কাছে আসতেই দেখলুম, একটি বারো-তেরো বছরের প্রিয়দর্শন ছেলে সেখানে দাঁড়িয়ে রয়েছে। ছেলেটির চুল-ছাঁটাই, পোশাক ও হালচাল দেখলেই মনে হয় যেন ফিরিঙ্গীর ছেলে। পণ্ডিতজীকে দেখেই সে ছুটে এসে তাঁর হাত ধরলে, তারপর আমাদের দিকে চেয়ে জিজ্ঞাসা করলে, এরা কারা বাবা ?

পণ্ডিতজী হাসতে হাসতে ছেলেকে নিয়ে বাড়ির ভেতরে ঢুকলেন। আমরাও তাঁর পিছু পিছু চললুম।

বাড়ির মধ্যে ঢুকে মনে হ'ল, বেশ বড় বাড়ি—প্রায় ম্যাজিস্ট্রেট সাহেবের মতন বললেই হয়। ওপরে উঠেই একটা বড় হল। সেগানকার আসবাবপত্র সব ইংরেজী কায়দায় সাজানো। শুধু ঘরের মাঝখানে ছাতের সিলিং থেকে একটা কাঠের দোলনা ঝুলছে। সে রকম দোলনা গুজরাটী ও মারাঠীদের বাড়িতেই শুধু দেখতে পাওয়া যায়। আমরা গোয়ালিয়রে অনেক বড়লোকের বাড়িতেও এই রকম দোলনার নানারকম সংস্করণ দেখেছিলুম। কিন্তু এত সুন্দর ও এত কারুকার্যমণ্ডিত দোলনা সেখানেও দেখি নি। এই রকম একটা কাঠের দোলনা একবার জোড়াসাঁকোর ঠাকুরবাড়িতে রবীন্দ্রনাথের ঘরে দেখেছিলুম। শুনেছিলুম, কে যেন সেটা তাঁকে উপহার দিয়েছে।

যাই হোক, আমাদের সেখানে বসতে ব'লে পণ্ডিতজী ছেলের হাত ধ'বে আর এক দিকে চ'লে গেলেন।

আমরা ড্রিং রুমে ব'সে রইলুম। দেশী ও বিলেতী দুই কায়দা মিলিয়ে ড্রিং-রুম সাজানো। দেওয়ালে অনেক ছবি টাঙানো রয়েছে, তার মধ্যে বিলিভী ছবিই বেশি—দু-চারখানা রবি বর্মার ছবিও আছে। এ ছাড়া অনেকগুলি বড় বড় ব্রোমাইড ফোটোও দেখলুম। এই ছবিগুলি সবই ইয়োরোপীয় নরনারীর। আশ্চর্যের বিষয়, এর মধ্যে একখানিও দেশী লোকের

ছবি নেই। আমরা দেওয়ালের কাছে গিয়ে ছবিগুলি দেখছি—এমন সময় পণ্ডিতজী ছেলের হাত ধ’রে একেবারে ভোল ফিরিয়ে এসে উপস্থিত হলেন। খালি গায়ে একখানা রেশমের চাদর জড়ানো, পরনে একখানা ঘরে-কাচা ধুতি, খালি পা। আমাদের কাছে ডেকে নিয়ে সন্নেহে বললেন, তোমাদের সঙ্গে ভাল ক’রে আলাপ করা হয় নি—সে জন্তে আশা করি কিছু মনে করবে না। এতক্ষণে আমার অবসর হ’ল। আমাকে সেই সকাল ন’টার সময় বেরুতে হয় আর বেলা দুটোর আগে আপিসের কাজ শেষ করতে পারি না। এই সময়টা এমন ব্যস্ত থাকতে হয় যে, পাশে কি হচ্ছে দেখবার সময় পাই না। এর মধ্যে আবার মাঝে মাঝে মফস্থলে যেতে হয় তদারকের কাজে। কিন্তু যাক সে সব কথা—

ব’লেই একটু খেমে আবার শুক করলেন, তোমার নাম কি ?

নাম বললুম।

তারপরে স্নকাস্তকে বললেন, তোমার নাম ?

স্নকাস্ত নাম বললে।

পণ্ডিতজী বললেন, আমার নাম অদ্যপ্রসাদ পণ্ডিত। তারপরে, তোমাদের বাড়িতে কে আছেন ?

বললুম, বাড়িতে সবাই আছেন, কিন্তু আমরা চাই নিজের পায়ে দাঁড়াতে, বাড়ির কারুর সাহায্য ব্যতিরেকে।

পণ্ডিতজী সেই রকম ঘর-ফাটানো উচ্চহাস্তে ঘর ফাটিয়ে চারিদিক কাঁপিয়ে তুলে বললেন, বেশ বেশ—ভারি খুশি হলুম তোমাদের সঙ্কল্প শুনে। এই তো চাই। আচ্ছা, আর কোন প্রশ্ন ক’রে তোমাদের বিব্রত করতে চাই না। এখন আমার ছেলে-মেয়েদের সঙ্গে তোমাদের আলাপ করিয়ে দিচ্ছি। এই আমার ছেলে, এর নাম শঙ্করপ্রসাদ পণ্ডিত। এরা পাহাড়ে থাকে ও সেখানকার ইংরেজদের ইস্কুলে পড়ে। এখানে ভাল ইস্কুল নেই, তাই সেখানে দিতে হয়েছে। আসছে বছরে এরা ভাই বোন দুজনেই ইংলণ্ডে যাবে পড়তে। সেখানকার ইস্কুলের সঙ্গে চিঠিপত্র চলছে, আমি গিয়ে ওদের ভর্তি ক’রে দিয়ে আসব।

এই অবধি ব'লে তিনি ছেলেকে জিজ্ঞাসা করলেন, কোথায়, তোমার বোন কোথায় ?

ছেলে তার মাতৃভাষায় কি বললে, বুঝতে পারলুম না। পণ্ডিতজী ডাকতে লাগলেন, দেবী—দেবী—

কিছুক্ষণ ডাকাডাকি করবার পর নিঃশব্দে দরজার কাছে একটি মেয়ে এসে দাঁড়াল। আমার চোখ দুটো এতক্ষণ তৃষ্ণাতুর পাখির মতন কোন কিশোরীর আগমন-প্রতীক্ষায় পথ চেয়ে ছিল, হঠাৎ সেই পথে যে এসে দাঁড়াল, প্রথম দৃষ্টিতে তাকে মনে হ'ল অপূর্ব সুন্দরী—এ দৃশ্য আগে কখনও চোখে পড়ে নি। একবার মনে হ'ল, দেওয়ালে টাঙানো রবি বর্মার কোন ছবি প্রাণ পেয়ে বুঝি চোখের সামনে এসে দাঁড়াল।

দীর্ঘাঙ্গী কিশোরী, ভারতীয় নারীর পক্ষে অসামান্য গৌরী। ভাবতীয়ে পক্ষে ঈষৎ লালবর্ণ, সুবিগ্রহ ঘন কেশ ঘাড় অবধি ঝুলে রয়েছে। সে অপূর্ব লাবণ্যমণ্ডিত তহুলতা দেখলে মুনিজনেরও চিত্তচাঞ্চল্য উপস্থিত হয়। কিশোরী হ'লে কি হবে, তার দেহসৌন্দর্য দেখে অকালেই যৌবন এসে তাকে আক্রমণ করেছে। কালোর ওপরে নানা রঙের বেশমের সূতোর কাজ করা একটি মারাঠী জামা তার গায়ে, আর পরনে একখানা লাল শাড়ি মারাঠী ধরনে অর্থাৎ কাছাকোঁচা দিয়ে পরা। আমি কলকাতা, বেনারস, গোয়ালিয়র ও অজ্ঞাত অনেক জায়গায় ইতিপূর্বে কাছাকোঁচা লাগানো মেয়ে দেখেছি। সত্যি বলতে কি, এই রকম ক'রে শাড়ি পরা আমার চোখে অত্যন্ত অভদ্র ও অসুন্দর মনে হয়েছে। একটি মারাত্মক প্যাঁচ মেয়ে বিধাতা আমার সে ভুল ভেঙে দিলেন। শাড়ি ঘেমন ক'রেই পরা হোক না কেন, ভদ্র অভদ্র সুন্দর অসুন্দর সবই নিভর করে কে পরেছে তার ওপরে। যাই হোক, দিব্যান্ধনা তো এসে দাঁড়ালেন এই পাপচক্ষুর সম্মুখে, কিন্তু তার সমস্ত শরীবোই যেন উড়ি-উড়ি ভাব। হাতে একটা পেন্সিল ছিল সেটা একবার গালে ঠেকিয়েই মারাঠী ভাষায় জিজ্ঞাসা করলে, বাবা, আমায় ডাকছ ?

আমবা যে এই নতুন লোক দুটি বাবার পাশেই বসে রয়েছে, সে দিকে দৃষ্টিমাত্র না দিয়ে সঙ্গে সঙ্গে শব্দরকে কি একটা প্রশ্ন করলে। আমি তো আগে থাকতেই অর্থাৎ দৃষ্টিপথে দেবী উদয় হবার আগেই সে দিকে তাকিয়ে ছিলাম—হঠাৎ আমার দিকে চেয়ে বোধ হয় ওই রকম অসভ্যের মতন তাকিয়ে আছি দেখে তিরস্কারস্বরূপ চোখে একটা ক্রকুটি হেনে অগ্নি দিকে মুখ ফিরিয়ে নিয়ে আবার জিজ্ঞাসা করলে, বাবা, ডাকছ স্নেন, বল ?

পণ্ডিতজী হাস্তমুখে বললেন, ই্যা বাবা, ডাকছিলাম তোমায়। তোমার সেই কলকাতার কথা মনে আছে ? তখন তুমি খুব ছোট, তবুও একেবারে ভুলে যেতে নাও পার কলকাতা শহরের কথা। এদের বাড়ি সেই কলকাতায়। এদের সঙ্গে তোমার ভাব করিয়ে দিই এস। কলকাতায় এখন কত মজার কাণ্ড হচ্ছে—এদের কাছে শোন সেই সব কথা।

দেবী আবার দয়া ক'রে চাইলেন আমাদের ওপর। চোখে আবার সেই ক্রকুটি ফুটে উঠল—এই ছোঁড়াগুলোর সঙ্গে ভাব করবার জগ্রে আমায় ডাকা! বাবা যেন কি।

ভাবপর পবিত্র ইংরেজী হবে ও ভাগ্য বাবাকে বললে, বাবা, আমি এখন ভয়ানক ব্যস্ত আছি। একটা শব্দ অঙ্গ কিছুতেই ঠিক হচ্ছে না, সেটাকে ঠিক না ক'বে কোন দিকে মন দিতে পারছি না।

স্থলিত আঁচলখানা দিয়ে কোনবকমে দেহলতাকে জড়িয়ে নেবার চেষ্টা করতে কবতে যেমন সহসা দেবীর আগমন হয়েছিল, তেমনি বেগে প্রস্থান হ'ল।

মেয়ে চ'লে যেতেই পণ্ডিতজী আবাব সেই বকম হো-হো ক'রে হেসে বললেন, পাগলী! ওকে প্রথমে দেখলে মনে হয়, বোধ হয় খুবই গর্বিতা, কিন্তু মোটেই তা নয়—দু-এক দিনের মধ্যেই বুঝতে পারবে যে, ও অত্যন্ত সরল, তবে একটু খেয়ালী। দেখ না, এখন অঙ্গ মাথায় ঢুকেছে আর কোন দিকেই মন নেই।

একটু পরেই একজন চাকর এসে জানালে যে, খাবার তৈরি। পণ্ডিতজী

শকরের হাত ধ'রে উঠে বললেন, চল, যাওয়া যাক। দেখ, আমি সকালবেলা বেকুবাব সময় ভাল ক'রে খেয়ে খাবার সময় পাই না, সমস্ত দিন বাদে এই একবার খাই—রাত্রে সামান্য একটু খাই—চল, যাওয়া যাক, তোমরাও নিশ্চই ক্ষুধার্ত !

আমি বললুম, আমরা ম্যাজিস্ট্রেট সাহেবের ওখানে ভরপেট খেয়েছি, এখন খাবার কোনও স্পৃহা নেই।

পণ্ডিতজী আবার সেই রকম হেসে বললেন, আরে, ম্যাজিস্ট্রেট সাহেবের ওখানে খেয়েছ তো কি হয়েছে ? আচ্ছা, চল, না খাও তো অন্তত আমাকে সন্তদান করবে।

ড্রিং-রুম থেকে উঠে আমরা অপেক্ষাকৃত ছোট একটা ঘরে গিয়ে উপস্থিত হলুম। দেখেই বোঝা যায়, সেটি খাবার-ঘর। বড় একটা খাবার-টেবিল ঘরের মাঝখানে—তার চারিদিকে চেয়ার সাজানো। দু দিকের দুই দেওয়াল ঘেঁষে দুটো বড় বড় সাইডবোর্ড রয়েছে। তার ওপরে কাচের ডিনার-সেট সাজানো রয়েছে। টেবিলের মাঝখানে বড় সুদৃশ্য কাচের ফুলদানিতে নানা রঙের ফুল সাজানো।

পণ্ডিতজী নিজে ব'সে আমাদের বললেন, ব'স।

আমরা বসলুম। শকর তার বাপের পাশেই একটা চেয়ারে ব'সে কি সব বলতে লাগল। খানসামা এসে আমাদের প্রত্যেকের সামনেই একটা ক'রে কাচের প্লেট রেখে গেল। আমার কিন্তু সেদিকে হুঁশ ছিল না। আমি ভাবছিলুম, মানুষের ভাগ্য কি অদ্ভুত রহস্যে আবৃত ! এই আমি কালই নোভাসারির পথে পথে 'ভিক্ষা দাও' ক'রে ঘুরে বেরিয়েছি—একটা লোকেরও দয়া হয় নি, কেউ সহানুভূতির সঙ্গে একবার জিজ্ঞাসাও করে নি—তোমার বাড়ি কোথায়, কি চাই, কেন তোমার এমন অবস্থা ! গভীর রাত্রে জরের ঘোরে অজ্ঞানপ্রায় হয়ে সেই অন্ধকারে অজানা দেশে প'ড়ে মরছিলুম,— দুর্ভাগ্যের দূত সেখানে এসেও হানা দিতে ছাড়ে নি। আর আজ ভাগ্যলক্ষ্মী এ কি খেলা শুরু করেছেন !

ঠন্ ক'রে আওয়াজ হতে সস্থিৎ ফিরে পেয়ে চেয়ে দেখি, আমার পাতে মোটা গোল একখানা সত্তভাজা পরোটা—যাকে কলকাতায় ঢাকাই পরোটা বলে—প'ড়ে লুটোপুটি খাচ্ছে।

পণ্ডিতজীর দিকে চাইতেই তিনি বললেন, খাও, ম্যাজিস্ট্রেটের বাড়িতে খেয়েছ, ও তো অনেকক্ষণ হয়ে গেছে। ছেলেমানুষ তোমবা, ওটুকু খেলে কোন ক্ষতি হবে না।

খেতে খেতে পণ্ডিতজী গল্প করতে লাগলেন। বললেন, আমি জানি তোমরা আমিষ খাও। নিরামিষ খেতে তোমাদের অস্থবিধা হচ্ছে তো?

বললুম, এ দেশে নিরামিষ খেয়ে খেয়ে আমাদের অভ্যাস হয়ে গেছে।

পণ্ডিতজী বললেন, আমাদের বাড়িতে মাছ-মাংস হয়।

এই কথা বলে তিনি তখুনি খানসামাকে ডেকে বললেন, দেখ, আমাদের এখানে দুজন মেহমান এসেছেন, এঁদের জন্তে মাছ-মাংস কববে। বাংলা দেশের লোক এঁরা।

খানসামা চ'লে যেতেই বললেন, আমি আগে মাছ-মাংস সবই খেতুম। অনেক দিন হ'ল ছেড়ে দিয়েছি। কিন্তু আমাব ছেলেমেয়েরা মাছ-মাংস খায়।

বললুম, আমি কিন্তু জানতুম যে মহারাষ্ট্রীয় ব্রাহ্মণেরা মাছ-মাংস খান না।

পণ্ডিতজী টপ ক'বে বললেন, আমরা তো মহারাষ্ট্রীয় ব্রাহ্মণ নই। আমাদের দেশ হচ্ছে সেই যোধপুর ও পাঞ্জাবের সীমান্তে। আমাদের কোন পূর্বপুরুষ ইংরেজেরা আসবার অনেক আগে সে দেশ কোন কারণে ছেড়ে এখানে এসে বসবাস আরম্ভ করেছিলেন। মূলত আমরা গৌড়-সারস্বত ব্রাহ্মণ। আমাদের আদি বাড়ি হচ্ছে কাশ্মীর দেশে। ধারা এ দেশে এসেছিলেন, তাঁদের মধ্যে কেউ কেউ মহারাষ্ট্রদের ঘরে বিবাহ ক'রে একেবারে এ-দেশীয় ব'নে গিয়েছেন। আমার ঠাকুরদাই তো মহারাষ্ট্রীয় বিবাহ করেছিলেন। তিনি খুব বড় উকিল ছিলেন, দু-তিনবার বিলেতেও গিয়েছিলেন। ইংরেজদের সঙ্গে খুব মেলামেশা করতেন। তিনিই আমাদের পরিবারে মাছ-মাংস খাওয়ার প্রথা চালিয়ে

গিয়েছেন। মহারাষ্ট্রীয়েরা এ বিষয়ে অত্যন্ত গোঁড়া, এ জন্তে আমার ঠাকুরদার সঙ্গে ঠাকুরমার বনিবনাও হ'ত না। আমার বাবাও মাছ-মাংস খাওয়ায় খুবই ওস্তাদ হয়ে উঠেছিলেন এবং মহারাষ্ট্রীয়দের ঘরে বিবাহ করলে পাছে স্বামী-স্ত্রীতে অবনিবনা হয় সেজন্তে ঠাকুরদা মশায় বাবার বিয়ে দিয়েছিলেন পাঞ্জাবী মেয়ের সঙ্গে। আমিও পাঞ্জাবী মেয়ে বিবাহ করেছিলাম। পাঞ্জাবীর। মাছ-মাংস খাওয়া সত্বে অনেক বেশি উদার।

আমি বললুম, মহারাষ্ট্রীয়েরা যে মাছ-মাংস খায় না সে আমি খুব ভাল ক'রেই জানি এবং এ বিষয়ে আমার খুব তিক্ত অভিজ্ঞতা আছে।

পণ্ডিতজী বললেন, তাই নাকি! কি রকম, কি রকম! শুনি তোমার অভিজ্ঞতা!

ইতিমধ্যে পাতে আরও পরোটা ও দু-তিন রকম নিরামিষ তরকারি এসে পড়ল। কিছু কিছু মিষ্টিও আসতে লাগল। সন্দেশ-রসগোল্লার মত সুখাত না হ'লেও সেদিন তা ভালই লাগতে লাগল। খেতে খেতে আমি আমাদের গোয়ালিয়রে চাকরি করার অভিজ্ঞতা বর্ণনা করতে লাগলুম। তারপরে আমাদের মাছ-মাংস খাওয়ার কথা শুনে সে বাড়ির বড় গিন্নী কি রকম 'দূর হ, দূর হ' বলতে বলতে ঝ্যাটা বার করেছিল ও তারপরে বিনায়কের মাথায় কি রকম ক'রে হাঁড়িভতি গোবরজল ঢেলে দিয়েছিল—এই সব শুনে পণ্ডিতজী তো ঘর ফাটিয়ে টেবিল চমপড়ে হো-হো ক'রে হাসতে আরম্ভ ক'রে দিলেন। সঙ্গে সঙ্গে শব্দরও হাসতে লাগল।

পণ্ডিতজী সেই রকম হাসতে হাসতে চোঁচাতে লাগলেন, দেবী, দেবী—

কিন্তু দেবীর কোন সাড়া পাওয়া গেল না। পণ্ডিতজী বললেন, আহা, দেবী থাকলে সে তোমার এই কাহিনী খুবই উপভোগ করত।

তারপরে হাসতে হাসতে বললেন, ঠিক বলেছ, ওরা মাছ মাংস সত্বে এই রকমই বটে।

খাওয়া-দাওয়া শেষ ক'রে টেবিল থেকে ওঠবার আগেই আমরা পণ্ডিতজীর

বাড়ির লোকদের মধ্যে গণ্য হয়ে গেলুম। তিনি বললেন, এ বাড়িকে তোমাদের আপনার বাড়ি বলে মনে কববে। আমার এই অসহায় মাতৃহীন ছেলে মেয়েকে তোমরা নিজেদের ভাই-বোন বলে মনে ক'রো।

পণ্ডিতজীর কথা বলবার ধরন শুনে আমাদের চোখে জল এসে গেল। তিনি বললেন, এখন আমি ঘটাখানেক বিশ্রাম করব। তারপরে সেই সাড়ে সাতটা পর্যন্ত আমি আর কাকর সঙ্গে দেখা করি না—এ সময়টা আমি আমার মালিকের সঙ্গে একত্রে কাটাই। আচ্ছা, আবার সেই সন্ধ্যার পরে দেখা হবে।

এই কথা বলে তিনি শঙ্করকে বললেন, এদের বাড়ির সব জায়গা দেখাও।

পণ্ডিতজী নিজের ঘবে চ'লে গেলেন। শঙ্করের সঙ্গে আবার আমরা ড্রয়িং-রুমে ফিরে এলুম। ড্রয়িং-রুমের এক দিকে সুন্দর কারুকর্ম করা কাঠের তাকে সব বই সাজানো ছিল—এরই মধ্যে একটা তাক মোটা মোটা অ্যালবামে ভর্তি। শঙ্কর আমাদের জিজ্ঞাসা করলে, ছবি দেখবে?

উত্তরের জন্তে আব অপেক্ষা না ক'রেই সে একটা অ্যালবাম টেনে বার ক'রে বললে, চল, ওখানে বসি।

তিনজনে একটা জায়গায় গিয়ে ব'সে ছবি দেখতে আরম্ভ করা গেল। শঙ্কর একটা পাতা ওলটায় আর এক একটা ফোটোগ্রাফের বিবরণ দিতে আরম্ভ করে। এক পাতার বিবরণ শেষ হতে না হতে তার সেই অদ্রুত হিন্দী ভাষার দম ফুরিয়ে এল। মাঝাঝা মাঝা সে জানে—মা পাণ্ডাবী মেয়ে হ'লেও মারাঠাই ছিল তাদের মাতৃভাষা। মাঝ কাছ থেকে পাণ্ডাবী ভাষা শেখবার আগেই তিনি ইংলোক থেকে বিদায় নিয়েছিলেন। আমরা হিন্দী ভাষা কতকটা বুঝতে পারি বলে এতক্ষণ সে হিন্দীতেই কথাবাতা চালিয়ে যাচ্ছিল, কিন্তু এবার আর না পেবে সে ইংরেজী ভাষায় বলতে আবশ্য করলে। দেখলুম, সে চমৎকার ইংরেজী বলতে পারে। তখন তার তেরো বছর বয়স। ছ'বছর বয়স থেকে সে মুম্বৈরিতে ইংরেজদের ইস্কুলে পড়ছে। তার দিদিও একই সঙ্গে ইস্কুলে ভর্তি হয়। সে সময় তাব দিদির বয়স দশ বছর ছিল। তারা ইস্কুলে যাবার

বছর দুই আগে তার মা মারা যান—মাকে তাদের একটু একটু মনে আছে। শঙ্কর বললে, আগামী বছর সে জুনিয়ার পরীক্ষা দেবে। তার দিদি জুনিয়ার পাস করেছে, এই বছরই সে সিনিয়ার পরীক্ষা দেবে। ছবি দেখাতে আয় দেখতে দেখতে এই সব গল্প হতে লাগল।

এক-একটা পাতা পণ্ডিতজীর ছবিতেই ভর্তি। পণ্ডিতজীর বাবা ছেলেবেলাতেই তাঁকে বিলেতে পাঠিয়ে দিয়েছিলেন লেখাপড়া শেখার জন্তে,—সেই ছেলেবয়সেরও অনেক ছবি অ্যালবামে ছিল। পণ্ডিতজী বিলেতে গিয়েছিলেন ছেলেবয়সে এবং দেশে ফিরেছিলেন ত্রিশ বছর বয়সে। শঙ্কর আরও বললে যে, আগামী বছর তার দিদি সিনিয়ার পরীক্ষায় পাস করলে তার বাবা তাদের দুজনকে বিলেতে নিয়ে গিয়ে ইন্সল ও কলেজে ভর্তি ক’রে দিয়ে আসবেন।

এমনি ক’রে গল্প ও ছবি দেখায় মশগুল হয়ে কোথা দিয়ে সময় কেটে যাচ্ছে—এমন সময় হেলতে ঢুলতে লীলায়িত ভঙ্গীতে দেবী ঢুকলেন ঘরের ভিতরে। আমরা যেখানে ব’সে ছিলাম তারই একটু দূরে একটা সোফায় সে অঙ্গ এলিয়ে দিলে। মুখে তার প্রসন্ন হাসি—বোধ হয় যে অঙ্গগুলো নিয়ে এতক্ষণ জানমারি চলছিল সেগুলোকে ঘায়েল ক’বা হয়ে গেছে। দেবী আসতেই আমরা মুখ তুলে সেই আসল ছবির দিকে তাকিয়ে রইলাম। কিন্তু বৃথা—সে আমাদের দিকে একবার ক্রক্ষেপও করল না। একবার এক সেকেন্ডের জন্তে চোপাচোখি হতেই দেবী উঠে গিয়ে দূরের তাক থেকে একটা মোটা বই নিয়ে আবার সেই জায়গায় এসে মাথা নীচু ক’রে বইয়ের পাতা উল্টে যেতে লাগল। শঙ্কর আগের অ্যালবামখানা রেখে আবার একটা অ্যালবাম নিয়ে এল। এটাতে তার ঠাকুরমা, তার মা ও তাদের পরিবারের আরও অনেক মহিলার ফোটো ছিল। আমরা ছবি দেখছি ও শঙ্কর বক্বক ক’রে ব’কে চলেছে, এমন সময় দেবী তার জায়গাতে ব’সেই তাকে যেন কি বললে। শঙ্কর মুখ তুলে দেওয়ালের ঘড়িটা দেখে আমাদের বললে, পাঁচটা বেজে গেছে, তোমরা কি চা খাও?

আমরা চা খাই জেনে সে কি বলতেই দেবী উঠে চ'লে গেল। কিছুক্ষণ পরে একজন চাকর এসে বললে, চা তৈরি—চলুন।

আমরা সেখান থেকে উঠে খাবার ঘরের টেবিলে গিয়ে বসলুম—দেখি, দেবী চা তৈরি করছে। তৈরি হয়ে গেলে একটা বয় মতন চাকর আমাদের সামনে কাপ এনে রাখলে। সঙ্গে সঙ্গে দুটো প্লেটে ক'রে দু'রকম বিস্কুট ও দুটো-একটা মিষ্টি এসে পড়ল। সবার শেষে একটা চায়ের কাপে চামচ ডুবিয়ে সেটা ঘোরাতে ঘোরাতে দেবী এসে টেবিলের এক দিকে বসল। আমরা যেখানে ব'সে ছিলাম, দেবী তা থেকে বেশ খানিকটা দূরে ব'সে আস্তে আস্তে অগ্ৰ দিকে চেয়ে কাপে চুমুক দিতে লাগল। ইতাবসরে আমরা প্লেট থেকে বিস্কুট তুলে নিয়ে গেলুম। দেবীর সঙ্গে কি ক'রে আলাপ করা যায় ভাবছি—এমন সময় দে শঙ্করকে বললে, শঙ্কর, ওঁদের আর চা চাই কি না জিজ্ঞাসা কর।

আমি বললুম, আমায় দয়া ক'রে আর এক কাপ চা দিন।

দেবী আমাকে কোন কথা না ব'লে বয়টাকে বললে, এক কাপ চা ওঁকে দাও।

বয়টা তখুনি আর এক কাপ চা তৈরি ক'রে এনে আমায় দিলে। ভাবছি, আর কি ব'লে আলাপ জমানো যায়, এমন সময় স্বকাস্তটা ব'লে উঠল, আমাদেরই খাওয়াচ্ছেন—কই, আপনি তো কিছুই খাচ্ছেন না?

সত্যিই দেবী চা ছাড়া আর কিছুই খেনে না। কিন্তু সে স্বকাস্তর অমন 'অপ্যায়ন-ভরা' কথার কোনও জবাব না দিয়ে সামান্য একটু মাথা নাড়লে মাত্র।

স্বকাস্তর অবস্থা দেখে কোন বকমে হাসি সামলে নতুন কাপে চুমুক দিতে লাগলুম। যাই হোক, চায়ের পালা বেশ সমারোহের সঙ্গে শেষ হ'ল। একটুমাত্র দুঃখ রইল যে দেবী এখনও কথা বললে না। চা খাওয়ার পর শঙ্কর ও দেবী কোথায় উধাও হয়ে গেল।

আমরা সেদিন আর না বেরিয়ে বাড়িরই এদিক ওদিক ঘুরে বেড়াতে লাগলুম। দেখতে দেখতে সন্ধ্যা হয়ে এল। চারিদিকে বাতি জ্বালা হতেই আমরা আবার ড্রিং-কমে ফিরে এসে দেখি যে, সেই ঘরের এক কোণে একটি

টেবিলে ব'সে শব্দ পড়াশুনো করছে। তাকে আর বিরক্ত না ক'রে তাক থেকে এক-একটা বই টেনে নিয়ে আমরাও নাড়া-চাড়া করতে আরম্ভ ক'রে দিলুম। বাড়ি একেবারে নিঃশব্দ, গোটা দুই-তিন চাকর দেখেছিলুম, কিন্তু তাদেরও কোন সাড়া পাওয়া যাচ্ছে না ; শুধু ড্রয়িং-রুমের বড় ঘড়িটার সময়ের পদক্ষেপ শুনে পাওয়া যাচ্ছে—টক্ টক্ টক্, আর আধ ঘণ্টা অন্তর অন্তর সে ঘোষণা ক'রে চলেছে তার দিন-বিক্রান্তির কথা।

কি একটা ছবি তন্নয় হয়ে দেখেছিলুম। এবার মুখ তুলতেই দেখি, দেবদূতের মতন পণ্ডিতজী সন্মিত মুখে আমার দিকে দেখছেন। সেদিন তাঁকে প্রায় সমস্ত দিন ধ'রেই দেখেছি—আগেই বলেছি যে, তাঁর চেহারার মধ্যে এমন একটা বৈশিষ্ট্য ছিল যে দেখলেই মনে হ'ত তিনি সাধারণ শ্রেণীর মানুষ নন। কিন্তু সেই বাত্রে মুখ তুলে হঠাৎ তাঁকে দেখে সত্যি সত্যিই মনে হ'ল—মানুষ এমন সুন্দরও হয় !

তাঁর মুখের ওপর—শুধু মুখের ওপবই নয়, আমি যেন স্পষ্ট দেখতে পেলুম যে, তাঁর মুখমণ্ডলকে ঘিরে অতি ক্ষীণপ্রভ একটি জ্যোতি জলজ্বল করছে। দেখলুম, তিনি একদৃষ্টে আমার মুখের দিকে চেয়ে আছেন। প্রথম দৃষ্টিতে মনে হয়েছিল বটে, মূঢ় হাঙ্গ্রে মুখখানা ঝলমল করছে, কিন্তু পরক্ষণেই মনে হ'ল, ওটা হাসি নয়—তাঁর মুখের ভাবই ওই রকম।

আমি তাঁকে দেখে দাঁড়িয়ে উঠতেই তিনি আমার কাঁধে হাত রেখে বললেন, ব'স, ব'স।

তারপর তিনিও আমার পাশে ব'সে জিজ্ঞাসা করলেন, চা-টা খেয়েছ ? কোন অস্থবিধা হয় নি তো ?

বললাম, চা খেয়েছি।

পণ্ডিতজী বললেন, দেখ, এই বিকালবেলাটা আমি সংসারের কিছুই দেখতে পারি না। শব্দর ও দেবী এলে তারাই এই সময়টা সংসার চালায়। ওরা না থাকলে চাকর-বাকর চালায়। ওদেরও তো ঘাবার সময় হয়ে এল। তোমাদের

এখানে যে কয়দিন এখন থাকতে হচ্ছে, ততদিন তোমরা নিজেরাই দেখে শুনে চালিয়ে নেবে। তোমাদের আবার বলছি যে, এ পরিবারকে তোমরা নিজের পরিবার বলে মনে ক'রো।

একটু পরে কোথা থেকে দেবী এল, সে বোধ হয় অল্প কোন ঘরে পড়াশুনা করছিল। দেবী এসেই জিজ্ঞাসা করলে, বাবা, তোমরা কি এখন থাকে?

পণ্ডিতজী মেয়ের কথা শুনে আমাদের জিজ্ঞাসা করলেন, কি বল, এখন থাকে?

এ কথার উত্তরে কি বলা উচিত তাই ভাবছিলুম, কারণ সারাদিনের খাওয়া তখনও পেটে গজ-গজ করছিল—এমন সময় আমাদের হয়ে পণ্ডিতজীই উত্তর দিয়ে দিলেন, আর একটু পরে হ'লে কি তোমাদের অস্থবিধা হবে?

দেবী বললে, বেশ, আর একটু পরেই হবে।

পণ্ডিতজী কলকাতার গল্প করতে লাগলেন। কলকাতায় তিনি জীবনে বাব দুয়েক গিয়েছিলেন। সত্যি কথা বলতে কি, কলকাতার চেয়ে বোম্বাই শহর তার ঢের বেশি ভাল লাগে।

জিজ্ঞাসা করলুম, বোম্বাই শহরে কি আপনার বাড়ি আছে?

পণ্ডিতজী বললেন, বোম্বাই শহরে আমাদের বাড়ি ছিল বলতে পার। আমার ঠাকুরদা ও বাবা সেখানে অনেক সম্পত্তি করেছিলেন। কিন্তু বাবা মারা যাবার পর দেখলুম, চাকরি ও সেই সব সম্পত্তি—দুই রক্ষা করা আমার দ্বারা সম্ভব হয়ে উঠবে না। আমি সে সব সম্পত্তি বিক্রি ক'বে দিয়েছি। তা ছাড়া আমার আর বছর পাঁচেক চাকরি আছে—এর পর আমি বাকি জীবনটা ইউরোপে গিয়ে কাটাব স্থির করেছি। ফ্রান্সে আমার জমি কেনা আছে সমুদ্রের ধারে এক জায়গায়। হয় সেখানে বাড়ি করব, নয় তো ইংলণ্ডের কোনও গ্রামে বাড়ি কিনব। কোথায় থাকব তা অনেকখানি নির্ভর করছে ছেলে-মেয়েদের ওপর। ওদের যে জায়গা ভাল লাগবে সেইখানেই আমাদের থাকতে হবে। আমার ইচ্ছা ফ্রান্সেই থাকি। তবে কিছুই বলা যায় না,

আমাদের ইচ্ছার চেয়ে যে অনেক শক্তিশালী আর একটি ইচ্ছা এই জগতের সব কলকাঠি নাড়াচ্ছেন, তাঁর ইচ্ছাতে সবই ঘুরে যেতে পারে—

কথাটা ব'লেই সেই ঘর-ফাটানো উচ্চ হাসি তুললেন।

আমাদের কথার মধ্যে মধ্যে দেবীও দু-একটা কথা বললে বটে, কিন্তু সে তার বাপকে উদ্দেশ্য ক'রেই বললে। আমাদের উপস্থিতিকে একেবারে আমলই দিলে না। যাই হোক, একটু পরেই খেতে যাওয়া হ'ল। পণ্ডিতজী রাতে খুব কমই খান—একটি বড় কাচের গেলাসের এক গেলাস দুধ ও একখানা চাপাটি একটু জেলি দিয়ে। দেবী ও শঙ্কর পরোটা খেতে লাগল, কিন্তু আমাদের প্রথমে ভাত দেওয়া হ'ল। পণ্ডিতজী বললেন, আমি জানি তোমরা ভাতের ভক্ত। ও-বেলা তোমাদের নিশ্চয়ই খেতে কষ্ট হয়েছিল।

পণ্ডিতজীকে বললুম, খাবার কষ্ট আমরা এত ভোগ করেছি যে, যেমনই খাবার হোক না কেন, সোনা-হেন মুখ ক'রে খেয়ে নিতে পারি। কাজেই খেতে পেলে আর কোন কষ্ট পাই না—কষ্ট হয় না-খেতে পেলে।

কথাটা পণ্ডিতজী খুবই উপভোগ করলেন। তিনি হো-হো ক'রে হেসে বললেন, তবু আমার এখানে যখন আছ তখন তোমাদের কোনও রকমের অস্ববিধা না হয় তা দেখতে হবে বইকি।

পরের দিন সকালবেলা উঠে বন্ধুদের সঙ্গে দেখা করতে যাওয়া গেল। আমাদের হঠাৎ এই ভাগ্য-পরিবর্তনের কথা তাদের না-জানানো পর্যন্ত মনটা খুঁতখুঁত করছিল। গিয়ে দেখলুম, আমাদের জন্তে কোন মাথা-ব্যথাই তাদের নেই। আমরা শীগগিরই বোম্বাই শহরে মিলে কাজ শিখতে যাব শুনে তারা ই-না কিছুই বললে না। শুনলুম, জনার্দন তার বাড়িতে টাকার জন্তে চিঠি লিখেছে। টাকা নিশ্চয়ই আসবে, টাকা এলে তারা খুব ফলাও ক'রে ব্যবসা শুরু করবে। দেখলুম, আমরা তাদের দল থেকে খ'সে পড়ায় তাবা বেশ আনন্দেই আছে।

তবুও জনার্দনের কাছ থেকে বিদায় নিয়ে আমবা চ'লে এলুম। ফিরে

এসে দেখি, পণ্ডিতজী আপিসে বেরিয়ে গিয়েছেন। শুনলুম, তিনি রাত থাকতে ঘুম থেকে উঠে স্নান ক'রে পূজা-অর্চনা শুরু করেন, শেষ হয় সেই বেলা আটটা আন্দাজ। তার পরে একেবারে আপিসের পোশাক প'রে ঘর থেকে বেরিয়ে এসে চা-জলখাবার খেয়ে বেরিয়ে যান। দুপুরে বাড়ি ফিরে আহারাди ক'রে নিজের ঘরে শুতে যান। তার পরে কিছুক্ষণ ঘুমিয়ে বেলা পাঁচটা। নাগাদ আবার পূজায় বসেন—সাতটা, সাড়ে সাড়টার আগে উঠে আসেন না। শুনলুম, পণ্ডিতজী যখন ঘুমোন তখন তাঁর ঘরের বিশেষ কয়েকটি জানলা ও দরজা খোলা থাকে এবং যখন পূজায় বসেন তখনও বিশেষ ক'রে কয়েকটি দরজা-জানলা খোলা হয় বা বন্ধ হয়। এই দরজা-জানলা খোলা ও বন্ধ দেখে তাঁর ছেলেমেয়েরা ও চাকরবাকর বুঝতে পারে, তিনি কি করছেন! কারণ তিনি যখন পূজায় বসেন তখন তাঁকে ডাকা বারণ।

পণ্ডিতজী একটা বড় ঘরে থাকতেন। ঘরের মধ্যে খানিকটা জায়গা পূজায় বসবার জগ্ৰ নিদিষ্ট ছিল। জায়গাটিতে একটি বাঘের ছাল পাতা থাকত। কোনো বিশেষ দেবতার ছবি কিংবা মূর্তি সেখানে দেখি নি। সামনে ও আশেপাশে কয়েকটি পুরুষ ও নারীর ব্রোমাইড ছবি টাঙানো ছিল, সেগুলি অধিকাংশই ইউরোপীয়ানদের, দু-একজন মাত্র ভারতবর্ষীয় লোক ছিলেন। পণ্ডিতজীর কাছেই শুনেছিলুম, তাঁরা সকলেই নাকি খুব উচুদরের সাধক—এঁদের মধ্যে কেউ কেউ দেহরক্ষা করেছেন, কেউ বা এখনও বেঁচে আছেন। এঁদের সবার নামও বলেছিলেন, কিন্তু সারা জীবন ধ'রে নিজের নাম মনে রাখতে রাখতে তাঁদের নাম ভুলে গিয়েছি। পণ্ডিতজীর ঘরের সামনেই ঠিক পূর্বমুখো একটু ছোট-গোছের বারান্দা ছিল। তাঁর ঘরের এক পাশে ছোট একটা ঘরে আমাদের থাকবার ব্যবস্থা করা হয়েছিল, আর এক পাশে বড় একটা ঘরে শঙ্কর ও দেবী রাত্রে শুত।

একদিন সকালবেলা উঠে অদ্ভুত এক দৃশ্য দেখলুম। আমরা চা-পান করবার জগ্ৰে খাবার-ঘরে যাচ্ছি, এমন সময় বারান্দার দিকে চেয়ে দেখি,

পণ্ডিতজী স্থির হয়ে হাতজোড় ক'রে উদীয়মান সূর্যের দিকে চেয়ে দাঁড়িয়ে আছেন। তাঁর পরনে একখানা রেশমের হালকা গোলাপী রঙের ধুতি, অঙ্গেও সেই রঙেরই একখানা চাদর পৈতের মতন ক'বে পৌঁচানো রয়েছে। রক্তাভ-গৌর তাঁর দেহ, তার ওপরে এসে পড়েছে উদীয়মান সূর্যের অরুণালোক— অরুণ মেঘচ্ছায়া যেন প্রতিবিম্বিত হয়েছে স্বচ্ছ শ্রোতে। আমার মনে হতে লাগল যেন পুরাকালের কোন এক বৈদিক উষার বন্দনাস্থত্বের একটি ঋক্ হঠাৎ বিভ্রান্ত হয়ে এসে পড়েছে সুরাটের মত এই আধুনিক শহরে। আমাদের চিন্তালোকে যে অদৈহিক আকৃতি ও অরূপের কাল্পনা কঁাদছে, তারই যেন প্রত্যক্ষ রূপ ওই দীপ্ত ব্রহ্মণ্যশ্রী।

সেই দৃশ্য দেখে আমরা আর নড়তে পারলুম না। কি যেন একটা আকর্ষণী শক্তি আমাদের টেনে সেইখানেই বেঁধে রেখে দিলে। পণ্ডিতজীর হাত দুটি যুক্ত, চোখ দুটি খোলা রয়েছে বটে কিন্তু স্থিরদৃষ্টি নিবদ্ধ রয়েছে সেই প্রদীপ্ত সূর্যের পানে। আমি যদি চিত্রকর হতুম তো চিত্রিত ক'রে রেখে দিতুম সেই রূপ। আগ্রায় সত্যদার কাছে শুনেছিলুম বটে যে, তিনি প্রতিদিন সকালবেলা উঠে সূর্যের দিকে চেয়ে থাকেন। সত্যদার সে কথা শুনে মনে হয়েছিল, কোথাও কিছু নেই, খামকা লোকে সূর্যের দিকে চেয়ে থাকতে যাবে কেন? আজ এই ব্রাহ্মণকে দেখে আমাদের ভুল ভাঙল। পণ্ডিতজীর দিক থেকে চোখ আর ফেরাতে পারি না। যত দেখি তত মুগ্ধ হয়ে চেয়ে থাকতে ইচ্ছে করে। চোখের পলক নেই, হাত-পা বা দেহের কোনো জায়গা একটু নড়ছে না, নিশ্বাস পড়ছে কি পড়ছে না—তা বোঝার উপায় নেই। ধীর স্থির নিম্পন্দ সেই দেহযষ্টি নিষ্কম্প উজ্জ্বল দীপশিখার মতন।

আমরা প্রায় আধ ঘণ্টা ধ'রে দাঁড়িয়ে সে দৃশ্য দেখে নিঃশব্দে সেখান থেকে স'রে এলুম। পরে শঙ্কর ও দেবীর কাছে শুনেছিলুম, তিনি প্রতিদিন প্রায় দু'ঘণ্টা ওই রকম সূর্যের দিকে চেয়ে থেকে জপ করেন।

পণ্ডিতজীর বাড়িতে আমাদের দিনগুলি সুখেই কাটতে লাগল। শান্তির

অভাবও সেখানে ছিল না, তবে আমাদের অনিদিষ্ট ভবিষ্যতের চিন্তা মধ্যে মধ্যে মনকে নাড়া দিত। আমাদের সম্বন্ধে ইজিনিয়ার সাহেবের কাছে কোনো চিঠি এল কি-না সে কথা মাঝে মাঝে পণ্ডিতজীকে জিজ্ঞাসা করতুম। কিন্তু তার উত্তরে তিনি তাঁর স্বভাব-স্থলভ উচ্চহাসি হেসে বলতেন, ভাবনা কি ! চিঠি এলে ইজিনিয়ার সাহেব নিজেই আমাকে বলবেন—আমাকে আর জিজ্ঞাসা করতে হবে না।

তার পরেই তিনি একটু থেমে আবার বলতেন, এখানে তোমাদের কোনো অসুবিধা হচ্ছে না তো ? তোমাদের জামা কাপড় জুতো আছে তো ?

অদ্ভুত মানুষ ছিলেন এই পণ্ডিতজী। গৃহস্থের মধ্যেও এমন লোক থাকতে পারে তা এর আগে আমার ধারণা ছিল না। সেখানে থাকতে থাকতে কিছু তাঁর মুখে, কিছু তাঁর ছেলে-মেয়ের কাছে তাঁর পুণ্য জীবনকথা শুনেছিলুম। জীবনও তাঁর ছিল অদ্ভুত।

অনেক দিন আগে পণ্ডিতজীর পূর্বপুরুষের কোন লোক তীর্থ করতে এসে এই দেশেই থেকে গিয়েছিলেন। তারা ছিলেন গোড়-সারস্বত ব্রাহ্মণ। তখন মারাঠারা সবেমাত্র একটু একটু করে মাথা চাড়া দিয়ে উঠছে। গোড়-সারস্বত ব্রাহ্মণেরা তখন ভারতবর্ষময় নিজদের তীক্ষ্ণ বুদ্ধি ও বিচক্ষণতার জগ্রে প্রসিদ্ধ ছিলেন। আমাদের পণ্ডিতজীর পূর্বপুরুষ মারাঠাদের রাজসরকারে সামান্য কাজে ঢুকে বুদ্ধি ও বিচক্ষণতার বলে অসামান্য হয়ে উঠেছিলেন। ক্রমে তাঁদের বংশ বৃদ্ধি পেতে লাগল। কেউ কেউ আঘাবর্তে এসে নিজের জাতে বিবাহ করতেন, কেউ বা মহারাষ্ট্রীয়দের ঘরে বিবাহ করতেন। কান্নর বা একাধিক স্ত্রী থাকত—তাঁদের মধ্যে কেউ বা গোড় সারস্বত ব্রাহ্মণের মেয়ে, কেউ বা মহারাষ্ট্রীয় ব্রাহ্মণের মেয়ে। এমনও হয়েছে যে, কেউ বা হুন্দরী মেয়ে, কিন্তু ব্রাহ্মণের মেয়ে নয়। এমনি করে চলেছিল। ইংরেজরা এ দেশ অধিকার করার পর এদেরই এক পরিবার ইংরেজী লেখাপড়ার দিকে ঝুঁকে পড়ল। এই পরিবারের বংশধর হচ্ছেন আমাদের পণ্ডিতজী। তাঁর পিতা ইংরেজ সরকারে

কাজ করতেন এবং কিছু পয়সাকড়িও তিনি ক'রে গিয়েছিলেন। পণ্ডিতজী ইংলণ্ড থেকে ইঞ্জিনিয়ারিং পাস ক'রে ফ্রান্সে চাকরি গ্রহণ করেন। ফ্রান্সে চাকরির সময়ে তিনি সেখানকার একদল স্ত্রী-পুরুষের সম্পর্কে এসেছিলেন—যারা গোপনে ভারতীয় যোগসাধনা অভ্যাস করতেন। ফরাসী দেশে ব'সে বিদেশীদের সঙ্গে মিলে যখন তিনি যোগসাধনায় মগ্ন, ঠিক সেই সময় দেশ থেকে খবর গেল যে, তাঁর বৃদ্ধ পিতা-মাতা অত্যন্ত অসুস্থ এবং অবিলম্বে এখানে না এলে তাঁদের সঙ্গে বোধ হয় আর দেখা হবে না। যোগ করলেও পিতা-মাতার প্রতি মমত্ব ও সাংসারিক কর্তব্যবোধ তাঁর একেবারে রহিত হয়ে যায় নি—তাই পত্রপাঠমাত্র তিনি বৃদ্ধ পিতা-মাতার কাছে ফিরে এলেন।

পণ্ডিতজী স্থির করেছিলেন, পিতামাতার মৃত্যুর পর তিনি আবার ফ্রান্সে ফিরে যাবেন এবং সেখানেই স্থায়ীভাবে বসবাস করবেন, কিন্তু প্রজাপতির ব্যবস্থা ছিল অল্প রকম। তিনি যে জাহাজে ক’রে ভারতবর্ষে ফিরছিলেন, সেই জাহাজেই একটি পাঞ্জাবী ভদ্রলোক তাঁর একমাত্র রূপসী দুহিতাকে নিয়ে ইউরোপ সফর ক’রে দেশে ফিরছিলেন। ফণে উভয়ের সাক্ষাৎ, আলাপ-পরিচয়, প্রেম এবং ভারতবর্ষে পৌছতে না পৌছতেই বিবাহ। পণ্ডিতজীর বাবা মা ইউরোপের গ্রাস থেকে ছেলে ফিরে চেয়েছিলেন, কিন্তু পেয়ে গেলেন একেবারে ছেলে বউ। পুত্রবধূ অল্প জ্ঞাতের হওয়ায় মন খুঁতখুঁত প্রকাশ করবার আগেই তাঁরা ইহলোক থেকে বিদায় নিলেন। পিতা-মাতার মৃত্যুর পর জায়গা-জমি বেচে দিয়ে তিনি আবার ইউরোপ যাত্রা কববার ব্যবস্থা করেছিলেন, কিন্তু স্বী বাধা দেওয়ায় এখানেই তাঁকে চাকরি নিয়ে ব’সে যেতে হ’ল। স্বীর ইচ্ছানুসারে পণ্ডিতজী ঠিক ক’রছিলেন ভারতবর্ষেই শেষ জীবন যাপন করবেন; কিন্তু কিছুদিনের মধ্যেই দুটি সন্তান রেখে স্বী মারা যেতে তিনি আবার প্ল্যান বদলে ফেললেন। এবারে তিনি ঠিক কবলেন, চাকরি শেষ হয়ে গেলে ছেলে ও মেয়েকে নিয়ে ফ্রান্সে ফিরে যাবেন এবং শেষ জীবনটা সেখানেই বসবাস করবেন।

প্রায় প্রতিদিনই সন্ধ্যার কিছু পরে তাঁর পূজা প্রার্থনা ইত্যাদি সেরে তিনি তাব ছেলে মেয়ে ও আমাদের নিয়ে গল্প করতে বসতেন। রাত্রে খাওয়ার পরেও প্রায় দেড় ঘণ্টা কি দু ঘণ্টা ধ’রে আমাদের সেই আসর চলতে থাকত।

পণ্ডিতজী অনেক বিভূতির অধিকারী হয়েছিলেন। তিনি একটু চেষ্টা করলেই লোকের মনের কথা জানতে পারতেন। হাত কিংবা কোষ্ঠী না দেখে চোখ বুজে মাহুষের ভূত-ভবিষ্যৎ প্রায় নিভুল বলে দিতে পারতেন। আমার ভবিষ্যতে কি হবে সে কথা যতবার জিজ্ঞাসা করেছি, তিনি হেসে পিঠে হাত বুলিয়ে দিয়েছেন। স্বকাস্তও অনেকবার তার নিজের ভবিষ্যতের কথা জানতে

চেয়েছিল, কিন্তু তিনি সেই রকম মধুর হাসি হেসে তার পিঠে হাত বুলিয়ে দিতেন।

একদিন পণ্ডিতজী আমাদের একটা অদ্ভুত কাণ্ড দেখিয়েছিলেন। সেদিন সন্ধ্যার অনেক আগেই তাঁর পূজা শেষ হয়ে যাওয়ায় আমাদের নিয়ে বাগানের দিকের একটা বারান্দায় বসে গল্প করছিলেন। ভারতবর্ষে কিছুদিন পূর্বেও অর্থাৎ দু-তিন শো বছর আগে পর্যন্ত কত বড় বড় সব যোগী ছিলেন—তারই কথা হচ্ছিল। তাঁদের সম্বন্ধে অনেক অলৌকিক কাহিনীর কথা বলতে বলতে তিনি বললেন, মানুষ জানে না যে প্রকৃতিকে সম্পূর্ণরূপে জয় করবার শক্তি মানুষের মধ্যেই লুকিয়ে আছে। সাধনা দ্বারা সেই শক্তির বিকাশ হয়। মানুষ শূন্যের মতো দিয়ে উড়ে চলে যেতে পারে, অতি অল্প সময়ের মধ্যেই এক দেশ থেকে অন্য দেশে চলে যাওয়া তার পক্ষে কিছুই নয়। জঙ্গলের মধ্যে হিংস্র প্রাণীদের বশ করা তো তার পক্ষে কিছুই নয়। পণ্ডিতজী বলতেন, আমার বিশ্বাস—মানুষ একদিন সর্বশক্তিমান হবে।

স্বকাস্ত ফট ক’রে জিজ্ঞাসা ক’রে ফেললে—আচ্ছা পণ্ডিতজী, আপনি যে এতদিন ধরে সাধনা করেছেন—আপনি কোন বিভূতি পান নি? হিংস্র জানোয়ার বশ করতে পাবেন?

পণ্ডিতজী তাঁর স্বভাবস্থলভ হো-হো ক’রে হেসে বললেন, আমি? না না। আমার কোন শক্তি নেই। আমি তো সামান্য একজন সাধক মাত্র, আমার এখনও চের দেরি—এ জন্মে বিশেষ কিছু হবে বলে তো মনে হয় না।

একটুক্ষণ চুপ ক’রে থেকে পণ্ডিতজী বললেন, আচ্ছা, তুমি যখন বললে তখন একটু পরীক্ষা ক’রে দেখা যাক, কি বল?

দেবী ও শঙ্কর দুজনেই ব’লে উঠল, হাঁ হাঁ, বাবুজী—দেখাও দেখাও।

পণ্ডিতজী বললেন, আচ্ছা, তবে স্থির হয়ে বস।

পণ্ডিতজী স্থির হয়ে বসে চোখ বুজে ডান হাতের অঙ্গুষ্ঠ দিয়ে ডান চোখ, মধ্যমা আর অনামিকা দিয়ে বাঁ চোখ আর তর্জনী দিয়ে দুই ক্রর মাঝখানটা

টিপে কিছুক্ষণ মাথা নীচু ক'রে রইলেন। মুখ তুলতেই দেখলুম, তাঁর চোখ দুটি লাল আর অস্বাভাবিক রকমের উজ্জ্বল হয়ে উঠেছে। এদিক ওদিক চেয়ে আমাদের বললেন, ওই যে দূরে দুটো পায়রা দেখছ, ওদের প্রতি লক্ষ্য রাখ।

দেখা গেল, দূরে কোন এক পুরাতন প্রাসাদ না কি—চারদিকে খুব উঁচু পাথরের প্রাচীর—তারই ওপরে দুটো বুনো পায়রা খেলা করছে। একটা চুপ ক'রে ব'সে আছে, আর একটা তাকে ঘিরে নেচে বেড়াচ্ছে। হঠাৎ পায়রা দুটোই চঞ্চল হয়ে উঠল অর্থাৎ মনে হ'ল কে যেন তাদের এই খেলায় বাধা দিলে। যে পায়রাটা পায়ে পায়ে তালে তালে ঘুরছিল, সে থেমে গিয়ে চঞ্চল হয়ে এদিক ওদিক তাকাতে লাগল। যেটা পা মুড়ে ব'সে ছিল, সে তার ডানা ঝেড়ে উঠে পড়ল। তারপরে দুটোই উড়ে পণ্ডিতজীর বাড়ির ছন্দোর মধ্যেই একটা বড় গাছের ডালে এসে বসল। একটু এদিক ওদিক ক'রে একটা পায়রা আমরা যে ছাতে বসেছিলুম সেই ছাতের পাঁচিলেও ওপন এসে বসল। পণ্ডিতজীকে দেখলুম—সেই থেকে স্থির ও সতেজ দৃষ্টিতে পায়রাটার দিকে চেয়ে রয়েছেন। কয়েক সেকেন্ড পরেই পায়রাটা ছাতের পাঁচিল থেকে নেমে গুড়গুড় ক'রে হেঁটে একেবারে পণ্ডিতজীর হাতের কাছে এসে উপস্থিত হ'ল। পণ্ডিতজী সেটাকে তুলে কিছুক্ষণ আদর ক'রে নামিয়ে রাখলেন। দু-এক সেকেন্ড পরে—শিশু যেমন হঠাৎ বিপদ সম্বন্ধে চেতনা লাভ ক'রে বিপদের কারণের কাছ থেকে দূরে পালিয়ে যায়, তেমনি কথা না বললেও পায়রাটা যেন—ওরে বাবা রে! —ব দেখিয়ে পোঁ-পোঁ ক'রে উড়ে একেবারে আমাদের দৃষ্টির বাইরে চ'লে গেল।

তার উড়ে যাওয়ার ভঙ্গি দেখে আমরা সবাই হেসে উঠলুম।

আগেই বলেছি—আমরা যাওয়ার পর থেকে পণ্ডিতজীর ছেলে শঙ্কর দু-এক দিনের মধ্যেই আমাদের সঙ্গে অবাধে মেলামেশা করতে শুরু করেছিল। পণ্ডিতজীর মেয়ে দেবী কিন্তু প্রথম থেকেই নিজেকে বেশ দূরে রেখেছিল। ক্রমে এই দূরত্বের মাত্রা ক্রমে গেলেও নিজের চারদিকে সে একটা কঠিন আবরণ টেনে

রেখেছিল—তা সে স্তম্ভরী মেয়ে ব'লেই হোক, বড়লোকের মেয়ে ব'লেই হোক কিংবা বিলিতী ঈশ্বলে পড়া বিত্তার গর্বই হোক ।

আমরা ছিলাম তাদের বাড়ির আশ্রিত ব্যক্তি । কাজেই সেখানে থাকতে থেতে পেয়েই সন্তুষ্ট ছিলাম, পণ্ডিতজী ও তাঁর ভেলে-মেয়েদের সদয় ব্যবহারে ছিলাম কৃতজ্ঞ—এর চেয়ে বেশি কিছু আমাদের কাম্যও ছিল না । দেবীকে তার বাবা ও ছোট ভাই শঙ্কর খাতির ক'রে দেবীজী ব'লে ডাকত । আমরা তাকে বহেনজী ব'লে ডাকতে আরম্ভ ক'রে দিলাম ।

শঙ্কর একদিন বললে, কেন, তোমরাও দেবীজী ব'লে ডাক না ?

দেবী তাতে আপত্তি ক'রে বললে, না না, বহেনজী ব'লেই ডেকে—বেশ লাগে আমার ।

দেবী আমাদের সঙ্গে পারতপক্ষে কথাবাড়াই বলত না । তবে খাবার-টেবিলে সে আমাদের মায়ের মতন তদারক করত—শর্মা ভাই, তোমাকে আর একখানা রুটি দিক, খাও । কান্ত ভাই, তুমি কিছু খাচ্ছ না, ইত্যাদি । কিন্তু সে ওই পর্যন্ত । খাবার-টেবিল ছাড়লেই সে একেবারে অন্ধ লোক হয়ে পড়ত ।

কিন্তু দেবীর এই গাভীষ ও আলাদা-আলাদা ভাব বেশি দিন চলল না । একদিনের একটা সামান্য কারণে আমার সঙ্গে তাব এমন ভাব হয়ে গেল যে মুখের কথা তো দূরের কথা—সে আমাকে তার মনের কথা পর্যন্ত বলতে আরম্ভ ক'রে দিলে ।

আগেই বলেছি যে, বিকেলবেলাটা পণ্ডিতজীর বাড়ি অত্যন্ত নির্জন হয়ে পড়ত । পণ্ডিতজী থাকতেন তাঁর ঘরে, সে সময় তিনি পূজা-অর্চনা করতেন, ভূমিকম্প হ'লেও বেরুতেন না । সারা দুপুর পড়াশুনো ক'বে শঙ্কর ও দেবী তখন চ'লে যেত নীচের বাগানে । চাকরেরা যে ঘর প'ড়ে ঘুম লাগাত । সেই নিশ্চল বাড়ি হয়ে পড়ত অধিকতর নিশ্চল ।

বাগানের এক কোণে কতকগুলো খোলার ঘর ছিল । এই সব ঘরের মধ্যে অনেক জিনিসপত্র থাকত । এরই মধ্যে একখানা বড় ঘরের একটা দিক খালি

ছিল। এই খালি জায়গাটাতে দেবী ও শঙ্কর ঠাকুর-ঘর করেছিল। রোজ বিকেলবেলায় তারা ভাই-বোনে এখানে পূজা করতে চুকত। একদিন শঙ্কর আমাকে নিয়ে গেল তাদের পূজার ঘর দেখাতে। ঘরের মধ্যে ছেঁড়া বস্তায় তুলো, পাট, কাঠের কুচি, ঘরময় নোংরা—তারই একটা কোণে দিব্য পরিষ্কার জায়গায় তারা পূজার দুটো বেদী তৈরি করেছে দেখলুম। দুটো পাথরের হুড়ি দিয়ে হুজুরের শিব হয়েছে। দিব্যি টাটকা লতা-পাতা দিয়ে শিবের বেদী সাজানো হয়েছে। তার মধ্যে আবার ছোট ছোট দুটি প্রদীপ জ্বালানো হয়েছে। জায়গাটি সত্যি আমার বড় ভাল লাগল। ফিবিঙ্গী ইংলে প'ড়ে ফিবিঙ্গীভাবে চালিত ও শিক্ষিত হয়েও যে তারা শিবপূজা করেছে দেখে খুশি হয়ে আরও ভাল-লতা পাতা এনে আরও ভাল ক'বে তাদের বেদী সাজিয়ে দিলুম।

ঠাকুর-ঘরের প্রশংসা ক'বায় ও আমার শিবভক্তি দেখে দেবী আমার প্রতি খুব প্রশংসা হয়ে দু-একটা ক'রে কথা বলতে লাগল। আমার একটা শিবস্তোত্র মুখস্থ ছিল, আমি দেবীর শিবের সামনে ব'সে হাত জোড় ক'রে চোখ বুজে দিলি সব ক'বে স্তোত্র আওড়াতে শুক ক'রে দিলুম। স্তোত্রটা শেষ হতে না হতে দেবী একেবারে উছলে পড়ল, এ যে স্মান্স্ক্রিট—না শর্মা ভাই, এ নিশ্চয়ই স্মান্স্ক্রিট। কি আশ্চর্য! শর্মা ভাই, তুমি স্মান্স্ক্রিট জান?

দেবী একেবারে আমার পাশে ব'সে একরকম গলা জড়িয়ে ধ'রে বললে, শর্মা ভাই, এটা মনুষ্যটা আমার শিখিয়ে দেবে?

—নিশ্চয় দেব।

দেবী বলতে লাগল, ওং, হাউ ওয়াণ্ডারফুল—তুমি স্মান্স্ক্রিট জান!

ইংরেজী, ভাড়া-হিন্দী ও মারাঠা এই ত্রিবেণীধারায় প্রশংসা বহিত হতে লাগল আমার ওপর। দেবী বলতে লাগল, আচ্ছা, আর একটু স্মান্স্ক্রিট বল তো!

—শুনবে?—

বিদ্যুৎ চ নৃপদ্বং চ নৈব তুল্যং কদাচন ।

স্বদেশে পূজ্যতে রাজা বিদ্বান্ সর্বত্র পূজ্যতে ।

—আরও ?

—আচ্ছা ।—

উৎসবে ব্যসনে চৈব ছুৰ্ভিক্ষে রাষ্ট্রবিপ্লবে ।

রাজদ্বারে শ্মশানে চ যন্তিষ্ঠতি স বান্ধবঃ ॥

—ওঃ, হাউ ওয়াণ্ডারফুল ! আমি ফাদারকে ব'লে তোমায় টিচার রাখব ।

শর্মা ভাই, আমাকে স্ত্রান্স্ক্রিট শেখাবে ?

—এতে আর কি হয়েছে, তোমায় দু দিনেই শিখিয়ে দেব ।

দেবী বললে, আমার ইস্কুল খুলতে এখনও মাস দেড়েক দেরি আছে —
এর মধ্যে শিখে নিতে পারব না ?

—খুব, খুব । অস্তুত আমি যতটুকু জানি ততটুকু শেখাতে ওর চেয়ে
বেশিদিন লাগবে না । তাতে তুমি কথাবার্তা চালিয়ে নিতে পারবে ।

দেবী বললে, ফাদারকে বলব, এজ্যে তোমায় মাইনে দিতে হবে ।

পণ্ডিতজী বেশ ভাল সংস্কৃত জ্ঞানতেন । আমার জ্ঞানের মাত্রা জ্ঞানতে
পারলে একটা হাঙ্গরুর পরিস্থিতির উদ্ভব হবে বুঝতে পেরে দেবীকে বুঝিয়ে
বললুম, বহেনজী, ফাদারকে জানিয়ে আর কাজ নেই । তুমি আমার বহেন
হও, তোমায় শিখিয়ে টাকা নিলে আমার পাপ হবে । তোমার কোন ভাবনা
নেই, আমি তোমাকে ঠিক শিখিয়ে দেব ।

সেদিন থেকে দেবী আমার অন্তর্গত বন্ধুতে পরিণত হ'ল । আমি তাকে
স্বয়ং ক'রে মোহ-মুদগর আবৃত্তি করতে শেখাতে লাগলুম । মোহ-মুদগরের
মধ্যে কি আছে জানি না । গ্লোকগুলো মুখস্থ হবার পর তার শিবভক্তি যেন
বেড়ে গেল । এতদিন সে বিকেলে পূজো করত, এখন থেকে দু বেলায় পূজোর
ঘরে যেতে আরম্ভ ক'রে দিলে ।

স্রাটের আর একটা স্থিতি আমার মনের মধ্যে বিশেষ ক'রে উজ্জ্বল হয়ে আছে, সে স্থিতি কোন লোকের কথা নয়—একটি জায়গার কথা।

বিকেলবেলা জলখাবারের পর দেবী ও শঙ্কর নীচে নেমে যেত বাগানে—তাদের ঠাকুর-ঘরে। ঠাকুর-ঘর ঝাঁট দিয়ে বাসি ফুল-পাতা ফেলে দিয়ে তারা সত্য হোক—মিথ্যা হোক—গভীর ভক্তির সঙ্গে পূজো করত। পূজো শেষ হতে প্রায় সন্ধ্যা হয়ে যেত। এই সময়টা আমি আর স্বকান্ত বাড়ি থেকে বেরিয়ে পড়তুম ঘুরে বেড়াবার জন্তে।

দু-একদিন জন্মদৈন্য ওখানেও গিয়েছিলুম, কিন্তু বুঝতে পারলুম আমরা গেলেই তারা বিব্রত হয়ে পড়ে। মনে করে, এই বুঝি এরা আবার ফিরে এল! শেষকালে আমরা এদিক ওদিক ঘুরে বেড়িয়ে সময়টা কাটিয়ে দিতে লাগলুম।

একদিন এই ভাবে নদীর ধারে বেড়াতে বেড়াতে শহর থেকে একটু দূরে একটা জায়গায় এসে পৌঁছানো গেল। সেখানে নদী থেকে খাঁড়ির মত একটা চওড়া জলধারা জমির মধ্যে এসে প্রবেশ করেছে—নদীর প্রধান প্রবাহ থেকে প্রায় দু শো গজ পর্যন্ত ভেতর দিকে। জায়গাটা দেখেই আমার মনে হ'ল, এ যেন চেনা জায়গা। কোথায় দেখেছি, কবে দেখেছি ইত্যাদি নিয়ে মনের মধ্যে কিছুক্ষণ আন্দোলন চালিয়েও কিছুই মনে ক'বে উঠতে পারলুম না। অথচ স্রাটে আমি এর আগে কখনও আসি নি ও এবার এসেও এখানে কখনও আসি নি।

যাই হোক, জায়গাটা এত নির্জন ও এত আকর্ষণীয় যে, সেখানটা ছেড়ে নড়তে ইচ্ছে হ'ল না। আমি জলের প্রায় কাছাকাছি গিয়ে ব'সে পড়লুম। সঙ্গে স্বকান্তও ছিল, সেও কোন কথা না বলে একটু দূরে জলের ধারে গিয়ে বসল। সেখানে বসতে না বসতে কিছুক্ষণের মধ্যেই মনের মধ্যে একটা অন্তর্ভূত শান্তি এসে জমা হতে লাগল। মনে হতে লাগল যেন মনের মধ্যে গুঁড়ি গুঁড়ি বৃষ্টিধারার মত শান্তিবারি বর্ষিত হচ্ছে। সেই অনাস্বাদিত-

পূর্ব অল্পভূতির বর্ণনা আমি কোন্ ভাষায় প্রকাশ করব! গৃহ, পরিবার, পরিবেশ, অবস্থা—সবই ভুলে গেলুম। মনে হতে লাগল, সবই সুন্দর—মনোরম—মধুময়।

জলের প্রায় কিনারায় বসে ছিলাম। জায়গাটা এত নিরীশ যে কিনারায় এসে যে জলের টেউ মধ্যে মধ্যে ছায়া ছায়া করে লাগছিল, আমি যেন তার মধ্যেও অস্পষ্ট বাণীর আকুল আকৃতি শুনতে লাগলুম। ছল-ছল কল-কল শব্দ তুলে নদী-মাতা আমায় যেন সম্ভাষণ করতে আরম্ভ করে দিলে।

মনে হতে লাগল, হয়তো কোনো পূর্বজন্মে বালক আমি এই জলের ধারে খেলা করতুম। বহু জন্মজন্মান্তর বাদে সেই পরিচিত বালকটিকে দেখতে পেয়ে নদী-মাতা যেন আকুল ভাষায় আমায় স্নেহের সম্ভাষণ জানাচ্ছে। বাল্যকাল থেকেই আমি একটু কল্পনাবিলাসী—এখানে বসে বসে আমার কল্পনার উৎস যেন খুলে গেল।

দেখলুম, দূরে এক জোড়া লম্বা ঠ্যাঙওয়ালা সারস পাখি আশ্বে আশ্বে চলে ফিরে বেড়াচ্ছে, ভারি ভাল লাগতে লাগল; তাদের চলন-ফেরন। কিছুক্ষণ পরেই মাথার ওপর দিয়ে এক ঝাঁক বলাকা গোল হয়ে উড়ে চলে গেল—তারপরে আর এক ঝাঁক,—আর এক ঝাঁক। হাওয়ার বিপরীত দিকে চলল তাবা, অথচ কি দ্রুত ও কি নিশ্চিত তাদের গতি! তাদের পক্ষ-তাড়নায় যে শব্দ উথিত হ'ল তাতে সেই নির্জনতাকে যেন আরও গম্ভীর করে তুলল। ক্রমে আমার চারদিক ঘিরে অন্ধকার নেমে আসতে লাগল। সেই স্বচ্ছ অন্ধকারে দেখলুম, দূরে একটি মেয়ে ছুটি কলসী নিয়ে এসে নদীর ধারে দাঁড়াল। তারপরে কলসী ধুয়ে একে একে দু'কলসী জল তুলে নিয়ে নদীর ধারে রাখলে। তারপর একটার ওপর আর একটা কলসী মাথায় তুলে নিয়ে চলে গেল অন্ধকারের গভীরে, যেন কালো বর্ণের পটে তুলি দিয়ে তার চেহারাখানা মুছে দেওয়া হ'ল। সন্ধ্যা হয়ে যাবার অনেক পরে আমরা সে জায়গাটা ছেড়ে উঠে পড়লুম।

কিছুদূর নীরবে পথ চলার পর স্নকাস্ত বললে, জায়গাটা এত ভাল লাগছিল যে উঠতে ইচ্ছে করছিল না।

যাঠি হোক, পরের দিন বিকেল হতে না হতে সেই জায়গাটা আবার আমাদের আকর্ষণ করতে লাগল। চা-খাবার একটু পরেই আমরা ছুটলুম সেই নদীর ধারে। সেখানে গিয়ে আগেব দিন আমি ও স্নকাস্ত—যে যেখানে বসেছিলুম, সেখানে গিয়ে বসে পড়লুম। আশ্চর্যের বিষয় এই যে, সেদিনও বসতে না বসতে মনের মধ্যে সেই শান্তির অবতরণ বৃষ্টিতে পারলুম। বরঞ্চ কালকের চেয়ে আজকের অবতরণ যেন আরও গভীর, পরিবেশ যেন মধুরতর হয়ে উঠল।

নদীর পারে সেই বক চরছে। লম্বা-ঠ্যাঙুরালা সারস পাখি দুটো সেই রকম সন্তর্পণে পা ফেলে ফেলে চলা-ফেরা করছে। নির্দিষ্ট সময়ে মাথার ওপর দিয়ে সেই বকেব পাতি শন-শন করতে করতে উড়ে গেল—এক সার—দু সার—তিন সার। অন্ধকারে আপনাকে লুকিয়ে একটি মেয়ে এল নদীর ধারে—বোধ হয় কাল যাকে দেখেছিলুম সে-ই হবে।

এমনি ক’রে প্রতিদিন বৈকালে নদী আমাদের আকর্ষণ ক’রে নিয়ে যায় তার তীরে। সকাল থেকে বিকেল অবধি দেবী ও শঙ্করের সঙ্গে কাটে, তারাঠি আমাদের ভাই-বোন হয়ে উঠেছে। বোদ্বাই গিয়ে মিলে কাজ শেখার কথা একরকম ভুলেই গিয়েছি। দিনের বেলা বাড়ির কথা, কাজকর্মের কথা, জীবনে উন্নতি করার কথা কখন-সখন মনে হয় বটে, কিন্তু সে চিন্তার তীব্রতা চলে গিয়েছে। তারপর বিকেলবেলা নদীর তীরে গেলে সব চিন্তার ওপরে শান্তির প্রলেপ পড়ে যায়, সমস্ত উদ্বেগ চলে যায়, মনে হয় এমনি ক’রেই জীবন কেটে যাবে।

ঠিক এই রকম শান্তির অভিজ্ঞতা আমার জীবনে আর একবার হয়েছিল, সে বৃত্তান্তও এই জাতকে লেখা থাকা দরকার। সূর্যোদয়ের এই সময়ের প্রায় বিশ বৎসর পরে একবার শীতের সময় মাস তিনেক জয়পুর শহরে বাস

করতে হয়েছিল। শহর থেকে অনেক দূরে একটা নির্জন স্থানে ছিল আমার বাড়ি। বাড়ির সামনে-পেছনে আশে-পাশে ইটের তৈরি কোন বাড়ি নেই—দূরে মাঝে মাঝে দু-চারটে খোলার চালের বস্তি, তারপরে আবার সব ফাঁকা। বাড়ির সামনে দিয়ে চওড়া রাস্তা চ'লে গিয়েছে, কোথায় কোন দূরের অল্প এক রাজ্যের রাজধানী পর্যন্ত। আমি শীত-কাতুরে লোক, দুপুরবেলা ঘরে থাকতে কষ্ট হ'ত ব'লে রোদে রোদে ঘুরে বেড়াতুম। বাড়ি থেকে বেরিয়ে সেই নির্জন পথ বেয়ে চলতে থাকতুম যতক্ষণ পর্যন্ত না রোদের ঝাঁজ ক'মে যায়। চারিদিক জনশূন্য—নিস্তরক প্রকৃতি। থেকে থেকে পাগলা হাওয়ায় কখন বা থানিকটা ধূলো উড়িয়ে রাস্তা দিয়ে ছুটে চলল, কখনও বা চষা মাঠের মাঝখানে থানিকটা ধূলো লাট্টুর মতন ঘুরতে ঘুরতে ওপরে উঠে ছড়িয়ে পড়ল। কোথাও বা একপাল হরিণ চরে বেড়াচ্ছে—কোথাও বা ময়ূর। এখাই মাঝে মাঝে কোন ধনী লোকের এক-একটি বাড়ি বা বাগান-বাড়ি আছে, কিন্তু সেও যতদূর নির্জন।

বড় ভাল লাগত আমার এই দুপুরের নিকরদেশ অভিযান।

একদিন দ্বিপ্রহরে এই রকম চলেছি। চলতে চলতে পশ্চিমের হোক বা অল্প কোনো কারণেই হোক এক জায়গায় দাঁড়িয়ে চারদিক দেখছিলুম—দেখলুম, রাস্তা থেকে একটু দূরে একটা সমাধি রয়েছে। রাজপুতনায় মৃত ব্যক্তির স্মরণে মঠের মত ইট কিংবা পাথরের সমাধি করার রেওয়াজ আছে। এই রকম সব বড় বড় খেতপাথরের সমাধি উদয়পুরেও আছে, কিন্তু উদয়পুরের তুলনায় জয়পুরের সমাধি-মঠগুলি কিছুই নয়। এই সমাধির মধ্যে কোথাও একজোড়া পায়ে চিহ্ন দেখেছি, কোথাও তাও নেই। যাই হোক, যে সমাধিটার কথা বলছি সেটার অবস্থা খারাপ, অথচ ছাদ প্রায় ভেঙে পড়েছে। সমাধির চারদিকে অনেকখানি জায়গা ঘিরে এক সময় কাঁটাতারের বেড়া দেওয়া হয়েছিল, কিন্তু তারের চিহ্নও এখন নেই—মাঝে মাঝে এক-একটা খুঁটি দাঁড়িয়ে রয়েছে মাত্র।

সমাধিটি দেখামাত্রই আমি নিজের মনের মধ্যে অদ্ভুত একটা আকর্ষণ অনুভব করলুম। মনে হতে লাগল, যার স্মৃতিকে স্থায়ী করার জন্য ওই সমাধি তৈরি হয়েছিল সে যেন আজও ওই ভগ্নস্তূপের মধ্যে বন্দী হয়ে আছে, আমি পদার্পণ করলেই ওই ভগ্নমন্দির ধূলিসাৎ হয়ে যাবে, আর যে বন্দী হয়ে আছে সেও মুক্তিলাভ করবে।

আমি ধীরে ধীরে ইট-পাটকেল সামলে সেই সমাধির ওপরে গিয়ে বসতেই কোথা থেকে এক শান্তির নিব্বার যেন আমার ওপর বর্ষিত হতে লাগল। মনে হ'ল, মধু বাতা ঋতায়তে, মধু ক্ষরন্তি সিদ্ধবঃ—বাতাসে মধু—মধু নদীর জলে। ভূত-ভবিষ্যতের চিন্তা কোথায় মুহূর্তে অন্তর্হিত হয়ে গেল।

প্রায় সন্ধ্যা অবপি সেখানে বসে থেকে আমি উঠে এলুম। পরদিন দ্বিপ্রহরে আবার গিয়ে সেখানে বসলুম।

বসাব কিছু পরেই আবাব সেই শান্তির নিব্বার ঝরতে লাগল। সেই থেকে আমি প্রায় দু'মাস সেখানে ছিলাম এবং কাজকর্ম না থাকলে প্রতিদিনই দুপুরবেলা সেখানে গিয়ে বসতুম। বোধ হয় দু-তিন দিন ছাড়া প্রতিবারেই আমি সেই শান্তি অনুভব করেছি। আমার এই অভিজ্ঞতার কথা সে সময় আমি আমার বন্ধু কবি নরেন্দ্র দেবকে লিখেছিলাম। আমার সেই চিঠির উত্তরে নরেন আমাকে হৃন্দর একটি চিঠি লিখেছিল। নরেনের চিঠিখানা এইখানে দিতে পারলে এই জাতক অলঙ্কৃত হ'ত সন্দেহ নেই ; কিন্তু যে লক্ষ্যছাড়া কোনো সঙ্কল্পই জীবনে করতে পারে নি, চিঠিপত্র জমা করা তার দ্বারা আর কি ক'রে সম্ভব হবে ?

আগেই বলেছি দেবীর সঙ্গে আমার খুব ভাব হয়ে গিয়েছিল। একদিন দুপুরবেলা খাওয়া-দাওয়ার আগে আমরা গল্প করছি, এমন সময়ে আমাকে ও স্নকাস্তকে দেবী বললে, ভাইয়া, তোমরা আমাদেব বাড়িতেই থাক। তোমাদের দুজনেকেই আমার খুব ভাল লাগে। কলকাতা বা বোম্বাই গিয়ে কি আর হবে—ফাদারকে বলি, তিনি তোমাদের এখানেই এক-একটা কাজে লাগিয়ে দেবেন।

দেবীকে বললুম, তুমি তো দুদিন বাদেই ইস্কুলে চ'লে যাবে।

সে বললে, তাতে কি হয়েছে! ইস্কুল খুললেই তো আমার পরীক্ষা।
পাস যদি করতে পারি তো ইস্কুলে আর পড়ব না। বাড়িতে প'ড়ে বোম্বে
ইউনিভার্সিটির পরীক্ষা দেব। তা ছাড়া আমি আর কদিন আছি!

—কদিন আছ মানে!

দেবীর মুখখানা আমার প্রাণে মলিন হয়ে গেল। সে বললে, জান ভাই,
আমি বেশিদিন বাঁচব না। কুড়ি বছরের বেশি আমার পরমাণু নেই। এখনি
আমার সতের বছর চলছে—আর বড় জোব তিন বছর। বাবা বলেছেন,
এর মধ্যে যে কোনো সময়ে ম'রে যেতে পারি।

দেবীও উল্লাসে পরিপূর্ণ, স্বাস্থ্যে নিটোল সেই উজ্জ্বল মুখখানা দেখতে
দেখতে মলিন হয়ে গেল। একটু চুপ ক'রে থেকে সে বললে, জান ভাই,
বাবা বা বলেন তা কখনও মিথ্যা হয় না!

দেবীও কথাগুলি শুনে বুকের মধ্যে হা-হা ক'রে উঠল। মনে হ'ল, এমন
ফুল অকালে শুকিয়ে যাবে। তাই বুঝি নিয়তি তাকে সংভাববে দেবতা
মহেশ্বরের পায়ের কাছে টেনে নিয়ে গিয়েছে—তাই বুঝি সে শিবপূজাব
অম্বুরাগিনী, নিত্য শিবপূজা করে। মনে হতে লাগল, মৃত্যুর রক্ষণবিনীকার
ওপরে এই যে ফুল ফুটে উঠছে কি এর উদ্দেশ্য? কেন এই অকারণ অবারণ
রূপ-সৃষ্টি, যদি অক্লপেই তা নিশ্চিহ্ন হয়ে যায়? কেন এই তাকণ্যেব
উন্মুখ পিপাসা, যদি মৃত্যুর মরুবালাকাই থাকে পথের শেষে? মাতৃধের মনের
কোন আত্মবিদ্রোহ সংহারের দেবতাকে নটরাজরূপে কল্পনা করল—কঠিন
ধাতবে গেঁথে দিল তার কোমল আশা? এই সব ভাবধারার অতল গহনে
ডুবে গেছি, এমন সময় দেবীর কণ্ঠস্বরে আবার চেতনার শ্রোতে ভেসে উঠলুম।

দেবী বলতে লাগল, মরতে আমার একটুও ইচ্ছে নেই। বল ভাইয়া,
কে মরতে চায়! তবু মনকে আমি শক্ত করবার চেষ্টা করি। বাবা আমাকে
মন ঠিক করবার মন্ত্র দিয়েছেন—সব সময় সেই মন্ত্র জপ করি। সত্যি ভাইয়া,

মহ্ন জপ করতে করতে মরবার ভয় আমার একটুও নেই। কিন্তু তবু—মরতে আমি চাই না, মরবার ইচ্ছেও আমার নেই। হায়! তবু আমায় মরতে হবে।

দেবীর কথা শুনে শুনে আমার চোখে জল এসে গেল। ফিরে দেখলুম, স্বকান্তের চোখ উপচে জল পড়ছে—শঙ্কর-ভাই নিঃশব্দে কাঁদতে লাগল। দেবী তাকে জড়িয়ে ধরে আদর করতে শুরু ক'রে দিলে।

এই বেদনার মধ্যে আমাদের বন্ধন দৃঢ়ত্ব হয়ে উঠলেও আমাদের চাবদিক ঘিরে মরণের করুণ হ্রস্ব বাজতে লাগল। সেই দিনই দুপুরে খাবার সময় পণ্ডিতজীকে বললুম, বহেনজী বলছিল যে, কুড়ি বছরের বেশি ওর পরমায়ু নেই, এর মধ্যে যে কোনদিন তার মৃত্যু হতে পারে—এ কি সত্যি কথা!

আমার কথা শুনে পণ্ডিতজী তাঁর স্বভাবস্বলভ উচ্চ হাসি হেসে উঠলেন। হাসি খামলে বললেন, দেবী বলছিল নাকি? ই্যা, ই্যা, ওর আয়ু বড় কম। তা আমি তো ওকে মহ্ন দিয়েছি—

কথাটা বলতে বলতেই পণ্ডিতজী আবার সেই বকম হেসে খাওয়ার দিকে মন দিলেন।

সত্যি কথা বলতে কি, পণ্ডিতজীকে আমবা এত শ্রদ্ধা করতুম ও এমন ভালবাসতুম যে বলবার নয়। তবুও একমাত্র কল্যাণস্থানের মৃত্যুর কথা এমন অবহেলা ও হাসিব সঙ্গে উড়িয়ে দেওয়াটা বড় নিষ্ঠুর বলে মনে হতে লাগল।

সন্তানের শুভাশুভ সংক্ষেপে এবং চেয়েও বেশি উদাসীনতা তাঁর মধ্যে আর একদিন দেখেছিলুম। তখন অবগত বুঝতে পারি নি যে, বিশ্বনিয়ন্তার ওপর কতখানি নির্ভরশীল হ'লে এবং কতখানি আত্মসমর্পণ করতে পারলে মানুষ এতটা উদাসীন হতে পারে। সেই কাহিনী বর্ণনা ক'রেই এবারের পর্ব শেষ কবি।

একদিন বিকেলে চায়ের পর্ব শেষ হয়ে যাবার পূর্বে তখনও কটকটে রোদ্দুর আছে দেখে আমরা না বেরিয়ে ঘণ্টাখানেক গড়িয়ে নিছি। এমন সময় দেবীর খাস ক্লির তীব্র আর্তনাদ শুনে নিজেদের ঘর থেকে বেরিয়ে এসে দেখি যে, সে পণ্ডিতজীর ঘরের দরজার একটু দূরে দাঁড়িয়ে মারাঠা ভাষায় চীৎকার ক'রে

কি সব বলছে। এই স্বীলোকটি ছিল দেবীর খাস ঝি—হিন্দী কথা একেবারেই বুঝতে পারত না বা বলতেও পারত না। দেখলুম যে হাত ছুঁড়ে ছুঁড়ে তারস্বরে চীৎকার ক'রে কি বলছে।

আমরা বেরিয়ে আসতেই সে পণ্ডিতজীর ঘরের ভেজানো দরজার দিকে আঙুল দিয়ে কি দেখাতে লাগল। আমরা তার কথা কিছুই বুঝতে পারছি না দেখে সে আরও টেঁচিয়ে হাত ছুঁড়ে কি সব বলতে লাগল। কিন্তু আমরা তখনও কিছু বুঝতে পারছি না দেখে সে একরকম ছুটে গিয়ে পণ্ডিতজীর ঘরের ভেজানো দরজাটা দড়াম ক'রে খুলে ফেলেই হতভম্ব হয়ে দাঁড়িয়ে গেল।

আমরা দেখলুম, পণ্ডিতজী পদ্মাসনে ব'সে আছেন। শরীরটা মোজা, চক্ষু মুদ্রিত—দেখলেই বুঝতে পারা যায় যে তিনি সমাধিস্থ। এদিকে সেই স্বীলোকটি একটু চুপ ক'রে থেকেই আবার চেলাতে শুরু করলে। কিন্তু পণ্ডিতজী নিবিকার, নিষ্পন্দ। শেষকালে আমরা তাকে চুপ করতে ব'লে দরজাটা ভেঁজিয়ে দিয়ে তাকে সরিয়ে নিয়ে এলুম। অনেক জেরা করবার পর কোন রকমে বোঝা গেল যে, বাগানের দিকে দেবী ও শঙ্করের কি হয়েছে—

কালবিলম্ব না ক'রে বাগানের দিকে ছুটলুম। পেছনে দেবীর ঝি চেঁচাতে চেঁচাতে আমাদের অনুসরণ করতে লাগল। বাগানে গিয়ে দেখি, সেখানে সাংঘাতিক কাণ্ড শুরু হয়েছে। দেবী ও শঙ্করের ঠাকুর-ঘরে লেগেছে আগুন—আগুন চালা অবধি উঠে গেছে। কুণ্ডলী ক'রে ধোঁয়া উঠছে ওপরে, তার মধ্যে মাঝে মাঝে লাল আগুনের শিখা দেখা যাচ্ছে। ঘরের একটা ছোট্ট জানলা খোলা, তার মধ্যে দিয়ে গল্গল্ ক'রে ধোঁয়া বেরুচ্ছে, ঘরের চওড়া দরজা দিয়ে ভেতরের খানিকটা দেখা যাচ্ছে, কুণ্ডলীকৃত অগ্নিগর্ভ ধোঁয়া মেঝেতে পাক খাচ্ছে—ঘরের মধ্যে দেবী ও শঙ্কর রয়েছে, তাদের কোন সাড়া পাওয়া যাচ্ছে না। একদল চাকর বাইরে দাঁড়িয়ে চেঁচামেচি করছে। ছোঁড়া চাকরটা

বাড়ির মধ্যে থেকে দু'হাতে দু'বালতি ক'রে জল এনে চালায় ছুঁড়ে দিচ্ছে। প্রতিবার জল আনতে প্রায় পাঁচ মিনিট ক'রে সময় যাচ্ছে।

চাকরদের বললুম, তোমরা দাঁড়িয়ে কি মজা দেখছ! যাও, ভেতরে ঢুকে ওদের বের ক'রে নিয়ে এস।

আমাদের কথায় কেউ সাড়া দিলে না। কয়েক সেকেন্ড পরে বুদ্ধ বাবুচাঁ বললে, ওর মধ্যে কে যাবে সাহেব, ও নিশ্চিত মৃত্যুর মধ্যে কে যাবে!

আমার মনেব মধ্যে তখন আকুলতার ঝড় চলেছে। দেবীর সেই ফুলের মতন মুখখানার ছবি মনের মধ্যে ভেসে উঠতে লাগল। মনে হতে লাগল, জ্ঞান হওয়া থেকে আরম্ভ ক'রে আজ পর্যন্ত আমি তো বিখ্যেব নিন্দিত। পিতা-মাতা খামাব জগ্রে নিশিদিন চিন্তিত, শঙ্কিত ও মর্মান্বিত—লোকের কাছে তারা মুখ দেখাতে পারেন না। খারাপ ছেলের দৃষ্টান্ত দিতে হ'লে আত্মীয়-স্বজনরা আমাব দিকে আঙুল তুলে দেখায়। আমাব সঙ্গে মিশতে দেখলে অভিভাবকেবা তাঁদের ছেলেদের শাসন করেন। আজ ভগবান আমাকে একটা সংকাজ করবাব শ্রয়োগ জুটিয়ে দিয়েছেন। যদি মনি তো সংসারের একটা আবর্জনা স'বে যাবে।

ফিরে স্বকাস্তকে বললুম, কি রে স্বকাস্ত, যাবি নাকি। আর না—আর দেরি করলে যাওয়া না-যাওয়া সমান—কি রে স্বকাস্ত--

স্বকাস্ত কোনও জবাব দিলে না তবে তার মুখ দেখে মনে হ'ল যে, সে যাওয়ার জগ্রে প্রস্তুত। আর কিছু না ব'লে, আব কিছু না ভেবে সেই ঘোঁয়ার অন্ধকারে ঢুকে পড়া গেল।

ঘবের মধ্যে দৌড়ে ঢুকে খেলুম এক আছাড়। মাটিব মেঝে—তার ওপর কয়েক বালতি জল প'ড়ে খুব পেছল হয়েছে। সামলে দাঁড়ালুম বটে, কিন্তু সেই জমাট বাঁধা ঘোঁয়া—ঘোঁয়ার মধ্যে আগুনের হলকা লুকিয়ে রয়েছে—মাঝে মাঝে ফুঁসিয়ে উঠছে।

নিখাস বন্ধ ক'রে পা ঘেঁষটে ও হাত দিয়ে খুঁজতে লাগলুম শব্দ ও

দেবীকে। কিন্তু কতক্ষণ নিখাস বন্ধ ক'রে থাকা যায়। নিখাস নিতেই বুকটা যেন জ্বলে গেল। বেশ বুঝতে পারলুম বুকের মধ্যে খানিকটা গরম হোয়া ঢুকে পড়ল। দেহের সেই নিদাকণ কষ্টকে চেপে পা ঘষতে চলেছি, পায়ে নরম একটা কি লাগতেই বুঝতে পারলুম দেবী প'ড়ে আছে। চীৎকার ক'রে ডাকলুম, বহেনজী।

কিন্তু খানিকটা আওয়াজ ছাড়া আর কিছুই বেরল না—বরঞ্চ সঙ্গে সঙ্গে আর এক হলকা হোয়া ঢুকল বুকে। সেই অবস্থায় ব'সে প'ড়ে দেবীকে তোলবার চেষ্টা করলুম, কিন্তু আমার সাধ্য কি সেই লাশ ওঠাই। শেষকালে তার হাত দুটো ধ'রে টানতেই যেন কিশে আটকে গেল। বুঝতে পারলুম, তার চোদ্দ হাত শাড়ির আঁচল কিছুতে আটকে প'ড়ে গিয়ে সে অজ্ঞান হয়ে গিয়েছে। জোর ক'রে টেনে তাব দেহটাকে দবজাব কাছে নিয়ে এলুম—শাড়ির খানিকটা ছিঁড়ে সেখানে আটকেই বইল। কিন্তু শাড়ি দেখবার তখন আব সময় নেই। আর যেটুকু দম অবশিষ্ট ছিল, তারই জোরে দেবীর দেহখানা হিঁচড়ে কিছুদূর টেনে নিয়ে গিয়ে ঘুরে প'ড়ে গেলুম।

মাটিতে পড়েই বা হাতে একটা চোট লাগায় চেতনটা একবার চন্মনিয়ে উঠল—তারই মধ্যে ছায়ার মতন চোখে পড়ল, স্বকান্ত শঙ্করের দেহখানা নিয়ে ঘর থেকে বেরিয়ে এসে প'ড়ে গেল। বাস—তার পরে আব কিছু মনে নেই।

জ্ঞান হয়ে দেখলুম, বাত্মি হয়ে গিয়েছে, আমাকে তুলে এনে ঘরের মধ্যে শোয়ানো হয়েছে। ঘবে আলো জ্বলছে। অদূরে আব একজন কে শুয়ে রয়েছে। তার শিয়রে একজন বাঁধা-পাগড়ি-পর্য লোক ব'সে রয়েছে, পণ্ডিতজী পাশে দাঁড়িয়ে।

হাতখানা বেদনায় কন্কন্ করতে লাগল, বুকের ভেতর একটা জ্বালা। যন্ত্রণায় একটু আওয়াজ মুখ দিয়ে বেকতেই পণ্ডিতজী এসে আমার মাথায় হাত বুলাতে বুলাতে বললেন, কেমন আছ ?

তারপরে পাগড়ি-বাঁধা লোকটিকে ডেকে বললেন, ডাক্তার, এই দিকে, এই যে চেতনা হয়েছে—

ডাক্তার উঠে আমার কাছে আসতেই দেখলুম, অদূরে যে গুয়ে রয়েছে সে স্বকাস্ত—স্বকাস্ত তখনও অচৈতন্য।

সেই রাত্রে আমি ও স্বকাস্ত দুজনেই খুব অস্থস্থ হয়ে পড়লুম। বৃকে অসহ্য বেদনা, তার ওপর মুহুমূহ বমি। বৃকে সরষের পটি ও মালিশ চলতে লাগল। দিন তিনেক বাদে তবে পথ্য পেলুম। কিন্তু আশ্চর্যের বিষয় যে, দেবী ও শঙ্কর পরের দিনই বেশ স্থস্থ হয়ে উঠল।

আমরা পথ্য পেলুম বটে কিন্তু ডাক্তার ব'লে গেলেন, দিন রাত্রি যেন বিছানায় শুয়ে থাকি। তিনি সকালে ও সন্ধ্যায় এসে আমাদের বুক পেট সব পরীক্ষা ক'রে যেতে লাগলেন। দেবী ও শঙ্কর সর্বদাই আমাদের কাছে থাকতে লাগল। উদ্ধারকর্তারা কাত হলেন, অথচ উদ্ধতেবা দিবি ঘোরা-ফেরা করতে লাগলেন। এই নিয়ে আমাদের হাসাহাসি হ'ত।

সন্ধ্যার পর থেকে পণ্ডিতজী আমাদের কাছে এসে বসতেন। সময়টা হাসিঠাট্টা আমোদ ও নানারকম কথাবার্তায় আনন্দে আত্মহারা হয়ে কাটতে লাগল। প্রায় দিন পনেরো বিছানায় কাটিয়ে আমরা স্থস্থ হয়ে উঠলুম।

ওদিকে দেবী ও শঙ্করের ইস্কুলে ফিরে যাবার দিন এগিয়ে আসতে লাগল। দুই ভাই-বোনকে কিছু কাপড়-চোপড়ের দরকার—কিন্তু গুরাটে কিছুই পাওয়া যায় না। ঠিক হয়েছে হস্তাথানেকের জুতো দেবী ও শঙ্করকে নিয়ে পণ্ডিতজী কাপড়-চোপড় কিনতে বোম্বাই যাবেন।

কথাবার্তা চলছে, আলাপ-আলোচনা হচ্ছে—এই রকম একটা সময়ে একদিন বিপ্রহরে খেতে ব'সে দেখলুম যে, দেবীর বাঁ চোখের কোণটা লাল হয়ে উঠেছে। জিজ্ঞাসা করলুম, বহেনজী, তোমাব চোখটা লাল হয়ে উঠেছে যে ?

দেবী বললে, ই্যা ভাইয়া, কাল রাত থেকে মাঝে মাঝে চোখটা দপ্‌দপ্‌ ক'রে উঠেছে—বোধ হয় ঠাণ্ডা লেগেছে।

পণ্ডিতজী দেখে বললেন, খেয়ে উঠে চোখটায় গরম জলের শেক দিও।

লেদিন রাত্রে মদীর ধার থেকে ফিরে এসে দেখি, দেবীর সমস্ত চোখটাই রাঙা হয়ে উঠেছে—একটু ফুলেছে ব'লেও যেন মনে হ'ল।

দেবী বললে, দেখ তো ভাইয়া, আমার জ্বর এসেছে কি না ?

কপালে হাত দিয়ে দেখলুম, তার বেশ জ্বর হয়েছে।

পণ্ডিতজী দেখে শুনে ডাক্তার ডাকলেন। ডাক্তারটি ওখানকার শ্রেষ্ঠ ডাক্তার। তিনি এসে দেখে শুধু দিয়ে গেলেন। রাতে দেবীর চোখের যন্ত্রণা অসম্ভব রকম বেড়ে গেল, সেই সঙ্গে সঙ্গে জ্বরও।

চিকিৎসা চলতে লাগল। চোখের ফোলাটা ক'মে গেল বটে ; কিন্তু দেবী বলতে লাগল, চোখটার দৃষ্টি ক'মে আসছে। জ্বর একটু একটু র'য়েই গেল, তার ওপরে চাখ্‌ চাখ্‌ করতে করতে সে রোগী হয়ে যেতে লাগল। ডাক্তারেরা পণ্ডিতজীকে উপদেশ দিলেন বোম্বাইয়ে নিয়ে গিয়ে চিকিৎসা করাতে—সেখানে চোখের বিশেষজ্ঞ ডাক্তারের নামও ক'রে দিলেন।

পরের দিনই পণ্ডিতজী ছুটির জন্তে দরখাস্ত ক'রে দেবীকে নিয়ে বোম্বাই চ'লে গেলেন। শঙ্কর আমাদের কাছে রইল।

বোম্বাই যাওয়ার সময় আমি ও স্বকান্ত স্টেশনে গিয়েছিলুম। গাড়ি ছাড়বার একটু আগে পণ্ডিতজী আমাদের দুজনকে একটু দূরে নিয়ে গিয়ে বললেন, তোমরা আমার সন্তানদের বাঁচাবার জন্তে নিজের জীবন তুচ্ছ করেছিলে—তোমাদের কি ব'লে রুতজ্ঞতা জানাব, জানি না। আমার অনুরোধ, তোমরা আরও কিছুদিন এখানে থাক—দেবীর ও ইচ্ছে তাই।

কিছুক্ষণ পরে গাড়ি ছেড়ে দিল। অত্যন্ত ভারী মন নিয়ে স্টেশন থেকে ফিরে এলুম।

প্রায় পনেরো দিন পরে পণ্ডিতজী দেবীকে নিয়ে বোম্বাই থেকে ফিরে এলেন। আমরা স্টেশনে তো তাকে প্রথমে চিনতেই পারি নি। সেই প্রফুল্ল শতাব্দের মতন নিটোল স্বাস্থ্য তার এই ক'দিনেই যেন ভেঙে পড়েছে। তার সেই মাখন-সিঁদুরে লালচে-সোনা রাঙার ওপর কে ঘেন কালি ঢেলে দিয়েছে।

দেখলুম, তার বা চোখের পর্দাটা যেন ঝুলে পড়েছে। ভাল ক'রে হাঁটতে পারে না—কি বকম ধুকতে ধুকতে কথা বলে। তার অবস্থা দেখে চোখে জল এসে গেল।

বাড়িতে এনে বিছানায় শুইয়ে দিয়ে আমরা তার পাশে গিয়ে বসলুম। এরই মধ্যে থেকে থেকে সে বোম্বাইয়ের অভিজ্ঞতা বর্ণনা করতে লাগল। কথা বলতে বলতে কৈদে ফেলে সে একবার বলে, ভাইয়া, এই চোখটায় আর কিছুই দেখতে পাই না। জ্বর দিনরাত্রি লেগেই আছে।

পণ্ডিতজীকে কিন্তু দেখলুম সেই সদাপ্রসন্ন অবস্থাতেই আছেন। বাড়িতে এসে স্নান ক'রে তিনি কাজে বেরিয়ে গেলেন। সেদিন দুপুরবেলা খাবার-টেবিলে পণ্ডিতজীকে বললুম, কলকাতায় সগুর্গ সাহেব আছেন—চক্ষু-চিকিৎসায় তাঁর জোড়া নেই। তাঁকে একবার দেখালে হয় না?

পাণ্ডিতজী বললেন, আচ্ছা, আমি খোঁজ নিয়ে দেখছি—কি করা যেতে পাবে!

পরের দিন রাত্রিবেলা আমরা যখন দেবীকে ঘিরে বাঁসে গল্প করছি, এমন সময় পণ্ডিতজী এসে ঘোষণা করলেন যে, তিনি ম্যাজিস্ট্রেট সাহেব, আমাদের ইঞ্জিনিয়ার সাহেব ও তাঁর আপিসের আরও অনেককে সগুর্গ সাহেবের কথা জিজ্ঞাসা কবেছিলেন। তাঁরা সকলেই বলেছেন যে, চক্ষু-চিকিৎসায় তাঁর জোড়া আর কেউ নেই। সকলেই পরামর্শ দিলেন, দেবীকে কলকাতায় নিয়ে গিয়ে সগুর্গকে দেখাতে।

পণ্ডিতজী আরও বললেন, তাঁর আপিসের এক বন্ধু কলকাতায় তার ক'রে দিয়েছেন—তাঁদের জন্তে একটা বাড়ি ঠিক করতে। বাড়ি ঠিক হয়ে গেলেই কলকাতা যাওয়া হবে।

দেবী সেই স্নান মুখেও একটু হেসে বললে, যাক, এই ব্যারামের দৌলতে আবার কলকাতা দেখা হয়ে যাবে।

সেদিন রাত্রিবেলা খাওয়া-দাওয়ার পর নিজেদের ঘরে এসে স্নান করে বসলুম,

আর কি বন্ধু! এবার ডেরা-ডাঙা তোলো—এখানকার দেনা-পাওনা চুকে গেল ব'লেই তো মনে হচ্ছে।

স্বকান্ত বললে, ম্যাগ্নিষ্ট্রেট সাহেব যে কুড়িটা টাকা দিয়েছিল, সেটা কার কাছে আছে? সেটা তো আমাদের টাকা!

বললুম, কার কাছে আছে জানি না। তবে পরহস্তগত ধন—সে থাকা না-থাকা সমান। তবু পণ্ডিতজীকে একবার জিজ্ঞাসা করা যাবে।

কাছে একটা কপর্দকও নেই—এমন অবস্থা এর আগে হয় নি। কিছুক্ষণ সেই চিন্তায় মনটা বিগড়ে রইল, তারপরে ঘুমিয়ে পড়লুম।

পণ্ডিতজী আপিসে ছুটির দরখাস্ত ক'রে দিলেন। এবার দীর্ঘদিনের ছুটি চাই, কারণ দেবী কতকাল ভুগবে এবং তাকে নিয়ে কতকাল ভুগতে হবে তা জানা নেই। ঠিক হ'ল, শঙ্করও সঙ্গে যাবে, দেবীর পরিচয়ার জন্তে সেই মারাঠা পরিচারিকাও যাবে।

দিন দুই বাদে আপিসের সেই বন্ধুর কাছে তার এল যে, তাদের জন্তে বাড়ি ঠিক হয়ে গেছে। হগ মার্কেটের খুব কাছে ফিরিস্কী-পাড়ায় সস্তায় একখানা ফ্ল্যাট ভাড়া পাওয়া গিয়েছে। এদিককার সব বন্দোবস্ত তখন সম্পূর্ণ হয়ে গিয়েছে, শুধু পণ্ডিতজীর ছুটির দরখাস্তের কোন জবাব পাওয়া যায় নি। পণ্ডিতজী বললেন, ছুটি না দিলে আমি চাকরিতে জবাব দেব।

দু-তিন দিন কেটে গেল, তবুও পণ্ডিতজীর দরখাস্তের কোন জবাব এল না দেখে তিনি ঠিক করলেন, এমনিই চ'লে যাবেন—তারপরে যা হবার তাই হবে—আর ব'সে থাকা চলে না।

সেদিন দুপুরবেলা খাবার-টেবিলে পণ্ডিতজীকে ব'লেই ফেললুম, আমরা কি তবে বোম্বাই চ'লে যাব?

পণ্ডিতজী বললেন, এই সব হাঙ্গামায় তোমাদের কথা একদম ভুলেই গেছি। তোমরা কি বোম্বাই যাবে, না, এখানে থাকবে?

—আপনি যা বলেন তাই হবে।

পণ্ডিতজী একটু ভেবে বললেন, দেখ, আমরা কলকাতা থেকে ফিরে আসি, তার পরে তোমাদের কথা চিন্তা করা যাবে। আমি বলি, ততদিন তোমরা এইখানেই থাক। শুধু চাকর-বাকরদের হাতে এতবড় বাড়ি আর এত জিনিস-পত্র ফেলে রেখে যাওয়া সমীচীন নয়। কি বল?

বললুম, তাই হবে।

পণ্ডিতজী আশ্বাসের স্বরে আবার বললেন, খুব সম্ভব এখানকার চাকরি ছেড়ে দিয়ে আমাদের বোম্বাই যেতে হবে। তা যদি হয় তো কথাই নেই।

পণ্ডিতজীর কথায় কতকটা নিশ্চিত হ'লেও, কি জানি কেন, মনে শান্তি পাচ্ছিলুম না। কি জানি, আবার ভাগ্যে কি আছে—এই রকম চিন্তা আমাকে ঝাঁকড়ে রইল।

সেদিন রাত্রে আহালাদির পরে আমরা সবাই দেবীর ঘরে ব'সে গল্প করছি। কি জানি, কি কথার ওপর স্ককাস্ত বললে, কাল এতক্ষণ তোমরা ট্রেনে চ'ড়ে চলেছ।

তার উত্তরে দেবী বললে, ভাইয়া, তোমরাও আমাদের সঙ্গে চল না।

আমরা চুপ ক'রে রইলুম। ভাবতে লাগলুম, আবার কলকাতা !!!

দেবী আমার একথানা হাত ধ'রে অন্তনয় করতে লাগল, চল না ভাইয়া, এখানে একলা কি তোমাদের ভাল লাগবে?

দেবীর কণ্ঠস্বর ভারী হয়ে উঠল দেখে পণ্ডিতজী বললেন, বেশ তো, চল না। কলকাতা তোমাদের দেশ—আমি সেখানকার কিছুই জানি না। তোমাদের মতন আপনার লোক কাছে থাকলে কত সুবিধা হবে, কত ভরসা পাব।

বাপের কথা শুনে দেবী উল্লসিত হয়ে বললে, তাই চল ভাইয়া। কেমন, যাবে তো?

দেবীর সে অনুরোধে 'না' করতে পারলুম না। কচি মেয়ের মতন আবদারের স্বরে—হ্যাঁ ভাইয়া, হ্যাঁ ভাইয়া—করতে করতে বিছানায় উঠে বসতে লাগল। আমাদের কাছ থেকে ঐতিশ্রুতি নিয়ে তবে সে শুলো।

পরের দিন সন্ধ্যায় সময় সকলে মিলে কলকাতায় রওনা হওয়া গেল। পথে পাছে দেবীর অসুস্থিমা হয় সেজ্ঞে পণ্ডিতজী একটি পুরো দ্বিতীয় শ্রেণীর কামরা রিজার্ভ করার আমরা বেশ আরায়েই এসে পৌঁছলুম। স্টেশনে পণ্ডিতজীর জ্ঞে তাঁর আপিসের বন্ধুর সেই বন্ধু উপস্থিত ছিলেন। তাঁর সঙ্গে তাদের নতুন আবাসে গিয়ে বাজার ইত্যাদির ব্যবস্থা ক'রে দিয়ে আমরা বাড়িতে এসে উপস্থিত হলুম।

বাড়িতে কি রকম সন্ধান হ'ল, সে কথা এখন থাক। তবে সেদিন আর দেবীকে দেখতে যাওয়া হ'ল না।

সে সময় বড়বাজারে বগলার মাডোয়ারী হাসপাতালে সগুর্গ সাহেব সন্তোষে একদিন না দুদিন ক'রে আসতেন। শোনা গেল, তিনি চন্দননগরে থাকেন— হাসপাতাল ছাড়া বাইরের কোন লোককে চিকিৎসা করেন না। ইতিমধ্যে মেডিক্যাল কলেজের তদানীন্তন প্রিন্সিপ্যাল লিউকিস সাহেবকে ডেকে দেবীকে দেখানো হ'ল। তাঁর অসুস্থবোধে সগুর্গ এসে তার চোখ পরীক্ষা করলেন। দুই মহারথী মিলে দেবীর চিকিৎসা শুরু ক'রে দিল—টাকা উডতে লাগল ঝাঁকে ঝাঁক।

ওষুধের গুণেই হোক বা নতুন আবহাওয়ার গুণেই হোক—দিন দশেকের মধ্যেই দেবীর স্বাস্থ্যের আশ্চর্য উন্নতি হতে লাগল। যে কগী পাশ ফিরতে পারত না, এক চক্ষু একেবারে দৃষ্টিহীন, অথ চক্ষুও প্রায় সেই রকম হয়ে পড়েছিল—সে উঠে হেঁটে বেড়াতে লাগল।

লিউকিস সাহেব বললেন, রক্তহীনতা রোগ—কেবল বিশ্রাম ও পথ্যের ওপর রোগীর স্বাস্থ্য নির্ভর করছে।

প্রায় মাস দুয়েক এখানে কাটিয়ে বেশ সুস্থ হয়ে আলিপুরের চিড়িয়াখানা, শিবপুরের বাগান, মন্দির প্রভৃতি দেখে খুশি হয়ে হাসিমুখে একদিন সন্ধ্যাবেলা তার কলকাতা থেকে হুগলীর দিকে রওনা হ'ল।

সে সময়ে সুকান্ত কলকাতায় ছিল না। এখানে তার থাকবার জায়গা

নেই, কাজেই বাধ্য হয়ে তাকে দেশে ফিরে যেতে হয়েছিল। দেবী ও শঙ্কর দুজনেই তাদের সঙ্গে আমাকে ও যাবার জন্যে পীড়াপীড়ি আরম্ভ করেছিল, কিন্তু এতদিন বাদে ঘরে ফিরে এসে আবার বেরিয়ে পড়া সে সময় সম্ভব হ'ল না। তাদের কথা দিলুম, আমি ও স্ককান্ত মাস খানেকের মধ্যেই ওখানে গিয়ে জুটব। পণ্ডিতজীও আমার প্রস্তাব অস্বীকার ক'রে বললেন, এ সময়ে বাড়ি ছেড়ে যাওয়া ঠিক হবে না।

তার পর একটু চুপ ক'বে থেকে আবার বললেন, আমি তোমাদের জন্যে বোম্বাইতে হোক কিংবা সুরাটেই হোক—একটা কিছু ব্যবস্থা ক'রে চিঠি লিখলে তোমরা রওনা হ'য়ো।

দুই পক্ষই হাসিমুখে বিদায় নিলুম।

মাস দুয়েক কেটে গেল। প্রতিদিনই পণ্ডিতজীর কাছ থেকে চিঠি ও ভাল খবর পাবার আশায় ব'সে থাকি, কিন্তু নিত্যই নিরাশ হই। আমি যে এখানে থাকব না এবং শীগগির বোম্বাইয়ে চাকরি নিয়ে চ'লে যাব—এ কথা অন্তরঙ্গদের কাছে গোপনে প্রকাশও ক'রে ফেলেছি। কোনো কোনো বন্ধুকে প্রতিশ্রুতিও দিয়ে ফেলেছি যে, বোম্বাই শহরে গিয়ে বসবার পর তাদেরও একটা যা হোক কিছু জুটিয়ে দেব। স্ককান্তর সঙ্গেও দস্তরমতন চিঠি-চালাচালি হচ্ছে গোপনে। ঠিক হয়ে আছে, পণ্ডিতজীর চিঠি পেলেই তাকে জানাব। স্ককান্ত কিছু টাকাকড়ির ব্যবস্থাও ক'রে রেখেছে। এই রকম উদেগ, আশা ও উৎকর্ষায় আমাদের দিন কাটছে, এমন সময় প্রায় মাস দুয়েক বাদে আমাদের বহুপ্রত্যাশিত পণ্ডিতজীর চিঠি এসে হাজির হ'ল।

বোম্বাইয়েব তাজমহল হোটেলের কাগজে লেখা চিঠি—

প্রিয় স্থবির ও স্ককান্ত,

কলকাতা থেকে এসেই তোমাদের চিঠি দেবার কথা ছিল, কিন্তু কার্যগতিকে তা সম্ভব হয় নি। আপিসের নানা গোলযোগের মধ্যে দিন কাটছিল—

ভেবেছিলুম, সে সব মিটে গেলে শান্তিতে ব'সে তোমাদের চিঠি লিখব—তা আর হয়ে ওঠে নি।

ওখান থেকে যখন আসি, তখন দেবীর স্বাস্থ্য সম্বন্ধে ভাক্তারেরা আমায় খুব সাবধান হতে ব'লে দিয়েছিলেন। কিন্তু শত সাবধানতা সত্ত্বেও মাসখানেকের মধ্যেই সে অসুস্থ হয়ে পড়ল। প্রায় মাস-দুই কঠিন রোগবশত ভোগ ক'রে সে চ'লে গিয়েছে।

আর আমার এ দেশে থাকবার প্রয়োজন নেই। এখানে আমার পূর্বপুরুষদের সঞ্চিত যে সব বিষয়সম্পত্তির মালিক আমি হয়েছিলুম, তা বিক্রি ক'রে শঙ্করকে নিয়ে আমি ফিরে চললুম ফ্রান্সে—ভবিষ্যৎ ঈশ্বরের হাতে।

কাল বেলা একটার সময় আমরা জাহাজে চড়ব। তোমরা দুজনে আমার সম্ভানদের রক্ষা করতে নিজেদের প্রাণ বিপন্ন করেছিলে—সে কথা কখনও ভুলব না। সেজন্তে যতদিন বাঁচব ততদিন কৃতজ্ঞতার সঙ্গে তোমাদের স্মরণ করব। ঈশ্বর তোমাদের মঙ্গল ককন।

সেই থেকে পণ্ডিতজী বা শঙ্করের দেখা পাওয়া তো দূরেব কথা, তাদের কোনও খোঁজই পাই নি। কিন্তু দেবী আমাকে ভোলে নি। মাঝে মাঝে স্মৃতির সরণী বেয়ে এসে সে আমাকে চমকে দিয়ে চ'লে যায়।

॥ তৃতীয় পর্ব সমাপ্ত ॥



